



ՄԵՏԵՎԵԴԱՐԵՆ

ԵՐԵՄԵՆ ԸՆԿԵՐՈՒԹՅԵՆ

Ե.

ՆԿԵՐԵԳԻՐ ՈՒՍՏԵՆ

009

Գ 34

ԱՐԵՎԱԿԻՐ

Ո Ւ Մ Ա Ն Ց

Ա Ր Ե

ԲԱԼԻԹՈՒՄՆ ՊԱՏՄՈՒԹՈՒՄՆ ՀԱՐԻ ԵՒ ՕԳՈՒՏ
ԻՐԱ-ՔԱՆՉԻՐ ՄԱՍԱՅՑ ԳՐԱԳԻՏՈՒԹԵԱՆ

Զ Ա Ր Ց Ո Ր Կ Խ Ե Ա Լ Ե

Հ Ա Մ Ա Ծ Ա Ֆ Ե Յ Ե Յ Ե Յ

Ի Մ Խ Տ Թ Ո Ւ Խ Տ Ե Կ Ե Ն

~~23.07.5~~



Ի Վ Ե Լ Ե Ա Ն

Ի Վ Ա Խ Ա Գ Ա Շ Ա Վ Ա Ա Ս Ա Ռ Ա Խ Ա Վ Ա Խ

1845

三

卷之三

Յ Ե Ա Ֆ Ե Տ Ե Կ Ե

ՏՈՒՆ իմն եւ պահեստ խելամութեանց, եւ
կրթութեան եւ կարգաց վարժոց են դպրոցք,
յորս ազգի ազգի ուսմունք եւ դիտութիւնք այն-
պէս խնամով եւ օրինօք աւանդին։ Դպրութիւն,
ճարտարախօսութիւն, պատմութիւն, ուսողու-
թիւն եւ այլք եւս մինչեւ ցփիղխօփայութեան
զգօնութիւն, մինչեւ ցաստուածխօսութեան գի-
տութիւն, թէպէտ եւ պէսպէս օրինակաւ, սա-
կայն ի մօտուստ ազդեն ի քաղաքային կեանս
եւ ի բարզյս մարդկան։ Առքա են որ զատեանս,
որ զնուիրական բեմս, որ զհրապարակս եւ զնաւա-
հանդիստս, որ զընկերութիւնս, որ զանձինս իսկ
եւ զմիտս մեր ի կայի եւ ի հաստատութեան ունին։
Ուստի՝ ելանիցեն գատաւորք իրաւարարք, ուս-
տի ատենակալք եւ խօսելիք, ուստի պաշտօնեայք
սեղանոյ, ուստի՝ բարոյախօսք, ուստի՝ թանգարք
եւ ճարտարք ձեռագիտութեան, զգօնութիւն եւ
յառաջիմաց առաջնորդութիւն եւ համեստութիւն
եւ խաղաղութիւն, ոչ ապաքէն ի վարժից անտի
դպրոցաց մերոց։ Վապա չեն ինչ զարմանք եթէ
ազգք ազնուագոյնք մարդկութեան յամենայն
տոհմս եւ ի բնաւ դարս այնպէս խնամով ստէպ
մշակիցեն ոչ միայն զհեշտական մարմանդս զուար-
ճալից ուսմանց, այլ եւ զիսիստ եւ զփշալից անդս
խոժոռն գիտութեանց։ Ո՞իտք ոչ աշխատին այն-
պէս խնամով եւ հանապազորդ ի տօթ ուսման,
եթէ ոչ անտի զառատ հունձսն վայելեալ իցեն։

Եթէ այսչափ մեծ եւ կարեւոր են աւանդք
զոր նախնիք, հաւք եւ հարք մարդկութեանս,
արկին եղին ի պահեստ ի դիւանս դպրոցաց ի
մեր հանդերձեալ վայելս, ապա զոր մեծարանս,
քանիօն հոդ չիցէ արժան մեզ ունել զնոցանէ։

Աակոյն պարտ է խոստովան լինել թէ գտանին
ուրեք ուրեք մարդիկ, որ զայնպիսի բարւոյ զպա-
տուականութիւն եւ զարժանիս ոչ ճանաչեն։
Ա ասն որոյ եւ առ շատս դպրոցք ուսմանց եւ
գիտութեանց, այնպիսի եւ այնչափ երախտաւորք
մարդկան եւ աւանդապահք ամենայնի՝ որ ինչ
միանգամ մեծագին եւ արդոյ եղեւ յամենայն
կանխագոյն ազգս, ոչ այլ ինչ համարին, բայց
իրեւ վայր դատարկութեան յորս մարդն զառա-
ջին զիսակն եւ զապաժաման հասակ անցուցա-
նիցէ. եւ գիտութիւնք կարի իսկ ազնուագոյնք
եւ խորագոյնք այնպիսի մարդկան պատշաճ հա-
շուին, որոց չիցէ հոգ կամ պաշտօն ի հասարա-
կաց կեանս, այլ որ անգործութեան կամ մենու-
թեան կեանս կեցցեն։ Օճարտարախօսութիւն,
զպաշտպան եւ զջատագով կենաց, զզարդ ատե-
նակալ հրապարակաց եւ հոյակապ տաճարաց,
զյաղթօղն տիկին ոգւոց մարդկան, իրբեւ անօ-
գուտ ինչ եւ գործի լեզուանութեան եւ ընդու-
նայնապարծ պարծանաց անգոսնեն, եւ զփիղիսո-
փայութիւն, զիսորհրդանոց զգօնութեան, զհա-
ստատութիւն ճշմարտութեան եւ բարութեան,
զգայեակ մտաց եւ բարոյից, իրբեւ զմի յայն-
պիսի նկատութեան տեղեկութեանց համարին,
որ զցնորս եւեթ զբաղեցուցանիցէ, եւ զնորին
հաստարմատ օրէնս եւ զծչըրիտ վարդապետու-
թիւնս երազ եւ բանդադուշանս դնեն։ Այն այն
ուստի իցէ, բայց ի չգիտելոյ թէ յինչ կամ յոր
կատարած իւրաքանչիւր կարի իսկ չնչենագոյն
յուսմանց անտի սահմանեալ իցէ. որ հարկ, որ-
պիսի օգուտ, զինչ հեշտականութիւն ի միոջէ
միոցէ ի նոցունց ազգի մարդկան ծագիցեն. որ-
պէս կամ զիարդ ընդ ամենայն ընդ կանուխ եւ
ընդ մօտաւոր դարս ազգք մարդկան զնոսին վա-
րեալ եւ նոցին խնամարկեալ իցեն։ Զիք տգի-

տութիւն այնպէս եղուկ, որպէս զկէտ եւ զվախճան իրիք՝ զոր ի ձեռին ոք ունիցի, չգիտել:

Հազում դպրոցք եւ հրահանգք (gymnase) դտանին, եւ իցէ թէ եւս քան զեւս յաւելուցուն. միայն թէ ի դիտաւորութիւն անդր դպրոցաց հասանիցի, որ այն ինքն է, ի ձեռն յօրինման անդամոց յաճումն ողջոյն մարմնոյ ազգի նպաստ լինել: Արամեան ընկերութիւնս, որ զուշ իւր ի միջավայր կամ մանաւանդ ի գլուխ անդր գրադիտութեան, ի դպրոցս ասեմ եւ ի հրահանգս եւ ի տիեզերական դպրոցս (université) ձգեալ ունի, եւ գոգ ի նոցին պաշտպանութիւն եւ յօդնականութիւն զինուորեալ է, ոչ զայլմէ իմեքէ այնպէս պատշաճագոյն դատեցաւ զիւր երախայրիս՝ ակնկալութեան իւրոցն խնամածուց մատուցանել, որպէս զհամօրէն զամենայն ուսմանց զպատկեր իւրաքանչիւր նոցին բնաւորն երանդօք ի նկարու հանեալ մատուցանել: Ապա զմի մի իւրաքանչիւր ի գեղեցիկ ուսմանց եւ ի ճշգրիտ գիտութեանց ի հանդէս մատուցանելոց է մատեանս:

Աստ տեսանիցէ դպիր եւ ճարտարախօս եւ վիպասան, ուսող եւ փիւսկեան եւ իրաւագէտ եւ փիղիսոփոս եւ աստուածախօս, վաճառական եւ ճարաւար արուեստդիտութեան, եւ ամենեւին ամենայն կարգաց ուսման գրագէտ զճշգագոյն որոշումն եւ զբաժանումն, զպատմութիւն, զհարկ, զօգուտ եւ զհեշտականութիւն այնր ուսման՝ զորմէ խանդակաթն կաթոգի իցէ: Արդարեւ յորժամ զբնութիւն եւ զառանձինն ինչ եւ զբաժանմունս իւրաքանչիւր բարունակաց ուսման տեսանիցէ, յորժամ զբաղմադիմի փոփոխմունս, զլայն եւ զանդորր պատմութիւն նոցին ընթեռնուցու, յորժամ զկարեւորն հարկ եւ զյանկուցիչ օգուտ եւ զսիրացուցիչ հեշտականութիւն նոցա նշմա-

ըիցէ, յայնժամ քաջ մարթասցի ի միտ առնուլ
խւրաքանչխւր ոք, թէ որպիսի բարձրական եւ
ազնուական դիտաւորութիւն նոցին իցէ, յայն-
ժամ յայսյանդիման նկատիցէ զաղղողութիւն եւ
զպիտանութիւն նոցա ի կեանս եւ ի բարս մար-
դոյ: Հայնժամ հաւանեսցի թէ ոչ լեզուանու-
թեան ինչ կամ սնապարծութեան գործի իցէ
ճարտարախօսութիւն, եւ ոչ փիղխօփայութիւն
զբօսուցիչ ցնորից, երազ եւ բանդագուշանք, այլ
մայր են իմաստութեան եւ զգաստութեան, եւ
սիւնք եւ նեցուկ ընկերութեան եւ քաղաքաժո-
ղով մարդկան: Արդարեւ իմանայցէ թէ այր ու-
սող, համարօղ կամ երկրաչափ, յորժամ յիւ-
րում խցկան նստեալ մերթ ի խորաձորս հաշուց
եւ համարոց, մերթ ի սարս եւ ի դժուարամա-
տոյց բարձունս մաթեմատիկեան խորհրդոց դե-
գերիցի, ոչ վասն այլոյ ինչ իրիք դեգերի, ե-
թէ ոչ զի զնաւագնացութիւն ուղղիցէ, եւ շե-
նողութեան եւ ճարտարապետութեան ձեռն մա-
տուցանիցէ, եւ արուեստդիտութեան դիւրութիւն
պատրաստիցէ: Կամ յորժամ այր իրաւագէտ եւ
փիղխօփոս զօրէնս եւ զհրամանս արդարութեան
եւ ճշմարտութեան քըքրիցէ եւ յայտնիցէ, ոչ
եթէ յանօգուտ ինչ աշխատիցի եւ զընդվայրա-
խոյլ քննութիւն յագեցուցանիցէ, այլ զի խա-
ղաղութեան եւ բարութեան եւ զգաստութեան
կենաց սկիցէ, եւ հորդիցէ ճանապարհ ի համօրէն
հասարակացն երջանկութիւն:

Ապա եւ պատուականութեան եւ արժա-
նեաց, եւ արդեանցն եւ զօրութեան եւ ամենեւին
խսկ ամենայն հանգամանաց ուսման մարթի ոք
խելամուտ լինել ի մատենէ աստի, եւ խելամու-
թեամբն սիրել, եւ սիրով գալ զնոքիմբք եւ
շահել, որ ուշն եւ դիտաւորութիւն ընկերու-
թեանն է:

Յետ զգրոյ եւ զլեզուաց ուսմանէ, իբրեւ
զմտից ի բուն խելամոռութիւնս ուսմանց, տեղեւ-
կութիւնս ինչ յառաջադոյն ընծայեցուցանելց,
յերկուս մասունս բովանդակեցուք զճառս համ-
օրէն ուսմանց: Յառաջնուեմն դիցուք առաջի
զգեղեցիկ ուսմունս ի դպրութենէ մինչեւ ցպատ-
մութիւն, հանդերձ ժամանակագրութեամբ եւ
երկրագրութեամբ, որ առանց մեկնելց են ի նմա-
նէ: Արկրորդ մասնն ունիցի յանդիման կացուցա-
նել զգիտութիւնս, զբնականսն եւ զնուիրականս,
յուսողութեան խելամոռութենէ մինչեւ ցաստուած-
խօսութեան ուսմունս, յորս յարեսցուք յետոյ
կարձառօտ ընծայութիւնս ինչ զերկոցունց ամո-
լոց կենաց եւ դիւրութեան մարդկան զվաճառա-
կանութենէ ասեմ եւ զճարտարութենէ արուեստ-
գիտութեան :

ՅԱՑՏԱՐԱՐՈՒԹԻՒՆ

Վասն զոր եւ պէտ ազգ կամ ժողովուրդ յուսմունս յառաջադէմ մատուցանելոյ , երկուց իրաց պէտք են : Նախ այն իսկ , զի որ զուսմամբք զայցեն , չան յանձն առնուցուն զոր ուսանն ինչ այլոց ուսուցանել , զի յաճախեացի ուսումնն : Երկրորդ անդամ , զի որ զլսաւորքն իցեն ազդին եւ կարօղք եւ զօրաւորք , փոյժ յանձն մունիցին պէսպէս սատարութիւն նմին մատուցանել . զի բազումք են , որ ընդ ուսումն կամին եւ միտս հանճարեղս ունին , բայց վասն կարուտութեան չեն ձեռնհաս : Ավա երկորեան այնպէս ընդ միմեանս կապեալ միմեանց գրկախառն են , զի թէ մին չիցէ , չէ մարդ ուսման ուրեք յառաջադէմ լինել . ապա թէ երկորին կողմանքն միաբանք եւ հաւանք եւ հաւասարք լինիցին , այնուհետեւ զարմանալի արդիւնք յառաջադիմութեանն կիմին :

Թէպէս եւ մեք եւ բազումք , որ ընդ ազգին օգուտ կամէին ցայժմ որշափ ի կարի մերում էր , աշխատ եղեաք մեծաւ փութով եւ հոգաբարձութեամբ տալ բազում մատեանս որ պիտոյն էին յուսումն պէսպէս եւ ազգիազդի ճարտարութեանց , զի նորօք թէրեւս հարկանիցեմք զիափարք ծարաւոյ մերազդեայ ժողովութեանս , զոր ունին առ իմաստութիւն , եւ օգտեցաւ ազգս . բայց քանզի շահ օգտիս այսորիկ յոյժ նուազադոյն քան որչափ ինչ ցանկայաքն էր , նմին իրի փութացաք ինելք հնարիւք օգնականութեան աղադս ուստեք դտանել , որ հանապազորդ տեւիցէ : Եւ է այսպիսի ինչ :

Միաբանութիւն իմն ընկերութեան կացուցանել , բազմաց առատամիտ արանց ձեռն տալով եւ առատութեամբ դլուխս ինչ բարական ժողովել , յորոց շահիցն ամի ամի ի մերոց մամլոց տացուք պէսպէս մատեանս ուսմանց գիտութեան , եւ զիմաստնոց եւ զհյակապ մատենազրաց գիրս ի մեծ յառաջադիմութիւն եւ ի կարեւոր օգուտ իմաստնոց ազգիս : Աստըստին մարթի նոցա , որ սիրիցենն զազգս , եւ զնորին յառաջ գալ ախորժիցեն , դիւրաւ ի միտ առնուլ , թէ որշափ կարեւոր եւ պիտանի լինելոց է ընկերութիւնս : Սովին հաստատուն իմն եւ մշտնինսաւոր օգնականութիւն պատրաստի , որով ստէպ ստէպ մատեանք բազումք եւ գեղեցիկք ելաննեն եւ սփախն ընդ հանուր , որ այժմ դուն ուրեք եւ անօսր լինին . սովին եւ դպրոցաց կարօտութիւն նուռ , եւ առնի գարման բազմացն աղքատութեան . սովին եւ արկանի հիմն ստոյդ յառաջադիմութեան : Որշափ ճարտարք եւ գիտունք ի մերում միջի լինէին , եւ որշափ բեւըք ձեռագիտաց յիւրեանց ճարտարութեան արուեստին ծաղկեալք եւ բարգաւաճեալք , թէրեւս նոցին իսկ Եւրոպացւոցն ցանկալի եւ զարմանալի երեւէին , եւ բնաւ զ՞օք բարգաւաճանս , քանիօն պարծանս ոչ հասանէր մեզ ունել նորօք : Խակ ուր թէողցուք զմեւս եւս զայն շահ , զի յիշատակ նոցա որ բարերարքն եղեն , ոչ մօտաւոր ժամանակաւ եւեթ սահմանիցի , այլ տեւիցէ բաւիցէ ի ժամանակս եւ ի դարս եւ յազգս որ յետոյն գալոց են . եւ ի ձեռն անմահն ընկերութեան եւ նոցա անուն յիշատակի անմահ եւ առանց եղծանելոյ անմոռացական մասյցէ , եւ սմին հաղորդ եւ բաժանորդ լինիցի ոչ միայն որ շատն ետ , այլ եւ որ որշափ ձեռնհասն էր նպատաւորեցաւ :

ՊԱՅՄԱՆՔ ԸՆԿԵՐՈՒԹԵԱՆ

Ա. Որ կամիցի մոտանել ի համար անդամոց ընկերութեան, տայցէ մի անդամը եւեթ ի մշտնջենաւորս 100 ֆղորին գերմանացւոց : Բայց առատամիտ կամաց տուողացն չիք չափ եւ սահման . որչափ եւ միտք ուրուք ախորժիցեն եւ եռանդն եւ գութ ընդ ազգին օգուտ, տացէ : Դարձեալ, որ կամիցի նուռզագոյն քան զ100 ֆղորինն տալ վասն բարերարութեան միայն, ընդունիմք եւ զայն շնորհակալութեամբ : Եւ որ զինչ ուրուք տուեալ իցէ, զայնը թուութ հաստատութեան ընկալցի իւրաքանչիւր ոք ի Միաբանութենէս ի մշտնջենաւոր պարծանս տուողին եւ ամենայն ազգատոհմին իւրոյ :

Բ. Մի մի իւրաքանչիւր յանդամոց ընկերութեան, որոյ 100 ֆղորին տուեալ իցէ, ունիցի իշխանութիւն առնուլ ի Միաբանութենէս մի օրինակ յամենայն գրոց ընկերութեան : Իսկ որը առատութեամբ երկապատիկ կամ երեքպատիկ եւ կամ աւելի եւս տուեալ իցեն, նորա ունիցին իշխանութիւն երկու կամ երիս կամ աւելի ըստ իւրաքանչիւր չափոյ արոցն առնուլ :

Գ. Մատեանք որ սորին ընկերութեան ծախուք դրոշմիցին, կարի թեթեւագնի վաճառեսցին, զի ամենեցուն մարթ իցէ ստանալ . բայց զի մի ոք համարձակեսցի ինքն սակաւ գնոց առնուլ, եւ այլոց ոք չիցեն տեղեակ, ծանրագնի վաճառել, իւրաքանչիւր գրոց գինք անդէն ի վերայ գրոցն յայտ առնին թէ քանոյ իցեն :

Դ. Որ ինչ ի վաճառելց անտի գրոցն ժողովիցի, զի աճեսցէ եւ բազմացի :

Ե. Ամի բարերարացն անուանք, եւ մուտք եւ ելք արոց նոցա ցուցցի ճշգրիտ հաշուով հանդերձ հաւատարմութեամբ եւ շնորհակալ մաօք :

Զ. Կիբը ընկերութեանս այսորիկ ուսումնականք եւ բանասիրականք լինիցին ի հայ լեզու : Յարժամ ուսումնականս եւ բանասիրականս ասիցեմք, իմանամք զիիդիսովիպյութենէ, զաշխարհագրութենէ, զմաթեմատիկեան ուսմանէ, զմենիքենական ուսմանէ եւ զազատ արուեստից եւ զբնական գիտութենէ եւ զբնական պատմութեանց եւ զդպրութեանց լեզուաց եւ զայլոց նոյնպիսեացն . ակնարկեմք եւ զօռնաց, զառոմայեցոց, զդալիացոց, զդերմանացոց, զլնդղացոց, զիտաղացոց եւ զպլոց ազգաց անուանեաց մատենագրացն եւ պուեաիկոսաց :

Ի Վկէննա ի Վանս Պաշտպան Սուրբ Աստուածածնի է գլւառ տեղի, ուր մարթիցին մոտանել ի թիւ անդամոց ընկերութեան, որը կամիցինն . նոյնպէս ի կոստանդինուպողիս, ի Զմիւռնիա, ի Թրիէստ, եւ այլ ուր ուրեք եւ գտանիցին ի մերմէ Միաբանութենէ : Իսկ որ յայլ քաղաքս գաանիցին, կարօղ են սոցա յայտ առնէլ թղթովք զիւրեանց միաս, գրել ի համար ընկերութեանն : Որ միանդամ տանն կամ յղեն առ նոսա զգինսն, առ անդամ մի առնուն ի նոցանէ ձեռնագիր հաստատութեան, մինչեւ ապա զբուն հաստատութեան նամակն ի Միաբանութենէս ընկալեալ, զառաջինն յետս դարձնուցցին :

ՆԵՐԵԳԻՒԹ

Ա Կ Ս Մ Ե Կ Ց

ՊԵՏՐԵՈՍՈՒԹՅՈՒՆ

Ա. Գ. Ի. Բ.

Թեղիս եւ չէ արժան զբոյ, որ սպասաւոր եւելթէ, զցգ եւ հաւասար ուսմանց ի գունդս նոցա շնորհէլ գահ. բայց քանզի արբանեկութիւն սորա մեծ եւ կարեւոր է ազգի մարդկան, զի տարր է եւ առաջին նիւթ ամենայն ուսման եւ խելամտութեան, թերեւս ապախտաւորութեան ինչ բիծ զանձամբ առնուաք, եթէ պաշտամանն եւ սկզբան եւ պիտանութեան սորա ամենեւին մոռացօնս աննէաք: Եթէ փիղխոփայութիւն չհամարի անարժան զգիր գործի եւ զօրաւիզն յայտնութեան եւ հաղորդութեան աներեւոյթ խորհրդոյ համարել, օրէն լիցի եւ մեզ մինչ չեւ յանդորր եւ ի մեծապայծառ գաւիթ ուսմանց միջամուխ լեալ, սակաւիկ ինչ առ սեամս անդ գեղերել, զի եւ երախտեաց զրոյ խելամուտ լիցուք, եւ ի միտ եւս առցուք զմեր կարօտութիւն առ այնպիսի դիւրին եւ մեծազին ճարտարութիւն:

Եթէ կամիցիմք զիտելթէ զինչ իցէ զիր, նախ փիղխոփայութիւն ուսուցանէ մեզ զնորին պատուականութիւն, յորժամ ասիցէ թէ զիր երկրորդ նշան է տեսլեանց (գաղափարաց) մաաց: Ապա եթէ ի ձեռն ճարտարախօսութեան սահմանել կամ նկարագրել կամիցիմք, այսպէս նկարէ զգիր բըրբեւփ պւետ.

Ե նմանէ եհաս մեզ սոյն այս արուեստ ճարտար,
կալ խօսել ընդ աշաց եւ նկարել ըզբարբառ.
ՆԿԱ. ՈՒՍՄ.

Եւ ի ձեռքն պէսպէս ծըրագիր ձեւոց ցանդ
Տալ խորհրդոց մըտաց մարմին ինչ եւ երանդ*:

Իսկ եթէ զբնութիւն եւ զպաշտօն գրոյ իմա-
նալ կամք իցեն, ոչ այլ ինչ է դիր՝ բայց նշան հըն-
չման: Բայց յորժամ գիր ասիցի, չէ պարտ լոկ զնշանու-
գիրս աղփարետաց իմանալ, այլ եւ խօսս ինչ կամ բո-
վանդակութիւն մտաց, որ ի ձեռն գրոյ մտաց եւ խոր-
հրդոց ուրուք առաջի արկանիցին:

ՊԱՏՐՈՒԹԻՒՆ. Վաղաքային ընկերութիւն, որ
անդադար եւ հանապազորդ իմն հաղորդութիւն է,
ի հարկէ պահանջնէ զգիր. զի խօսք, որով միտք առն
ընկերի իւրում հաղորդին, ի բացական ոք չկարեն ժա-
մանել, գարձեալ բանք ընդ բարբառելն սահին ան-
ցանեն եւ չէ մարթ թէ առ յապա եկելոցն հաղոր-
դեսցին. եւ չիք այլազգ ինչ գարման գտանել երկուց
թերակատարութեանցս այսոցիկ, բայց միայն գրով:

Գիր իսկզբան անդ թերակատար յոյժ եւ
բնական իմն նկար էր իւրաքանչիւր իրաց, որով զիրս
ինչ գլխաւորս լոկ նկարէին, վասն նոքօք զօրէնս եւ
զպատմութիւն ընդ ազօտ իմն յայտ առնելոյ, տ-
ռանց ցուցանելոյ օրինակ ինչ կամ ժամանակի, թիւ
կամ գէմս: Այսպիսի էր գիրն որ ի մէջ Մեքսիկացւոց
գտաւ: Եւ դոյ իսկ այնը աշխարհի բովանդակ պա-
տմութիւն, զոր գրեալ էր մի ոմն անդստին ի նո-
ցանց իմաստնոց, մինչ չեւ էր Ապանիացւոց զաշխարհն
նոցա ընդ ձեռամբ նուաձեալ. եւ իբրեւ ուսաւ ի
սոցանէ գիրս, մեկնութիւն առընթեր եղ իւրեանց
բարբառովի. զայն մատեան յետոյ ի Ապանիացւոց
եւ յԱնդղիացւոց բարբառս թարգմանեալ առաջին
նկարուքն հանդերձ գրոշմեցին:

* Զհատած տողիցս աստէն, որպէս եւ այլ ուրեք, ըստ օրի-
նակի գաղիական բնագրաց արարաք 6—6, որ ոչ ինչ
ուսար թուի ի նախնեացն սովորութենէ. Ծնորհալոյն
եւ այլոց, ըստ Ճշգրիտ քննութեան տեղեկացն:

Այս ծանրատաղուուկի իմն էին այսպիսի նկարք, զի վասն սակաւ ինչ բանս յանդիման կացուցանելոյ, հարկ էր տումաս մեծամեծս ծախել, եւ բազում ժամանակք պիտոյ էին եւ աշխատութիւն ոչ սակաւ. վասն այնորիկ ազգք հանձարեղք զայլ դիւրագոյն եւ կարձագոյն հնարս զմտաւ ածին: «Եւանաւորն եւ ծանօթագոյն քան զամենեսին Եգիպտացւոյն է, որ մեհենական քանդակ անուանի: Ուստի որ ի մէջ Մեքսիկացւոյն նկար եւեթ էր, առ Եգիպտացիս եւ նկար էր եւ դիր միանգամայն, որոյ եւ բազում ազգք էին: Եց զի զգլիսաւոր ինչ դէպս կամ զմասն ողջոյն իրիք նկարէին. ուստի իրեւ զլուսին նշանակել կամ էին, նկարէին մահիկ կամ զկէս շըջանակի. նոյն պէս երկու ձեռք որոց մին վահան ունէր եւ մեւոն աղեղն, նշանակէին զօրս ճակատեալս ի պատերազմ: Եւ գարձեալ էր զի զնշան կամ զգործի իրիք նշանակէին, ուստի աչք եւ գլուխ գաւաղանի՝ թագաւորի նշանակ էր, սուսեր՝ բռնաւորի: Եւ այլ երբեք, մանաւանդ յորժամ իրքն նկարելիք չունէին ինչ մարմնաւոր նշան կամ կերպարանս, այլով իւիք նմանագոյն իրօք, այլափսիսութեամբ կամ փոփոխմամբ նկարէին. ուստի նաւ հանդերձ նաւավարաւ զտիեւ զերաց առաջնորդութիւն ցուցանէր: Ի Սայիտացւոց քաղաքի ի գաւթի անդ մեհենին Աթենայ նկարեալ էր մանսուկ մատաղօրեայ, ծեր, բազէ, ձուկն եւ ծովական ձի, որ նշանակէ ասեն, թէ Դուք որ յաշխարհս մտանէք եւ որ ելանէքդ, գիտասջիք զի դիք դարշին եւ խորշին ի լըբութենէ:

Ռայց եւ այս օրինակ գրելոյ, որպէս տեսանի իսկ, չէր սակաւ գժուարին, եթէ վասն զիւրաքանչիւր իրիք նմանութիւն գտանելոյ, եւ եթէ վասն զայնչափ անթիւ նշանս իրաց եւ աեսլեանց ճանաշելոյ եւ ի մտի ունելոյ, մանաւանդ զի բազումք ազոտ նմանութեամբք սկսան սաեղծանել նշանս ան-

Հնարինս առ խմանալ : Ուստի եւ այս գժուաբութիւն ստիպեաց զմարդիկ մեւս եւս նոր հնարս զմտաւ ածել : Արդ իրեւ միտ եղին թէ խօսք թէպէտ եւ անհամար եւ անբաւ խտրութեամբք են, որպէս եւ տեսիլք մուց անբաւ են, բայց հնչումն յորոյ ձեռն խօսք յօդին, սակաւ յոյժ եւ ընդ սահմանաւ է, անդէն ի միտ առին, զի եթէ հնչումննկարիցի, մարթի այնուշետեւ զանբաւ խտրութիւնս խօսից ամփոփել եւ առնել աչաց տեսանելի : Ա ասն որոյ սկսան փոխանակ զիւրաքանչիւր բան ուրոյն նշանոք նկարելոյ, զհնչումնս նկարել, որով եւ ելին նշանագիրք աղփաբետաց, յորոց ըստ հնչմանց իւրաքանչիւր լեզուի, ե որ առաւել է, եւ է որ սակաւ թուով :

Աշանագրաց գիւտ այլ եւ այլ ազգաց համարի, որպէս Փիւնիկեցւոց, Սամարացւոց, Քաղցեացւոց . բայց բազմաց կարծիք հաւանութեան այն է, թէ առաջին գտիչ սոցա եղեւ թոյսոտ կամ թոստ անուանեալ այր եղիսպատացի, որ էր ատենակալ գպիր միոյի նախնեաց թագաւորաց Եղիպատացւոց : Բատ այսմ օրինակի յօրինեցան նշանագիրք եւ այլոց ազգաց արեւմտեան կողման Ասիայ, Քաղցեացւոց, Ասորւոց, Փիւնիկեցւոց, Երրայեցւոց շամրտականն, որոց բազում նմանութիւն է ընդ միմեանս : Խ սոցանեւ ապա եւ յԵւրոպա մուծաւ նոյն ազգ նշանագրաց որ աղփաբետք անուանեալ կոչին : Պեղասպացիք, որ են հին բնակիչը աշխարհին Յունաց, ի կաղմեայ փիւնիկեցւոյ ընկալան զփիւնիկական աղփաբետս, որ նման են հերբայեցւոցն : Յունականն նպաստ եղեւ յետոյի յօրինումն հռոմէականին, եւ ընդ ժամանակս ժամանակս պէսպէս ազգաց Եւրոպայ : Յժառի թէ եւ սեպակերպն (ευέιforme) անուանեալ նշանագիրք ազգինչ աղփաբետաց իցեն, որոց մեացորդք ցայժմ իսկ ի կոթողս եւ ի սիւնս նշմարին ի կողմանս Ասորեսանեայ, Ամրսից եւ Հայոց :

Տակիսոս ի տարեկանսն* զայս ինչ տեղեկութիւն տայ . “Առաջինք , ասէ , յԵղիպտացւոց ի ձեռն կերպարանաց անասնոց զիմացումն մտաց իւրեանց յանդիման կացուցանեին . այն յիշատակարանք կան-խութեան մարդկեղեն յիշատակաց ի վէմս գրոշմեալ նշմարին : Եզդիպտացիք գտիչ նշանագրաց զանձինս ընծայեցուցանեն . անդուստ ապա Փիւնիկեցիք , քան-զի հարուստք եւ հզօրք էին ի ծովու , ածին յաշ-խարհն Յունաց , եւ ստացան փառս որպէս թէ հնա-բագիւտ լեալ իցեն այնր՝ զոր ընկալեալ եւեթ էր նոյա : Քանզի համբաւի թէ կադմեայ նաւատորմիդ նաւուք Փիւնիկեցւոց նաւարկեալ , առ Յոյնս՝ որ տա-կաւին բիրտք էին , այնր արուեստի իշխան եղեւ : Ոմանք զկեկրոպայ աթենացւոյ կամ զՂինեայ թե-բացւոյ , եւ առ ժամանակօք Տրովացւոց զՊաղամե-դեայ զարդիացւոյ յիշատակեն զվեշտասան նշանա-գրաց կերպարանս գտեալ , յետոյ ապա , ասեն , ոյլք , եւ մանաւանդ Սիմոնիդէս , զմնացելոյն հան-դամանս գտին : Խոկ յիտաղիա Ետրուսկացիք ի Դա-մարատոսէ կորնթացւոյ , Աբորիդինեցիք յԵւան-դրեայ արկադացւոյ ուսան . կերպարանք նշանագրաց Ղատինացւոց նոյնք են , որ ինչ նախնեացն Յունաց էր : Այլ եւ մեր յառաջնումն սակաւք եղեն , յե-տոյ ապա յաւելան,,:

Աստ , առանց երկրմտութեան , գայցէ ի միտս ընթերցողաց զարմանալի գիւտ եւ գտիչ հայերէն գրոց , որոյ պատմութիւն ամենեցուն յայտ է . եւ չէ դիպօղ տեղւոյս պատմել : Վիայն զայս ինչ չէ պարտ առանց յիշատակելոյ թողուլ , զի թէպէտ եւ քան զնշանագիր այլոց զլսաւոր ազգաց Ասիայ անազան եղեւ գիւտ մերոյն , բայց քան զնոցայն կատարեալ է , այնու զի ոչ միայն ունի ուրոյն ուրոյն գիրս , որ

* Տակիս . Տարե . ԺԱ . ԳԼ . 14 :

զառատ հնչմունս հոյ լեզուի հնչեն, այլ եւ դուսորա եւ ձայնաւորք, որ դրացի ազգաց պակասեն, որպէս Արաբացւոց, Քաղցեացւոց, Ասորւոց ոյլովքն հանգերձ:

Գոյ եւ այլ իմ ազգ գիր, զոր ազգք բնակեալք յարեւելեան ծագս Ասիայ ի կիր արկանեն: Ասյա ազգ դրոց ոչ Մեքսիկացւոց նկարուց եւ ոչ քանդակաց Եգիպտացւոց նման են, այլ են վայրապար նշանք, որոց իւրաքանչիւր մէն մի բան կամ տեսիլ նշանակէ, վասն այսորիկ բազում յոյժ են թուով, զի ասի թէ ութուուն հաղարաւ չափ են: Ասյափ անթիւ եւ անհամար նշանք թէպէտ եւ դժուարին յոյժ առնեն Սինէացւոց եւ նոցին մերձաւորաց զգրագիտութիւն, մինչեւ սակաւուց լինել կատարեալ զրադէտ, որ մեծ իմաստութիւն համարի ի նոսա: Ավայն նոքիմք մենակերպ նշանօք, ազգք բազումք, որոց լեզուք օտար են ի միմեանց, իմանան, ընթեռնուն եւ գրեն. զի որովհետեւ բանից նշանք են եւ ոչ հնչմանց, հարկ է թէ ամենայն ազգք որ զնոյն նշանս ճանաչեն, իմասցին, զի բանք եւ տեսիլք ամենայն մարդկան նոյն են, որպէս ի մեզ նշանակըն թուոց, Դրոց զջօրութիւն բազում ազգք, որք ճանաչեն զնոյնին, իմանան: Խսկ ի գրեն գոն ազգք, որպէս արդ ճառաւեալքն, որք ոչ եթէ ըստ օրինակի Եւրոպացւոց եւ մեր ի ձախմէ յաջակողմն կոյս գրեն, այլ յաջմէ ի ձախ, որպէս յայտ է յոսմանեան գրոց, որ են Արաբացւոց նշանագիրք: Խսկ Սինէացիք ի վերուստ ի վայր գրեն, եւ այլք դարձեալ այլազդ: Բայց ի մէջ կանագացւոց, որ մի են ի վայրենի ազգաց ի հիւսիսային Ամերիկէ, ասի թէ տակաւին ի կիր արկանի գիր ըստ հին օրինակի նկարուցն Մեքսիկացւոց:

Բայց որ հարկ, զի՞նչ օգուտ զգիր պատուական եւ շահաւետ առնիցեն մեզ: Զիք երկբայցութիւն թէ զառաջինն օրէնսագիր կամ արդար ոք իշխան եղեւ,

որ զկարեւորութիւն գրոյ ի միտ էառ, որոյ ոչ համարեալ շատ՝ բանիւք պատմել իւրում ժողովրդեան զնորին օգուտն եւ զշահ, ցանկայր հաստատուն ինչ յիշատակաւ զիւր զբազմամեայ զընտիր եւ զփորձ խորհուրդ եւ զխրատ յետնոց եւս թողուլ: Աամ հայր ոք, որ զիւր վերջին կամսն եւ զհայրենի խնամոյն զխրատ կամէր կտակաւ իւրոց որդւոյն եւ թոռանց թողուլ: Ապա ուրեմն նուիրական պահեստ պարտ է զգիրն կոչել, զի զոր ինչ իրաւացի, զոր ինչ մեծարանաց, զոր ինչ գթոյ, զոր ինչ իմաստութեան եւ փորձոյ ունիցին մարդիկ, զամենայն՝ գրոյ պարտին: Եւ եթէ ի հասարակաց կեանս հայեցուք, տեսանեմք զի ուխտ եւ դաշն պայման, հաստատութիւն, պատուէր, հրաման, թուղթ, հրովարտակ, յիշատակարան, պատմութիւն, տեղեկութիւն, հաշիւ, համար եւ ամենայն ազդ հաղորդութեանց, որ ի մէջ մարդկան լինիցին, գրովք կատարին. այնպէս զի եթէ զգիր ոք բառնայցէ, հարկ է այնուհետեւ զզոդ մարդկեղէն ընկերութեան բառնալ:

Այս այնպէս ճշմարիտ է, զի չեղեւ եւ չիք իոկ ազդ որ ունիցի կարդս քաղաքայինս, եւ իցէ ընդ օրինօք ինչ եղելովք ի մարդկանէ եւ ընդ աւագութեամբ, թէպէտ եւ բարբարոս իցէ եւ վայրենի, եւ չունիցի ինչ դիր: Աան այնորիկ դաիչք աշխարհին Ամերիկեցւոց, որպէս վերապոյն ասացաք, ի մէջ Մեքսիկացւոց դաին դիր. զի Մեքսիկացիք քան զամենայն ազդս նորոյ աշխարհին ընտանեգոյնք եւ ընդ օրինօք եւ կարդօք էին ըստ օրինի քաղաքաց: Ապա որ ոչն դիտիցէ դիր, զնա արտաքոյ մարդկեղէն ընկերութեան համարել արժան է:

Մարթ է ասել թէ դիր քոյր է բարբառոյ, արդարեւ կրտսեր ժամանակաւ, բայց որպէս պիտանութեամբն նոյնպէս եւ զուարձութեամբ իւիք իրօք առաւել է քան զբարբառ: Յորժամ խօսք, արբա-

նեակը մտաց, այն ինչ ելեալ յարդելանէ, ցրուին
եւ անհետ լինին, եւ որ խօսին, մերկ մնայ ի խոր-
հրդոց անտի իւրոց, դիր անդէն վաղվաղակի կալա-
նաւորեալ զիսօս զառաջեաւ կացուցանէ, եւ զիոր-
հուրդո խօսողին անդրէն ընդ նորին իշխանութեամբ
արկանէ, եւ այսուիկ ոչ միայն շտայ թոյլ մոռա-
ցման զլիշատակն ջնջել, այլ եւ ժամանակ եւս շնորհէ-
մտաց անդրէն զնոցին իրաց խորհելոյ :

Փիղիսոփայութիւն ուսուցանէ մեզ, եւ ամե-
նայն ոք խոստովան լինիցի, թէ ոչ միայն վասն յայ-
տնի, այլ եւ վասն մեկին իմանալոյ ինչ, կամ թէ
զողջոյն ինչ ոչ միայն միահաղոյն, այլ եւ ըստ իւ-
րաքանչիւր մասանցն ուրոյն ուրոյն ճանաչելոյ, չէ
բաւական լոկ խորհել, այլ պիտոյ է անդրէն խոր-
հել, եւ ամենայն իրաց եւ զիտութեանց ճշմար-
տութիւնք յայսպէսն խորհելոյ ծնանին : « Խոյնպէս
ամենայն ոք զիտէ, թէ ուշ յիշատակին՝ որ դան-
ձարան է խորհրդոց մտաց, զանդրէն խորհելն պա-
հանջէ : Եւ արդարեւ իսկ առանց միւսանդամ ան-
դրէն խորհելոյ չէր հնար, ոչ միայն զտեսողական
այլ եւ ոչ զգործական առաջադրութեան իրիք
զճշմարտութիւն քննել, չէր հնար զերկուս առա-
ջադրութիւնս ընդ միմեանս համեմատել, կամ առ-
նել դտտաստան ինչ . չէր հնար զգիտութեան իրիք
զօրէնս սահմանել, կամ զնոր ինչ հնարս կամ բո-
վանդակած դտանել, եւ ոչ զմիոյ շըջման կամ
զմիոյ բանի ընդ միւսում իսլիք զմիաբանութիւն ճա-
նաչել : Այսնդամայն իսկ առել, զամենայն յայ-
տնութիւն, զբնաւ ճշմարտութիւն, զըոլոր ստու-
գութիւն ի ձեռն անդրէն խորհելոյ լինի ստանալ .
եւ անդրէն խորհել ոչ այլ ինչ է, բայց զոր միան-
դամ խորհեցաւն ոք, միւսանդամ կրկին զմտաւ ա-
ծել : Արդ եթէ հարցցուք, թէ զի՞նչ այն իցէ, որ
զանդրէն խորհելն ոչ միայն դիւրին, այլ եւ հնարին

առնիցէ, չիք այլ ինչ պատասխանի, բայց ասել թէ
գիր զլսովին է. ոչ վասն այնորիկ ինչ, զի գիր է
որ զանդրէնն խորհել ծնանի, այլ զի նա միայն է,
որ զխորհուրդս եւ զիրս խորհելիս մտաց մարդոյ յան-
դիման կացուցանէ, որով եւ միտք բաւական լինին
ըստ հաճոյից միւսանդամ ուշի ուշով խորհել եւ
քննել եւ ճանաչել, եւ միով բանիւ ասել, գիր
է նեցուկ, յոր յենուն միտք խորհրդականք: **Տե-**
անես յոր վայր եհաս պատուականութիւն գրոյ,
այնչափ, մինչեւ վասն ամենայն տեղեկութեանց եւ
գիտութեանց, գիւտից եւ հնարագիտութեանց՝ գրոյ
պարտիցիմք շնորհակալ լինել: **Եւ** այս է աւասիկ
կարեւորագոյն օդուտ գրոյ:

Բ. Լ Ե Զ Ա Ւ

Ը լւալւանթ պիտանի զլեզու մարթ է կոչել, զի
սովաւ կատարի կարեւորագոյն տուրեւառ արդեանց
հանձարոյ եւ իմացութեան, որում այնպէս կարօտ
եմք ի կեանս, որպէս մարմնաւոր օգնականութեամբ
մերոց մերձաւորաց: **Եթէ** արդար եւ իրաւացի է
զլեզու քոյր կոչել գրոյ, մի ժտեսցուք զերկոսին
ամուսն պիտոյից մարդկութեանս ի միմեանց զա-
տանել, եւ յետ զմիոջէն ճառելոյ, մի զանց առնի-
ցեմք զերկորդաւս, որ ի միասին նպաստ լինին ի
գիւրացուցանել զընդելական ընկերութիւն եւ զհա-
զորդութիւն խորհրդոց, զերկոսին գրոշմա մարդկե-
պէն ազգի:

Լ եզու ոչ այլ ինչ է, բայց բովանդակու-
թիւն սովորութեանց, որ սեպհական են ազգի իսկը
ի յայտ առնել զիւր խորհուրդս ի ձեռն ձայնի:
Լ եզու, բարբառ, խօսք, նոյն համարին ի սովորական
բանս, բայց գոյ խտիր:

Լեզունշանակէ զսեպհական յայտարարութիւն խորհրդոյ ազգի իրիք, իբրեւ առ հասարակ ամենայն մարդկան ընդելական եւ հաւասար զմնաւ ածեալ։ Ապա եթէ ոք ի մասնաւոր ինչ յայտարարութիւն այս նիշ ազգի, կամ յուրոյն դարձուածո, զոր նայն ի խօսել իւրում ի կիր արկանէ՝ հայիցի, այն կոչ առանձինն բարբառ (langage), որ առաւել անձուկ միտս ընծայեցուցանէ։

Յորժամ ազգ մի յօդեալ ի բազում ժողովրդոց, որոց իւրաքանչիւր ազատ եւ ինքնազլուխ պիրիցէ, որպէս էր երբեմն Յունաց ազգ, եւ յաւուր յայսմիկ Գերմանացւոցն, զմի եւ զնոյն լեզու խօսիցին, մարթէ թէ իւրաքանչիւր ժողովուրդ առանձինն ինչ սովորութիւն ստանայցէ ի հնչմունս եւ ի յանդմունս բանից։ Այս առանձինն սովորութիւնք, որ օրինաւոր են, այլակերպութիւնս ինն մուծանեն ի լեզու անդր, եւ իւրաքանչիւր այլակերպութիւն անուանեալ կոչի խօսք (dialecte), որպէս էր առ Յոյնս ատափիկականն եւ յոնիական եւ դորիական։ Ապա եթէ ազգ ինչ մի իցէ ի կողմանէ առաջնորդութեան, որպէս էր Հռոմայեցւոց ազգն եւ այժմ Գաղղիացւոց, չէ մարթթէ այլեւայլ խօսս օրինաւորս ստանայցէ։ Խոկ այլակերպութիւնն այն որ ի հնչմունս կամ ի յանդմունս կամ յորում իմլիք եւ է ի մէջ խառնաղանձ ժողովրդեան իւրաքանչիւր դաւառաց նշմարիցի, այն չէ օրինաւոր խօսք, այլ ռամկաց։

ԱԿՏԾԵՆ ԼԵԶՈՒՏԻ. Ոմանց կարծիք եղեն թէ առաջին մարդիկն, համը կամ առանց յօդաւոր բարբառոյ ծնեալք, ժամանակս ինչ իբրեւ զգազանս յայրո եւ ի մայրիս կեցին, մեկնեալք եւ զատացեալք, առանց հաղորդութեան ընդ միմեանս, եւ թէ՝ միայն վորանդի եւ խառնակ ձայնս ածէին, մինչեւ առաջի դազանաց միաբանեալ, առ շատապ տագնապի կարօտութեան եւ առ հարկի միմեանց օգնելոյ, առ

սակաւ սակաւ սկսան յօդել մեկնապէս հնչմունս, զորս միաբան հաւանութեամբ առին ի նշանակել զիւրեանց տեսիլս կամ զիրս իսկ, զորս նոքին յանդիման կացուցանեն, որով յօրինեցաւ լեզու։ Այս կարծիք են Դիոդորի սիկիզիացւոյ եւ Վետրուվեայ։ Բայց այս կարծիք հեթանոս մատենագրաց, զոր եւ ոմանք յարդեաց ոչ առողջ մտօք պնդեին ցուցանել, ոչ միայն հակառակ է աստուածեղէն յայտնութեան, այլ եւ ընդ այնչափ դժուարութեամբ կայ, մինչեւ որ ջատագովենն զայն ի հակառակախօսութիւն անկանին. եւ Ռուսոյ որ այնմ կարծեաց պաշտպանն է, հուսկ յետոյ յաղթեալ ի դժուարութեանցն, ասէ. “Խոկ իմ զահի հարեալ ի դժուարութեանցն սր յաճախեն, եւ հաւանեալ թէ զրեթէ յայտնի իսկ անհնարին է, լինել եւ հաստատել լեզուաց լոկ ի ձեռն մարդկեղէն հնարից, թողում որոց ձեռներէցն լինել կամիցին զայս դժուարին առեղծուած լուծանել, թէ որն արդեւք կարեւորագոյն իցէ, ընկերութիւն զօդեալ եւ կապեալ ի հաստումն լեզուաց, եթէ լեզուք վաղուց հնարեալք ի հաստատութիւն ընկերութեան,,,: ”

Եթէ ոք գիտիցէ ինչ լեզու, դիւրին է զմեւս եւս հնարել գտանել, ապա թէ չգիտիցէ, չէ մարթնմա խօսել ինչ լեզու, եթէ ոչ լուիցէ զուրուք խօսել։ Գործին խօսելոյ անօթ դատարկ եւ անօդուտ է, եթէ ոչ լսելիք լինիցին նմին նպաստ. զի ամենայն ոք գիտակ է թէ ի ծնէ խլութիւն է, որ յանդործութեան ունի զրերան ի ծննդենէ համերց. որք, եթէ չէր լուր կարեւոր ի խօսել, ապաքէն բնածին լեզուաւ, զոր ոմանք դնեն, խօսէին եւ յայտ առնեին։ Օք որ ինչ ճշմարտիւ բնածինն է մարդոյ, այն անշարժ եւ անփոփոխ է իբրեւ նորին էութիւն. որպէս իսկզբանէ, նոյնպէս եւ այսօր իսկ զաղանի ինչ միտումն ի սիրտ մարդոյ հաստատուն ինչ ցան-

կութիւն երանութեան արկանէ, որ յազդէ յազդ անցանէ գայ: «Ետ եւ բնաւոր բարբառ անասնոց ոչ ապաքէն ցանկ նոյն է. ի սկզբանէ միշտ առիւծք մոնշեն, ցուլք բառաշեն, շունք հաջեն, եւ այլք եւս: Ի՞այց ոչ զայն ինչ ասեմք թէ բարբառք անա սնոց խորհուրդս ինչ յայտնիցեն, եւ կամ թէ ից նոցա հանճար համեմատ մերումն, որպէս Պղուտարքոս, Մեքսասս Եմպիրիկոս, Պորփիրը եւ ոմանք յարդեաց ասէին: Եզու վասն երկուց տուեալ է մեզ, մի՛ առ յայտ առնել զներքին զգացմունս մեռոց ողւոց, եւ երկրորդ՝ զաեսիլս զորո զարտաքին իրաց ունիցիմք: Անասնոցն բարբառ թուի թէ չունիցի զայլ ինչ յանդիմանակաց (առարկայ), բայց զներքին զգացմունս, եւ վասն այնորիկ անփոփոխ է, որպէս եւ զգալ հանապազ նոյն եւ նոյնպիսի է: Կոյն գէպք եւ ի մեզ դիպին, յորժամ զներքին կարիս յայտ առնիցեմք, որ բնականն են մեզ. վասն այնորիկ եւ միջարկութիւնք յամենայն լեզուս նոյնպիսի եւ նոյնգունակ են: Ի՞այց միաք յայտարարք արտաքին իրաց՝ որ ոչ ի բնէ, այլ արտաքուստ աղդին մեզ, ոչ կարեն յամենեցունց նոյնպիսի ինչ հնչումն ծնուցանել, այլ հարկ է թէ կամայական ինչ կարգմամք որոշեացի ինչ հնչումն: Ա ասն այնորիկ եւ որք միանդամ ի դիպաց ինչ հեռի ի հաղորդութենէ իրեանց նմանեաց եւ ի մենութեան անտառաց սնան, չէր նոցա յօդաւոր ինչ հնչումն ածել ուսեալ, այլ միայն զբնական գոչիւնս անասնոցն ընդ որս սնեան էին, գոչէին: Երողոսոս պատմէ ինչ, թէ ոմն ի թագաւորաց Եղիպտացւոց ետ մանկունս երկուս ի միասին սնուցանել, այլ լուռ եւեթ. միայն այծ մի տուաւ նոցա դայեակ սնուցիչ եւ մի ոմն խնամածու կարգէր: Յետ երկուց ամաց կարկառեալ նոցա զձեռան առ այն որ խնամարկէրն նոցա, ասէին Բեկկոս բեկկոս. տեղեւ

կացեալ թագաւորին թէ բեկն Փռիւդացւոց լեզուաւ հաց նշանակէ, ի վերայ էած թէ Փռիւդացւոցն բարբառ իցէ բնածին, եւ թէ Փռիւդացիք քան զամենայն ազգս աշխարհի հնագոյն եւ երիցադղն իցեն : Ի՞այց յայտ է թէ բեկն ոչ այլ ինչ է, բայց նմանութիւն իմն բարբառոյ այծին, որ ըստ դիպաց իմն հացին Փռիւդացւոց նման ելանէր :

Ապա յայտ է թէ առանց լսելոյ ուստեք չիք բարբառ բնածին յայտարար արտաքին իրացն տեսւլեանց : Եւ ուստի ապա առաջին ամոլք մարդկութեանս ուսանեին յայտ առնել զնորհուրդս եւ նշանակել զիրս եթէ ոչ յայնմանէ՝ որ նոցա զգոյութիւնն ետ : Գիրք սուրբք ոչ միայն զտարապարտ կարծիս զմարդն վայրենի իսկզբանն գնելոյ սուտ առնեն, այլ եւ զգիւտ կամ մանաւանդ զնորհս բարբառոյն մեղմովի նելքս մուծանեն : Ամենարուեստ իմաստունն ասէ, «Խորհուրդ եւ լեզու եւ աչս եւ ականջու եւ սիրտս ետ իմանալ նոքօք . գիտութեամբ հանճարոյ լցոյց զնոսա»*: Աւասիկ ճշգիւ յայտ առնէ թէ զի՞նչ ինչ իմանալն պարտ իցէ : Ես մարդոյ յօժարութիւն իւրոց խորհրդոյն զայլս հազորդս առնելոյ . աւասիկ զայս Խորհուրդն ասել իմաստնոյն յայտ առնէ : Գոյ եւ կարողութիւն զայն յօժարութիւն ի գլուխ հանելոյ, եւ սոյն Լեզուաւն նշանակի : Են գարձեալ տեսանելիք, զիրս՝ որ շուրջ զնովաւն կայցեն եւ ընդ իշխանութեամբ նորա հնազանդեալ իցեն, բացուստ ի բաց ի հեռաստանէ նկատելոյ, զի զնոսին ապա յականէ յանուանէ նշանակեալ յայտ առնիցէ, եւ զայս Աչսն ասելով նշմարեցուցանէ : Ի՞այց գոն մարդկան եւ լսելիք առ ի միմեանց ունինդիր լինելոյ եւ զմիմեանս իմանալոյ,

* Աեր · ԳԼ · ԺԷ · 5 · 6 :

ապա թէ ոչ չէր հնար զեսորհուրդս յայտ առնել
եւ զաւանդութիւնս սովորութեանց՝ որ ի յանդի
ման կացուցանել զայնս պաշտին, հալորդել. եւ այ
զինչ իցէ եթէ ոչ Ականջքն զոր ասէ: Ի՞սկ ոչ ա
պաքէն պիտոյ էր մարդոյ եւ ճարտարութիւն ին
զբարբառս ընդ օրինօք իրիք միաբանութեան արկա
նելոյ, զի մի նոյն առաջին բանք ստէպ ստէպ կրկնի
ցին, եւ զի իւրաքանչիւր էոյ իւր սեպհական նշանք
շնորհիցին. ահաւասիկ այս իոկ է զոր ասէն, Աիրատ
իմանալ նորօք: Միանդամայն իսկ՝ պիտոյ էր այնպիսի
իմացումն խելամութեան, որով ոք զնկատութիւն
եւ զմտաւորն հայեցուած իրաց՝ զորս պարզեալ (ab-
stract) զմտաւ ածիցէ, զատանիցէ եւ ընտրիցէ, եւ
զնոցին հանգամանս ուրոյն եւ զատ ուսանիցի, որ
պէս զի համօրէն միահամուռն բովանդակութեան
ասացուածոյ իրիք այնպիսի իմն յայտարար կերպա-
րանս շնորհել ձեռնհաս լինիցի, որպէս միում միում
իւրաքանչիւր ի մասանց անտի ասացուածոյն, մեկնակ
եւ առանձինն լինել արժան է. եւ զգոյն զայդ ոքան-
չելի իմն յայտ առնէ, յորժամ ասիցէ Գիտութեամբ
հանճարոյ լցոյց: Այս վարդապետութիւն եւ ի բանից
անտի Ծննդոց առնի հաստատուն, որ ուսուցանէ մեզ
զհանգամանսն թէ Ագամ ինքն զլիսովին եղեւ առա-
ջին անուանադիր անասնոց, եւ յանդիման կացուցանէ
զնա մեզ իրեւ զբաղեալ զայնու զլիսաւոր հոգով,
առանձինն թելադրութեամբ եւ ընդ առաջնորդու-
թեամբ արարչին: “Եւ ստեղծ եւս տէր Աստուած
զամենայն գաղանս վայրի, եւ զամենայն թռչունս
երկնից. եւ ած զնոսատ առ Ագամ տեսանել զինչ
կոչեսցէ զնոսա. եւ ամենայն շնչոյ կենդանուոյ զինչ
եւ անուանեաց Ագամ, այն անուն է նորա: Եւ կո-
չեաց Ագամ անուանս ամենայն անասնոց, եւ ամե-
նայն թռչունոց երկնից, եւ ամենայն զաղանաց վայրի,,*:

* Օննդ. Բ. 19. 20.

Այսպիսի եւ այսպափ մեծարոյ եւ սերտ վկայութեամբ ճշմարիտ ծագման ընկերութեան եւ լեզուի, զիարդ տակաւին գտանիցին մարդիկ որ զԱստուծոյ զգործն զառանցանք իւրեանց մտացն ցնորից մեկնել իշխիցեն, եւ զիւրեանց խորհուրդո ժպրհիցին կացուցանել վոխանակ ընդ վարդապետութեանցն՝ զորս Հողին սուրբ իւրովի աւանդեաց մեզ։ Օչյս առաջին եւ զմի բարբառ, որ ետն նոյն եւ խառնակեաց յետոյ ի կատարած իւրոցն խորհրդոց։ Արդի պայմանն երկրի եւ ամենայն պատմութիւնք յայտնիք տան վկայութիւն զդիտաւորութենէն որ վաղ քաջ յետ ջրհեղեղին բաշխեաց բաժանեաց լեզուս այլակերպս ազգիազգիս։ Զիք ինչ որ այնպէս արժանի աստուածեղէն իմաստութեանն իցէ, որպէս վասն արագ արագ մարդաշատ զպէսպէս կողմանս երկրի կացուցանելոյ, անդէն իսկ յառաջնումն ի կիր արկանել զոյն միջնորդ, որ եւ այսօր իսկ պաշտի նմա առ ի հաստատել բեւեռել զբնակիչո կողմանց կողմանց եւ առնել խափան լքանելոյ իւրաքանչիւր զիւր ծնընդեանն եւ զբնակ տեղի։ Գան գաւառք որ այնպէս բարի եւ գեղեցիկ են, եւ գոն՝ որ այնչափ ողորմ եւ թշուառ են, զի գիւրաւ յօժարէին բնակիչքն թուշու զյոռին եւ զվատթարն եւ ի լաւագոյն յազնուագոյն անդք զնալ, եթէ սովորութիւն մի եւ նոյն լեզուի չեր բնակչացն իրեւ կոռւան իմն եւ խոչընդունի կալոյ մնալոյ անդէն, եւ եթէ անտեղեկութիւն այլոց այլախօս այլաբարբառ լեզուաց չեր հզօրագոյն իմն հնարք զայլ ինչ գաւառ որ բարին եւ յուոթի իցէ, նոցա գարշելի երեւեցուցանելոյ, յակամայ նուազութեանցն զորս ի համեմատելն տեսանեն։ Ապա ուրեմն սքանչելիքն պատմեալք ի Մովսիսէ խառնակելոյ լեզուաց, այսօր եւս չէն եւ մարդաշատ պահէ զերկիր, որպէս ի ժամանակի ցրուելոյ որդւոցն նոյի արար։

ԽՄՈՒՄՆ ԼԵԶՈՒԸՑ. Օ՞ր օրինակ հաղորդութիւն մարդոյ ընդ մարդոյ պահանջէ դիտել ինչ լեզու, նոյնպէս եւ հաղորդութիւն ազգի ընդ ազգի պարտ իմն առնէ իմանալ զմիմեանց բարբառս . եւ եթէ այն ընդ հանուր, սա մասնաւոր ինչ հարկէ : Արթէ է կարծել թէ 1400 ամօք յառաջ քան դհասարակացս տարի, ի ժամանակս Անսոնարիս արքայի, յորժամ Եղիպտացիք յԱսիա մինչեւ ցաշխարհն Հնդկաց, եւ յԵւրոպա մինչեւ ցԹրակիա ձգեալ տարածեցին զիւրեանց իշխանութիւն, սկիզբն արարին եւ ընդ այլոց ազգաց առնել ծանօթութիւն, զայլազգի բարբառս ուսանել եւ զիւրեանցն այլոց ուսուցանել : Ակայն ի ժամանակս Փասմետիկեայ արքայի, 600 ամօք յառաջ քան զՔրիստոս, ի մէջ Եղիպտացւոց ուսումն լեզուաց ի պայծառութեան էր, մանաւանդ յունականն, որ ընդ ժամանակս ընդ այնոսիկ ի ծաղկել էր : Այնպէս զի յայնմ ժամանակէ հետէ ճարտարք տեղեակք լեզուաց ի մէջ Եղիպտացւոց յուրոյն ցեղ եղեն . որք Թարգման անուանեալ կոչէին : Խոկ վասն Փիւնիկեցւոց, քանզի վաճառականք էին, ասի թէ զազգաց մօտաւորաց զանուանեաց, ընդ որոց հաղորդութիւն էր նուցա, զբարբառ ուսանէին, որպէս զԵղիպտացւոցն, զԱսորեսատանեաց եւ զՅունաց :


ԵՄԻՆՊԷՍ ԵՎ Ի ՀԻՆԱՆ ՀԱՅՈց ոչ սակաւ փոյթէր ուսման լեզուաց. ոչ միայն աշխարհակալք մեր զՀայոց բարբառ ի մէջ այլազգեաց սփռել փոյթ յանձին ունէին, որպէս զԱրամայ պատմի թէ ի տարածանել զիւր իշխանութիւն մինչեւ ցաշխարհն Պոնտացւոց, հրաման ետ բնակչաց երկրին ուսանել զիօսս եւ զլեզուս Հայոց, այլ եւ ինքեանք եւս զօտար բարբառս ուսանէին : Աննաւանդ զյունական եւ զասորական եւ զպարսկական լեզուս բազումք ի նախնեաց մերոց դիտէին, եւ առաւել զբագէտք եւ պաշտօնեայք տէրութեանն : Խոկ յաւուրս Թարգման-

շային յոյժ ի ծաղկի էր լեզուաց ուսումն, մինչեւ
առաքել բազմաց յԱթենս եւ յԱղեքսանդրիա վասն
լեզուաց ուսման:

Ի՞այց ի հին ժամանակս, որպէս եւ այժմ մա-
նաւանդ զայնց ազգաց զլեզու ուսանին, որ ուսմամբը
եւ կրթութեամբ անուանի իցեն: Ա ասն այնորիկ
բարբառ Յունաց, որք ի նախնեաց պատմութեան
քան զամենայն ազգս քաղաքային կարգօք պայծա-
ռագոյն համարին, ի հինսն ընդ հանուր տարածեալ
էր: Վանաւանդ յետ Աղեքսանդրի, յորժամ Ասորւոց՝
Սեղեւկիդեանք, եւ Եգիպտացւոց՝ Պտղոմեանք թա-
գաւորէին, գլխաւոր լեզու՝ յունականն էր. նոյնպէս
եւ ի պետութիւնս Ասիայ փոքրու: Խոկ վասն Հռո-
մայեցւոց յայտ է թէ առանձինն յունարէն ուսանէին,
մանաւանդ ի ժամանակս Երից արանց եւ Աւգոս-
տեայ գրեթէ ամենայն գրագէտ տեղեակ էր յոյն լե-
զուի. նա՝ որպէս առէ Կիկերոն ի գիրսն զընութենէ
գից, քանզի տակաւին հռոմէականն չէր յուսմունս
պայծառացեալ, ամենայն ճարտարք ուսումնագէտք
յոյն լեզուով վարէին:

Խոկ առանձին մարդիկ գրեթէ յամենայն ազգս
եղեն որ այլալեզու բարբառոց գիտակ էին: Միհր-
դատ, որ Եւպատորն յորջործեցաւ, կամ մեծն Մի-
հրդատ արքայ Պինտոսի, փեսայ Տիգրանայ թա-
գաւորի, ասի թէ իրեւ ի մոի եղ զայլ եւս ազգս
ընդ իւրեւ նուածել, ամս բազումն շրջեցաւ ընդ
ասիական աշխարհն եւ քսան եւ Երկու բարբառս
խօսէր: Եւ զթակմիստոկղեայ ճառի թէ այնպէս ճար-
տար պարսկերէն ուսաւ, զի իրեւ յանդիման Եղեւ
առաջի Արտաշիսի արքայի, քան զայդրէնածինսն ճար-
տարագոյն խօսեցաւ:

Ի՞այց ոչ եթէ ի հին ժամանակս միայն, այլ
եւ յանդ արգոյ եղեւ լեզուաց ուսումն եւ տակաւին
պայծառանայ: Եյլ զուարթագոյն աւուրք լեզուա-



գիտութեան եղեն ի վեշտասաներորդ դարու։ Յոյն
եւ հռոմէական բարբառք ոչ յառաջադոյն եւ ոչ յեւ-
տոյ երբէք յայնչափ պայծառութեան երեւեցան։
Այց եւ այնորիք ոչ շատանայր փոյթ յօժարու-
թիւն այնր ժամանակի, այլ յանկութեամբ զհետ
ամենայն կրթագոյն լեզուաց եւ ազգի ազգի տեղեւ-
կութեանց ձեպեալ ընթանայր։ Շատահմտութիւն
եւ լեզուք ընտրեալ զատուցանեն զուսմունս դարուն
այնորիկ, եւ յօրինումն այլալեզու բարբառոց ընդ
ամենայն Եւրոպա դարուն այնմիկ պարտական է։ Առք
արեւմտեամբ հիւսիսաբնակ աշխարհաց ոչ միայն
զգմուարագոյն եւ զբացական ազգաց արեւելից լեւ-
զուս ուսանեին, այլ եւ զարուեստ դպրութեան նոցա
ինքեանք յօրինեին։ Արաբացիք, Հերուսացիք, Հըն-
դիկք, Պարսիկք եւ այլ եւս ազգք ծագաց Ասիայ
ոչ սակաւ զարմանոք ուսան զօրէնս լեզուաց իւրեանց
ի ձեռն հմուտ Եւրոպացւոց, եւ զտեղեկութիւնս եւ
զաւանդութիւնս իւրեանց ի նոցին բերանս լսէին։
Փոյթ հմտութեան այնչափ պնդեաց զժիրս եւ
զհետաքնինս Եւրոպացւոց, մինչեւ ոչ միայն Շառ-
տահն՝ Հնդկաց, եւ Զենդաւեսան՝ Պարսից նուիրա-
կան մատեանք բազում աշխատութեամբ թար-
գմանեցան, այլ եւ որ ինչ հին, մատեան կամ
հրովարտակ կամ թուղթ կամ յիշատակարան ի
մէջ Հնդկաց, Պարսից եւ կարի իսկ բարբարոսիկ աղ-
դաց յանկեան ուրեք փոշուեալ եւ ժանդուեալ
դտաներ, քննեցան, խուզեցան, թարգմանեցան,
վասն տեղեկութիւնս հնութեան ի նոցունց քաղեւ-
լոյ։ Եղն քննասեր ողի ցայսօր ոչ դադարէ յորու-
նելոյ զնշխարս հնութեան ազգաց արեւելից եւ ա-
րեւմտից։

Օտար ինչ լեզու գիտել ոչ է ամենայն մար-
դոյ հարկ սպառսպուռ, նա մանաւանդ ի մէջ խո-
նարհագոյն եւ խառնաղանձ մարդկան զայս դիտու-

թիւն տարածանել, եթէ առանձին ինչ գիտաւորութիւն զայն առնել ոչ ստիպիցէ, չէ յօդուտ։ Եշթէ ի զատանել եւ ի սփռել զորդիս մարդկան ի վերայ երեսաց երկրի, որպէս հաճոյ թուեցաւ իմաստութեան յօրինչին մարդկութեան, այլակերպութիւն լեզուաց եղեւ գործի հայթայիթանաց ի ձեռին, ընդէր իցէ մեզ վայրապար զայնպիսի ամրագոյն միջնորմն բառնալ, որոյ պաշտօն այնպէս մեծ եւ կարեւոր է, լինել սահման եւ անջրապետ ի մէջ ազգի եւ ազգի, եւ այնպէս արդարութեամբ զիւրաքանչիւր ժողովուրդ յիւրում պատշաճի պահել։ Չիք ինչ այնպէս անիմաստագոյն որպէս զայն ինչ՝ որ սակաւուց եւեթ է, ամենեցուն հարկ առնել։ Վտաւոր ինչ հազորդութիւն, զոր արտաքին քաղաքային եւ բարոյական հանգամանք պահանջեն, դնէ հարկ ի վերայ այնոցիկ՝ որ զերկուց այսոցիկ, զքաղաքի եւ զբարոյից զեկ ի ձեռին ունիցին, զկարեւորս ի լեզուաց ուսանել, եւ այն ըստ համեմատութեան գործոցն իւրեանց, որ նոցա եւ զլեզուն՝ զոր ուսանելն հարկ է, եւ որչափ հարկն է, սահմանեցց են։ Ուսող, փիղեսովիս, իրաւագետ, աստուածախօս, վաճառական եւ գլխաւոր արուեստագետ, որ այլեւայլ ուղղութեամբք ի մարմին անդր ողջոյն ազգեն, են անդամք՝ որոց անհրաժեշտ իմն է հարկ այսր ուսման։

Կարի իսկ յայտնի է թէ տեղեակ եւ խելամուտ լինել օտար լեզուի մեծապէս օգտակար եւ շահաւետ է այնոցիկ՝ վասն որոց ասացաք թէ ուսանել անհրաժեշտ հարկ է։ Պատմութեան եւ գիտութեան լեզուի նոյն կէտ կատարածի առաջի կայ, թէպէտ եւ այլեւայլ նայեցած։ Պատմութիւն գանձարան է զգօնութեան (խոհեմութեան) եւ յառաջահայեցութեան, որ են ուղղիչ գործոց եւ արարոց, եւ վախճան նորա է ածել յայտ յստակ ինչ բարոյական, իսկ լեզու պահեստ իմն է հանձարոյ եւ ամենայն

ծննդոց խորհութեան, եւ կատարած նորա է բանալ զմիտու եւ զհնարիմացութիւն։ Օքը օրինակ բնութիւն ոչ ամենայն ուրեք նոյնպէս եւ նոյնչափ ծննդական է, այնպէս եւ հանձար ոչ առ ամենայն ազգս նոյնչափ եւ նովին օրինակաւ բերրի ցուցանի։ Ապա ոչ սակաւ օգուտ լիցի մարդկութեան որպէս զբնական արդեանց՝ նոյնպէս եւ զարգասեաց հանձարոյ զհետ շղթել։ Ամենայն ուրոյն ուրոյն ազգաց մտածութիւնք ի միասին ի մի ողջոյն նպաստ լինին, այն ինքն է ի յայտնութիւն բնութեան, զորով իւրեւ գունդ զառանցիւք շուրջ զայ զննութիւն մարդկեղեն, որ զամենայն իրօք ազգելեօք ձգեալ տարածանի։ Չեզեւ ազգ որոյ զննութեանցն օրէնք միայն բաւական լինէին զբնական ինչ գիտութիւն կամ ծառնօթութիւն սահմանել, եւ կամ յիւրում լիազոյն բացման զայն երեւեցուցանել։ Ապա ու կարիցէ այնպէս յանձնապաստան լինել յայն ծածուկ եւ յանյայտ նպաստակ, որ է յայտնումն բնութեան, զիւր հանձար ուղղել, եթէ ոչ առաջի իւր տեսանիցէ թէ ոչք ցայժմ ընդ որ ուղղութիւն յայն նպաստակ մերձեցան։ Ապա ամենայն գիտուն, ուսող կամ փիղիսով կոս կամ իրաւագէտ կամ բնախօս, եւ այլ եւս, ցորչափ կարօտ է մտածութեան եւ խորհելոյ, կարօտ է եւ զայլոց ազգաց, եթէ հինք իցեն եւ եթէ նորք, զնորհելոյն պայման գիտել, զոր միայն լեզու կարօղ է շնորհել։

Օհարկն եւ զօդուտ ուսանելոյ զօտար ինչ լեզու, ոչ սակաւ մեծարզի առնիցէ եւ զուարծութիւնն, որ խառն յայսմ ուսմանէ կիթի։ Խմանալ զօրինակ խորհելոյ այլակերպ յիւրմէ ընդելական սուվորական կարգէ, բայց յայլակերպութեան անդ զնոյն բնական միտութիւն, զնոյն մտաւոր ձգտումն նշմարել. դարձեալ տեսանել զպէսպէս հայեցուածս ի բնութիւն անդք եւ ի բարս, եւ ի պէսպիսութեան

անդ նկատել զմի եւեթ սկիզբն, որ զՃշմարիտն եւ զբարի, թէպէտ ուղիղ թէպէտ կողմնակի, միշտ յանդիման ունիցի, զայս ամենայն նկատել, ասեմ, յիւրաքանչիւր ազգաց ծնունդո հանձարոյ ոչ սակաւ զուարճացուցանիցէ զայր խորհրդական, որ իմաստասիրելն ախորժիցէ, քան զծանծաղամիտն՝ խնդրելն զցովութիւն եւ զնորութիւն ի լեզուն զորս ուսանի: Արդարեւ զուարճութիւն ի լեզուէ, որպէս եւէ, զտանել ամենեցուն է, բայց հարկ եւ օգուտ, որպէս ասացաք, ոչ ամենեցուն:

Յետուստ ուրեմն լուիցուք եւ Ռողենի, որ զուսմանէ լեզուաց խօսի զայս ձեւ օրինակի*. “Ուսումն լեզուաց մեզ իբրեւ մուտ իմն առ ամենայն գիտութիւնս լինիցի: Առվին գրեթէ առանց իրիք դժուարութեան ի գիտութիւն անբաւ եւ անչափ չքնաղ եւ գեղեցիկ իրաց ժամանեմք, որ մեծաջան վաստակոց պատճառք եղեն այնոցիկ՝ որ հնարագիւտն եղեն այնպիսեաց: Առվին ամենայն դարք եւ բնաւ դաւառք բանայցին եւ յայտնիցին առաջի մեր: Աս գրեթէ ժամանակակիցս իմն զմեզ ամենայն ժամանակաց եւ տիոց առնիցէ, համօրէն թագաւորութեանց քաղաքացիս յարդարիցէ, եւ առնիցէ զմեզ ձեռնհաս խօսելոյ այսօր իսկ ընդ ամենայն մարդկան, ընդ կարի իսկ գիտնոց որ երբեք առ նախնեօք եղեն, եւ թուի թէ վասն մեր կեցին եւ ի մեր աղադս վաստակեցին: Գտանիցեմք յանձինս նոցա այնչափ վարդապետս, ընդ որոց խորհել խորհուրդ յամենայն ժամանակի շնորհեալ իցէ մեզ, այնչափ մտերիմ բարեկամս, որոց յամենայն ժամենակի այցելութիւն մարթայցեմք, եւ որ կարօղ իցեն հանսապաղ առ մեզ յամել, ընդ որոց կենաց կցորդ լինել ցանկ օգտակար եւ հաճոյ իցէ մեզ, զմիտս մեր բիւրապատիկ

* Ռող. Օրինակ ուս. զգեղ. ուսմ. Ա. գիրք:

Հետաքնին տեղեկութեամբք մեծացուցանիցէ, եւ ուսուցանիցէ մեզ զհանգամանս առ հասարակ յառաքինութեանց եւ ի չարեաց ազգի մարդկան շահօգտի յանձինս մեր կորզել: Առանց լեզուաց օդնականութեան այս ամենայն հրամանք պատասխանւայ համրացեալ պապանձեալ կայցեն մեզ, այն ամենայն դանձք փակեսցին առաջի մեր. եւ առ ի չդոյէ փականացն՝ որում միայն մարթ է բանալ մեզ մուտ, ի մէջ այնչափ անբաւ մեծութեանց կացցուք մնասցուք աղքատք եւ տնանկը, եւ ի բնաւ գիտութեանց միջի եղեցուք տղետք եւ տիմարք:

ՍԵՊԱԾԱԿԱՆ ԼԵԶՈՒ

Եթէ իցէ լեզու ինչ յամենայն լեզուս, որ ամենեցուն իսկ անխտիր, եւ կարեւոր եւ օգտակար եւ զուարձալի իցէ, արդարեւ միայն իսկ սեպհական ազգային լեզու է: Հռոմայեցիք փութովն եւ հոգաբարձութեամբ, զոր զուսմանէ իւրեանց սեպհական լեզուի ունեին, ուսուցին մեզ թէ որչափ ինչ հոգ խնամոյ պարտ իցէ մեզ յանձին ունել վասն զմեզ ի մեր բարբառ կրթելոյ: Ի մէջ նոցա մանկութին անդսախին ի խանձարրոց եւ յորրոցաց ի յստակութեան հռոմէական լեզուին հրահանգէին: Այս փոյթ, յետ հոգաբարձութեան եւ խնամոյ բարոյից՝ առաջին եւ բուն իսկ համարէք: Առանձինն ի խնամամարցն իսկ եւ դայեկաց, ընտանեաց եւ բարեկրաց՝ յանձն էք: Ազդ առնեին եւ զգացուցանեին նոցասկել, որչափ ինչ մարթ էք, եւ զգուշանալ զի մի բան ինչ կամ հնչումն բժաւոր ելցէ ի բերանոյ նոցայն զգաստս առաջի մանկանց, երկուցեալ թէ դուցէ այն առաջին տիսքը ի միտս մանկուոյն՝ նոցայերկրորդ բնութիւն լինիցին, յորմէ զերծուցանել զնոսա առ յապայ անհնարին լինիցի:

Արդարեւ զառաջինն սկիզբըն առնեին ուսուցանել նոցա յունարէն . բայց ուսումն հոռոմարէնին վաղվաղակի զայնը զհետ գայր . եւ փութանակի երկոքին այն ուսմունք կից եւ հաւասար ընթանային : Երկուց լեզուաց եւս գոյին վարդապէտք նշանաւորք արուեստիւ գպրութեան կամ հռետորականաւն եւ կամ փիզիսոփայութեամբ . եւ եթէ լինէր երբեք զմին յերկոցունց լեզուաց անտի նախամեծար համարել , զգաւառին բարբառ , այս ինքն է զհռոմէականն , նախամեծար ընտրէին , որ միայն ի վարել զհասարակաց գործս ի կիր արկանէր : Արդարեւ չոռմայեցիք , մանաւանդ ի ժամանակս ընկերհաշտութեան համարէին անպատիւ առնել եւ անարզել զազդն եթէ ի վարել ընդ օտարականաց ի չոռմ կամ ի նահանգուն այլով լեզուաւ պաշտէին եւ ոչ հռոմէականաւն : Պղուտարքոս ի վարսն կատոնի համարակարի յայտ առնէ , թէ այրս այս ի ժողովը գենէն առ Աթենացիս հրեշտակագնաց լեալ , հռուսումնարէն միայն խօսել ընդ նոսա պատշաճ համարեցաւ , թէպէտ եւ քաջ բաւական էր յունարէն վճարել . եւ Կիկերոն կշտամբեալ յանդիմաննեցաւ թէ ընդէր ի մէջ Յունաց հրապարակաւ յունարէն խօսեցաւ : Բայց եւ Պաւլոս Եմիղիոս ի նոյն բարբառ խօսեցաւ ընդ Պերսեայ արքայի , որում յաղթեալն էր . զոր թերեւս շնորհեաց նորին որպիսութեան , եւ մանաւանդ առաւել վասն թշուառութեանն յորում զնա տեսանէր :

Ապա զո՞ր հռոգաբարձութիւն չիցէ պարտ մեզ ունել զսեպհական լեզուէ : Աարկն եւ օգուտ , որ յօտար լեզուէ ոմանց լինիցի , որպէս այժմ ցուցաք , նոյն ի սեպհական լեզուէ ամեննեցուն յաջողիցէ : Օք զոր ինչ ոմանք վասն սեպհական ազգին յայլս պարաին խնդրել , այս ինքն է զհանձար եւ զմնաց խելամտութիւն , զնոյն ամեննեքին յիւրեանցն որոնել

եւ ստանալ պարտին։ «Եա՛ վասն այնորիկ ոմանք սրոց ի մօտոյ անկն է, յայլ լեզուս գեղերին եւ յայտնեն եւ բանան, զի այլք յիւրեանց սեպհականին գեղերեսցին. ապա թէ ոչ զուր եւ վայրապար իցէ ամենայն ջան, ընդունայն իցեն դպրոցք, վայրապար վարդապետք, ընդ վայր եւ ուսումն : «Եա եւ ազգի իսկ անուն զսեպհական լեզու յառաջագոյն տայ իմանալ : Ապա հարկ եւ օդուտ է ամենեցուն իմանալ զսեպհական լեզու. իսկ զուարձութիւն այնչափ, որչափ յօտար լեզուաց մարթ էր ստանալ, զի թարգմանութիւնք իբրեւ առուիւ իջուցանիցեն զամենայն որ ինչ առ այլս իբրեւ յաղբեր մթերեալ ամբարեալ կայցեն : Այժէ այնպէս իցէ ասասցուք սակաւուք վասն հայ լեզուի :

Իշազում պատճառք հաւանութեան ցուցանիթէ հայ բարբառ ի մեջ ամենայն լեզուաց անդրանիկ իցէ : Ի՞այց եթէ այն չժուիցի ոմանց հաւանելի, ընդ այս չէ պարտ յերկուանալ թէ իցէ սա մի ի գլխաւոր լեզուաց որ յաշտարակաշինութենէ անտի ելին : Օմուի թէ ընդ ժամանակս ժամանակս եղեն արք անուանիք որ զհայ բարբառ պայծառացուցին, մանաւանդ ի ժամանակս Արտաշիսի երկրորդի, ուսումնակը թագաւորի, յորոյ աւուրս իցեն թերեւս եւ Գողթան անուանեալ երգիչք Հայոց : Ի՞այց քանզի առանձինն գիր չգոյր, կամ եթէ գոյր, քանզի չեր կարգեալ եւ ի կիր արկեալ, վասն այնորիկ չժարթէր լեզուին ի մեծ ինչ կատարումն եւ ի պայծառութիւն հասանել :

Արդ որ զհայոց գիր եգիտ, եղեւ մեծն Աւեսրոպ, որոյ յիշատակ անեղծութեան արժանի է, որով եւ պայծառացաւ եւ ի բարձրաբերձ բարձունա իւրոյ կատարման եհաս գրադէտ ճարտարութիւն Հայոց : Որ զառաջինն նորով ասաւածապարգեւ գրով մատենագրեցինն, եղեն մեծն Աւհակ եւ Աւես

րոսկ հանդերձ իւրեանց աշակերտօք, որ մեզ դժին հայկեան բարբառ դրովք աւանդեցին։ Այսա ցանեկալի աշխատութեանցն նշխարք մինչեւ ցաւուրս մեր հասին, որ թէպէտ եւ սակաւ իցեն, սակայն բաւական են ի պայծառացուցանել եւս քան զեւս զշայոց լեզուին ճարտարութիւն։

Վասն առաւել յայտ առնելոյ զհանգամանս հայ լեզուի, ի չորս պայմանս զայն զմտաւ ածցուք. Ա. զպայման լեզուի թարգմանչաց եւ նոցին աշակերտաց առաջնոց, զորս առաջին թարգմանիչս անուանեմք. Բ. զպայման լեզուի երկրորդ աշակերտաց նոցա, զորս երկրորդ թարգմանիչս կոչեմք. Գ. զպայման լեզուի յետ երկրորդ թարգմանչաց մինչեւ ցԳՖ. Դար. Դ. զպայման լեզուի զոր պարտ իցէ մեզ ունել յարդի ժամանակս։

Ա. Պայման լեզուի նարդմանչաց եւ նոցին աշակերտաց
*** ՀԱՅ ՀԱՅ ՀԱՅ :

Թարգմանիչս ասելով, որպէս յայտ է, առանձինն զմեծն Սահակ եւ զՄեսրոպ իմանամք, իբրեւ զառաջնորդս եւ զիշխանս լեզուին, որ զառաջինն ձեռն արկին ի թարգմանել զգիրս սուրբս եւ զայլոց հարց սրբոց մատեանս. իսկ առաջին աշակերտս անուանեալ կոչեմք զայնոսիկ յաշակերտաց անտի նոցա, որոց անդէն իսկ ի գտանել զբոյն ի չափ հասեալ էր, եւ գործակից եւ միջամուլս գտանէին ի թարգմանութիւնս ընդ իւրեանց վարդապետաց, յորոց եւ առաքեցանն իսկ զառաջինն երկու երկու յայլեւայլ կողմանս ի Յոյնս եւ յԱսորիս, ի թարգմանել զնոցին հարցն զիրս, զի երկուց ազգաց այսոցիկ լեզուաց քաջտեղեակք էին մերքն յայնմ ժամանակի։ Հաւանութեան է թէ սոքա բազումք էին թուով, բայց ի դրոց երկուց պատմադրաց, Կորեանն եւ Խորենացւոյ,

որոց առաջինն աշակերտակից էր եւ երկրորդն ժամանակակից, իբրեւ պարապեալք ի թարգմանութիւնս վեցեքին այսոքիկ յանուանէ յիշատակին, Եղնիկ Կողբացի, Յովհան Աւկեղեաց գաւառէ, Յովսէփ ի Պաղատական տաննէ կամ պազնեցի ըստ Խորենացւոյ, Կորիւն, Արձան, Ղեւոնդ*: Արդարեւ մարթէ կարծել թէ բաղում ինչ կարգեցին եւ թարգմանեցին սոքա, յորոց մեզ սակաւք հասին յեղծուածոյ ժամանակին ապրեալ, զորոց զգլխաւորսն աստ կարգեալ դիցուք:

Աստուածաշունչ զիբք, բաց ի զրոց Յայտնութեան եւ յերկրորդ թարգմանութենէ Աիրաքայ որ յետոյ փոխեցան ի Հայ, թարգմանեալ ի Աահակայ եւ ի Մեսրոպայ, գործակցութեամբ աշակերտաց իւրեանց, մանաւանդ Եղնիսյ:

Ծւերեայ Պամիկիւլեայ կեսարացւոյ Քրոնիկոն այս ինքն է Ժամանակական կանոնք, եւ Եկեղեցական պատմութիւն թարգմանեալ յաշակերտաց անտի թարգմանչաց առանձինն հրամանաւ Մեսրոպայ որպէս Խորենացի յայտ առնէ:

Աիւրդի Երուսաղեմայ հայրապետի Կոչումն ընծայութեան, թարգմանութիւն միոյ ի նոցունց աշակերտաց:

Աիւրդի Աղեքոանդրիայ հայրապետի Մեկնութիւն հինգ դպրութեանց եւ թագաւորութեանց, այլովքն հանդերձ, թարգմանութիւն նոցա:

Յակովայ Մծբնայ հայրապետի ճառք Զգօն անուանեալ, եւ Եփրեմայ ասորուոյ Մեկնութիւն հին եւ նոր կտակարանաց, թարգմանութիւն, որպէս երեւի, յասորի լեզուէ:

* Բազմաց եւս այլոց աշակերտաց անուանք տողին յայլոց պատմչաց մեք զայնոսիկ եւեթ յիշատակեցաք, որ ի ժամանակակից եւ ի հաւատարմագոյն պատմագրաց ընծայեցուցանին, զորոց Ճշմարտութենէ չիցէ մարթկասկած ի մաք դնել:

Եւաղրի Պանտացւոյ խրառք, նոցին թարգմանութիւն:

Յովհաննու Ասկեբերանի Մեկնութիւն Մատթէի աւետարանին, որոյ վերջին գլուխք հաստակուած միայն կան, նոյնպէս թղթոց ինչ Պաւղոսի, եւ մեկնութիւն Եսայեայ, եւ ճառք ինչ: Դարձեալ մեկնութիւն Յովհաննու աւետարանին, որոյ առաջին երկոտասան ճառք կան, այլ եւս մնացեալքն յետոյ թարգմանեցան:

Աեբերիանոսի ճառք ինչ թարգմանեալք ի նոցունց:

Իարսղի ճառք վասն Վեցօրեայ արարչութեան թարգմանեալք ի նոցունց:

Փաւստոսի Բուզանդացւոյ պատմութիւն Հայոց թարգմանութիւն նոցունց առաջին աշակերտաց, որպէս եւ այլք տեղեակը * հաստատեն:

Ագաթանգեղեայ պատմութիւն դարձի հայաստան աշխարհի ի ձեռն սրբոյն Գրիգորի հանդերձ վարդապետութեամբ նորին սրբոյ. թարգմանութիւն ի յոյն լեզուէ, ի նոցունց աշակերտաց թարգմանչաց. բայց ոմանց թուի թէ ի հայ լեզու գրեալ իցէ:

Եզնիկայ կողբացւոյ գիրք աղանդոց, յօրինեալ ի նմանէ:

Ա արք Ա. Մեսրոպայ, աշխատութիւն կորեան:

Այսոքիկ են նշանաւորք ի գործոց նոցա, որ ցմեր ժամանակս հասին, թող զայլ եւս ճառս կամ յառաջաբանութիւնս, կամ թուղթս որ ուրեք ուրեք ի Ճառընտիրս կամ յայլ մատեանս, մանաւանդ ի վարս Հարանց եւ ի գիրս կանոնաց խառն գտանին, զորս միայն յոճոյ եւ ի կերպարանաց բանիցն ընտրել մարթէ:

* Պատկեր պատմութեան գրագի. Հայ. Եր. 13: Յառաջ. Հայ. Բառ. Եր. 10:

Յայսմ ամենայնէ որ եղան երկուս ինչս մարթէ է ի միտ առնուլ, նախ թէ մեծ մասն դործոց սոցա թարգմանութիւնք են, որ յօդուտ մեծ եղեւ, զի ի սակաւ ժամանակի բազում մատեանք սփռեցան, եւ մեզ յետնոց նպաստամատոյց են յուսանել բար- ւոք զհայ բարբառ ի ձեռն համեմատութեան յու- նական օրինակաց, որով բազում իրաց կարեւորաց առնիմք տեղեակք, եւ զբազում վրիպածս եւ զայլ- այլութիւն յետնոց, որ ի ժամանակս ժամանակս ի լեզու այսր սպրդեալ իցեն, ուղղել ձեռնհաս լինիմք։ Այրիբորդ անդամն տեսանեմք զի ամենայն թարգմա- նութիւնք սոցա չեն զուսումնական իրաց, զի իշխո- փայութենէ կամ զուսողութենէ այլովքն հանդերձ, այլ մեծաւ մասամք ճառք եւ պատմութիւնք են։

Պարտ եւ պատշաճ է մեզ աստ սակաւուք զպայմանէ եւ զկերպարանաց ոճոյ սոցա եւ զօրինակէ թարգմանութեանն ատալ տեղեկութիւն։ Պայման ոճոյ սոցա, եթէ իբրեւ գեղեցիկ ուսումն նկատեա- ցուք, մարթ է ասել թէ կատարեալ է, ի պա- տմականս, ի վարդապետականս, ի վիպասանականս եւ յամենայն իսկ ազգս նիւթոց ճարտարախօսութեան քաջ զուգի ընդ այլոց վարեալ եւ յղկեալ լեզուաց հնոց, յունականին եւ հռոմեականին եւս։ Անոնք օրինաւոր դպրութեան անվրէպ նշմարին ի գիրս նո- ցա, բանք եւ բարբառք հոյակապք, ընտիրք, անեղծք եւ բուն հայկականք, ամենայն փոփոխմանք անուանց եւ խոնարհմունք բանից միակերպ։ վերադիրք (ածա- կանք) բնականք եւ ծշդիւ յայտարարք զօրութեան եւ մտաց գոյականաց, ոչ ի քմաց հնարեալք եւ յօդեալք։ նկարագիրք հզօրք, քաղցունք, յորդք եւ պերճք։ կարդ յստակ եւ գիւրիմաց։ ասացուածք գեղեցիկք, ոչ բոնազըսեալք եւ ոչ կարի ճարտարախտեալք։ զարդք վայելուչք, եւ ոչ սովեստականք։ եւ միան- դամայն իսկ ասել յամենայն դործս նոցա արուական

իմն ճարտարախօսութեան կերպարանք երեւին։ Օ արմանալի է տեսանել ի թարգմանութեան Ասկերերանի, Քրոնիկոնին Եւսեբեայ, Սեբերիանու եւ ի գիրս քաջին Եղնկայ, զայնչափ բարձրութիւն խօսից եւ սեպհական յայտարարութիւնս, ի թարգմանութիւնս Ազաթանդեղեայ, Բուզանդայ, մեկնութեան Ասկերանի ի Ցովշաննես, Բարսղի եւ ի գործս Կորեանն զանհնարին առատութիւն եւ զհոյակապ զարդարանս բանից, որ ոչ արկանեն ձանձրոյթ ի լաօղսն։ Ի՞այց բազում ուրեք ի սոսա, մանաւանդ յոմանս, Փիղիսուփայական ճշգութիւն անուանց, մեկին եւ որիշ յայտարարութիւնք սակաւ են. մարթ է ասել թէ այս միայն է թերակատարութիւն նշմարեալ յոճ ժամանակիս այսորիկ, որ յայլոց կուսաց քան զամենայն ժամանակաց ոճս նախամեծար եւ ազնուագոյն է, որպէս վկայեալ է յամենեցունց։ Արդարեւ այս թերակատարութիւն, որ ի չեինելոց յայնժամ տակաւին լեզուին ծաղկեալ յուսմունս գիտութեանց ծագէ, ի նիւթս գեղեցիկ ուսմանց չէ ինչ բիծ. բայց ի Փիղիսոփայականս եւ ի ճիշդ ուսումնականս ոչ բիծ միայն է, այլ եւ խոչընդուն մեծ, մինչեւ գրեթէ յայնպիսի ճշգրիտ խօսս զայն ի կիր արկանել չէր հնար առանց յառաջագոյն արուեստական բանս եւ գիտնական յայտարարութիւնս որոշելոյ։

Խակ զթարգմանութենէ սոցա գրեթէ զնոյն բան ասելի է, որ ինչ զպայմանէ ոճոյն ասացաւ. այս ինքն է զթարգմանութիւնս նոցա ի նիւթս գեղեցիկ ուսմանց ամենեւին ազնուական եւ ընտիր արժան է համարել, բանք յայնպիսի նիւթս սեպհականք, վայելուչք եւ յոյժ պատշաճականք, եւ ոչ ինչ խուտորումն յօրինաց եւ ի ճաշակէ հայ լեզուի կամ յունական դարձուածք. այլ ի Փիղիսոփայականս եւ յուսմունս գիտութեան ուրեք ուրեք ոչ այնչափ ճշգրիտ։ Օ Ճթարգմանութիւնս սոցա եթէ վասն

յատակութեան լեզուին եւ աղնուութեան եւ լիութեան ասացուածոց, եւ եթէ վասն հաւատարիմ միանդամայն եւ անեղծն եւ անապական թարգմանութեան, ըստ ամենեցուն վկայութեան մարդէ է օրինակս առաջի դնել ճարտար թարգմանութեան. բաց ի սակաւուց ոմանց որ բանաստեղծական աղատութեամբ մոռանան իմն զբնագիրսն, շատ համարեալ զմիաս օրինակագրացն ընծայեցուցանել, զոր եւ յայլոց աղբաց թարգմանիչս ուրեք ուրեք է տեսանել:

Բ. Պայման լէունի երիբորդ աշխերդաց :

Ի աղօւմ մատեանք գեղեցիկ ուսմանց թարգմանեալ էին եւ թարգմանէին ի հայ լեզու, եւ օրբատօրէ պայծառանայը գրագիտութիւն գեղեցիկ ուսմանց, մինչ Սահակայ եւ Մեսրոպայ տեսեալ զի ուսումնական եւ փիղեսոփայական ճարտարութիւնք պակասեն, կամեցան եւ այնմ դարման հնարել, եւ առեալ առաքեցին գունդ միի կրտսերագոյն աշակերտաց յԱթէնս, ի կոստանդնուպողիս, մանաւանդ յԱղեքսանդրիա, ուր յայնժամ ծաղկէին յոյժ ուսմունք, ուսանել աղդի ազգի ուսմունս փիղեսոփայութեան եւ ուսողութեան, այլովքն հանդերձ: Օսյս ի բանից անտի Խորենացւոյն ի միտ առնումք որ առաջին եւ գլխաւոր էր յայնց որ առաքեցանն :

Ի պատմութեան իւրաւմ խօսի նա զայս ձեւ օրինակի. «Քանդի անդէսք էին մերում արսւեստի, ի բազում մասանց թերացեալ գործն գտանէր, վասն որոյ առեալ մեծին Սահակայ եւ Մեսրոպայ զմեղ առաքեցին յԱղեքսանդրիա ի լեզու պահճալի, ի ստոյգ յօդանալ ճեմարանին վերաբանութեան,, *: Եւ յՈղբան ասէ. «Մինչ նոքա (Սահակ եւ Մեսրոպ) զմերն յուսացին դարձ, եւ պատուասիրել (առատանալ) իւ-

* Խոր. Գ. Գիբբ. ԿԸ. ԳԼ:

մով ամենիմաստ արուեստիւս եւ կատարելագոյն յարմարութեամբ . . . , :

Ի բանս յայսոսիկ երկուս ինչո պարտ է քննել, նախ թէ զի՞նչ այն արուեստ իցե, զորմէ ասէ թէ անգետք էին. Երկրորդ թէ որպիսի դործ էր, վասն որոյ ասէ, թէ ի բազում մասանց թերացեալ գտանէր:

Վ ասն առաջնոյ խնդրոյն ասասցուք. թուի թէ անդէտն ասելով ոչ զայն իմանայ թէ Սահակ եւ Մեսրովակ եւ այլ եւս աշակերտք նոցա Եղնիկն, Յովհան, Կորիւն եւ այլք եւս, յոյն կամ հայ լեզուի չէին գիտակ կամ թէ թարգմանութեան չէին տեղեակ, զի զմեծէն Սահակայ ասէ Փարպեցի, թէ վարժ էր ի յոյն լեզուի քան զայլն ամենեսին. Նոյնպէս զՄեսրոպայ ասէ Կորիւն. “Ի մանկութեան տիմն վարժեալ հելլենական դպրութեամբն,,,: Խսկ զաշակերտաց նոցա ինքն Խորենացի վկայէ թէ “Գնացին ի Բիւզանդիոն . . . եւ քաջ վարժեալ հելլէն դպրութեամբ, ձեռնարկեցին ի թարգմանել եւ ի գրել,,,: Խւ ի յաջորդ գլուխն ասէ զնոցունց. “Ապա եկեալ թարգմանիչքն մեր, զորոց անուանս յիշատակեցաք յառաջագոյն, գտին զմեծն Սահակ եւ զՄեսրովակ,,,: Արդ յայտ է թէ եւ յոյն լեզուի, եւ թարգմանութեան տեղեակ էին նոքա. ապա պատշաճ թուի ասել թէ արուեստ ասելով զգիտութիւնս իմանայցէ, եւ անգետան լինել նոցա էր այնպիսի ուսմանց, որ չէ ինչ անպատեհ, զի զարտաքնոցն ուսմանց շառնէին փոյթ, նա վնասակար իսկ հաշուեին բազումք ի նախնի հարց սրբոց : Ի չորրորդ դարու, որ յիրաւի ոսկեղէն դար եկեղեցական դրադիտութեան համարիցի, դպրոցք Աղեքսանդրիայ սկիզբն արարին զփիղեասփայութեամբ եւ զայլ եւս ուսմամբք արատաքնոցն առանձինն եւ հաւաստեաւ գալ, եւ զնոյնս մուծանել յեկեղեցա-

* Խոր. Գ. Գիրք. Կ. Գլ.:

կան գրադիտութիւն։ Ա ասն այնորիկ առաքեցին սուրբքն Սահմակ եւ Մեսրովզ զնոսա յԱղեքսանդրիս ուսանել զայնպիսի ուսմունս, եւ զայն ոչ զի ուղղեսցին ինչ յետոյ կամ կատարեսցեն զժարդմանութիւնս խըրեանց, այլ զի տեղեկացեալ թարդմանեսցեն գիրս ուսմանց, զի զոր օրինակ գեղեցիկ ուսմունք, նոյն պէս գիտութիւնք սփռեսցին ընդ ամենայն աշխարհն Հայոց։ Օ այս նախ բանք խորենացւոյ նշանաբեցուցանեն յորժամ ասիցէ թէ Առաքեցին զմեզ յԱղեքսանդրիս ի լեզու պանծալին, այս ինքն ի լեզու փիղիսոփայական, «Յօդանալ ձեմարանին վերաբանութեան», (առաջակա առաջակա առաջակա առաջակա)։ որ է ասել տեղեկանալ իմաստութեանց գպրոցին Աղեքսանդրացւոյ, այլովքն հանգերձ։ Երկրորդ անդամ՝ ի գործոց նոցայայտ է, զի գրեթէ ամենայն թարդմանութիւնք զորս սոքայն թարդմանեցին փիղիսոփայականք են եւ արտաքնոց, պղատոնի, Արխատուեղեայ եւ այլոց փիղիսոփայից, դրամարտիկոսաց, ուսողաց այլովքն հանգերձ։ Երրորդ անդամ՝ յայտ անսաի է, զի բազումք ի սոցանէ եղեն անուանի ի գիտութիւնս, որպէս ինքն խորենացի, Դաւիթ անյաղըմ, Գիւտ։ որ ի մէջ առաջնոցն ոչ ոք յիշատակի անուանի յարտաքին գիտութիւնս։

Խակ վասն երկրորդ խնդրոյ ասասցուք, թէ յորժամ ասիցէ «Ի բազում մասանց թերացեալ գործն զտաներ», չէ պարտ իմանալ զգործոց թարդմանութեան, որպէս թէ մատեանք թարդմանեալք յառաջնոցն թերակատար ինչ մնացեալ էին. զի ի թարդմանութիւնս առաջնոցն թերութիւն ինչ թարդմանութեան չդտանեմք. եւ այն եւս հաւասարի է թէ չէ ուրուք մտարերեալ ի թարդմանութիւնս նոցա փոփոխումն ինչ կամ ուղղութիւն առնել, որպէս յայտ է որոց ինսամովն քննիցեն։ Ամէլ պարտ է իմանալ զգործ գրադիտութեան Հայոց, որ արդարեւ առանց գիտութեան թերի յոյժ մնայր։

Առացուք համառօտիւք եւ դպայմանէ ոճոյ
երկրորդ թարգմանչացս։ Յոճ եւ յասացուածս լե-
զուի երկրորդ թարգմանչացս դհայ լեզու յայնպիսի
կերպարանս փոխեալ տեսանեմք, զորպիսի իսկղըա-
նէ ցայնժամ չունէր. զի զոր ինչ եւ առանձինն ու-
նէր հայական բարբառ, այն ի յոյն անդր այլակեր-
պեցաւ, եւ իբր թէ ձուլեցաւ հայ լեզու ընդ յունին։
Ի բաղումն ի նոցանէ բանք կամ լու եւս ասել հըն-
չմունք միայն հայերէնք են, իսկ կազմութիւն կամ
յօդուած բանից եւ ասացուածոց յունարէն։ Առքա-
նախ զամենայն յունական բանս ի հայ փոխեցին, տա-
լով զկազմութիւն յունացն՝ հայ բանից։ Վասն օրի-
նակաւ յայտ առնելոյ դիցուք բանս ինչ յունականս
եւ զհայերէնն առբնթեր, թէ զիարդ առաջին թարգ-
մանիշքն ըրջէին ի հայ, եւ զիարդ յետոյ երկրորդքն
սկսան առնել։

ՀՊԻԾԴՐԱՄ, Ի բաց կալ. ըստ Բ. Թարգ. Բացակալ.

ԵԿԳԱԼՈՎ, ՅԱՅԱՆԵԼ, ե-

ՐԵՆԵՑՈՒԳԱՆԵԼ. " " " Բացայայտել.

ՃԱՏԻՑԴՐԱՄ, ԱռնեԼ, յար-

դարել. " " " Տրամադրել.

ՊԱՉԱՅԵՂԱ, ՕՐԻՆԱԿ. " " " Տարացոց.

ՊԱՉԱԿՈՂ, ԱՆՀՆԱՂԱՆ-

Դ. Առնել, ստունդա-

նութիւն. " " " Տարալսութիւն.

ԵՊԻԾԴՐԱՄ, ԳԻՒՏՈՒԹԻՒՆ,

ԽԵԼԱՄԱՆՈՒԹԻՒՆ. " " " Մակացութիւն.

ՏԱԿՈՋԻՆՈՎ, ՀԱՄԵԱՄԱՆԵԼ,

ԼՀԱՆԵԼ, ԸՆԴ միմեանս

ՀԱՐԿԱՆԵԼ. " " " Բաղդատել.

ՓԼՈՏԵԱՄԷՐԱ, ԱռատանաԼ. " " " Պատուասիրել.

ՓԻԼՈՆԻԿԵՈՎ, ՀԱԿԱԱ. ԿԵԼ.

յանդգնեալ վիճել. " " " Յաղթասիրել.

ՍՊԵՐՅԱԼԼՈՎ, Առաւելուլ,

անցանել զանցանել. " " " Գերազանցել.

ՍՊԵՐՅԱԼԼԻ, Առաւելութիւն,

ԱՆԳԵՐՈՒՈՎ, ԸՆԺԵռԱՆՈՒԼ. " " " Վերծանել.

ուր յայտնի իսկ տեսանիցէ, որ գիտակն իցէ յոյն լե-
զուի, թէ բանք երկրորդայն բազում անդամ յօ-

դուածոյք են եւ վարկապարագի իմն նմանութիւն յու-

նականաց . որպէս վերծանելն ոչ այլ ինչ է , բայց կազմած իմն յունական ձայնից առա իրբեւ վեր , եւ յւածքած ձանաչել , ուստի եւ վերծանել ասացեալ նմանեցուցանելով յոյն բանին ձեւագրածք , որ թէպէտ եւ ըստ կազմութեան վերծանել կամ վերստին ձանաչել է , բայց միաք բանին է ընթեռնուլ : Բայց այսմ օրինակի եւ կանոնի զամենայն յոյն բանս ի հայ ըսջէին , իսկ զբուն հայ բանս ի բաց թողուին :

Բաց ի սոցունց աստի գտանեմք ի գիրս երկրորդ թարգմանչացս ոչ սակաւ բանս փոխանակ այլոց բանից առաջնոցն հնարեալս , որք կամ առ առաջնովքն չգոյին , եւ կամ չէին ընդելականք , զի եւ ոչ ի միոյ ուրուք յառաջնոցն թարգմանութիւնս կամ ի գիրս այնպիսի ինչ գտանեմք : Ուստի փոխանակ ասելոյ վիպասան , բանաստեղծ կամ պւետ , հռետոր կամ ճարտարախօս , զրամարտիկոս կամ դպիր , բարբառ , բան , նշանադիր , սքանչելիք , այլովքն հանդերձ , երկրորդքս սկսան ասել , քերթող , ճարտասան , քերական , բառ , բայ , տառ , հրաշ :

Երկրորդ անդամ՝ ոչ շատ համարեցան զբանս միայն ըստ յոյն լեզուի յարմարել , այլ ձեռն արկին եւ զկարդ լեզուին փոխել ի յոյն անդք , այնչափ , մինչեւ զգպրութիւն թրակացւոյն թարգմանել ի հայ , որ ապաքէն անլուր իմն է , զի որչափ եւ նմանադոյն իցէ լեզու ինչ միւսում իմիք , չմարթի այնպէս միաբան լինել , զի ի փոփոխմունս անուանց , ի խոնարհմունս բանից , եւ կամ ի յարմարման ոչ գտցի ինչ այլակերպութիւն յերկոսին : Եւ արդարեւիսկ գոյ բազում ինչ ընտրութիւն ի մէջ հայոյ եւ յունի . բայց մերքն ի դպրութեան անդ թրակացւոյն զօրինակս եւ զժամանակս խոնարհման յունական բանից որ ի հայ լեզուի ոչ գոն , նորոգ ստեղծին . ուստի տեսանեմք զի կոփեմ բանի հնարէ թարգմանիչն ըղձական օրինակ , կոփեմ , կոփես , կո-

փէ, կոփոյեմք, կոփոյերք, կոփոյեն. կատարեալ, Եկոփոցիւր, Եկոփոցիւ, Եկոփոցեր, Եկոփոցիւք, Եկոփոցիւրք, Եկոփոցիւն, եւ զայլ սոցին նմանս: *Եղնպէս յաւելու ի հայ երկուորական թիւ. ոմանք եւ ի փոխանակս անուան (դերանուն) հնարեցին զատանել արուական եւ իգական. ուստի ասեն արուական՝ նա, նորա, իգական՝ նէ, ներա, այլովքն հանդերձ:

Այսպիսի փոփոխմամբք այնպիսի իմն կերպարանս առ հայն, մինչեւ չինել այլակերպ ի յունէ անտի, բայց որպէս ասացաք, միայն ի հնչմունս՝ մինչեւ զբազումն ի թարգմանութեանց նոցա չկարել ուրուք իմանալ, եթէ ոչ իցէ քաջ տեղեակ յոյն լեզուի, որպէս յայտ է որոց ընթեռնուցուն զԴաւիթ Անյաղիթ, զՓիլոն եւ զայլ եւս թարգմանութիւնս այնոք ժամանակի: Այն այս եղեւ պատճառ որով եմուտ յոյնութիւն կամ հելենաբանութիւն ի հայ լեզու. մինչեւ զարմանալ Եւրոպացւոց՝ որոց ուսեալ է զհայ լեզու, ընդ այնչափ նմանութիւն ոորա ընդ յունին: Խւզինէոս Բորէ գաղղիացի առէ. “Կարգ եւ կազմութիւն հայ ասացուածոյ՝ գնացից յունական առաջադրութեան կատարեալ նման է. եւ կարօղ է յունին ի դարձու եւ յանկանոնութիւնս իսկ նորա յաջող իմն հաւատարմութեամբ նմանող լինել, այնպէս զի հայ թարգմանութիւնք ճիշդ իմն կազապար են սկզբնական օրինակացն, եւ չիք այլ լեզու որ զայս առաւելութիւն բարձրագոյն աստիճանաւ ստացեալ ունիցի,, *: Արդարեւ լեզու մեր նման է յոյժ յունին, այնու զի, որպէս քաջ յայտ առնէ եւ նոյն այր օտարական, յայնմ ցեղէ լեզուաց է, զոր Հնդիկ - գերմանական կոչեն բանասէրք, յոր եւ յոյնն պատշաճի. բայց այն ճիշդ նմանողութիւն ընդ յունին, զոր ունի մինչեւ ցանկանոնութիւնս անդամ յունականին, ոչ

* Եւգ. Բորէ. Հմաօտ. պամ. կարգ. Միսիթ. Գլ. Ե:

է անդստին ի բնէ եւ ի բնութենէ հայ լեզուի, ոյլ յետոյ մուծեալ որպէս արդ ցուցաք:

Թռէպէտ եւ զայս յոյնութիւն ոչ ամենեքին ի կիր արկին, որպէս ի մօտոյ յայտ արասցուք, բայց յայնմ ժամանակէ հետէ բանք որ թարգմանութեամք ի յոյն լեզուէ մուծան ի հայ, զորս մարթ է յունական - հայականս կոչել, մասցին ի լեզուին *, եւ ի

* Զայսպիսի բանս եւ անուանս մարթ է յերիս կարգս բաժանել. կէսը այնպիսիք են, որ ամենեւին անհեղեղ թուին լսելեաց, եւ ոչ խակ այժմ ի կիր արկանին. որպէս մակեռանկիւն, արտածազկեցուցանել, ներադարձեալ, ներմիւսանդամ, ներսորդադրական, մակալինել, մակադյեղուտ, ապասոցել, ապուսումնել, մակատրամատութիւն, մակսասութիւն, այլովքն հանդերձ:

Երկրորդ կարգի անուանք այնպիսիք են, որ թէպէտ եւ նորոգ հնարեցան նմանութեամբ յունին, սակայն առ հինքն՝ որ յառաջադդյն ի կիր արկանէին, ոչ խափանեցան, ուստի եւ գտանեմք անխսիր ի կիր արկեալ, Եռոտաօւ, Արտակացութիւն, Զարմանք, հիացումն. Ենարտօւ, Կերհակ, Հակառակ, Ընդդիմակաց. Եցշորաչաւ, Կերակրթել, Կրթել. Տոնցաւ, Շարանադիր, Մատենադիր. Պարակոլութօս, Յարահե-

մեւող,

Սումգանիա, Հարաձայնութիւն, Միաբանութիւն.

Խակ երրորդ կարգի անուանք են, որ յետոյ մուծան ի սովորութիւն, բայց այնպէս զի հինքն որ յառաջադդյն ի կիր արկանէին, խափանեցան, եւ նոցին զօրութիւն եւ միոք մոռացան, որպէս, Այլոտաօւ, Ենարկայութիւն, Գոյյաւորութիւն. Այցօգափի, Ասորագրութիւն, Կերարագիր, Ճեռանադիր. Ենօցիա, Կերպործել, Աղդել, յաջողել. Առօւնէւ, Ապացոյց, Ընծայութիւն. Եպօնումօս, Մականուն, Ցորջորջանք, անուն յորջօրջանաց. Ենօտաօւ, Կերկայ, Առաջիկայ, մօտաւոր. Հնուտութիւն, Բաղկացուցանել Ցողել. Եջիս, Ունակութիւն, Ծմրանութիւն. Եռօչուոս, Վերադիտապ, Դէտ, ոստիկան, տէսուլ. Հնութեամոս, Հաղկապ, Յօդակապ, զօդ. Հնուչիս, Հարունակ, Միաշար, միայար. Այլովք բազմօք հանդերձ:

բազումն ի մատենագրաց աղդիս սպրդեալ են, եւ յուրամ շատ, եւ է յորում սակաւ:

Այս փոփոխումն զօր մուծին երկրորդ թարդմանիչք այնպէս յայտնի է, մինչ զի թուի թէ եւ Կղեմէս կալանոս զայն ակնարկիցէ յասելն թէ “Մովսէս քերթող, Դաւիթ փիլիսոփայ եւ Մամբրէ... փարթամացուցին... զլեզուն Հայոց, առնելով զնայոյժ գեղեցկաշար եւ առատաբուղն բարդեալ բառից ըստ նմանութեան Յունաց լեզուին”:

Ուերեւս հարցանիցէ ոք թէ զինչ պատճառք ի միջի կային, վասն որոյ եկին սոքա յառնել զայն փոփոխումն : Չիք ինչ յայտնի պատճառ . մարթ է կարծել թէ վասն այնը պատճառի, զորմէ վերագոյն ասացաք, եկին յայն : Այս ինքն է տեսեալ զի վասն չեւ եւս վարեալ լինելոյ լեզուին ի գիտութիւնս, հայ բանք կամ անուանիք ոչ տային զիմացումն յունին, այս ինքն մեկին եւ որիշ միտս առ ի նշանակել զայս ինչ կամ զայն ճշգրիտ, որ արդարեւ ի գիտութիւնս անհրաժեշտ կարեւոր է, խորհեցան առնել այնպէս՝ զի զինչ եւ ասիցի ի հայ, տայէ զմիտս յունին, եւ զայս ոչ այլազգ այնպէս բարւոք առնել համարեցան, որպէս զյոյն բանս ոչ ըստ մոտաց, այլ ըստ կազմութեան ի հայ այսր շրջելով, որպէս ի վերագոյն ցուցաք : Իսպյ վասն ճշգրտելոյ զմիտս բանից առ ի նշանակել զայս ինչ կամ զայն միտս, չեր հարկ յայնշափ փոփոխումն գալ եւ զայնպիսի այլայլութիւն ի բազմաժամանակեայ լեզուն մուծանել : Օք ճշգութիւն եւ որոշումն ստեալ ի կիր արկանելով զբան ինչ եւ սովորութեամբ լինի, եւ ոչ նորոգ բանս ստեղծանելով կամ յօդելով . որպէս եւ յայլ լեզուս տեսսանեմք, որ զբուն բանս իւրեանց առ սակաւ սակաւ ընդելացուցանեն ի ճիշդ եւ յորոշեալ միտս : Իսպյ զրեսցուք թէ հարկ ի վերայ կայր, գոնեայ ի բանս գիտութեանց ի կարեւոր գէպս միայն պարտ էր զայնս

սեպհականել եւ ոչ զբովանդակ լեզուն եղծանել եւ
ծերել:

Եթէ ասիցէ ոք թէ արդեւք ընդունելի լեալ
իցէ այն նոր սովորութիւն յայնմ ժամանակի, չէ
մարթ ասել ինչ ի լոյ *. բայց յարդեանց գործոց
տեսանեմք զի էին եւ անուանի մատենագիրը այնը
ժամանակի եւ յետոյ, որ ոչ ի կիր արկին զայն կարգ.
որպէս Մամբրէ, Եղիշէ, Յովհան Մանդակունի, Փար-
պեցի, Աբրահամ Մամիկոնեան: Դարձեալ բազում
թարգմանութիւնս գտանեմք, որք, որպէս Հաւանու-
թեան թուի, յայնմ ժամանակի թարգմանեցան,
որպէս Վարք Անտոնի, Յառաջաբան Դաւթի մեկ-
նութեան արարեալ Աթանասայ, Կեղսոի խրառք,
այլովքն հանդերձ, որ ի յոյնութենէ անտի այնր ժա-
մանակի ազատ են: « Խոյնպէս եւ ոչ ի մատենագիրս
երկոտասաներորդ գարին, որպիսի Ընորչալին է, եւ
Վկայասէրն եւ Սարդիս եւ Խոյնատիոս այլովքն հան-
գերձ, զորս քան զամենայն մատենագիրս յետ հին-
գերորդ գարուն ազնուագոյն մարթ է հաշուել, ե-
րեւին նոյնպիսի սովորութեան հետք, միայն ուրեք
ուրեք ի սոսա բանք ինչ իբրեւ ի սովորութենէ մնա-
ցեալ նշմարին, որպէս վերագոյն ասացաք:

Ուեպէտ եւ, որպէս տեսաք իսկ, յեղծումն եւ
ի խանգարումն լեզուին եղեւ այս սովորութիւն, զի
յայնմ հետէ կորեաւ այն առաջին վայելութիւն եւ
հոյակապ պարզութիւն եւ ընտրութիւն հին հայ լե-
զուի, բայց քանզի որ առաջնորդն եւ սկիզբն եղեն
այսպիսի փոփոխման, են արք անուանիք ճոխութեամբ,
որպիսի ոք Խորենացին էր եւ Դաւիթ անյաղթ, Գիւտ
եւ այլ եւս աշակերտակիցք նոցա, վասն այնորիկ վասն
պատուոյ այնպիսի արանց եւ միանգամայն զի մի յան-

* Թերեւս զայս ակնարկիցէ ասել Խորենացւոյն յՈղբսն,
թէ ծիծաղին զմեւք եւ արհամարհեն իբրեւ զանհաս-
տասնովք, եւ որ ոչինչ պիտանացու ունիցի արուեստ:

դուզն ինչ դատաստան դատիցիմք, շառեմք թէ ոճ
եւ ասացուած երկրորդ թարգմանչացն ամենեւին իսկ
եւ յամենայնի մերժելի իցէ, այլ արժան համարիմք
վասն զին բնակ պայման լեզուին անխառն յանուա-
նեալ յոյնութենէ անտի պահելոյ, երկուս ազգս կամ
կերպարանս ոճոյ զատանել. մի՛ Անխառն, յորում
արժան իցէ որչափ մարթ է նմանութեամք առա-
ջին թարգմանչացն յամենայն նիւթս, յուսմանս իսկ,
զին հայ բարբառ ի բանից եւ յասացուածոց որ ի
յունէ անտի ի հայ սպրդեցին, անխառն եւ յստակ
պահել, եւ միանգամայն բնակ եւ համեստ վայելու-
թեամք լեզուին. եւ երկրորդ խառն, յորում համար-
ձակ իցէ իւրաքանչիւր ումեք ի բանս կամ յասացուա-
ծըս զերկրորդ ոճոյ զիետ երժալ: Օ այս խառանս
եւ յայլ հին լեզուս տեսանեմք, որպէս ի հռոմայե-
ցւոց բարբառ:

**Դիցուք այժմ զանուանիս ի մատենագրաց ժա-
մանակիս այսորիկ:**

Մովսէս Խորենացի, գլխաւոր եւ անուանի ի
մէջ ամենայն աշակերտակցաց իւրոց, տեղեակ արտա-
քնոցն ուսմանց, վարժեալ եւ կրթեալ յԱղեքսան-
դրիա: Բազում են սորա գործք, Պիտոյից գիրք,
Երկրագրութիւն, Ճառք, Թուղթք, եւ գլուխ ամե-
նեցուն Պատմութիւն Հայոց, գործ հռչակաւոր ի բա-
զում լեզուս թարգմանեալ, որ այժմ ի մատենագրաց
իսկ Եւրոպացւոց հաւասար ընտիր մատենագրաց հնոց
մեծարի եւ գայ ի վկայութիւն:

Եղիշէ վարդապետ, որ էր դպիր սրբոյն Վար-
դանայ, զորոյ զնահատակութեան պատմութիւն գրեաց
գեղեցիկ ճարտարախօսութեամք: **Առա համարին եւ**
մեկնութիւնք եւ ճառք ինչ եւ խրատք:

Ամբըրէ կրտսեր եղբայր Խորենացւոյ, սորա են
ճառք ինչ :

Դիւտ, սորա թուղթք ինչ գոն:

Դաստիթ՝ յորջորջեալ Անյաղը,, քեռորդի խոսրենցւոյ, սորա են ճառք եւ թարգմանութիւնք, սահմանք եւ մեկնութիւնք փիղիսովայականք :

Յովչան Մանդակունի, սորա են ճառք ինչ վարդապետականք :

Են եւ թարգմանութիւնք, որպէս Փիլոնի, Պղաստոնի եւ այլոց փիղիսովայից եւ իմաստոց արտաքնոց, եւ գործոց ինչ ոմանց ի հարց սրբոց, որպէս Աթանասի, Կիւրզի, Կիւռացւոյն, Կաղիանզացւոյն, նոյնպէս վարք Աղեքսանդրի այսր ժամանակի թարգմանութիւն է, այլովքն հանդերձ :

Ինդ մատենագիրս ժամանակիս այսորիկ է եւ Դաղար Փարպեցի, որոյ է յօրինեալ պատմութիւն Հայոց :

Դատանին եւ այլ երկու մատենանք նշանաւորք, առաջին Զենոբայ ասորուոյ պատմութիւն գարծի գաւառին Տարօնայ. Համարի գրեալ յասորի բարբառ. ժամանակ թարգմանութեանն է արդարեւ յետ հինգերորդ գարու, սակայն չէ յայտ թէ յորում ժամանակի կամ յումէ իսկ թարգմանեալ իցէ: **Արկրորդն է Յաճախապատում գիլք երանելի հօր մերոյ Գրիգորի լուսաւորչի,** որ կարծի ի հայ բարբառ գրեալ յունական կամ ասորական նշանագրովք եւ ապա ի հայ շրջեալ. բայց քանզի ասի թէ յարքունական մատենագարանի Պարիս քաղաքի գտանի ձեռագիր օրինակ սորին մատենի յունարէն*, կարօտ է քննութեան թէ թերեւո ի յոյն լեզու գրեալ իցէ եւ յետոյ թարգմանեալ, մանաւանդ զի ոչ սակաւ նշանարանք յետոյն թարգմանելց այնր երեւին. բայց որպէս ասացաք, վասն սորին քննութիւն պիտոյ է:

* Զայս առև կարողոս Փրեգերիկոս Կայման ի գիրսն Հանդէս պատմութեան հայերէն գրագիտութեան, գրութեալ ի Վիֆուսա, 1836.

գ. Պայման լիուսէ յետ երկրորդ նարհանչաց կամ է հինգերրորդ դարէ զինվէ շդմ. եւ անոի շիմ. դար:

Ժամանակս այս, որ գրեթէ երկոտասան դարուց անջրապետութիւն ունի, բովանդակէ բաղում մատենագիրս, որ զայլեւայլ իրաց կարգեցին եւ թարգմանեցին: «Կախ համօրէն զոճոյ այսոր երկայնաձիգ ժամանակի ասասցուք, եւ ապա յանուանէ զկարի ծանօթագոյնսն եւ որոց դորձք յայտնի եւ ի ձեռին կայցեն մեր, նշանակեցուք:

Ոճ ժամանակիս այսորիկ չէ հաստատուն ինչ եւ մենակերպ, այլ գրեթէ իւրաքանչիւր գարու, մանաւանդ թէ անցնիւր մատենագրի է սեպհական իմն ոճ: **Օ**այս ինչ մարթ է ասել համօրէն, թէ ժամանակս այս, թէպէտ եւ ունիցի զբաղում անուանի մատենագիրս յանդիման կացուցանել մեզ, սակայն ի գեղեցկութեան, յընտրութեան եւ ի հոյակապ բարձրութեան հայ լեզուի, ոչ այնպէս գիւրաւ մարթի հաւասարել արժանեաց ոսկեղէն ժամանակի առաջնոց թարգմանչաց, եւ ոչ իսկ բազմաց յերկրորդ թարգմանչաց: **Մ**երթ նշմարեմք մատենագիրս ի խուռն եւ յաւելորդ զարդս անկեալ, բռնազրօսութիւնս բանից եւ ասայցածոց, եւ նկարագիրս ոչ բնական վայելչութեամբ լեզուին յայտ արարեալ, այլ ի խնդրեալ հնարագիտութենէ: **Մ**երթ եւս տեսանեմք արդարեւ ի համեստ իմն պարզութեան եւ ի յայտնութեան, բայց առանց ինչ համեմանաց վայելչութեան որ սեպհականն է ոսկեղէն գրչաց: **Ե**զի տեսանեմք յոմանս ընդ գիտնական ինչ խօսից եւ զմտացածին բանս եւ յայտարարութիւնս կցկցեալս, ասացածս գրեթէ անհնարինս առ իմանալ: **Ե**ւ է զի դարձեալ, որպէս յեւմնեւտասաներորդ գարու, նկատեմք ամենեւին եղծումն եւ խանդարումն բռվանդակ լեզուի, եւ գրեթէ խառնախօս իմն եւ այ-

լանդակ բանս եւ ասացուածս, որ զսպառապուռ բարձումն բարւոքն ճաշակի ի հայ լեզուէ այնը ժամանակի մարդկանն ցուցանեն:

Դիցուք այժմ եւ զավնուագոյնս ի մատենագրաց այսր ժամանակի:

Ի Զ. ԴԱՅՐՈՒ. Արրաջամ Մամիկոնեան. սորա զրեալ է զպատմութիւն տիեզերական ժողովոյն եփեսոսի:

ՅԵ. ԴԱՅՐՈՒ. Անանիա Շիրակացի, տեղեակ լեզուաց եւ հմուտ ուսողութեան եւ աստեղագիտութեան, որ եւ Համարօղն յորջորջեցաւ. սորա զրեալ է զաստեղագիտութենէ, զչափուց եւ դկչուց, զուսողութենէ, զչամարողութենէ առանձինն, են նորա եւ ճառք ինչ:

ՅԵ. ԴԱՅՐՈՒ. Յովհան Օձնեցի. սորա գոն պէսպէս ճառք:

ՅԹ. ԴԱՅՐՈՒ. Յովհաննէս Զ. կաթողիկոս. սորա է պատմութիւն Հայոց:

Խճովմա Արծրունի, այր տեղեակ հին պատմութեանց եւ բազում լեզուաց հմուտ. սա ի խնդրելոյ Գագկայ արքայի արծրունւոյ զրեաց ի հինդ դպրութիւնս պատմութիւն, յորում թէպէտ եւ զաղգահամար եւ զիրս Արծրունեաց պատմէ, սակայն եւ զայլ ինչ բազում տեղեկութիւնս պատմութեանց խառն յիշատակէ:

Ի Ֆ. ԴԱՅՐՈՒ. Խոսրով մեծ. սորա արարեալ է զմեկնութիւն ժամանակարգութեան:

Գրիգոր Նարեկացի, որդի Խոսրովու մեծի. սորա պէսպէս ճառք են, եւ գանձք եւ տաղք եւ մեկնութիւնք, որպէս Երգոց Երգոյն եւ Ով է գայի, եւ մեւս եւս անուանի մատեան աղօթից:

Ատելիանոս Ասողիկ. սորա է պատմութիւն Հայոց հանդերձ ժամանակադրութեամբ, վասն որոյ մեծարի յոյժ: Ամանք սորա համարին եւ մեկնութիւն

իմն Երեմիայ, զոր այլք այլոց հաշուին, բայց չէ յայտ թէ ում :

Խ ԱԺ. ԴԱՐՈՒ. Գրիգոր Մագիստրոս, այր ճարտար, տեղեակ փիղիստիայութեան եւ հին վիպասանութեան, վարժ ի յոյն եւ յարաբայի դպրութիւնս, սորա են թուղթը ինչ, եւ դպրութիւն մի կամ քերականութիւն հայ լեզուի վասն որդւոյ իւրոյ Աահարամայ : Են սորա եւ գիրք ինչ չափով, յորս գլխաւոր է համառօտ պատմութիւն հին եւ նոր կտակարանաց ի հազար ստիքս բովանդակեալ : Գրեթէ ոտեղեւ առաջին որ եմոյծ ի հայ յօրինել բանս չափով այնպէս, որպէս այժմ ի կիր արկանեմք, ուստի եւ մարթի համարել հայր այնը ազգի չափողութեան :

Արիստակէս Լաստիվերտցի սորա է պատմութիւն ինչ, որոյ գլխաւոր նիւթ է նկարագիր կործանման Անւոյ :

Գրիգոր Ակայասէր, որդի Գրիգորի Մագիստրոսի, այր անուանի եւ քաջ. սորա են բազում թարգմանութիւնք նահատակութեանց վկայից, եւ առանձինն վարք սրբոյն Յովհաննու Ռսկեբերանի, եւ այլ եւս երգք ինչ :

Յ Բ Ժ. ԴԱՐՈՒ. Կերսէս Ալայեցի, որ անուանեալ կոչի Ճնորհալի . այր բանաստեղծ եւ բանասէր, որոյ գոն բազում թուղթը եւ ճառք արձակ, եւ այլ եւս բազում ինչ չափով յօրինեալ : Աաջորինակի չափողութեան Արաբացւոց, որ Ղամիատն կոչի ի նոցանէ, զհետ գնաց, եւ զառ ի Մագիստրոսէ ի կիր արկեալ պայման կատարեալ գործեաց :

Ասորա գործք երեւելիք չափով՝ են Յիսուս որդի եւ ողբք Եղեսիայ :

Ոչ սակաւ նշանաւոր եղեն ի նմին ժամանակի Սարգիս վարդապետ եւ Խղնատիոս, որոց առաջնոյն կան մեկնութիւնք կաթողիկէ թղթոց՝ եւ երկրորդին Ղուկայ աւետարանին :

Եկեղեցս Լամբրոնացի նշանաւոր յոյժ եւ արդեամբը եւ զրովք: Ի դործոց սորա հռչակաւոր են ատենախօսութիւնն եւ ճառք ի համբարձումն Տեառն եւ ի դալուստ Հոգւոյն սրբոյ եւ պէսպէս մեկնութիւնք:

Միսիթար Գոշ թերեւս առաջին որ զբեաց առակն հայ լեզուով:

Յովշաննէս Սարկաւագ այր գիտուն, սորա յօրինեալ է պատմութիւն Հայոց, որոյ հատակոտորք միայն գտանին առ Սամուելի երիցու, գարձեալ պէս պէս ճառս եւ երգու:

Սամուել երեց, հրամանաւ Գրիգորի կաթողիկոսի պահլաւունոյ յօրինեաց կանոն ժամանակական իսկղբանէ աշխարհի մինչեւ ցիւր ժամանակս, որ եւ ի բարբառ հռոմայեցոց թարգմանեալ է հանդերձ Քրոնիկոնիւն Եւսեբեայ դրոշմելոյ ի Մեդիոլանոն քաղաքի:

ՅԴԻ. ԴԵՐՈՒ. Յովշաննէս Երզնկացի, սորա են ճառք եւ մեկնութիւնք. նորին եւ մեկնութիւն հինքերականութեան:

Յովշաննէս Վանական աշակերտ Միսիթարայ Գոշի, մի է ի մատենադրաց անուանեաց այսր դարու. ի մատենագրութիւնսն սորա են մեկնութիւն Յովլապյ, եւ բազում ճառք եւ մեկնութիւնք եւ թուղթք: Առան աշակերտ էր Վարդան մեծ վարժեալ իմաստութեամբ, եւ տեղեակ լեզուաց. որոյ է պատմութիւն իսկղբանէ աշխարհի մինչեւ ցթագաւորութիւն Հեթմայ առաջնոյ, գարձեալ մեկնութիւնք պէսպէս զրոց աստուածաշունչ մատենից, Սաղմոսի, Հինգ դպրութեանցն, Երգոց Երդոյն, Դանիելի, եւ այլ եւս ճառք եւ գովեստք եւ երդք:

Ի սմին դարու եկաց եւ Արիստակէս դրամարտիկոս, որոյ յօրինեալ է զարուեստ դրչութեանն, եւ բարբառարան փոքրիկ, որպէս կարծի:

Յետ այսորիկ սկսաւ տակաւ նուազել եւ անշխնել լեզուն ի յաջորդ դարս, մինչեւ յընդմիջել եւթնեւտամներորդ դարին երկրորդ անդամ կրեաց հարուած, եւ որպէս երբեմն ի յոյն անդր, նոյնպէս յայնժամ ի լատին անդր կերպարանափոխ եղեւ, մինչեւ ի սկիզբն ԸԺ. դարու ի ձեռն մեծին Մխիթարաց եւ նորին աշակերտաց միւսանդամ արծարծեցաւ:

Եթէ ոք զպայման լեզուի յարգի ժամանակիս կամիցի գիտել, առանց ինչ խղճելոյ մարթ է ասել թէ յառաջադիմութիւն յոյժ նշմարի օրըստօրէ յընտրութեան եւ ի բարեզքն ճաշակի, մանաւանդ յետ ի լոյս գալոյ ոչ սակաւ զրոց ժամանակին թարգմանչաց, որ յիրաւի անուանիցի ոսկեղէն ժամանակ հայ լեզուի: Զիք երկբայել թէ ի ձեռն այնպիսի օրինակաց եւ վարդապետաց, եւ նոցին զգուշաւոր եւ ընտրող նմանութեամբ մարթ է առաւել ի պայծառութիւն հանել զհայ բարբառ:

Դ. Պայման լեզուի ըստ պարու է մեղ ռուել յարդի ժամանակն:

Արդարեւ յիւրաքանչիւր ուրուք կամն է ապաստան զինչ եւ է պայման, զո՞ եւ պէտ մատենադիր ընտրել, զի երեքին պայմանք եւս, զոնէ այժմ, ունին ճոխութիւն: Իսայց եթէ առաւելութիւն միումն տալ արժան իցէ, յիրաւի արժան է զառաջին պայմանն եւ զառաջին ժամանակ, որ է ըստ մերոց բանից առաջին թարգմանչացն, քան զայլան առաւել եւ աղնուագոյն հաշուել, եւ զնոյն ընտրել օրինակ բարսոք ճաշակի ի հայ բարբառ:

Վասն այնորիկ պարտ է զվրիպական ինչ կամ զօտարուտի բանս եւ զասացուածս եւ զնշանակութիւնս բանից սպրդեալս ընդ ժամանակս ժամանակս ի բաց սրբել. եւ զայս ոչ այլազգ այնպէս գիւրաւ եւ ճշգիւ-

մարթ է առնել, որպէս դեղերելով ի համեմատել զբնափիր ընտիր թարգմանութիւնս մատենագրաց հինգերորդ դարուն, մանաւանդ առաջին թարգմանչացն, որով իբրեւ թէ թափ անցյանիցի ի միտս բանից եւ ասացուածոց: Ասկ ընթեռնուլ զմատենաղիրս սակաւ ինչ օգտէ ի կատարեալ ուսումն լեզուի, ուր լեզուն չիցէ կենդանի: Առ կատարեալ գիտութիւն լեզուի պահանջի, զի որ զրեն գիտիցէ զզօրութիւն, զընդարձակութիւն իւրաքանչիւր բանի, զընդ միմեանս Ծակցութիւն, զհամանունութիւն բանից, այնպէս զի աղատաբար կարօղ լինիցի ի պէտս պէտս ըստ պատշաճի, դիւրաւ եւ վայելըութեամբ վարել. զի երեք այսոքիկ՝ պատշաճութիւն, դիւրութիւն եւ վայելըութիւն, որ են զրոշմ բարովք ճաշակի, պահանջին յամենայն մարդոյ որ կամիցի մատենագրել որով եւ է լեզուաւ: Առանց այնը գիտութեան, զոր ասացաք, բազում ինչ սխալ եւ անպատեհութիւն սպրդի ի լեզու, եւ առ սակաւ սակաւ կորնչի ոգի եւ ճաշակ լեզուին. զի իւրաքանչիւր սկսանիցի զրել եւ վարել այնպէս, որպէս ինքեան հաճոյ թուիցի, եւ ոչ որշափ լեզուն տանել բաւական իցէ. քանզի ամենայն լեզուի է չափ եւ սահման, ըստ որ չէ իշխան որ եւ է մատենաղիր անցանել:

Առանձինն ինչ տեղեկութիւնս զիւրաքանչիւր բանից եւ ասացուածոց, թէ որ այն ընտիրն իցէ եւ որ սխալական, կամ զինչ նախամեծար եւ որ օտար այլովքն հանդերձ, զայն ի դպրութիւնս (քերականութիւն) եւ ի բարբառաբանս ծանուցուք:

ՄԵՍՆ ԵՌԵԳԻՆ

ԳԵՂԵՑԻ ԱԽՈՄՈՒՄՆԻՑ

Չի թե թե զե՞ն առաջնունն է ուսմունն (belles lettres), որ զդպրութիւն, զպատմութիւն, եւ մասնաւանդ զբանաստեղծութիւն եւ զճարտարախօսութիւն բովանդակենն, ափունս ծանծաղագոյնս խորաքնին գիտութեանց անուաննել։ Արդարեւ գեղեցիկ ուսմունք են, որ զոր օրինակ զազդ մարդկան անդրստին, նոյնպէս զիւրաքանչիւր ոք աստիճան յաստիճանէ ի խելամսութիւն գիտութեանց ածեն։ Օք ցնորք (երեւակայութիւն) եւ յիշատակ՝ զորս գեղեցիկ ուսմունք գրաւեն, իբրեւ անդաստակ իմն եւ գաւիթ կան ի մուտս անդ մատցն, ընդ որս եթէ չմտանիցէ ոք, զիւրդ ի ներքս անդր գիտութեան եւ խելամսութեան մտանել կարիցէ։ Արդ բանաստեղծութիւն զցնորսն կրթելով եւ պատմութիւն զյիշատակին, որոց օգնական հաւատարիմ կան ի մօտց դպրութիւն եւ ճարտարախօսութիւն, պատրաստագոյնս եւ մտավարժս յարդարեն զոդիս դհետ մտանել եւ հասանել գիտութեանն գաղտնեաց։ Ապա պարտ եւ պատշաճ իցէ մեզ, մինչ չեւ ի խորս գիտութեանց միւեալ, առ եղերբքն դեղերել, եւ յառաջ քան զիսուզել եւ զորոնել զյատակս խելամսութեան խորայոյզ մտաց, զարտաքին երեսս տեղեկութեանց ի զնին արկանել։

Արդարեւ ի նկարագրին եւ ի բնութեան գեղեցիկ ուսմանց ոչ տեսաննեմք զիսիստն անաշառութիւն գիտութեան ի հետազօտել, եւ ոչ զծերականն հանդարտութիւն եւ զգօնութիւն ի խորհել զճշմարտու-

թիւն, եւ զնա ոչ ի պատկերի եւ ի նմանութեան, այլ անձամբ եւ դպիւ իւրով երեւեցուցանել: Բայց ոչ ապաքէն ամենայն ուրեմ նշմարեմք ի նոսա մեղմական զուարթութիւն յրմբոնել, եւ ցածուն արագութիւն ի յանդիման կացուցանել ի գոյնս դպինս զընս զընս թիւն յիւրում պարզն եւ նմանագոյն հայեցուածի: Կարձեալ եւ ի պատմութեան համօրէն գրագիտութեան՝ պատահարք գեղեցիկ ուսմանց ոյլակերպ են ի պատահարաց անսի գիտութեանց: Գիտութիւնք յերկուս պայմանս միայն երեւին, ի շենութեան եւ ի լքման. ի մեծասքանչ պայծառութիւն ելաննեն ի ձեռս Յունաց, եւ ապա ժամանակս ինչ անկեալ զնին անխնամ, յետուստ ուրեմն օզնականութեամբ Արաբացւոց յարուցեալ, յարգեաց գամքան զգամ ի կատարումն անդր իւրեանց յառաջադէմ մատուցանին: Խոկ գեղեցիկ ուսմունք գրեթէ հանապաղորդ փոփոխեն զպայման. յամենայն ժամանակաց գլուխս, ի բնաւ ազգս յայլեւայլ երանգս յանդիման կացուցանին արդիւնք զուարթագին ուսմանց: Յառաջադէմ միոյ գարու ի կատարումն անդր ճշմարիտ ճաշակի եղծանին ի վեամիչ բռնութեանց այլոյ դարու, որ այլազդ իմն ճանապարհաւ յառաջադէմ մատչել փորձ փորձեն: Ճանապարհ՝ զոր մի ազգ զնայր յընթացս այսց արտեստից, զայն մեւս ազգ որ զնորին զշետ գայ, թողու լքանէ, եւ նոր իմն շաւիղ հորդել անձին կամի. եւ այսպէս չքնաղագոյն եւ վայելչագոյն առնի տեսիլ փոփոխմանց եւ պատահարաց գեղեցիկ ուսմանց, քան գիտութեանց: Կակատեսցուք այժմ ուշ ի կուրծս մատդեւք զընթացման զոր ընթացաւ փութով եւ ուսմամբ այնչափ բազմաժամանակեայ գարուց եւ խուռն ազգաց զուարճալիցն գրագիտութիւն: Բայց լուիցուք միանդամ թէ զինչ պանչելին Դրզիդ զգեղեցիկ ճարտարութեանց նուազիցէ:

Ո՞ւ գեղեցիկ արուեստք,

Ո՞ւր հաճոյ լինել ձեր չեն իրաւունք արդար .
 Ե՞ւ ձերում խնդութեան՝ խնդութիւն ինչ օտար :
 Ո՞ւ զիւր քաղցր վայրկեանս այր իմաստուն ձեզ տայ .
 Ի ձեր բազուկ ննջէ, վասն ձեր զարթնու նայ :
 Զի՞նչ, մանաւանդ մինչ ընաւք նիրհեն ըզնովաւ շուրջ
 Լոյս տայ իւրում հսկման չնչական լապտեր լուրջ :
 Դուք ըզվիշտ իւր սփոփէք, բարեշն կազմէք դուք .
 Դուք իսկ էք դանձ նորա, դուք նորա պատույն լուք :
 Աւր գեղեցիկն ամաց, յոյս ծերութեան անդամ,
 Դուք էք ընկեր դաշտաց, դուք ուղւղյն բարեկամ :
 Յառաքինութեան ծոց, հանդստեան եւ ուսման,
 Աքսոր իսկ ձեւք հանդերձ է սուրբ իմն ապաստան :
 Այսպէս հոռոմ հռեւտորն, ի Տօւսկուղեան անտառ,
 Զապահաւուորն Հռոմայ մոռանայր իմն ըզփառս :
 Իւր ոսոին արժանի նոյնի գունդունակ ի Փրենէս
 ԶԱԳՈՒԵՍԱՅԻՆ առնոյր հանդստեանն ըզհանդէս :
 Երկոցունց թըւէր հեշտ ազնիւն աքսորման վիշտ :
 Եղոնկ ոգւցոց խատաց, վայ ունայն անձանց միշտ,
 Որ զարուեստս անդուննն յաջող աւուրս իւրեանց,
 Գեղեցիկ արուեստք եւս ըզնոսսա նեղութեանց,
 Ի ժամանակ վշտի, թողուն վըտարանդի :
 Այլ ընդ իւրեանց մտերմաց յամեն զոյդ ի ըանդի :
 Ընդ նոռա գնան ի մարտ, եւ, սիրոյն փոխարէն,
 Զաքսոր նոցին սփոփէալ, երգեն ըզդարձն այսրէն :

ԴԵՎԻՊ. ՄՃԱԿ. ԳԵՂ.

Ե. Գ. Լ. Ա Խ Խ

ԴՊՐՈՒԹԻՒՆ ԿԵՄ ՔԵՐԱԿԱՆՈՒԹԻՒՆ

ԹԱՔՊԵՏ եւ չեք կապանք որ չիցէ ծանր եւ դժըն-
 դակ, սակայն դպրութեանն կապանաց պարտիմք
 շնորհակալ լինել. զի ոչ միայն ինքն չէ ծանր, այլ
 եւ զիւրին եւ թեթեւ առնէ զայն՝ որ ի բնէ դժուա-
 րինն եւ ծանրատաղտուկ է: Ու այլ ինչ է պաշ-
 տօն եւ արբանեկութիւն դպրութեան, բայց զրիբան
 բարբառ ընդ կարդօք եւ ընդ օրինօք արկանել: Եթէ
 կարդ մայր է դիւրութեան, որպէս խառնակութիւն
 'ՆԿԱ. ՈՒՍՄ.

դժուարութեան, քանիօն ապա մեծարոյ չիցէ դպրութիւն, այնու զի կարդ գնէ այնու որ որչափ կարեւորէ մարդկան, նոյնչափ բազմակնձիւն եւ խառնակ է: Ժամանակ, թիւ, միջոց ի խօսս մաթեմատիկապէս զատանել, զանցեալն, զառաջիկայն եւ զապառնին որոշել, դէմն, առնելիս եւ կրելիս, զդոյացութիւն, զպատահարս եւ զորպիսութիւն փիղիսոփայաբար ճշգրտել, որով դիւրութիւն ի խօսել, լուսաւորութիւն յառնութ ի միտ զխօսս, յաջողութիւն ի բաժանել, կարդել եւ ամփոփել զբժռնմունս մեր ու սանիմք, ոչ ապաքէն գպրութեան արուեստին շնորհք են: Ոչ այլազգ պատշաճազոյնս կարեմք զմտաւ ածել զդպրութիւն, բայց իրեւ լեզուի կամ բարբառոյ սահմանապահ, որոյ է համ զնել անկարգն արշաւանաց խորհրդոց, եւ իրեւ թումբ ինչ որ զյորձանս խօսից ի չափու ունիցի: Երդարեւ սորա է ոչ միայն ճարտարախօսութեան որ զշնորհս լեզուի խնդրէ, այլ եւ բանաստեղծութեան ցուցանել զիւրեանց չափ եւ սահման: Վասն այնորիկ ի մնաւո գեղեցիկ ուսմանց յառաջ քան զնոյունց ճառել, զսմանէ լինին բանիք:

Առդ դպրութիւն անուանեալ կոչի դիտութիւն բարբառոյ կամ արուեստն որ ուսուցանէ զուղիղն խօսել եւ զգրել: Երկու ազգք սկզբանց են նորա, զի կէսք յօրինացն զոր աւանդէ անփոփոխ են, եւ ընդ հանուր ի կիր արկեալ եւ յամենայն բարբառս միազգի եւ մենակերպ, այնու զի կապեալ են ընդ կարդի խորհրդոց եւ զչետ երթան բնութեան նոցա. իսկ կէսք փոփոխականիք են, եւ յայլեւայլ բարբառս այլակերպ, եւ որ պահենն զօրէնսն զայնոսիկ, մարթէ թէ ըստ կամի փոփոխիցեն զնոսա: Յառաջնոց օրինաց անտի յօդեալ կայ համօրէնն եւ ընդհանուր դպրութիւն, եւ ի յեանոցն մասնաւոր դպրութիւնք:

Կարի իմն ընդարձակ էր սահման դպրութեան առ նախնեօքն քան այժմ: *ինք, որպէս կուին-

տիղիանոս ասէ, բաժանեին զգպրութիւն ի հնարական (méthodique) եւ ի մեկնողական (exégétique). առաջինն ուսուցաներ զօրինակ բարւոք խօսելոյ եւ ուղիղ գրելոյ, եւ յօրիներ կարդեր զօրէնսն այնմ հասանելոյ. իսկ երկրորդն պարապէր ի մեկնել զմատենազիրս: **Ա**նուս եւս երրորդ գործ հնոց գրամարտիկոսաց էր, զմատենազիրսն ուղիղ եւ առնել դատաստան թէ վաւերական իցեն արդեւք, եւ անուանեալ կոչէր դատողական (critique): **Ա**նս որոյ բազումք ի գրամատիկոսաց բանասէրք կոչէին եւ ոմանք բազմավէպք:

ՊԼԱՏՈՆԻԹԻՒՆ. Յայտ իսկ է թէ համօրէն դպրութեան չիք այլ սկիզբն բայց սկիզբն բարբառոյն. զի որ խօսին ապաքէն օրինակաւ իւիք խօսի, եւ օրինակն այն, քանզի ի բնութենէ անտի խօսողութեանըն է եւ նմին զուգական, վասն որոյ ժամանակակից է բարբառոյ: **Ա**մին իրի առ ի գիտել թէ երբ սկիզբն առեալ իցէ դպրութեան արուեստ, զայն պարտ է խնդրել թէ որ ազգ եւ յորում ժամանակի զփոփոխական օրէնս՝ որոց զհետ երթայր յիւրում լեզուին, ի մի բովանդակեալ զարուեստն կարդեաց: Խնձպէտ եւ Յունաց բարբառ յետուստ ուրեմն քան զայլ լեզուս, մանաւանդ ասիականս, ծաղկեալ պայծառացաւ, սակայն քաջ մարթի պարծել, թէ քան զայլսն ամենեսին կանխադոյն մուծաւ յարուեստ. եւ, զոր օրինակ զայլ ամենայն մասունս գեղեցիկ ուսմանց, նոյնպէս եւ զգպրութեան ճարտարութիւն առ Յոյնս անդ պարտ է որոնեալ խնդրել: **Ա**րիցագոյն եւ հնագոյն բարբառ Աինէացւոց վասն բնութեան իւրոց հնչմանցն, վասն յաճախութեան նկարդրում նշանագրացն եւ վասն յօրինուածութեան ազգին, թուէր թէ առաւել քան զայլս ի լեզուաց պահանջիցէ զնութիւնս քննութեանց եւ հրամանս դպրութեան, եւ կարծէր թէ դպրութեան պարտ եւ պատշաճ էր յաշխարհին Աինէացւոց լինել ծնեալ եւ

անեալ։ Ի՞այց սակայն մինչեւ ցյամայր ամս, ցժամանակս յետինս ոչ երեւեցան ի միջի նոցա նշմարանք արուեստի դպրութեան։ Յայնչափ բացական հնութեան եւ կանխութեան երբայական լեզուին ոչ երեւեցան գրամարտիկոսք հերբայեցիք մինչեւ ցմետասաներորդ դար։ «Բաջ ի բաց կանուխ են ի մէջ պարսից զանդիկն եւ պահանական բարբառք։ Բայց չէ յայտթէ յառաջ քան դեւթնուտասներորդ դար իցեն լեալ մատենագիրը կամ բնաւ մատեանք, որ զայնց լեզուաց ճառեալ իցեն։ Յայնք եղեն առաջինք, որ հնարեցան խնդիրս զիազմութենէ բանից, եւ զարինուածոյ ճառաից, զաւութեանց եւ զյոուութեանց ասացածոյ եւ շայլոց նմանագոյն իրաց առնել։

Զառաջինն Դեմնկրիտոս արար փիղիսովիայական քննութիւնս ի վերայ բանից եւ անուանց եւ զաւասական խօսից. Պղատոն ոչինչ անարժան իւրում փիղիսովիայական ծանրութեան համարեցաւ ի բազում դիրս իւր խօնարհել զիջանսել ի խնդիրս գրամատիկոսաց։ Խոկ Արիստոտեղէս այնչափ ինչ զպէսապէս արուեստից խօսելոյ դիրս զներ, եւ պյնչափ ի մեկնել զշոմերոս եւ զայլ եւս բանաստեղծս աշխատ լիներ, զի յիրաւի Դիօն Ոսկեբերան ի նա հանէ զակիզբն գատողականին եւ դպրութեան։ Յետոյ Արիստիպոս եւ այլք եւս Ստոյիկեանք սկսան իւրեանց անհնարին ճշգութեամբն ի դպրութեան զեղծանսել, եւ զանպիտան իմն խնդրովք եկեալ, յիրաւի պարսաւեցան։

Իայց բուն ժամանակ հին գրամարտիկոսաց մարթէ և ասել զՊտղոմեանց ամս, եւ զԱղեքսանդրիա յիրաւի ոք Աթէնս գրամարտիկոսաց ճարտարութեան կոչից։ «Խանաւոր եղեւ առ Պտղոմեաւ Փիղադեփիեաւ Արիստոփանէս բիւզանդացի, վերակացու մատենագարանի քաղաքին Աղեքսանդրացւոց։ Քետ նորա պայծառացաւ նորին աշակերտ Արիստարքոս, զոր ամենայն հինք իշխան գրամարտիկոսաց համարին եւ մարթէ և կոչել զնա Հոմերոս, Պղատոն եւ դւ-

մասթենէս գպրութեան արուեստի: Ա նորին գպրոցէ եղանեին քառասուն նշանաւոր զբամարտիկոսը, որք անուանի վարդապետք եղեն արուեստին: ասի թէ ութհարեւը զիրս զրեաց որք ի ձեռս Յունաց յածէին: Ոմանք նորին աշակերտ համարին զդիխոնիսիս թրակացի, որոյ գպրութեան մատեանք մինչեւ ցմբը ամս հասին, եւ են հնագոյնք քան զամենայն զիրս զբամարտիկոսաց որ ի հնոց ժամանակաց անտի եկին ի մեզ: Ահամանակակից եւ ոսօխ Արխուտարքեայ եղեւ Կրատէտ մազոսացի, զբամարտիկոս ի ոլերգամայ, որ եմցի ի Հռոմ զարուեստ գպրութեան: Ա նմին ժամանակի եր եւ Ապողոդորոս պատմիչ եւ զբամարտիկոս, աշակերտ Արխուտարքեայ, զիւանապետ մատենադարանի արքային Պերգամայ, ուր ընդարձակեաց զիւր հմտութիւն մանաւանդ ի դատողականին, եւ եղեւ հաստատիչ եւ զլուխ գպրոցին գպրութեան կացուցելոյ ի նմին քաղաքի: Այնչափ եր յաճախութիւն այնոցիկ՝ որ մինչեւ ցժամանակս մեծին ոլոմպէի այսմ արուեստի պարապէին, զի Ասկղեպիադէս երկայնաձիգ ինչ պատմութիւն զրէր զնոցանէ: Ժամանակակից Ասկղեպիադեայ եւ Պամպէի պայծառացաւ Դիոնիսիս աղիկառնացի, որում այնչափ ինչ պարտական է գեղեցիկն զբագիտութիւն: եւ Դիզիմոս աղեքսանդրացի ի գպրոցէն Արխուտարքեայ, զբամարտիկոս եւ մատենագիր բազմածին եւ բերրի արգառնաց գպրութեան:

Ա ժամանակոն յայնոսիկ ի Հռոմ եւս մուծաւ ուսումն գպրութեան: Առեւտոնիոս պատմէ մանր մի ըստ միոջէ զիրս զբամարտիկոսաց ի Հռոմ, եւ ասէ եթէ Վիւիոս եւ Եննիոս ի տան եւ ի հրապարակի ուսուցանէին զյոյն եւ զհոռոմ բարբառս: Բայց Կրատէտ մազոսացի, զորմէ վերագոյն յիշառակեցաք, առաքեալ ի Հռոմ յարքայէն Պերգամայ, իբրեւ վրիպակաւ զմի որունսն բեկեալ ի տան մենացաւ, վասն զձանձրոյթն բառնալոյ, ետ զանձն ի

գնել ճառս զիրաց դպրութեան, եւ ի խօսել ընդ
այնոսիկ, որ գայինն առ նա, խնդիրս տեղեկացու-
ցիւս։ Ի նորին օրինակէ յորդորեալ բազմաց ի Հռո-
մայեցւոց, մեծաւ հոգաբարձութեամբ մշակեին զա-
րւեստն, եւ ի սակաւ ժամանակի քսան դպրոցք
ի Հռոմ քաղաքի գտանեին, յորս ոչ միայն մահ-
կտին, այլ եւ բազումք յաւագ որերցին խուռն ըն-
թանային ունին գնել վարդապետութեանն։ Տուղ-
ղիոս թէպէտ եւ յանհնարին հոգս աշխարհին պա-
րաւանդեալ կայր, բայց եւ այնպէս դտանէր ժամա-
նակ եւ պարագ երթալոց ի գպրոց Մարկոսի Ան-
տոնիոսի Գրիփեայ. Աաղուստիոս ոչինչ նախատինս
համարեր իւր իննդրել յԱտտէիայ գրամարտիկոսէ թի-
կունս օգնականութեան ի կատարել զիւր պատմու-
թիւն. Վարոն, հրաման պատասխանոց գրագիտու-
թեան Հռոմոց, բազում խօսս վասն դպրութեան
առնէր. Կայսր իսկ զլխովին ի ժամանակս իւրօց յաղ-
թութեանց եւ ի մեջ քաղաքային դործոց փոյթ ի
մտի ունէր վասն դպրութեան, եւ զրէր մատեան
մի զնմին ուսմանէ։

Ի ժամանակս ինքնակալաց ի մեծ պայծառու-
թիւն հասանէր դպրութեան ճարտարութիւն. թու-
շակը եւ ռոճիկը յարքունուստ կարգէին դպրաց, եւ
շինէր ի Հռոմ քաղաքի շինուած՝ յորում բանային
հասարակաց դպրոցք։ Այնդունակ եւ յայլ եւս քա-
ղաքս իտաղացւոց, Գաղատացւոց, Ապանիացւոց,
Յունաց եւ Ափրիկեցւոց աշխարհին մեծապատիւ մե-
ծապարդեւ մեծարէին գրամարտիկոսք Յունաց եւ
Ղատինացւոց։ Ինդ այն հպարտացեալ լրբէին ար-
համարհէալ անդունել զնշանաւոր ճարտարախօսս եւ
զպատմագիրս եւ զբանաստեղծո. եւ ի պէսպէս նուրբ
եւ աշխատեցուցիչ քննութիւնս անկեալ, անար-
դէին։

Յետ այսորիկ զբազում ժամանակս, որպէս
այլ եւս ուսմանէք եւ գիտութիւնք, նոյնպէս եւ

դպրութիւն վըիպեալ յառաջին պայծառութենէ տակաւ ի մոռացօնսա անկանէր: Հնետուստ ուրեմն եկեալ ի ժամանակա միւսանգամ կազդուրելոյ կորստեան դպրութեան, ում ումեք արժան իցէ վասն այսր բարւոյ զմերոյ գոհացողութեան դաւանութիւն մատուցանել, բայց դրամարտիկոսաց Յունաց եւ Հռոմայեցւոց: Խռողցուք զնիկողայսո Աղքանոս, որ յոյնն յորջորջեցաւ վասն իւրոյ հմտութեանն ի յոյն լեզուի, զՏրիւետ, զՔուրի, թողցուք եւ զնիկողայսո Արեսմեան, եւ զայլս եւս սակաւագոյնս, որոց Անգղիա եւ Գաղիա եւ այլ եւս ազդք զառաջին սերմանս իւրեանց ազատութեանն յանհարթութենէ եւ ի բրտութենէ անտի պարտական են: Խտաղիա, որ ճշմարիտ մայրն է արդի գրադիտութեան, եւ որ արդեամբք պատճառ միւսանգամ ծնանելոյ բարւոքն ճաշակի ընդ ամենայն Եւրոպա եղեւ, ում ումեք այլում պարտիցի զիւր փառս, եթէ ոչ գրամարտիկոսաց: Առաջին յառաջարձակ լոյս այդոյ յօրինման, որ եկն փարատեաց զնաւարն մածեալ թանձրացեալ զիտաղացւոց աշխարհաւ, ծագեաց ի դպրոցէ անտի Արիգեայ ի Սետարմեղայ: Երեքին դիւցազունք արդի գրադիտութեան դանտէ, Պետրարկա եւ Բոկակիսս ի ժամանակի անդ իւրեանց իբրեւ բանասէրք մեծապատիւ մեծարէին. ոչ այնչափ բանաստեղծութիւն նոցա, որչափ արուեստ դպրութեան իւրեանց միւսանգամն արծարծելոյ գրադիտութեան նպաստ եղեւ:

*նգետասաներորդն դար բեւեռեաց եղ յաշխարհին խաղացւոց, եւ անտի սփռեաց եւ ծաւալեաց ընդ ամենայն Եւրոպն զսէր բարւոք գրադիտութեան, ուստի եւ զհինգետասաներորդ դար մարթէ անուանափոխութեամբ՝ Դար գրամարտիկոսաց անուանեալ կոչել: Ոչ միայն ուրոյն մարդիկ ի ճարտարութիւն դպրութեան պարտիկուլար պարապէին, այլ եւ գրեթէ ամենայն գրադէտ անսուանի այնը ժամանակին

զգպրութեան ուսմամբ գայր : Դպրոցք՝ յորս ցանկորդ յաձախէին, եւ որ մեծագոյն թռչակօք ոռճակաց դարմանէին, էին զրամարտիկոսացն դպրոցք : Խնդիրը որ ի մեծ շոհնդն եւ ի հռչակ համբաւոյ յուղեալ լինէին, էին զգպրութենէ, որ եւ զրովանդակ իտաղական աշխարհն ի յոյզս արկանէին : Խոյզ եւ խնդիր յունական եւ հռոմեական գրենոյ, ուղղութիւնք, մեկնութիւնք, թարգմանութիւնք, գիրս հանել, այլովքն հանդերձ, էին զբաղանք եւ գեղերանք կարի իսկ հմասց եւ տեղեկաց ժամանակին այնորիկ : Յամենայն կողմանց Եւրոպայ, Պաննոնիացիք, Գերմանացիք, Անդղիացիք, Գաղղիացիք, Սպանիացիք գային յորդէին յիտաղիա յուսումն գպրութեան եւ բանասիրութեան, եւ միանդամայն իսկ՝ ամենայն ինչ ի ժամանակին յայնմիկ զգպրութիւն եւ զբանասիրութիւն բուրեալ շնչէր :

Եւ արդարեւ պարտ իսկ էր այնպէս լինել, առ ի կարող լինելոյ զցանկալին յառաջադիմութիւն յամենայն զբաղիտութեան յորդեալ ծաղկեցուցանել : Ո՞հտք մարդկեղէն, որ ընդ բազում ժամանակս սովորեալ էր ի յուղութիւն եւ ի դատարկութիւն հատեալ անկեալ դնել ընդարմացեալ, իւրովի իմանալ հնարս եւ առնել քայլ մի ի դիտութիւնս չէր ձեռնհաս, եթէ չէր ի նախնեաց մատենագրաց օգնականութիւն գտեալ եւ առաջնորդեալ : Բայց զիարդ գոյր հնար զօրաւիզն օգնականութեան ի նուցանէ գտանելոյ, առանց ծանօթ եւ հասու նոցին լինելոյ . եւ ո՞րպէս մարթ էր ճանաչել եւ իմանալ զնոսա, առանց գպրութեանն ձեռնտու լինելոյ : Երասմոս, Բուդէս եւ Վիես, երեք արք զբաղիտութեան յայնմ ժամանակի, յայն դաս պատշաճին : Եւ ոչ Ազիատոս, Աւգոստինոս, Սիդոնիոս եւ կարի իսկ հռչակաւոր զբագետք վեշտասաներորդ գարուն անարժան ինչ համարիցին անձանց բանասէր անուանեալ կոչել : Դպրութիւնք եւ բարբառարանք, մեկնու-

թիւնս զնել եւ հանել զդիրս մատենագրաց նախնեաց, եւ ամենայն իսկ գործք դպրութեան ի դարուն յայնովիկ նոր իմն կերպարանս եւ աղնուաղոյն կարգ զգենուին։ Ճաշակ, դատողութիւն եւ ճշդութիւն, որ ի տուչութիւնս, ի թարգմանութիւնս եւ ի մեկնութիւնս յառաջընթաց դարուն պակասեն, ի սմին վեշտասաներորդ դարի ի վաստակս դպրութեան լիով պայծառացեալ երեւին. եւ սոքին եղեն օրինակ եւ կաղապար, ըստ որոց դբամարտիկոսք յետինք զանձինս ի բազմահմուտ ջանս իւրեանց կանոնեցին։ Դպրութիւնք փիղիսոփայականք, դատողական տուչութիւնք, ընտիր բնտիր թարգմանութիւնք, միշտակարանք շատահմութեան եւ զնութիւնք, յանասիրականք որ յայնմ դարու սկսան, յետոյ եւս յեւթնուտամներորդումն եւ յութեւտամներորդում դարու, թէպէտ եւ ոչ այնչափ յաձախութեամք, սակայն զտեղեկադոյնս ի բանասիրաց զբաղեցուցեալ պատաղեցուցանէին։ Բայց յունական եւ հոռմեական բարբառք առ սոքաք ոչ մարթացան պահել զայն յստակութիւն եւ զպայծառութիւն, զոր նոցա յերջանիկ ժամանակի անդստացեալ էր. սակայն ուսմունք դպրութեան ոչ եթէ վասն այնորիկ թալայան նոււաղեցան. եւ եթէ ի Սպանիա եւ յիտաղիա աղնուական այն եռանդումն վեշտասաներորդ դարին խուն ինչ մեղկանայր եւ ցրտանայր, քաջ վաղվաղակի սաստկադոյնս բորբոքէր յԱղանդիա եւ ի Գերմանիա։ Անգստին եւ ցայժմ իսկ առաւել են քան զամենեօին Գաղիացիք, որ վարդապետք իսկ եղեն ամենայն ազգաց ի ճառել զդպրութենէ փիղիսոփայարար, եւ զնրբութիւն մետափիսիկական ողւց ածել ի զննութիւնս հասարակաց բանից, եւ ի կիր արկանել եւ ի վարել զիստանաղանցն լեզու։

Ժամ է արդ առել ինչ եւ վասն հայերէն դպրութեան։ Յայտ է թէ մինչ չեւ նշանագիրք

Հայերէն լեզուի գտեալ կամ կարգեալ էին, զՅունաց եւ զԱսորւոց գպրութիւն ուսանէին գրագէտք ազգին. որպէս եւ զԱ. Մէսրոպայ զրէ Կորիւն թէ յորժամ շՀետ լինել գտանել հայերէն նշանագիրս, զոմանս յաշակերտացն յասորի գպրութեանն կարգէր եւ զոմանս ի յունական գպրութեան: Ամլ վաղվաղակի իբրեւ գտան նշանագիրը, ի բազում տեղիս կարգէին գպրոցք յորս ուսանէին մանկտին զնորագիւտ նշանագիրսն եւ զհայերէն գպրութիւն: Իսյոյ մատեան ինչ զրեալ յառաջին թարգմանչաց զգպրութենէ չիք ուրեք նշանակեալ: Եհան ի ձեռս մեր թարգմանութիւն գպրութեան Գիոնիսիսիսի Թրակացւոյ, զորմէ վերագոյն յիշատակեցաք, որ կարի յանկ եւ միաբան է, մանաւանդ թէ ամենեւին իսկ նոյն ընդ յոյն օրինակին:

Ոմանց այնպէս իմն թուի թէ Դաւիթթ Անյաղթ եհան զայն մատեան ի յունէ անտի ի հայ: Իսազումք արարին նմին մեկնութիւնս, յորս նշանաւորէ Գրիգոր Մագիստրոս. զայն մեկնութիւնս ի մի ժողովեաց Յովհաննէս Երզնկացի, եւ զիւր եւս մեկնութիւն յաւել ի նսոխն, որպէս եւ խնդրեալ էր ի նմանէ տէր Յակոբ Կաթողիկոս որոյ հրամանաւ ուսուցիչ կարգեցաւ գպրութեան: Հետ նորա գտան եւ այլք բազումք, որք գրեցին ինչ զգպրութենէ. Բայց ոչ ոք այնպէս բովանդակ եւ կարգաւոր որպէս մեծարգոյ հայրս մեր Մխիթար վարդապետ, որ թէպէտ եւ յիրս ինչ խորհրդով եւ զգօնութեամբ ընդ ոճոյ մատենագրաց իւրոյ ժամանակին միաբանեաց, սահայն մարթ է ասել թէ հիմն արկ ուղղութեան լըզուին յետ այնչափ երկայնժամանակեայ խանգարմանն: Օայն գործ ուղղութեան յետոյ աշակերտք նորա ի զլուխ հանին:

Ոին, եւ թերեւս կարի իսկ աղնուագոյն մասն գպրութեան դասողականն է, որ զնիւթոյ եւ զվաւերականն լինելոյ եւ զարժանեաց գործոց մատենագրաց

զիւր վճռական իշխանութիւն ի կիր արկանէ։ Առաջնք ի դատողաց զնրբութիւն իւրեանց հանձարոյ ցուցին միայն ի քննել եւ ի ճանաչել զճշմարիս վէպսն Հոմերի, եւ ի զատանել զփուտն եւ զիազակարծ։ Ամենետոս Քիացի կամ այլք եւս յառաջքան զնա, որ զվեպսն Հոմերի ի բերան առեալ երգէին, սկիզբն արարին խանդարել, եր ինչ զոր բառնային, եւ էր զոր յաւելուին եւ փոփօխումն մեծ մուծին յերգս նորա։ Առղոն, Պիտիստրատոս, Հիպակարքոս եւ այլ աւագագոյն մարդիկ Յօւնաց ձեռն ի գործ առնէին այնպիսի անկարգութեան եւ եղծման դարման մատուցանել։ Ազեքսանդրոս մեծ զՎրիստոտեղէս, զկազիսթենէս եւ զայլս ի փիզիսոփայից կացուցանէր զի սոցին իրաց խնամ տարցին. եւ ինքն իսկ ի մեջ իւրոց պատերազմական հոգոց չհամարեցաւ ինչ անդէպ զիւր ուսումն առնել յուղղել եւ ի կարգել զերգսն Հոմերոսի։ Իսպաց յետոյ ժամանակաւ, իբրեւ ոչ միայն Հոմերականքն, այլ եւ այլոց պւետիկոսաց եւ մատենագրաց գործք կրէին խանգարմունս, դատողք ամենեւին զամենային իրաք զիւրեանց հմուտ ուղղութիւնս առնել սկսան։ Խւ ոչ միայն սասոյգ գործք արանց հռչակաւորաց խանգարէին, այլ եւ պատիրք եւ երկրայականք ի նոցա անուն յօդէին, եւ որպէս նոյցա մատենագրութիւնք՝ պանծային այլոց վատթարագոյն օրինակագրաց մատեանք։ Կախոն Ասկեբերան պատմէ զբազմաց նենագաւոր հնարա թէ զնոր մատեանս ընդ հողով թաղէին, զի հարցին ժանեկով եւ քոսով եւ փոտոթեամբ, զի իբրեւ զհինս մեծաղնի վաճառեսցեն։ Ա ասն այնորիկ եւ առ Յոյնս եւ առ Հռոմայեցիս վերակացու մատենագարանաց կարգէին ճարտարք ի գրամարտիկոսաց զի գիտասցեն ստուգիւ դատաստան առնել եւ մի ի խարս ըմբռնիցին. որպէս Դեմետրիոսն եւ Զենոն դուռս, Երատոսթենէս եւ Արիստարքոս եւ Երիստրանէս եւ այլք յաղեքսանդրեան, Ապոլոդորոս ի

պերգամական, Խղինոս ի պաղատինեան մատենակալս
դիւանացն դիւանապետք կարգեին:

Բազումք զիրս եւս դնեին զդատողութենէ,
զորոց ճառել երկայնագոյն լիցի: Օչյիղոսն միայն
եւ Արիստարքոս զրգուեն զբննասկրութիւն փու-
թից, եւ արժանի յիշատակելոյ են, այնու զի եր-
կորին եւս պէսպէս օրինակաւ արարին իւրեանց տ-
նուն: Յանդգնութիւն Զցիղոսի, որ ընդդէմ հօրն
վիպասանաց Հոմերի լրբել եւ անգոսնել իշխեաց,
զատելութիւն եւ զգարշանս նախնեաց յինքն ձգեաց,
եւ առ յետինս յառակս եւ ի կատականս եղեւ տ-
նուն նորա: Ոմանք համարին թէ երկու արք եղեն
Զոյիղոս անուամք, մին ճարտարախօս աշակերտ Պո-
ղիկրատեայ, նմանօղ Վիւսեայ, որ եւ ի Դեմոսթե-
նեայ գովի. եւ մեւս եւս առ եղայրասէրն Պտղո-
մեաւ, մատենագիր ինն դպրութեանց ընդդէմ Հո-
մերի. եւ որ ծալզն առներ զջումերոս թէ չէ ճշգրիտ
յերկրագրական ճշմարտութիւնս, ի գովութեան իւ-
րում զոր զբնակչաց Տենեդայ արար, Արարտն ան-
հեղեղ սխալ երկրագրութեան գտեալ ստղտանէ: Ո-
մին հակառակ զնացս եցոյց Արիստարքոս, որ այն-
չափ մեծարեր զջումերոս, զի որ ինչ նմա յերգս նորա
չժմուեր հաճոյ, զայնմանէ յուրաստ լիներ թէ չէ
Հոմերոսի, որպէս ասէ Կիկերոն: Ովըատիսս սքան-
չելի իմն առնե զնկարագիր Արիստարքեայ, յորժամ-
կարգիցէ զնիցէ առաջի զպատշաճս ճշմարիտ դատու-
զի, եւ ասէ թէ զիարդ նա խնամով նշանակեր եւ
յանդիմաներ զվելաս տկարս եւ զիսիստս, զտեղիս վտա-
րանդիս եւ զմթինս: եւ որ ինչ միանգամ չէր յղկեալ
եւ ողորկեալ բաւական: Բայց զի զերծ ի կարեաց
իցէ, ոչ զպ ի մատենագրաց իւրոյ ժամանակին
քննէր եւ դատէր, որպէս եւ վարդապետն իւր եւ ա-
ռաջնորդ Արիստափանէս առներ: Արիստարքոս հա-
մարեալ եր առ հասարակ իրբեւ կաղապար եւ օրի-
նակ դատողաց:

Բայց թողեալ զանձանօժան եկեսցուք ի յայ-
տնիս, որոց գիրք ցարդ մնացին : « Կիոնեսիոս աղի-
կառնացի տայ մեզ օրինակ արդար եւ լուսաւոր դա-
տողութեան ի գատաստանսն, զորս զոմանց ի պատ-
մաց, ի վիղիսափայից եւ ի ճարտարախօսաց առնեւ : »
Են կորովութեամբ եւ հանձարով են անդրէն խոր-
հուրդըն զՎիւսեայ եւ զԽառկրատեայ, զԴինարկայ
եւ զԴեմոսթենեայ . համեստ եւ արդար խծբիծքն
զՊղատանէ եւ զԹուկիդիկեայ . եւ ամենեւին իմաս-
տուն եւ քաջատես եւ տեզեկացուցիչ է գատողու-
թիւն նորա զամենեցունց : « Այնպէս եւ Երմոգենէս
եւ Պոնդինոս ճաշակս ինչ հասուն գատողութեան
թողին . բայց Երմոգենէս չէ խորապենին եւ ճշգրտա-
խօս ինկարել դնել առաջի զարժանիս մատենագրաց,
որպէս առնէ Պոնդինոս ի բանս հակիրճս եւ զօրաւորս :

Աչ սակաւ մեծարոյ Եր եւ առ Հռոմայեցիս գա-
տողութիւն : Օ Ձաղերիսուէ Պրոբոսէ ասէ Սուետո-
նիոս թէ զայսու մասամբ գպրութեան ստէպ եւ
առանձինն գայր : Բազումք Եին, որպէս Եղիոս Սե-
դիկիտոս, Կղաւդիոս, Աւրեղիոս, Մանիղիոս, որք,
որպէս ասէ Գեղիոս, ի նշանաց ինչ առնեին գատաս-
տան թէ արդեւք ձաղութիւնքն Պղաւտեայ Եին
օրինաւոր եւ բուն . բայց Վարրոն, ասէ, ոչ յայն-
պիսի ինչ նշանաց, այլ ի խորհրդոց, յոճոյ եւ ի
յայտարարութեանց գատէր : Եղեն եւ Հռոմայեցոց
գառն գատիչք, իբրեւ զԶոյիղոսն Յունաց, որպէս
Ասինիոս Գաղղոս, Պեկինիոս Ղարդոս, եւ այլ եւս
տարածամք եւ իրահամարձակք : « Կարդոս գրեաց
գիր ինչ հակառակ Կիկերոնի որ կոչէր Գան կամ
Խարազան Կիկերոնի . եւ Կոսնուտոս, Խղինոս եւ այլ
գրամարտիկոսք ինդրէին սովիեստաբար չնչին ինչ
թերութիւնս զի գատափետ գանսալից առնիցեն զՀոյա-
կազ վէպմն Վիրդիղեայ : Բայց գոյին եւ այնպիսիք,
որ մարթին ի կշիռ գալ Աղիկառնացւոյն եւ Պոն-
դինեայ, նա անցանել իսկ զնոքօք : Կիկերոն զգնացից

եւ զո՞մոյ գրոցն Յունաց եւ Հռոմայեցւոց բազում
անդամ առնէ կատաստան ընտիր. բայց մատեան
նորա զպայծառագոյն ճարտարախօսաց, տայ մեզ
օրինակ կատարեալ իմաստուն եւ նուրբ դատողու-
թեան, ուր հակիրճ եւ հիւթալից բանիւք յօրի-
նէ զնկարագիր աւագագոյն մատենագրաց Յունաց
եւ զբնաւ Հռոմայեցւոց : **Հանձարեղ** եւ հատու ցու-
ցանի եւ կուինտիզիանոս ի բազում վայրս : **Տու-**
ղիոս եւ կուինտիզիանոս տան իրաւուն Հռոմայե-
ցւոց ոսոխ ելանել Յունաց եւ ունել զյառաջագահս
ի ցածուն ատենի իմաստուն եւ ճիշդ դատողութեան :

Ի տարածանել քրիստոնէութեան կարեւորա-
գոյն հարկ եղեւ դատողութեան վասն զնուիրական
գիրս ի խանդարութեանց պահելոյ: Իսպրաց տղի-
տութիւն, աղասութիւն թարգմանչաց եւ ուղղաց,
հերեսիովտացն չարակամութիւն, հարկ թագուցա-
նելոյ զդիրս յերեսաց անհաւատիցն, եւ այլ եւս
գեպք որ զայնու ժամանակաւ էին, բազում եղծ-
մունս ետաւն կրել զրոց որբոց, որ կարօտէին վասն
այնորիկ օգնականութեան հատուն եւ անաչառ դա-
տողութեան: Որիգենէս յաճախ արտնջէ զագիտու-
թենէ դպրաց եւ ընդդէմ յանդդնութեան ուղ-
ղաց, որ եւ բոնագատեցին զնա մեծաւ աշխատու-
թեամբ եւ խնամով համեմատել պէսպէս տուչու-
թիւնս օրինակաց եւ զամենայն հնարս հնարել, զոր
ուսուցանէ դատողականն վասն զանհեգեգ երկրա-
նութիւնս, որ ի նուիրական զրեանն ապրդեալ էին,
բուժելոյ: Իսպրամ եւ այլ հարք հինք զիւրեանց դա-
տողական աքնութիւնս ի կիր արկանէին յուղղել
զապականնեալ վայրս զրոյն. բայց մանաւանդ սուրբն
հերոնիմոս ետ զանձն յայն ուսումն զրեթէ զամե-
նայն կեանս իւր, եւ առաւելութեամբ մարթացաւ
արժանի լինել կոչելոյ նուիրական դատող: Իսպրա-
ոչ միայն դիւք սուրբք, այլ եւ հալքն այլայլութիւն
կրէին: Ուսուփինոս ի թաւղթս իւր առ Մակարիսս

երկայն խօսի զեղծմանց դրոցն ոչ միայն Արիգենի, այլ եւ սրբոյն Կղեմայ քահանայապետի, Կղեմայ Աղեքսանդրացւոյ եւ այլոց Հարց։ Արդարեւ մեծաւ փութով վարեին Հարքն դատողականաւն։ Եւսերիս կեսարացի Հաւաստեաւ պաշտի դատողական կանոնօք առ ի խախտելոյ ընկենլոյ զգործո ինչ անյայտս առաքելոց եւ եկեղեցական Հարց եւ յօրինել զարդարագոյն Համար ճշմարտիցն եւ յայտնեաց։

Ի խոնարհագոյն դարս ոչ միայն նուազէր դատողութիւն, այլ եւ բնաւին հետակորոյս լինէր։ Ի յետին դարս ճշդագոյն դատող բաղումք եղեն։ բայց Երասմոս մարթացաւ կոչել ճշմարիտ դատող եթէ ի զատուցանել զերտ եւ զճշմարիտ գիրս յօտարուոց եւ ստայօդից, եւ զնարդաւանեալ տեղիս ի սրբոց եւ յանխառնից, եւ եթէ յառնել արդարակորով դատաստան զարժանեաց մատենագրաց։ Յայնժամ եկն լիութիւն դատողաց, եւ ամենեքին որ զնախնեաց գործո նուիրականո կամ արաաքինս հանեին, ամենայն թարգմանիչք եւ մեկնիչք առնեին պէտս զգատողութենէ ի գործո իւրեանց, որ շատ որ սակաւ։ Բաց ի նուիրական դատողաց եւ ի դատողաց բանասիրաց, եղեն եւ լինին դատողք օրինաց, բժշկութեան, ուսուղութեան եւ ամենայնի եւ բնաւի։

Չեն ինչ պէտք բազում բանից ի ցուցանել զկարեւոր պէտս դպրութեան։ Ը ատ իսկ է ասել եթէ զոր օրինակ ամենայն մարդոյ Հարկ ի վերայ կայ զեւր խորհուրդոն յայտ առնել այլոց, եւ զայլոց միտս իմանաւ, նոյնպէս եւ պիտոյ է նոցա ուսանել զարուեստ ճարտարութեանս, զի նովաւ միայն մարթ է հասանել այսմ։ Ա ասն որոյ եւ Բակոն ասէ ի գիմայ գպրութեան։ ՊԵս եմ օրէնք խօսից, կանոն անվրէպ՝ լեզուաց, եւ որ զիսն չուսանիցի, ի զուր է նմա այլում իմիք լինել հետամուտ, զի չէ մարթ թէ ուսանիցի ինչ առանց իմ։ Արում զշետ դայ,

Եթէ գպրութիւն հիմն եւ խարիսխն է ամենայն զիւտութեանց :

«Խպրութիւն ազգական է երկուց մեծարոյ տիկնաց, ճարտարախօսութեան տաեմ եւ բանաստեղծութեան, իբրեւ կարդիչ եւ ուղղիչ մասանց խօսից, եւ ծանօթ եւս է փիղիսոփայութեան, մանաւանդիսանոյն (logique), իբրեւ երեւեցուցիչ ներքին ըմբռնման եւ խորհրդոյ, որ ի ձեռն բարբառոյ եւ յառաջաջրութեան առաջի կացուցանին։ Ապա որ քաջ գրամարտիկոսն է, ոչ միայն յանդորր եւ ի մեծապայծառ սրահս ճարտարախօսութեան, եւ ի շքեղ բարձունս բանաստեղծութեան համարձակ ձեւմիցէ, այլ եւ ի ներքին եւ յանձուկ դահլիճն խռաժուն փիղիսոփայութեան անարդել մտեալ սոլոսկիցէ։ Օինչ քան զայս աղնուազոյն օգուտ մարդիցէ ակն ունել ի գպրութենէ, որ գոգ ձեռնիձեռն առեալ ածէ զմեղ ի ծանօթութիւն այնպիսի եւ այնչափ ծանր եւ աւագ ուսմանց։ Աթէ զգպրութեան արուեստ իբրեւ բովանդակիչ տեսողական կառնաց լեզուի զմտաւ ածիցեմք, թերեւս մանաւանդտաղտկացուցիչ քան զուարձացուցիչ թուիցի։ Իսայց գպրութիւն ունի եւ գործական ինչ, այն ինքն է մեկնողականն եւ դատողականն. սոքա են որ զզոսութիւն եւ զտաղտկութիւն այսր արուեստի ի դալարութիւն իմն եւ ի զուարձութիւն ըջնեն։ Առքա երկոքին են, որ յօրէնս, ի սովորութիւնս եւ յընտրութիւնս բանից եւ ասացուածոց մտանեն. համեմատութիւն եւ խարիս ի մէջ մատենագրաց կացուցանեն։ Ասցա շնորհեալ է դատողականն զահ, իբաւընտիրընել եւ վճիռ տալ զծածկութեանց եւ զառանձնութեանց լեզուի։ Ասցա ոչ միայն բանասիրութիւն յանձուկ միտս, այլ եւ պատմութիւն զկարեւոր կարեւոր յայտնութեանց շնորհակալ պարսիցի լինել։ Այսու ամենայնիւ որ ասացաւ, յայտ է թէ գպրութեան արուեստ քաջ բաւական է զուարձացուցանել։

եւ զրուեցուցանել, թող թէ ձանձրացուցանել զիւր
միջամուխսն:

Օք մի դուզնաքեայ ինչ ոք զպատիւ դպրու-
թեան համարիցի, դիցուք առաջի եւ զբանս կուին-
տիղիանեայ*: “Ենմա՝ որ ընթեռնուլն եւ գրել բաւ-
ական եւ ձեռնհաս իցէ, առաջին տեղի դպրութեան
ուսումն է: Արուեստս այս, որ համառօտիւք ընդ-
երկուս մասունս բաժանի, որ ունին զգիտութիւն
ուղիղն խօսելոյ եւ պատմելոյ զճառս պէտիկոսաց,
առաւել ի ներքս անդ համբարեալ ունի, քան զայն
զոր արտաքուստ արտաքս ցուցանիցէ: Օք զրելոյ
հանդամանք յար եւ կից են ընդ խօսելոյ, եւ յա-
ռաջագոյն քան զպատմել ձառօ՛ է ուղիղ ընթեր-
ցուած, եւ ընդ ամենեցուն սոցա խառն է դատաս-
տան, զոր հինք ի գրամարտիկոսաց այնպէս խստիւ
ի կիր արկին, զի ոչ միայն զվէպս գաւաղանաւ իւիք
ընտրութեան իշխեցին խայտառակեալ նշաւակել,
եւ զգիրս, որոց ստայօդ դրոշմն թուէր իբրեւ զե-
կամուտս ի բաց հանին ի տանց, այլ եւ զոմանս ի
մատենագրաց ածին ի կարդ, զայլս ամենեւին ի բաց
ջնջեցին ի համարոյ: Զէ բաւական ընթեռնուլ
զպետս, պարտ է զամենայն ազգս մատենագրութեանց
խլիւել, ոչ միայն վասն պատմութեանցն, այլ եւ վասն
բանից, որ ստէպ իրաւունս ի մատենագրացն առ-
նուն: Դապրութիւն չէ կատարեալ եւ առանց երա-
ժըշտաց, զի հարկ էնմա եւ զւափոց եւ զմուոց ձա-
ռել: Խը ոչ եթէ հանդամանաց աստեղաց չիցէ տե-
ղեակ, կարիցէ իմանալ զպուետս, որք թող զայլ
գեպս, ստէպ զելից եւ զմոից նշանակաց արկա-
նեն ձառս յորժամ զժամանակս մեկնիցեն: Մի
լինիցի անգէտ եւ փիւսիկական իմաստութեան ոչ
միայն վասն բազում տեղեաց գրեթէ յամենայն երգս,
որ ի ներքին նրբութենէ բնական խնդրոց առեալ

*Կուինտ. Հաստ. Ա. Գիրք. Դ. Գլ:

են, այլ եւ վասն Եմագեղոկղեայ ի Յոյնս, եւ Վարս
րոնի եւ Պուկրետեայ ի Հռոմայեցիս, որ զհրամանս
իմաստութեան վիպաք աւանդեցին։ Դ'արտարախօս
սութիւն եւս ոչ սակաւ պիտանի է, զի զմիոջէ միու
ջէ այնց իրաց, զորս ի հանդէս մատուցաք, ասիցէ
սեպհականութեամբ եւ յաճախութեամբ։ Ա ասն
որոյ չեն առ համբերել այնոքիկ, որ զայս ճարտա-
րութիւն իբրեւ գուզնաքեայ իմն եւ ցուրտ խծբժի-
ցեն։ Եթէ ոչ սա հաւատարմութեամբ արկանիցէ
հիմն այնմ՝ որ ճարտարախօսն լինել հանդերձեալ
իցէ, զինչ ինչ եւ յետոյ ի վերայ շինիցես, արո-
րեալ անկանիցի։ Ոնկտոյ կարեւոր է, ծերոց հեշ-
տական, քաղցը ընկեր գաղտնեաց, որոյ եւ առան-
ձինն իսկ քան ամենայն ազգաց ուսմանց առաւել
արդիւք են, քան ցոյց։ Ապա մի ոք իբրեւ ընդ
փոքր ինչ ընդ նշանագիրս գպրութեան տաղակայցէ,
ոչ զի գործ մեծ իցէ կալ զատանել զձայնակիցս
ի ձայնաւորաց, եւ զնոսին ի համար նմանաբարբա-
ռոց եւ համերց բաժանել, այլ վասն զի որ միան-
գամ ի ներքինս անդը սորա, իբրեւ ի սրբութիւն,
մատչիցի, գայցէ յայտ իրաց բազմաց նրբութիւն, որ
ոչ միայն զհանձար տղայութեան սրել, այլ զբար-
ձրագոյն գիտութիւն եւ զիսելամտութիւն կրթել
բաւական է,, :

Բ. Գ. Ա. Ռ. Խ.

ԲԱՆԱՍՏԵՂԾՈՒԹԻՒՆ* ԿԱՄ ՎԻՊԱՍԱՆՈՒԹԻՒՆ

Ժամանեալ երկայնադոյն յամեցաք ի դպրութեան,
որոյ օրէնք որչափ եւ պինտ եւ սերտ իցեն, ձմերա-
կան իմն խատութիւն երեւեցուցանեն, մերկ եւ կո-
ղոպուտ յամենայն զարդուց։ Այժմ հրաւիրէ զմեզ
զուարթն վիպասանութիւն, զոր յիրաւի պարտ
իցէ կոչել գարուն գեղեցիկ ուսմանց, ոչ այնու
եւեթ զի առաջին ծնունդ է սա եւ ծաղիկ մար-
գիեղէն հանճարոյ, այլ եւ այնու իսկ, զի այլ եւս
մասունք գեղեցիկ ուսմանց, պաղալիցն ճարտարա-
խոսութիւն, որ ամարական լիութեան նման է, եւ
հասունն պատմութիւն, որ ոչինչ ընդհատ յաշ-
նայնոյ զատոքն եւ զհասուն մարդկօրէն իրաց ամ-
բարեալ ունի, յերգոց անտի վիպասանութեան առնուն
կեանս եւ շնորհ։ Յոյժ ի դէպ կարօղ եմք նկատել
զարուեստս զայս իբրեւ որրոց կամ խանճարուրս
մոաց, յորում գրեթէ ամենայն ազգք զառաջինն
զիւրեանց տկար եւ դողդոջուն հանճար պնդեցին,
եւ ստացան ոյժ եւ աստիս ընթանալոյ յառաջադէմ
յաւագագոյն ուսմունս եւ ի հրահանդս հաստատունս։

Բայց ոչ ապաքէն ընկեր եւս հաւատարիմ իցէ
մարդոյ երգ վիպասանութեան, որ յառաջին քայլսն

* Զբանաստեղծութիւն, ուուղուց քօէսի, վիպասանութիւն,
վիպասան երգ կամ երգ վիպասանութեան եւս կոչե-
ցաք, որպէս ի կիր արկեալ ի նախնեաց մերոց գտանեմք,
զի եւ բանաստեղծք մեր առ հինոն Հայոց Վիպասանք
կոչէին։ Բայց քանզի եւ փոխանակ էպօպօւա, գտանեմք
պատշաճեցուցեալ զլիապասանութիւն, զի է իսկ էպօս
հայերէն վէպ, վասն այնորիկ վիպասանութիւն կո-
չեցաք զէպօպօւա, քրօքէ, որպէս եւ զէրիզէ, վիպա-
սանական, եւ վիպասան՝ յորժամ զճարտարն կամ զյօ-
րինիւ կամիցի յայտ առնել, յաւելուածով հանդերձ
Դիւցազնական։

եւ ի մենութեան նորա ընդ նմա եղեւ եւ ցանկ ընդ
նմա շրջի. վասն այնորիկ յիրաւի արժանի է սիրոյն
զոր նմա մատուցանէ լըջամիտն մարդկութիւն։ Այ
է մասնն այն գրադիտութեան, զորմէ մեծի բազմու-
թեան ընթեռնլեաց փոյթ խնամոյ է. արք եւ կա-
նայք, մանկափի եւ ծերք, կիրթք եւ բրտագոյնք,
ամենեքին սիրեն զվիպասանութիւն, եւ ախոր-
ժեն ի թիւ եւ ի համար իւրոց մտերիմ սերելեաց
մտանել։ Վիով բանիւ, սա է Աստղիկն գեղեցիկ
գրագիտութեան, զոր բոլորեքին սիրեն ճանաչել եւ
գգուել, ուստի եւ ամենեքին հաճ եւ հաւան են
լիազոյն եւ յայտնագոյն լսել զնմանէ։

Երդ վիպասանութեան ընդ հանուր այն է,
որ զստեղծուած ինչ ցնորից (Երեւակայութիւն)՝
յանդիման կացուցանէ։ Եւ զի ամենայն արուեստ
սաեղծումն իմն ցնորից է, մարթ է զվիպասանութիւն
սկիզբն ամենայն արուեստից անուանել. զի իւրաքան-
չեւր գեղեցիկ գործուած արուեստի, մինչ չեւ ծնեալ
եւ ի լոյս եկեալ, ի ցնորս անդ մտացն յղանալ եւ
նկարել պարտի։ Հանապազ նոյն ստեղծիչ ոգի է,
որ զիսկութիւն ամենայն արուեստից յօրինեալ կազ-
մէ, միայն ըստ պէսպէս պայմանաց՝ որովք աղդին
զգայութեան, յայլ եւ այլ կերպարանս երեւի։
Արդարեւ նոյն բղիսիչ զօրութիւն է, որ զերդ ինչ
թատերական եւ զհրաշակերտ ինչ նկար եւ զշինուած
ինչ հոյակապ ձնուցանէ։

Ոճէպէտ եւ երդ վիպասանութեան կցկցեալ
իմն եւ պաճուճեալ ծնունդ է, բայց եւ ոչ սակաւ
ծնունդք վիպասան երգոց գմն, որ չեն կցկցեալ եւ
հնարեալ, որպէս յորժամ այլ պուետիկոս յօրի-
նիցէ զնիարագիր իրաց՝ որ արդեամբք կայցեն, եւ
կամ յորժամ ներքին աղդմանց սրաին թողացու-
ցանիցէ խօսել։

Պատշաճ է զվիպասանութեան ճարտարութիւն
ըստ երեւութից եւ փոփոխմանց, ընդ որովք խոր-

Հուրդք բանիսք յայտ եկեալք զպատկեր ինչ կենաց
յանդիման կացուցանեն, բաժանել : Այսպիսի երեւ
ոյթք ներքին եւ արտաքին են : «Երքին կենդանական
երեւոյթք, զորս վիպասանութիւն ընծայեցուցա-
նէ, յօրինեալ իմն եւ յարմարեալ ազդմունք են,
յորոց վիպասանութեանն ոգի շարժի եւ խրախուսէ,
եւ սորին ազդման ձնունդ է քնարականն (lyrique)
վիպասանութիւն, յոր մարթ է եւ զայն վարդա-
պետական մրմունջս (poème didactique) յարել,
որ արժանի իցեն կոչելոյ արդարեւ մրմունջք : Խոկ
արտաքին երեւոյթք, զորս երգ վիպասանութեան
յանդիման կացուցանիէ, կամ իբրեւ անցեալ զառան-
ցեալ են, եւ կամ իբրեւ մօտաւոր . եւ են գեղք
կամ գործք, որ ի զնին աշաց գան եւ ընդ տես-
լեամբ անկանին : «Խեղք՝ որ իբրեւ անցեալ յանդի-
ման կացուցանիցին, դիւցաղնական վիպասանութեան
(épique), իսկ գործք՝ որը իբրեւ մօտաւոր ընծայե-
ցուցանին, գուսանական (dramatique)* վիպասանու-
թեան մատակարարեննիւթ : Ապա չորք ազդք են վի-
պասան երգոյ. քնարական եւ վարդապետական, որ
անդատին յանձնէ պուետիկոսին յուզեալ խաղան, եւ
դիւցաղնական եւ գուսանական, որ արտաքուստ մա-
տուցանին :

Ա. «Քնարական վիպասանութիւն այն կո-
չի, զոր ի հին ժամանակս ի նուազս քնարի եւ
բամբուան երգել սովոր էին : Իազում մանր մանր
նուազք (chant) պատշաճին յազդ քնարական, դլսաւ-
որք ի նոցանէ են գեղօն (ode), որոյ սակի են սաղ-
մուք, օրհնութիւնք (hymne), գովեստք, երգք (can-
tique) եւ ցուցք (chanson), աշխարանք (élégie), վեր-

* Զայունական բանն ծրաբաւեզօծ, որ հասարակաց իմն ա-
նուն է երկուց թատերական ազդաց, եւ ըստ բանին
պատշաճի գործոյ կամ արարուածոյ նշանակէ, պատշաճ
համարեցաք գուսանական անուանել, որ ի նախնեաց
մերոց ստեպ թատերական իրաց դնի :

նագիր (épigramme), արձանագիր (inscription), այլովքն հանդերձ: «Աշանաւոր օրինակ մրմնջոց, որ առ արդի պւետո, մանաւանդ առ խտաղացիս, ստեղի ի կիր արկանի, է այն որ ի նոցանէ Սոնետ կոչի, որ ի մեզ փոքրիկ հնչումն կամ հնչեակ թարգմանի: Օհնչեակն ոմանք առանձինն ինչ ազգ քնարականին համարին. այլ նա ոչ այլ ինչ է, բայց հանդերձ իմն որ զամենայն աղջո քնարական վիպասանութեան, զգեղօնս, զվերնագիրս, այլովքն հանդերձ, զարդարէ:»

Բ. Ա խպասանականն որ եւ դիւցաղնական (héroïque) ոչ այլ ինչ է բայց պատմութիւն հնարեալ կամ կցկցեալ, որպէս են Հոմերոսին եւ Վիրոգիղեայն: Յայս ազգ պատշաճի եւ այն երդ զոր Ռոմանն կոչեն, որ է պատմութիւն ասպետաց կամ հեծելոց:

Գ. Գուսանական անուանին երկոքին աղջք թատերական երդոց վիպասանութեան, երդահանութիւն* (tragédie) եւ ձաղութիւն (comédie), որ առ հասարակ ի թատերս կամ ի տեսիլ նշաւակի ի ձեռն գործչաց կամ գուսանաց յանդիման կացուցանին:

Դ. Ա արդապետական կամ ուսուչցական երդ վիպասանութեան այն է, որ ոչ իբրեւ յերիս առա-

* Թեկուած եւ Եղայացիա ըստ բանիցն պատշաճի նոխազերդութիւն յայտ առնեէ, զի ի մատուցանել Սպանդարամետին նոխազ, ժողովուրդն երգեր զերդմն, զոր ոմանք ի մեզ ողբերդութիւն եւս ասացին, բայց քանզի առեւսերեայ Եղայացիան թարգմանեալ գտանեմք, առաւել պատշաճ համարեցաք երգահանութիւն կոչել, զին անունն պահելով, զի թերեւս այսպէս իսկ անուանէին հինքն Հայոց: «Նոյնպէս զարդարած զոր ոմանք կատակերդութիւն ասացին, ըստ նոցին հին թարգմանչացն եղաք ձաղութիւն եւ զարդարած կոմիկան կամ երդայարդար, որպէս եւ զարդարած, լուրզ, ըստ նոցին նուագայարդար կոչեցաք: զոր այլք քնարերդակ ասացին:»

ջնն աղդս, ի քնարականին, ի գիւցաղնականին եւ ի զուսանականին, զպաճումեալ եւ զկցկցեալ ինչ իւրեւ զծշմարիտ յանդիման կացուցանէ, այլ զնոյն ինքն զծշմարտութիւն ի գլխովին յաղդս աղդս արուեստից եւ գիտութեանց զարդարեալ եւ գեղեցկացուցեալ երեւեցուցանէ : “Ամին իրի իսկ բատաեւ սահմանէ զվարդապետականն այսպէս . “Ճշմարտութիւն արկեալ ի վէպս, իսկ զայլ աղդս երգոց վիպասանութեան որոշէ . “Ացկցանք արկեալ ի վէպս: Գլխաւոր աղդք վարդապետականին են Սատիրք կամ Եպերանք, յորում պւէան զմոլորութիւնս եւ զչարիս մարդկան յերգ արկեալ հեգնէ, զի Սատիրք էին ընկերք դիցն Դիսնիսեայ կամ Սպանդարամետին, որք եպերանք եւ բանիրք կսկծելեօք յարձակէին յայնուակ որոց պատահէին :

Օյայսչափ ինչ վասն այնորիկ եղաք զի յորժամ պէսպէս աղդաց վիպասան երգոց եւ վիպասանաց անուանք յիշատակեսցին, գիտացեն ընթերցանելիքն իմանալ եւ ընտրել:

ՊԵՍՄՈՒԹԻՒՆ. Առա ոչ զայն ի խոյզ արկեալ խնդրեսցուք թէ առանց չափոյ բաննք արդեւք եթէ երգ վիպասանութեան յառաջադոյն լեալ իցէ յուսմունս եւ ի գիրս: Բայց առանց յայսպիսի խնդիրս դարոյ չիցէ¹ մեզ մարթ վիպասանութեան վաստակոց կարի իմն կանուխ հնութիւն շնորհել: Խռողցուք որոց կամիցինն զիսնամ գտանելոյ յԱղամ զառաջինն պւէտ, եւ յետ այնորիկ կարգելոյ զհամար անչափ պւէտիկոսաց որ յառաջ քան զջրհեղեղն եղեն, եւ ածին զարդ յերրայականն վիպասանութիւն: Առի հաստատութեամբ ի վերայ ածելոյ, թէ զսկիզբըն երգոց վիպասանութեան պարտ է գնել յաղօտագոյն իմն հնութեան. շատ է մեզ տեսանել անդստին յելից անտի ժողովրդեանն Երբայեցւոց յեգիպտոսէ, զի Մովսէս եւ Մարիամ ի կիր արկաննեն երգս վիպասանս յերգել զԾեառն գովութիւնս,

առանց զարմանս ինչ նորանշան դիպաց ի ժողովը քրդեանն զարթուցանելոյ. շատ է ընթեռնուլ ի Պղատոնի դիրսն զհաստատուն աւանդութիւն եւ գիպտացւոց թէ զվեպս որ ի տօնս նոցա երգեին, յօրինեալ էր Խորդայ. բաւական իցէ տեսանել յԱռախանս թէ եւ Հնդիկը վարեին երգս քաջ ի բաց հինս. հերիք է գտանել ի Աինեացիս յիշատակո վիպաց անուանիս նրբութեամբն եւ երկայն հնութեամբ, որ հազարաւոր ամօք յառաջագոյն պատահեն քան զՔրիստոս. շատ է եւ անցանել ընդ Պարսիկս, ընդ Փիւնիկեցիս, ընդ Գաղատացիս, եւ ընդ այլ ազդս հինս. իւրաքանչիւր ի նոցանէ ընդ վիպասանս հինս եւ ընդ նախնի երգս պանձայ: Ի՞այց զբանաստեղծութեան ճաշակէ ազգացն այնոցիկ զի՞նչ մարթացուք հաստատութեամբ ասել, ուր հազիւ յիշատակարանք ինչ գտանին:

Օ Հեքրայական երգոց վիպասանութենէ, յորմէ բազում ինչ պահեալ կայ, բազում աստուածախօսք եւ փիղիսոփայք այնչափ ինչ զրեցին եւ վիճեցան, այնչափ ինդիրք յուզեցան, մինչ զի հարկ էր թէ յարդ հատեալ էր ամենայն ինդիր, եւ բարձեալ էին ամենայն վիճմունք ի միջոյ: Ի՞այց եւ այնպէս այնչափ սակաւ է մեր գիտութիւն, զի չէ մարթ ստուգութեամբ դատաստան առնել ի վերայ մենքենական կազմութեան հեքրայական վիպասանութեան, եւ ոչ մարթ է վճռել թէ յորում կայցէ, ի չափս հեգենայից կամ ի յանգմունս յարմարեալը (rimé), եթէ լոկ ի յայտ առնել միտս աղնուականս եւ ի կարգել դնել հոյակապ չնաշխարհիկ բանս: Եսաւել ինչ մարթ է ասել զարժանաւորութենէ վիպասան երգոց սաղմոսայն Դաւթի, տեղեաց ինչ Յոբայ, Եսայեայ, եւ այլոց մարգարեից, եւ կարող եմք ի վերայ ածել թէ ուրանալ չէ մարթ զբարձրութիւն եւ զհոյակապ չնորհս եբրայական վիպասանութեան: Ի՞այց եւ այնպէս յանդգնու-

թեան ձեւք, նմանութիւնք՝ որ սակաւիկ ինչ օտար թուին, փոփոխական բանք որ կարի իմն ի բացուստ զառակ օրինակին նշմարեցուցանեն, եւ քայլքայումն իմն եւ խախտումն տեսլեանց մտաց ըստ արդի կարծեաց, այնպէս իմն զհերքայական երգոցն կերպարանս յարդարեն, զի զնոսաց յօրինակ նմանութեան մերսց պւետիկոսաց ընծայեցուցանել չէ մարթ:

Իսյց կարի քաջ մարթ է առնել օրինակ զյունական երգս վիպասանութեան, զոր մարթ է յամենայն իսկ մասունս իբրեւ ի կատարումն հասեալ նկատել, եւ է իսկ արժանի լինելոյ օրինակ ամենայն աղգաց որ կամիցինն օգտիւ զհետ երթալ զայսր ազնուական ճարտարսւթեան: Կակիէր կարի իմն հարեալ ընդ հնութիւն, զիւրաքանչիւր ոք ի յոյն պւետիկոսաց պքանչելիս իմն հաշուի, եւ պնդի իսկ թէ Յոյնք յամենայն իսկ աղգս յօրինուածոց միանգամայն յառաւելութիւն ժամանեալ իցեն, եւ թէ առաջին իսկ փորձք հանդիսից նոյա մէն մի հրաշակերտք կատարեալ եւ չքնաղ վիպասանութեան իցեն: Իսյց կարի հակառակ է բնութեան մարդկեղէն հանճարոյ մտանել ետ ընդ ետ վաղվաղակի ի ճշմարիտ ճանապարհս բարութեան եւ գեղեցկութեան, առանց կանխաւ ընդ զարտուղի անկանելոյ: Հոմերոս ինքն զլխովին, որշափ վերագոյն եւ հանճար նորա իցէ, չէ յօրինիչ եւ գտակ երգոց վիպասանաց, որ յիւր ձեռն յայնչափ բարձրագոյն աստիճան կատարման վերացան եւ բարձրացան: Չիք ինչ, ասէ Տուղղիսո, որ քաջ քաջ ի ծնանելն անդէն ի կատարումն հասեալ իցէ. յերկուանալ չէ պարտ թէ չիցեն լեալ յառաջ քան զհոմերոս բազում պւետք, որպէս ի նորին իսկ վիպասան երգոց մարթ է զմտաւ ածել: Աեքստոս Եմպիրիկոս զերգս վիպասանութեան Հոմերոսի հնագոյն կոչէ, զի յամենայն երգոց նորայքն էին կարի հինք որ մինչեւ յնորին ժամանակ հասին. բայց

իսկըն իսկ խոստովան լինի, թէ յառաջ քան զՀումբոս եղեն այլ պւետք, եւ զայն ի նորին վիպաց հաւատարիմ առնէ: Ապա հին յոյժ են երդք վիպասանաց առ Յոյնս, եւ ի տկար եւ ի թեթեւ սկզբանց ստացեալ ոյժ եւ առողութիւն, յանձն Հոմերի հուժիու եւ հասուն երեւեցան: Ենչափ եւ անբաւ եր գունդ գունդ պւետէից ի Յունաց աշխարհին, եւ ընդ ամենայն հասուածս յունական գաղթականութեան զիւրեանց երգս մրմնջոյն նուազեալ հնչեցուցանէին:

Ի այց ոչ միայն ի յետին կատարումն բովանդակութեան եհաս, այլ եւ ընդ երկար ժամանակս յիւրում գեղեցիկ ծաղկաւէտ վայելութեան տեւէր երդ վիպասանութեան, եւ զիւր աղնուական կերպարանս եւ զնորհալիցն գեղեցկութիւն բովանդակ պահէր: Ենդ որ կողմն եւ ոք նայիցի, զարմանալի իմն տեսիլ ընծայեցուցանէ մեզ յունական վիպասանութեան երգ անթիւ գնդիւք ճարտարացն, բազմապատիկ եւ հաճոյական երգոցն զանազանութեամբ, առաւելութեամբ եւ վայելութեամբ յօրինուածութեանն, եւ տեւական հաստատութեամբ իւրոյ մնացականութեանն եւ կայութեան: Ի ժամանակս իսկ Աղեքսանդրի բազումք ի փիղիսոփայից առնէին գիր համարոյ պւետիկոսաց, յայտ է թէ անչափ եր թիւ համարոյ նոցա: Եթէ յետ այնչափ փոփոխմանց տէրութեանն Յունաց եւ յոյն դպրութեան, յայնչափ հեռաւորութեան ժամանակաց եւ տեղեաց բացարձակութեան տակաւին եւ այժմ անչափ առաւել է քան զՀումայեցւոյն՝ թիւ ճարտարացն Յունաց, եւ այնչափ ինչ հատակոտոք եւ անուանք եւ տեղեկութիւնք բազմաց կան մնան, սրչափ ինչ հարկ եր լինել ի ժամանակս՝ մինչ գեռ վարունն եւ յարդարուն եր երգ վիպասանութեանն Յունաց: Թաղզայլ մրմնջս, որչափ աղգք չիցեն ցցոց հնոցն Յունաց: Երգարեւ անբաւ եւ պէսպէս են ցուցք

մըաղացաց, ձկնահանաց, հովուաց, շինականաց, հընձողաց, ջրուորաց, դայեկաց, եւ ամենայն իսկ դասու պէսպէս մարդկան, ցուցք ուրախութեան, ցուցք սգոյ, ցուցք սեղանոյ, ցուցք տօնից, եւ այլ եւս ազգիազգիք: Եւ այս իսկ բաւական ցուցանիցէ թէք քանի համաշխարհական էր ցանկութիւն ընդ երգս վիպասանութեան ի բովանդակ ազգին յայնմիկ վարելոյ եւ յոկելոյ: Օքնչ ասասցուք զառագաստի, զշիմենական երգոց, որ անբաւ իսկ էին: Եթէ դամմի ի թատր ելցուք եւ ածցուք զհայեցուածս յերգահանութեան մրմունջս եւ յերգս ձաղութեան, յեպերանս, ի հտապտանս եւ յայլ եւս յօրինուածս գուսանութեան, եւ սահեալ անցցուք ընդ երգս վիպասանութեան նուազայարդարաց, ընդ գովեստս եւ ընդ երգս յաղթութեան, զորոց անուանսն ընկ ի գրի հարկանել տուս մի ողջոյն պիտոյ էր ծախել, ոչ գտանիցեմք զբաւ ի զարմանալոյ ընդ ծննդականութիւն հանճարոյ Յունաց յերգս վիպասանութեան:

Բայց զպարծանս յունականն Պառնասայ չէ պարտ ի յաճախութեան ճարտարացն եւ յայլեւայլ ազգս յօրինուածոց նոցա, այլ յառաւելութեան եւ ի կատարման երգոցն ճարտարութեան դնել: Ո՞ր այն ազգ էր որ չլինէր համարեալ պատուական, եթէ միայն կարէր պարծել, թէ երգս իմն վիպասանութեան իբրեւ զիղիականն եւ զՈդիսական հան երեւեցոյց: Բայց Յոյնք ոչ շատացեալ ընդ այն պատիւ անմահութեան ախորժեցին ունել եւ ի թատերս երգս մրմնջոց երգահանաց եւ ձաղութեան Սոփոկլի, Եւրիպիդեայ, Երիստոփանեայ, Մենանդրեայ, որ ընդ պատուականութեան վիպասանութեանն Հոմերի գուպարած եղեալ մաքառին: Եսսիոդոսն եւ Արատոս, եւ Նիկանդրոս եւ այլ եւս պւեստք յօրինիչք երգոց վարդապետութեան, թէպէտ եւ հաւասարք եւ հանգիտապատիւ արժանեացն Հոմերի եւ Սոփոկլեայ չիցեն, սակայն աճեցուցին

զպատիւ երգոց վիպասանութեան։ Պիհնդարոս, Անակըն, Թէոկրիտէս, Կաղիմապօս եւ այլ պւետք դասականք յամենայն իսկ օրինակս զիարդ չտայցեն նախանձ բերել ընդ երջանիկ ոգի Յունաց, որ դիտէին այնպէս կորովութեամբ հարկանել զստոյդ գեղեցկութիւն վիպասանութեան, ընդ որ կոյս եւ դէտ ակն եղեալ հայէին։ Համենայն իսկ ջոկս երգոց վիպասանաց դտանեմք օրինակս պւետական կատարման, եւ տեսանեմք զի եթէ ի դիւցազնական վիպասանութեան եւ եթէ ի քնարական եւ ի գուսանական երգս, եւ յանդիորդական մրմունջս եւ յայլմն եւս ազգս յորս թեթեւ եւ ծանր, անօսր եւ հոյակապ, դոյզն եւ աւագ դտանին, նոքին գիտացին մերձենալ եւ զննել զարդարն կէտ ճշմարիտ գեղեցկութեան։

Ոչ սակաւ զարմանալի է եւ երկարն տեւել բարւոք ճաշակի յերգս վիպասանութեան ի մեկնակ եւ յաննման ազգին այնմիկ։ Չորք տիք զատուցանին յոյն վիպասանութեան։ ի չորեսին եւս երեւեցաւ մեծապայծառ եւ վայելուչ։ Անդուստ ի վերսւատ իսկզբանէ մինչեւ ցառմերոս եւ ցևսիոդոս կազմեալ յօրինին առաջնոյ ժամանակին տիք, որում բաւական փառս եւ բարդաւաճանս երկորին այս ճարտարք շնորհեցին թէպէտ եւ որ յառաջագոյն քան զնոսայն եղեն, չիցեն ծանօթ։ Եթէ օրհնութիւնքն, որ արդ անուամբ Որփեայ յածին, արդարեւ նորա իցեն, որպէս բազումք յանաշառ իրաւընտրաց պնդին, եթէ չումերոս չհամարեցաւ անարժան իւրում պւետական ազնուութեան զդարետայն եւ զայլոց ճարտարաց որ յառաջագոյն քան զնա եղեն, կապուտս ժողովել եւ մուծանել յիւր վիպասան երգս, որպէս բազումք հաւատարիմ համարին, ապա հիմ չիցէ մարթ մեզ զմտաւ ածել եթէ յունական վիպասանութիւնն յառաջագոյն քան զնումերոս չէր անմասն ի վիպասանութեան զարդուց, եւ թէ ան-

դէն ի մանկութեան իսկ իւրում յղկեալ եւ ողորկեալ երեւէր : Հետ այնորիկ երկրորդն ժամանակ պատահէ , որ առանձինն վասն ճարտարացն նուազայրդարաց անուանի լինէր : Աղկէոն , Պինդարոս , Անակրէոն եւ այլ բազումք , Կորիննէ , Սափիով եւ յաճախաթիւ գունդ յունական մուսայից չիցե՞ն բաւական ի մեծարել դարս բազում եւ ազգս բազում : Բայց զիա՞րդ մարթ իցէ ի միտ առնուլ , թողթէ գովել ըստ արժանի զպւէտս գուսանական վիպասանութեան որ յօրինեալ կազմեն զերրորդն ժամանակ երդոց վիպասանութեան Յունաց : Թաղեալ մեկուսի զՓրինիկոս , զԵպիկարմոս , զԵւպողիս , զԿրատինոս եւ զայլ եւս անբաւ գունդս երդահանաց եւ երդայարդարաց , որ կիրթքն են եւ բազում գովութեամբ ի նախնեաց յիշատակին , ոչ ապաքէն յաղթեալ ձաղիցէ ձաղանս յունական վիպասանութիւնն միայն ի ճակատել առաջի իւր Եպիղեայ , Սոփոկլի , Երիպիդեայ , Արիստոփանեայ եւ Մենանդրեայ : Հուսկ յետոյ են չորրորդն տիք , յորում յունական վիպասանութիւնն , ծաղկեալ եւ փթթեալ ընդ այնշափ դարս , թուէր իմն թէ անկանիցի ի ծերական հիւծութիւն , սպառեալ ճշմարիտ զարդուցն եւ շքեղաշուք դիւցազանցն : Բայց Թէոկրիտոս , Մոսկոս , Քիովն եւ այլ անդիորդականք , Կաղիմաքոս , Ապողոնիոս եւ այլ եւս ամենայն բանաստեղծք եւ այնշափ պւէտք նուազայարդաբք որ աշխարանս եւ վերնագիրս գրեցին , եւ այլ նոցին նմանք , մարթացան ունել զճարտարութիւն վիպասանութեան դալար եւ առողջ , եւ զնորին մանկական կայտառութիւն պահէլ : Այսպէս երդ վիպասանութեան Յունաց աննման օրինակաւ որ ոչ յառաջ եւ ոչ յետոյ երեւեցաւ երբեք , ընդ երկայնաձիգ դարս զառաջնական զիւր պայծառութիւն յակաստանի ունէր . եւ լին ըյս ընդ բազում ժամանակս եկաց մնաց յելս , առանց ի մուտս կոյս խոնարհելոյ :

Այս կարեմք զնոյն պարծանս շնորհել հռոմեական վիպասանն երգոյ , որ այլակերպ գնացիւք յառաջ եկն : Առաջին վէպք բրտագոյնք եւ անկերպարանք , զորս սովոր եին երգել ի պաշտամունս կրօնից իւրեանց , եւ ի թատերական խաղս եկեալս յետրուրիայ , զորս Հռոմայեցւոց իրրեւ դործս կրօնից ընկալեալ էր , չէին արժանի կոչելոյ երգ վիպասանութեան . եւ Հռոմ քաղաք , պսակեալ յաղթական արմաւենեօք , չէր ընդելուզեալ զիւր զազնուական ճակատ պւետական պսակաւ : Պիւիոս Անդրոնիկոս , Կեւիոս , Եննիոս եւ Պակովիոս , Ծնեալք ի դաւառս մեծի Յունաց աշխարհին , մուծին ի Հռոմ զյունական երգ վիպասանութեան . բայց քանզի ի հռոմ լեզու երադին , բրտութիւն լեզուին եւ խստութիւն եւ թերակատարութիւն վիպագործութեան (versification) չետուն զգալ նորոյ վիպասանութեանն ճաշակաց . թէպէտ եւ Եննիոս եւ Պակովիոս յոյժ հռչակաւորք եղեն , եւ բարձրաբարբառ հռչակեցուցեալ զհռոմեականն երգ վիպասանութեան ոչ միայն դրուատիս առնլոյ , այլ եւ լինելոյ ուսումն լուսաւորագոյն եւ տեղեկադոյն յետնոց արժանի եղեն : Պղաւտոս եւ Տերենտիոս՝ եւս յառաջադէմ մատեան եւ սեպհական հանճարով եւ կրթելով ընդ յոյն օրինակս ետուն հռոմեական թատերն բազում մրմունջս ճաղութեան , որ մինչեւ յեւթնեւտասներորդ դար արդի երգայարդարաց իբրեւ օրինակ նմանութեան առաջի դնէին : Պայծառացան դարձեալ Ատտիղիոս երգահան , Տուրպիղիոս , Տորսեննոս , Տրաբէա եւ այլք կոմիկեանք , որոց զուարձութեամբ ունին մատուցանէին ի թատերս : Ինտրութիւն եւ առանձինն բարք լեզուին , եւ նրբութիւն եւ փափկութիւն խորհելոյ բազում ինչ շահեցան ի ձեռն յօրինմանց եւ կարգմանց այսց կոմիկեանց , մանաւանդ յօրինուածովք վարուն եւ մարդընդելն Տերենտեայ : Բայց քանզի սոցա ի պետս թատերաց այնպիսի իմն աղդ շափոյ

ի կիր արկեալ էր, որ առաւել յառանց չափոյ անդր քան յերգս վիպաց մերձենայր, վասն այնորիկ Հռոմայեցւոցն վիպագործութիւն զպատշաճ յարմարումն եւ զքաղցրութիւն ոչ ստացաւ:

“Տուղղիոս, ասէ Անդրէս*, որպէս ես կարծեմ, արժանի է գովութեան եւ յարդանաց իբրեւ այն պիսի ոք՝ որ յառաջինն զնոյնգունակ զարդարանս ի հռոմէական երգ վիպասանութեանն եմոյծ: Գիտեմ, ասէ, հասարակաց իմն կարծիք ոչ արդեաց եւեթ, այլ եւ նախնեաց են, թէ Տուղղիոս որչափ յանկ եւ ճարտար էր առնել պատիւ ամենայն ազգի ճարտարախօսութեան, նոյնչափ յերգս վիպաց չափով չէր բաւական եւ յաջող, եւ իմ ոչ գոն բաւական պատճառք առ այնմ համաշխարհական կարծեաց ի դիմի հարկանելոյ: Բայց եթէ միանգամ ուշ եղեալ ի մենքենական կազմութիւն ստիքաց (vers), ի քաղցրանուագ յարմարումն եւ ի քաղցր ծորանս հայիցիմ, համարիմ այնպէս թէ կարօղ եմ առանց յերկուանաց հաստատել, թէ որ զստիքս Աիկերոնեայ, յորոց ոչ սակաւք կան մնան ցարդ, ընդ ստիքաց այլոց պւետաց որ յառաջադոյն քան զնա եղեն, համեմատիցէ, չգաանիցէ ինչ դժուարութիւն խոստվան լինելոյ, թէ ի Տուղղեայ սկիզբն եղեւ քաղցրութիւն եւ նրբել հռոմէական վիպագործութեանն:::

Ե նմին ժամանակի Տուղղեայ գրեցին եւ Պուկրետիոս եւ Կատուղղոս, որոց թերեւս շահեալ յօրինակէ Աիկերոնի, ստիքօք թէպէտ եւ սակաւինչ խստիւք, բայց յոյժ յղկելովք եւ ողորկելովք քան զՊակովիայսն եւ զեննեայսն եւ զայլոց որ յառաջ քան զնոսա եղեն, զայն ուժգնութիւն եւ զդրդանս՝ որ ցայնժամ չէր ծանօթ, երդոց վիպասանութեանն Հռոմայեցւոց շնորհել մարթացան: Յայն-

* Անդրէս վասն սկզբ. յառաջադ. եւ արդի պայմ. ամենայն ազգի գրադիտ. Բ. Տում. Ա. Գլ:

ժամ երգ վիպասանութեան Հռոմայեցւոց յիւր արժանաւոր կերպարանս ընծայանայր եւ սոյն արդարեւթէպէտ եւ կարճագոյն, բայց փառաւորագոյն ժամանակի իւրոյ նշողազարդն պայծառութեան է: Ա իրադիզիս, Որատիս, Տիբուղզոս, Պրովերտիս, Ովեդիս, Փեղրոս եւ այլք, որ ի թագաւորութեանն Աւգոստեայ բազում յաճախութեամբ ի չափ հասնելին, եղեն եւ հանապազ, ցորչափ բարւոքն ճաշակ ոչ սպառեսցի, փափկութիւն գիրգ ընթերցանելեաց լինիցին: Ի այց սոյն այս է ժամանակ, յուրում արդարեւի ծաղկի եւ ի փթիթս էր երգ վիպասանութեան Հռոմայեցւոց, եւ չեղեն նորա այլ երջանկագոյն ժամանակը, որ ի կշիռ համեմատութեան ընդ դարուն Աւգոստեայ գալ մարթեին:

Հռոմայեցւոց վիպասանութիւն յետ այնուրիկ հուպ ընդ հուպ առանց միւսանգամ երբեք յառնելոյ անկանէր. բայց եւ ի գլորման անդ իւրում վայելլութիւն իմն ընծայեցուցանէր, եւ ընդ թերակատարութիւնս, որ զնայն տղեղացուցանէին, պահէր ոչ սակաւ շնորհս, որ զնա մեծարոյ յօյժ յեսնոցս կացուցին, եւ ի սմին յայսմիկ մարթ է իւիք իրօք զհռոմէականն երգ վիպասանութեան քան դյունականն վերագոյն անուանել: Հ ետ շքեղ ժամանակին յունական վիպասանութեան, որ այն նշանաւոր պւէտ կայցէ Յունաց ի մթին ժամանակս անկածութեան նոցա: Ի այց Պուկանոս, Ստատիս, եւ ի գարս եւս խոնարհագոյնս՝ կղաւդիանոս, մեծարանօք ի կարի իսկ իմաստնագոյն դատողաց նշմարին, որ ազնուագոյնս ճանաչեն եւ յիրաւի խորշին եւ գարշին ի բծաց նոցա: Հ օբնաղ ի բազմաց քան զԱրատիս նախամեծար համարի յիւրում աղգի. եւ Մարտիաղէս այլազգագոյն ճաշակաւ մրցի իմն զյառաջագահ պարծանս ի կատուղեայ ի վերնագիրս յափշտակել: Ա նկանել երգոց վիպասանութեան Յունաց ի թալանալոյ եւ ի խոնջութենէ դիպէր, յո-

բում ոգին Յունաց ի սպառել եկն, բայց Հռոմայեցւոց նորին հակառակն լինէր վասն մեծի հրոյն եւ եռանդման, որ կարի իմն զցնորս մտաց Հռոմայեցւոց ջերմացոյց եռանդնալից տապով։ Արդարեւ ի յոյն պւետիկոսս խոնարհագոյն ժամանակաց ոչ տեսանին քայլայումն ոճոյ, ստայօդ պաճուճեալ խորհուրդք, նրբագոյն եւ բարձրագոյն յանցմունք, որ զապականնեալ ճաշակ հռոմէական վիպասան երգոյայնը ժամանակի յօրինեալ կազմէ, բայց եւ ոչ աղնուական նիշք արդարեւ հոյակապք, որ զՀռոմայեցւոցն նոցին իսկ Յունաց արգոյ եւ պատուական ընծայեցուցանեն, եւ գրեթէ զպակասութիւնսն իւիք իրօք ծածկեն, եւ յունական երգ վիպասանութեան ունի դարս բազումս ոսկեղէնս, բայց չիք նորա եւ ոչ մի դար արծաթեղէն, որպէս Հռոմայեցւոց գոյ։

Բայց հուսկ յետոյ բարւոք դարք ոսկեոյ եւ արծաթոյ ի հռոմէական եւ ի յունական վիպասանութենէ աներեւոյթ լինէին, եւ ճառք աստուածխօսականք եւ պատմականք, ատենախօսութիւնք, գովեստք, եւ գիրք գերեզմանաց ոչ թէ երկաթեաւ միայն եւ կապարաւ, այլ եւ կարի իսկ անարգագոյն եւ վատթարագոյն արատովք ծածկեցին։ «Չէ մարթառանց զզուանաց եւ նողկանաց յիշատակել զկրեսկոնիոս, զԱբբոնիոս, զՍիղոն եւ զայլ պւէտս որ այնպէս թշուառագոյն կոտորած եղին ի վերայ բարեբարն տիկնոջ մարդկեղէն որտից, եւ այնպէս տղեղ եւ սոսկալի ընծայեցուցին զապշեցուցիչն համբարու, զգեղեցիկն եւ զսիրուն վիպասանութիւն։ (Օն առխոյս տացուք ի Յունաց եւ ի Հռոմոց, որ անծանօթն եղեն ի սորին շնորհաց, եւ փոխեսցուք յայլ կողմանս, ուր երգ վիպասանութեան եթէ զիւր աւագութիւն եւ զվայելութիւն ոչ ստացաւ, գոնեայ բարւոք գրդեցաւ եւ փայփայեցաւ։

Արաբացիք, բաց ի գիւցազնականէն եւ ի գուսաննականէն, զամենայն ազգս վիպասան երգոց Յունաց

եւ Հոռոմոց ի կիր արկին։ Արմունջք նոցա գիւցաղնա-
կանք՝ կացուրդք կամ դրաւատիք իմն են, որ առաւել-
գովեստից մերոց, քան Ենէականին կամ Եղիականին
նմանք իցեն։ Ա գիւցաղնական մրմունջս Արաբացւոց
պատշաճին դեղօնք զոր ստեղ ի կիր արկանէին։
Թռէ ընդելական յոյժ էին վարդապետական մրմունջք
առ Արաբացիս, չիք ոք որ երկմախցէ, յորժամ տե-
սանիցէ մրմունջս անուանիս զդպրութենէ, զժառան-
գութենէ, զարեգակնականն եւ զլուանական տարւոյ,
զկանոնական իրաւանց, զոքովաստիկեան աստուած-
խօսութենէ, զնշանագրովք համարողութենէ ան-
գամ, որ այնպէս գօսն եւ ցամաք է մինչեւ թուել
թէ յոյժ ի բայցեայ իցէ յընդունելոյ զծաղիկս եր-
դոց վիպասանութեան, եւ զայլ եւս անչափ յօրի-
նուածս ազգի ազգիս։ Ի՞այց ի վարդապետական
մրմունջոց ունէին եւ մրմունջս բարոյականս, զոր պէս-
պէս ընծայեցուցանէին, եւ բարոյական կոչէին զերգա՛
որ նկարիցեն զպարդեւս ոգւոց, զամօթխածութիւնս,
զզգաստութիւն եւ զայլ եւս առաքինութիւնս.
Բայց Յոնէս յիրաւի բարոյից երգ վիպասանութեան
զայն կոչեցէ, որ չքնաղ եւ քաղցր վճռովք զպատ-
շաճս կենաց, զընկերութեան պարտոյս, եւ զընաւ
առաքինութիւնս ուսուցանիցէ, որպէս առնէին իսկ
առ Յոյնս երգք Փոկիդիզեայ եւ թէոզնիդեայ, որ
հմտաց ծանօթ են։ Ի՞այց մեծադոյն առաւելու-
թիւն երգոց վիպասանութեան Արաբացւոց ի յօրի-
նուածս վճռոց եւ առակաց հաստատեալ կայ, եւ
սպին միայն են, յորս մարթ է Արաբացւոց յիրաւի
մրցել եւ ի վէդ գալ ընդ Յունաց։ Ապերանք Արա-
բացւոց առաւել յամբիկոնին Յունաց նման է, քան
եպերանաց Հռոմայեցւոց։ “Ի՞այց տեսանեմ, ասէ
Անդրէս*”, զի եպերանք Արաբացւոց որ ինձ ի ծանօ-
թութիւն եկին, առաւել ուժդին եւ դառն թշնա-

* Անդր. Բ. Տոմ. Ա. Գլ.

ժանդք, քան շնորհալից եւ զուարթագին ծաղը չարեաց եւ պակասութեան ընկերութեան են,,,: Քաջի բաց հեռի գտանի առ Արաբացիս երդ վիպասանութեան հանգոյն Անտկրէօնտեայ, Տիբուղեայ եւ Պետրարկայ այլովքն հանդերձ, բաց ի սակաւուց որ հազիւ տացեն նշմարել զհետս նշմարանաց արեւելեան խօսից ի տեսիլս, ի յայտարարութիւնս, եւ կարի իմն ի յունական ճաշակ մերձենան։ Բայց էին առ նոսա յաճախ եւ այլ երդք, որպէս աշխարանք, եւ այլ եւս մրմունջք որ յօրինէին ի պայծառութիւնս յուղարկաւորութեան Ասիացւոց, յօրում առանձինն նշանաւորք եղեն Արաբացիք. նոյնպէս վերնագիր, նա եւ առեղծուածք՝ որ այնչափ մեծարոյ ի մէջ արեւելեաց համարին։ Յոռի է բարբանջս դժուարինս ունել, ասասցուք ընդ Մարտիաղեայ, եւ հրաժարեցուք ի համեմատելոյ զպւետիկոսս Արաբացւոց ընդ Յունաց եւ ընդ Հռոմայեցւոց եւ ի գնելոյ զնոսա իրեւ օրինակ առաջի մերոց ճարտարաց. բայց եւ զայն պարտ է խոստովան լինել թէ չէ արժանի երդ վիպասանութեանն Արաբացւոց անարգանացն՝ որով անգունի ի բազմաց, որ չենն դիտակ. հոյակապ խորհուրդք, կենդանութիւն պատկերաց, ուժգնութիւն յայտ առնելոյ, յօրինեալ յարմարումն ստիքաց տան նմա երբեմն իրաւունս բարձրագոյն իմն կայան ի կարգս մուսայից յետ յունականին եւ հոռմէականին գրաւելոյ։

Ինդ արաբացւոյն քաջ կշռի եւ ռաբունականն։ Դուստր է արաբականին եւ Պրավենկացւոցն, թէ պէտ եւ ճաշակ եւ ողի կարի այլակերպ է ի ռաբունական մրմունջս։ Օրհնութիւնք, նուաղք եւ գովութիւն առ Աստուած եւ առ երեւելի մարդիկ, յօրինուածք վարդապետականք եւ խրատք թելադրութեան զմեծ մասն երբայական երդոց վիպասանութեան յօրինեալ կազմն, ուր սցդպիսի մըրմունջք չէին այնչափ հաճումք եւ սիրելիք Պրովեն-

կիացւոց. զի սոքա նմին հակառակ ընդ պերճ եւ
ընդ եպերանաց երգս վիպասանութեան յոյժ ախոր-
ժէին, որ խորշելի եւ գարշելի էին առ չերպայե-
ցիս, կամ զայնը սակաւ զհետ երթային : Ի՞այց պրո-
վենկականն երգ վիպասանութեան, թէպէտ եւ յըղ-
կեալ յոյժ քան զուաբունականն էր, ցանկ իբրեւ
պատուական ինչ զրօսանք եւ հաճոյական կրթու-
թին կայր մնայր, ոչ եթէ արուեստ ինչ գրագէտ
ճարտարութեան յօրինեալ կացուցանէր : **Տեարք**,
իշխանք, արք նշանաւորք ի քաղաքաւորութեան
եւ ի զինուորութեան առհասարակ պէտք էին, որ
զպրովենկական երգ վիպասանութեանն հնչեցուցա-
նէին՝ բայց արք գրագէտք, մարդիկ խրատեալք, ու-
սուցիչք կամ վարդապետք ոչ գտանին գրոշմեալ
ի գիր համարոյ պւետիկոսացս . եւ եթէ վանական
ոք կամ եպիսկոպոս գտցի, այն այնպէս սակաւ է,
մինչ զի եւ շհասանէ իսկ ի թիւ համարոյ տիկնաց,
որ զայն արուեստ ճարտարութեան ուսանէին :

Այսոքիկ են առաջին նուազք եւ թոթովու-
թեան բարեառք խառնազանձն վիպասան երգոյ, բայց
ապա զուժգին հնչումն իւրոց այրական տիոց արձա-
կէր, եւ նաև յիաաղիա, ուր սկիզբն արար զառա-
ջինն բանալ յայտնել զամենայն մեծութիւնս իւրոց
քաղցրախառն նուազաց : Որ գաւառ եւ իցէ, ուստի
իտաղականն երգ վիպասանութեան զիւր ծագումն
առեալ իցէ, որչափ տկար եւ նորին առաջին քայլք
իցեն, արդարեւ ի Տոսկանա իսկզբան չորեքտա-
սաներորդ դարու հաստատուն ստիւք զբարձունս խո-
րածորս Պինդեայ կոխել սկիզբն առնէր : Դիանտէ եւ
գետրարկա ցայսօր իսկ մեծարին ոչ այնչափ իբրեւ
հարք, որչափ որպէս ճշմարիտ վարդապետք երգոց
վիպասանութեան : **Այսց երկուց արանց նշանաւորաց**
օրինակ եկաց մնաց անպատուզ եւ անշահ ընդ ամս
բաղումն, մինչեւ յետուստ ուրեմն ի վեշտասանե-
րորդ դարու եւ բիեաց առատագոյն իմն երակ կաս-

տաղեան ջուրց, որ զամենայն դաշտս իտաղական վիպասանն երգոյ առնել պաղաբերս եւ յուռթիս բաւական լինէր : Յայնժամ քնարականն բազում ազնուական արբանեակս երեւելի պւետիկոսաց ստառայըր : Յայնժամ գուսանականն թողեալ զիսառնազնան դրդջիւնս եւ զմանկաւոյ շաղփաղփութիւնս, զիւր ոյժ պնդութեան ի կիր արկանէր զմոյզն եւ զյոյն սանդաղ ի թատր անդր իտաղացւոց կոչել եւ մուծանել զբարւոքն ճաշակ : Յայնժամ վարդապետականն բազում նմանօղս հաւատարիմս մեծին Ալիրգիզեայ գտանէր : Յայնժամ եպերանք, ծաղրածուն եւ չարաձնի, յայնժամ անդիորդականն եւ հովուական մրմունջք, յայնժամ ամենայն ազգք երգոց վիպասանութեան մեծաւ եռանդմամբ վարել եւ ի դործ անկանել սկսանէին : Առանձինն դիւցազնական վիպասանութիւն ի ձեռն նոցա ի մեծ աստիճան կատարման հասանան հասանէր : Պլէտք իբրեւ զըրիոստոյն եւ զԾասսոյ՝ բաց յիտաղիայ ի տարեկանս պւետէից այլը իրիք ազգիժամանակին այնորիկ դրոշմեալ ոչ գտանին : Ի՞այց յետ այնպէս վերանալոյ տակաւ զիջանել անկանել սկսանէր, եւ մուսայք իտաղականք, որ իւրեանց նուագօք զօյնս եւ զչուոմն անդամ նախանձաբեկ առնել բաւական էին, այնուհետեւ զբարբառ փոխէին, եւ զզուարթութիւնն եւ զքաղցրութիւն ի մեղկութիւն եւ ի պշրանս շըջէին : Առև ի սկիզբն ութեւտասներորդ գարուն բազումք ազնուագոյն եղեն, եւ Մետաստասիոյ մեծացոյց զերգ վիպասանութեանն նորակերտ զարմանալի պայծառութեամբ, զգործուած իտաղական վիպասան երգոյ բարձրացուցեալ յայնչափ առաւելութիւն, զի մարթիքաջ քաջ գալ ի վեգ մաքառման ընդ գաղիացւոց : Առաջին բարբառ Եւրոպայ յետ իտաղացւոյն եղեւ սպանիտականն, որ դիտաց կորզել զճշմարիտն գեղեցկութիւն երգոց վիպասանութեան : Դէպ ժամանակ է այժմ գալ առ դրացին սորա առ ազնուական գաղիացին :

Պատ վկայութեան Բոսաղըի եւ այլոց դատողաց,
 Մաղերը եղեւ առաջին պւէտ, որ արդարեւ ճշգրիտ
 յանկմունս ի ստիքս տայր իմանալ, առաջին՝ որ
 ետ ճանաչել զզօրութիւն որոյ եւ է բարբառոյ ե-
 գելոյ յիւրում ճշմարիտ կայի, նոյնպէս առաջին՝ որ
 ի վիպագործութիւն անդր Գաղղիացւոց յարմարումն
 եւ ճշդութիւն մուծանէր, եւ միանգամայն իսկ առա-
 ջին՝ որ պւետիկոսաց յետնոց իբրեւ առաջնորդ հաւ-
 ատարիմ լինէր, եւ ի նմանէ իսկ առնու սկիզբն
 աղնուագոյն երդ վիպասանութեանն Գաղղիացւոց:
 Յետ սորա բազումք վաստակեցին, բայց որ պսա-
 կեացն զայն ստոյգ փառօք, եւ ետ թագաւորել ի
 Պառնաս, եղեւ կոռնեղիոս, որոյ երդահանութիւնք
 եղեն առաջին կոտորք գաղղիական վիպասան երդոց,
 որ արժանի իսկ են համարելոյ իբրեւ դասականք
 եւ վարդապետականք, որ եւ զփոյթ ամենայն աղ-
 դաց եւ ամենայն ժամանակաց յանձինս կորզեցին:
 Յետ այնորիկ Մողեէր, Ռակին, Բոսաղը, Ղափոն-
 տէն պայծառանային, որոց պատազեցուցեալ զիւ-
 րեանց սքանչելի հանձար ի պէսպէս նիւթս եւ յաղ-
 դի ազգի յօրինուածս, զթագաւորութիւն Ղուղո-
 վիկեայ Դժերորդի ոսկեղէն գար իւրեանց վիպասա-
 նութեանն ճարտարութեան առնէին: Բայց Գա-
 ղիացւոց աշխարհն ունի եւ յետ այնորիկ ոչ սակաւ
 ճարտարս, որ եթէ ի փառս առաջնոցն ոչ հասա-
 նիցեն, ընդ հռչակաւորաց այլոց ազգաց քաջ կշռել
 մարթին: Ոռուսոյ, Կրերիղիոն, Վողտէր, Փոնտը-
 նէլ եւ այլ բազումք յանդիման կարգեալ տողի-
 ցին, որոց միանգամ զհանդէս տեսանել զանուանի
 պուետիկոսաց պէսպէս ազգաց հնոց եւ նորոց կա-
 միցին: Խբրեւ զդասս դասս երդոց վիպասանութեան
 քննիցեմք, տեսանիցեմք թէ որշափ սքանչելի օրի-
 նակս թողեալ են յիւրաքանչիւր ազգսն Գաղղիացիք,
 եւ որշափ իրաւունս ստացեալ վարդապետս ճարտա-
 րութեանն համարելոյ: Օչայն ինչ եւեթ յաւելցուք,

թէ ոչ սակաւ զարմանս ածիցէ ի փառս Գաղղաց գւոց զմտաւ ածել, թէ մինչ դաղիականն բարբառ համօրէն եւ ի տոհմայնոց եւ յօտարականաց իբրեւ աղքատ եւ տկար բամբասիցի, երդ վիպասանութեան նոցա այնպէս ազդոյ եւ ազնուական եւ մեծատուն երեւել մարթացաւ, ոչ ինչ ընդհատ ի բարձր եւ ի մեծամեծար ճառս որպէս ի խոնարհագոյն եւ ի վտիտ խօսս, եւ եղեւ ի հրահանդս եւ ի տալ խրախոյս բարբառոյ ճարտարաց այլոց լեզուաց, որ առաւել առատն եւ ազդոյ եւ յարմարեալ իցեն։ Բատ սոցին համեմատութեան իմանալի է եւ զերդոց վիպասանութեան այլոց ազդաց Եւրոպայ, զԱնդղիաց, զԳերմանացւոց, զՄոռուսաց այլովքն հանդերձ, որ թէպէտ ոչ հաւասարիցեն նախնեացն, Յունաց եւ Հոռոմոց, եւ յարդիս՝ Գաղղացւոցն ազնուականութեան եւ ընտրութեան, սակայն են են արժանի զարմանաց եւ կարգելց օրինակ ընտիր ճաշակաց ի նիւթս նիւթս։

Եթէ ընդ պայծառութիւն երկնից Հայաստան աշխարհին, ընդ օդոցն զուարթութիւն, ընդ պտղաբերութիւն երկրին, ընդ սաստիկն եւ սուր հանճար բնակչացն եւ ընդ ջերմաջերմն եռանդն մտաց նոցա նայիցիմք, հարկ է ասել թէ նշանաւոր յոյժ էին մելքն յերդս վիպասանութեան, զի այնպիսի իսկ վայրք են մուսայիցն դաւառք։ Թռէ ի կարի հին ժամանակս դտանէր երդ վիպասանութեան ի Հայս, ի բազում վկայութեանց նախնեաց յայտնի է։ Խորենացի զբանս Ողոմպիոդորայ յիշատակէ, ուր յետ զաւանդութեանց նոյի եւ որդւոց նորա ի մէջ բերելց, ասէ այսպէս Ողոմպիոդորոս։ Առաւել յաճախագոյն հինքն Արամազնեաց ի նուագս բամբռան եւ յերդս ցցոց եւ պարուց զայսոսիկ ասեն յիշատակօք, *։ Օքերդս վիպասանութեան նախնեացն Հայոց

* Խոր. Պատմ. Հայ. Ա. Գիրք. Զ. Գլ.

ինքն Խորենացի բազում ուրեք յիշատակէ, ի միում վայրի ասէ այսպէս. “Յայտնեն զայս ճշմարտապէս եւ թուելեացն երդք, զոր պահեցին ախորժելով, որպէս լսեմ, մարդիկ կողմանն գինաւէտ գաւառին Գողթան, յորս շարին բանք երդոցն զԱրտաշիսէ եւ զորդւոց նորա,,,: Եւ այլուրեք ասէ. “Զայս երդելով ոմանց բամբուամբ լուաք իսկ ականջովք մերովք,,,” Յաւելցուք ի նոյն եւ զվկայութիւն Փաւատոսի բուզանդացւոյ որ ասէ զՀայոց. “Զիւրեանց երդս առառպելաց զվիպասանութեանն սիրէին,,,”***, այլովքն հանդերձ: Ի՞այց հզօրագոյն քան զվկայութիւնս զայսոսիկ են բանք երդոցն վիպասանաց Հայոց որ ի գիրս Ագաթանգեղեայ, Մադիստրոսի եւ մանաւանդ Խորենացւոյն գտանին, յորոց եւ ի մանրագոյն նշխարս առաւելութիւնք Յունաց եւ Ասիացւոց միանգամայն նշմարին: Յետ քրիստոնէութեան, զՃաշակ հայ քնարական վիպասանութեան ոչ ուրեք այնպէս լի եւ բովանդակ, որպէս ի Շարականս, առ Շնորհալոյն եւ առ Վկայասիրին տեսանիցես:

Այժմ նշանակեսացուք զնշանաւորսն ի պւետիկոսաց որ յիւրաքանչիւր ազգս երդոց վիպասանութեան եղեն: Ի քնարական մրմունջս անուանի են առ Յոյնս Անակրէոն եւ Պինդարոս, նա քաղցրութեամբն եւ մեղմական հեշտականութեամբ, եւ ոս հասու եւ հակիրձ բարձրութեամբ. ի նոյն յաւել եւ զԱղկէոն եւ զԱմոնիդէս եւ զԱփփով: Ի Հռոմայեցիս բաւական լիցի սքանչելին Որատիոս ամենայն իսկ յունական նուագայարդար գնդին ի դիմի հարկանելոյ: Ի մէջ ազգաց նորոց Խտազացիք ազնուագոյն են ի քնարական երդս վիպասանութեան. Պետրարկայն նոցա հայր նորոց նուագայարդարաց,

* Անդ. Լ. Գլ:

** Անդ. Լ. Ա. Գլ:

*** Բուզանդ. Պատմ. Հայ. Գ. Դալր. Գֆ. Գլ:

ոչ յիւրում եւելթ ազգի, այլ եւ յայլ ազգս համարի: Ի Գաղիացիս աղնուագոյն անուան եհաս յայս ազդ վիպասանն երգոյ Յովհաննէս Մկրտիչ Ռուուոյ եւ յետ նորա Ղըմիան Պոմպինեան: Ի մէջ Անգղիացւոց Կովկէի զանուն նոււագայարդար պւետիկուսի ժառանդելց արժանի է, որ նմանութեամբ Պինագրեայ եւ Անակրէոնդեայ զերգս վիպասանութեան իւրոյ ազգին զարդարեաց: Ի Գերմանացիս նշանաւոր եղեւ Հաղղեր, բայց քան զնա անցոյց զանցոյց Գղայմ, որ քան զԾիրտէուն յոյն առաւել համարի եւ արժանի կրելց զանուն Անակրէոնդեայ:

Յաշխարանս՝ ի մէջ Հռոմայեցւոց Տիբուլոս, Պրուպերտիոս եւ Ովիդիոս, յարդիս Պետրարկա հըռչակաւորք են. իսկ ի վերնագիրս Կատուղլոս եւ Մարտիաղէս հռոմայեցիք:

Խկեսցուք այժմ՝ յազնուագոյն պւետս վիպասանս որ զդիւցազնական վիպասանութիւն նոււագեցին: **Օ** առաջին տեղին ունի եւ ունիցի Հոմերոս, հայր Իղիականին եւ Ոդիսականին: **Ա**պողոնիոս, մեւս եւս վիպասան յոյն է ի ժամանակս Պտղոմեանց, որ զարութիւնս արդիական նոււավարաց նոււագեալ երգեաց, բայց ոչ հանգոյն Հոմերի: **Հ**ոմերոսի ոսօնս ելանել ոչ ոյլ ոք մարդիցի, բայց հրաշակերտն ամենայն վիպասանաց Վիրդիղիոս, որ յԵնէականին իւրում ի ծագ բարձրութեան զդիւցազնական երգ վիպասանութեան եհան: **Յ**ետ բազում ժամանակաց անկանելց դիւցազնական վիպասանութեան առ Հռոմայեցիս, Ոսիանու ի հիւսիսային կողմանս Քրիտանացւոց զիւր անուանի մրմունջս յօրինեալ համարի. բայց բազումք զայն խաբէութիւն համարին, ուրումն յարդեաց ասեն զայն յօրինեալ է եւ իբրեւ հին ինչ ընծայեցուցեալ: Ի մէջ խտաղացւոց մարդ է իւկը իրօք զԴանտէ եւ զՄրիսոտոյ ընդ պւետս վիպասանս համարել. բայց քան զնոսա աղնուագոյն յիրաւի համարիցի ոք զԾասսոյ, զոր ընդ Հոմերեայ եւ ընդ

Վիրգիլեայ կըռել չէ ինչ անդէպ : Ամլ քան զամենեսին առաւել հաշուի Պուսիտանացին կամունս, որ զըռ Պուսիտանացւոց ի գլուխ բարւոյ յուսոյ ի Պուսիտանին իւրում սքանչելի ճարտարութեամբ երգեաց, մինչեւ Վիրգիլիոս Պուսիտանայւոց անուանեալ կոչել : Ի Սպանիացիս հոչակաւոր է Երկիղղա, բայց խոնարհազոյն յոյժ քան զառաջինն . յԱզդիացիս Միղտովն իւրով Դրախտին կորուսելով . ի Գաղիացիս Վոզտէր Հենրիականաւն . ի Գերմանացիս Կղոպստոկ Մեսիականաւն եւ սքանչելին Գեսնէր Մահուամբն Աբելի անուանի եւ նշանաւոր են :

Խոկ ի Ռոմանս կամ յասպետական մրմունջս ի մէջ Յունաց Հեղիսոդորոս եւ Քսենոփոն եփեսացի յիշատակին, եւ Պոնդոս ոմն գրեաց ասպետական մրմունջս հովուականս, որ եղեւ օրինակ որոց միանգամ զնմին նիւթոյ գրեցին : Ի Գաղիացիս նշանաւոր յոյժ է Փենեղոն, իւրով սքանչելի գրովքն որ կոչին Պատահաբք Տեղեմաքեայ, որ հրաշակերտ իմն ի սմին ազգի երգոց վիպասանութեան համարի : Առևէ յետոյ պայծառացուցին եւ սքանչելի յոյժ գործեցին զայս ազգ գիւցազնական վիպասան երգոյ անդիացին Ռիքարդոսն եւ Շատորրիան գաղիացի :

Օսր օրինակ յայլ ազգս երգոց վիպասանութեան, նոյնպէս եւ ի գուսանականին ի Յոյնս պարտէ ի խնդիր լինել արուեստի եւ ճարտարութեան : Արդարեւ տեսիլ թատերաց եւ նշաւակութիւն ամենայն մարդկան եւ ազգաց զուարձութիւն եւ հաճութիւն շնորհէր, մինչ զի ի Սինէացիս եւ ի Յապոնացիս անդամ գուսանութեան յիշատակք գտանին : Եւ Պերուիացիք եւ Մեքսիկացիք ախորժ յօժարութեամբ զթատերական յանդիմանութիւնս ընդունեին . բայց օրինօք եւ արուեստիք թատր կացուցանել եւ գործո յանդիման առնել ի Յունաց սկիզբն էաու : Արծի այնպէս թէ սկիզբն յունական թատեր ի տօնից Սպանդարամետին լինէր, յորժամ ժո-

զովուրդն յետ կթոց խաղողոյ ելեալ ի կառա շուրջ գայր եւ երգեր երգս ի գովութիւն դիցն գինւոյ, եւ զմիմեանս կատակեին ծաղլածու բանիւք նմանելով Աիզենայ եւ Սատիւրաց եւ պյլոց դից դաշտականաց : Խակըրանն զԱպանդարամետէն միայն էին երգքն. բայց Եպիգենիդէս սկիզբն առնէր զայլ եւս իրաց իրաց երգել : Յետ նորա երեւեցաւ Տեսպի որ զգեմո երգեցիացն մրրով օծանէր, եւ ապա Քերիդ որ փու խանակ մրրոյն դիմակս հնարեաց : Դայց առաւել քան զայլս մարդ է զեսքիղոս հայր յունական երգահանութեան անուանել զի յառաջագոյն մի ոք երգեր, սա եղ բազմաց ընդ իրեարս խօսել : Յետ Եսքիղեայ ազնուագոյն լինէր Սոփոկլէս, որոյ տակաւին չորեքտասանամեայ մրմունջս յաղթութեան ի վերայ պատերազմին Սաղամինայ յօրինեալ էր, ապա քսանեւհինգամենի երեւեցոյց զեւր մրմունջս ի հասարակաց մրցութիւնս, եւ յառաջնումն իսկ նուագի յաղթեաց Եսքիղայ : Ճամանակակից Սոփոկլեայ, բայց կրտսերագոյն քան զնա է Եւրիպիդէս, որոյ յըմբաշտենէ եկեալ ի նկարչութիւն, անտի ի հռետորութիւն ապա ի փիղիսոփայութիւն ընդ խրատու Ընաքսագորայ, հուսկ յետոյ էանց ի ճարտարութիւն երգոց վիպասանութեան, եւ յօրինէր մրմունջս : Երեք այսոքիկ երգահանք են որ զժատրն յունական ի հասափ կացուցին :

* Եոյնպէս եւ ձաղութեան սկիզբն ի Յոյնս է . երգայարդարք յառաջնումն զամննեսին, զփոքունս եւ զաւագս առանց ամօթոյ յերգ արկեալ ձաղէին, որ կոչի Հին ձաղութիւն : Օչյն ծանականաց սովորութիւն սաստիւ արգելեալ, որպէս կարծի, Աղկիբիագեայ, սկսան այնուհետեւ այլով կցկցեալ անուամբք նոյնպէս հեզնել զորս եւ կամեին, եւ այս Միջին ձաղութիւն անուանէր : Խըրեւ այնմ եւս խափան լինէր, սկսանէին զւարիս եւ զախտս նշաւակել, եւ այս է Նորն անուանեալ ձաղութիւն : Առ-

միկեանք հտավիտք հնոյն եւ միջնոյ ձաղութեան Եպիկարմոս է եւ Փորմիդէս եւ Կրատէտ եւ Տիմոկրէտն, Արատինոս եւ Եւզողիս եւ այլք բազումք բայց քան զամենեախն անուանի Արիստոփանէս է Խոկի ի նոր ձաղութեան, որ ազնուագոյն եւ պարկեշտագոյն է, անուանի է Մենանդրոս, որոյ անունիսկ շատ է առ պատկառելի կացուցանելոյ զյունական ձաղութիւն. նոյնպէս նշանաւոր են Փիզեմոնէս, Դիփիդոս, Փիզիպակիդէս, Պոսիդիպոս, Ապողոդրոս եւ այլք :

Հռոմայեցիք, որպէս պատմէ Ղիւիոս, յԵտրուակացւոց զմատերական խաղմն ուսան, որ առ նոստ կաքառք իմն էին եւ անհեղեղ պար. բայց ապա նմանութեամք Յունաց կատարեալ գործեցին։ Ամիկեանք անուանիք Հռոմոց են Պղաւտոս եւ մանաւանդ Տերենտիոս հանգոյն Մենանդրի։ Խոկերդահանք որ եղեն Հռոմայեցւոց, են Ատափոսն եւ Պակուվիոս, նա ուժգնութեամք նշանաւոր է եւ սախելամտութեամք իմաստութեանն։ Ինդ երգահանս Հռոմայեցւոց համարի եւ Սենեկայ, որոյ մըմունջք պահին, թէպէտ եւ չէ յայտ թէ ո այն ոք Սենեկայն իցէ։ Ճամանակակից Սենեկայ հաշուի եւ Պոմպոնիոս Սեկունդոս, զոր Կուբինտիլիանոս ազնիւ յոյժ համարի։

Յարդի պւետիկոսս որ զմատերական երգ վիպասանութեան յառաջադէմ յոյժ մատուցին, ի Գաղիացիս որ ազնուագոյն իսկ եղեն ի սմին յայսմիկ, Պ. Կոռնեղիոս է եւ Յ. Ռակին եւ Կրեբիզոն, եւ Վողտէր, սոքա երգահանք, եւ Մողիէր երգայարդար։ ՅԱՆԳԵՂԱՑԻՍ երեւելի է Շակեսպար (Շէքսփիր)։ եւ ի Գերմանացիս ԳԵԹԷ եւ Շիղեր։ ՅԻՄԱՊԱՂԱՑԻՍ յայլ իմն աղդի թատերական վիպասանութեան, որ կոչի մեղողբամ, այսինքն նուագայարդար գուսանութիւն, զի է երգ վիպասանութեան գուսանական խառն ընդ քնարականին, անուանի

եղեն Զենոն եւ Մետաստասիոյ, որ զարքունական թատրն աւստրիական կայսեր հնչեցուցին եւ զմայրաքաղաքն դլսովին սքանչացուցեալ յապուշ կրթեցին :

Խոկ ի վարդապետական վիպասանութեան ի մէջ Յունաց պատահցէ Եսիոդոս, խոկ ի Հռոմայեցիս, որ ի սմին Եւ նիւթովն Եւ յաճախութեամբ քաջ քաջ գլեն զՅոյնս, յիշատակին Ղուկրետիոս, եւ մանաւանդ Ալերդիդ եւ Ովիդիոս եւ Որատիոս ի թուղթս : Ի Գաղղիացիս նշանաւոր են Բոաղոյ, Ռակին մանուկ եւ Դըղիդ. Խոկ յԱնդղիացիս Պոպ եւ Յունդ : Ի սատիրս կամ յեպերանս, ըստ վկայութեան Որատեայ եւ Կուինտիղիանեայ, չէ պարտ խնդրել պւետիկոս ի Յոյնս. զի այս աղդ մրմնջոց ամենեւին Հռոմայեցւոց է : Պ ուկիոս Համարի հայր եպերանաց, յետոյ Որատիոս եւ Յոբնաղ. Խոկ յարդիս Բոաղոյ, որ ի պատիւ եւ ի բարդաւաճանս մեծ սմին եղեւ :

Չէ պարտ մոռանալ զզուարձալի, զհեշտական եւ զլի խրատուք աղդ վիպասան երգոյ, զառակս ասեմ : Առաջին գտակ եւ մատենագիր առակաց սմանք զՂոկման Համարին, զորմէ ասեն նաև պարսիկ բարբառով դրեալ զառակս իւր, որք ապա յարաբացի լեզու շրջեցան : Ի այց բազում արք ճոխք զՂոկման նոյն Համարին ընդ Եսովվպայ. եւ արդարեւ Խոկ բազումք յառակաց նորա նման են առակաց Եսովվպայ, եւ Փեղրոս զԵսովվպոս գտակ եւ իշխան այսր ճարտարութեան դնէ, թէպէտ եւ այլք ասեն թէ ոչ Եսովվպոս եղիտ, այլ թէ նա յոյժ զուարձանայր պյնպիսի առասպելք : Ա առն որոյ մեք զԵսովվպոս գնեմք իբրեւ առաջին մատենագիր ի Յոյնս, որ առակս ի գրի հարին :

Յերկրորդում գարու եկեղեցւոյ արկ Ափթոնիոս առակս : Ի այց որ զԵսովվպայ առակսն պայծառագոյն եւ աղնուադոյն գործեաց, եղեւ Փեղրոս, աղատեալ Հռոմայեցի, ի Թորակիս ծնեալ, որ պար-

զութեամբն եւ աղնուականութեամբ զընակ Հռու
մայեցիս յամօթ արար: Ի՞այց եւ յառաջ քան ըդ-
ֆեղրոսս Հռումայեցիք չէին աղքատ յառակաց, որ
պէս ուրեք ուրեք ի գիրս Որատեայ երեւին առակը
այնպէս սքանչելիք, մինչեւ յիրաւի մարթին լինել
օրինակ ամենեցուն, որ զայնմ նիւթոյ կամիցին գրել:
Ի՞ազում հանձարեղ առակս ստեղծ եւ ի մեզ Միւի-
թար Գոշ:

Յարդիս երեւեցաւ բանաստեղծ առակախօս
Ղափոնտէն գաղիացի, որ անցոյց զանցոյց զամենե-
քումբք, եւ որպէս տեղեկագոյնկը հաստատեն չիք
նման նմա ոչ ի հինս եւ ոչ ի նորս: Ինդ Ղափոն-
տենայ քաջ մարթ էր կըսել եւ զաղնուական զայն
առակարկու Գերմանացւոց զՂեսսինդ, եթէ ընդ
հոյակապ բարձրութեանն եւ ընդ ախորժական պար-
զութեան եւ սակաւիկ ինչ առաւել զարդ էր նորա:
Ի՞այց է արդարեւ Ղեսսինդ օրինակ չքնազ առա-
կաց եւ յետ առաջնոյն անշուշտ ինքն ունիցի զա-
ռաջին պսակն: Աչ սակաւ անուանի են եւ յիտա-
զացիս Ռոբերտի, եւ Պիգնոտի եւ Բերտողա: “Եղին-
պէս եւ ի մէջ այլոց աղքաց չեն պակաս առասպեկ-
արկուք:

Տեսցուք արդ թէ զի՞նչ իցէ հարկ վիպասա-
նութեան եւ ո՞ր նորին օգուտ: Օհարկ վիպասա-
նութեան մարթ է իմանալ եթէ ի համեմատութիւն
գայցէ ընդ փիղխոփայութեան: Հանձար, իբրեւ զօ-
րութիւն մտացն տեսլեանց պարտի առաւել գործել
յանձին առն պուետիկոսի եւ փիղխոփոսի: Խը-
կոքին եւս ի բարձրագոյնն եւ ի յետին ուշ ունին:
Հիմն փիղխոփայութեան է սերտ ծանօթութիւն,
իսկ պտուղ նորա է հաստատուն հաւանութիւն, որով
զմեզ գէպուղիղ ի ճշմարտութիւն անդր ածէ: Խոկ
ճարտարութեան երդոց վիպասանութեան այլ իմն
ճանապարհ եւ գնացք են, նիւթ սորա է յանդիման
կացուցանել զայն որ գեղեցիկ իցէ, եւ սովոն կողև-

մնակի իմն ի ճշմարտութիւն տանի, զի զոր ինչ եւ յանդիման կացուցանիցէ, պարտի զնմանութիւն ճշմարտութեան յանդիման կացուցանել: Ապա որպէս միտք կատարեալ յօրինեալ եւ յարդարեալ անհրաժեշտ կարեւոր են առն փիղիսոփոսի, վասն հաստատուն գիտութեան հիմն արկանելոյ, այսպէս եւ առն պուետիկոսի հարկ է զցնորս մտաց առաւելագոյն աստիճանաւ ստացեալ ունել, զի տեսիլ գեղեցկութեան ի պատշաճական ազդելի կերպարանս զանձն երեւեցուցէ:

Ա իպասանութիւն զմեզ ի բարձրագոյն եւ յաղնուական տեսիլս ամբառնայ: Խըրեւ այր պւէտ զաստուածազգեստ իմն պայման որ ի լիութենէ ազդյան յուզելոյ բղիսիցէ, աճեցուն զօրութեամբ ցնորից ի կատարեալ գեղեցիկ կերպարանս ընծայեցուցանիցէ, անդէն եւ անդ զմտախոհութիւն մարդկեղէն բնութեան որ նիրհէրն, զարթուցանէ, յուրոյն ինչ իմեքէ ի համօրէն ինչ եւ ի հաստարակաց ամբառնայ, եւ զայն՝ որ վճիտ մարդկեղէնն իցէ, ի տես եւ ի յանդիմանութիւն ածէ, որ լոէն կամ որ ընթեռնուն զանձն լուսաւորեալ, շարժեալ եւ ջերմացեալ տեսանիցէ. խորհուրդ եւ ազդումն նորա յըմբռնօղ զօրութիւն անդք եւ ի ճշմարտութիւն, ի բարութիւն եւ ի գեղեցկութիւն ուշ արարեալ դիմիցէ:

Երկրորդ անդամ, վիպասանութեան ճարտարութիւն ի ձեռն իւրոյ ողեւորն ծագման եւ ճշգրիտ ազգականութեան ընդ հոգւոյ, քան զայլ ամենայն գեղեցիկ արուեստս ազգեցութիւն ի բուն մարդկեղէն յօրինումն մարդոյ դործէ: **Օ**սորա ներքին ծագումն ի հոգւոյ անտի այն իսկ բաւական ցուցանիցէ, զի եւ յայնժամ իսկ մինչ մարդկութիւնս տղայէր, սա ի բարձրագոյն կատարումն հասանէր: Ի մէջ ամենայն ողեւոց որ զմիտս մարդկան անդստին ի սկզբանէ աղնուացուցին եւ երջանկացուցին, զառաջին տեղի յետ կրօնից, վիպասանութեան չնորհէ

պատմութիւն, եւ յերկոցունցն միաբանութենէ զըսկիզըն բարեբարութեան ածէ ցուցանէ:

Թող զայն զի եւ զուարձալից եւ ապշեցուցիչ է: Ա խպասանութիւն չէ միայն ընդ իրս տեսանելիս եւ լսելիս կապեալ, բազում անդամ կարող եւ ձեռնհաս է մեծաւ ազդողութեամբ զայն ինչ որ ընդ արտաքին երեւմամբ զգայնոց չանկանիցի, յանդիման կացուցանել. որպէս զվախճանելոց հոգիս, զհրեշտակս եւ զդեւս, զդիս, զծածուկ ինչ պայման անձին, զգաղտնի խորհուրդս եւ զյոյզս մարդկեղէն սրտի: Ի ովանդակ տիեզերական պատմութիւն իւրով անբաւ պէսպէս նիսթով առաջի սորա հոլանեալ իսյ, թէպէտ եւ ոչ ամենայն ինչ որ ի պատմութեան նշմարի, նմա ի ճառել պատշաճական իցէ. ուստի է եւ սորա եզր եւ սահման: Առդարեւ չէ ձեռնհաս այր պուետիկոս զիւր նկարս որոշել, ի տես եւ ի զնին ածել, որպէս որ նկարիչն եւ դրօշօղ իցէ, բայց վասն այնորիկ չէ ի միում միայնում վայրկենի ամփոփեալ, ոչ յաշացն զգայունս եւեթ ազդէ, այլ կարող է զցնորս ըմբռնել եւ զզգայութիւն խորագոյն յուղել:

Գ. Գ. Ա. Խ. Խ.

ՃԱՐՏԱՐԱԽՈՍՈՒԹԻՒՆ

Երդք եւ նուագք եւ օրհնութիւնք եւ մրմունջք եւ վիպասանութիւնք դիւցազանց ցայժմ գրաւեալ ունեին զմեզ. վիշտք եւ կարիք եւ յոյզք ոգւոց մի զմիով ելեւել առնեին: Այժմ հանդերձեալ եմք յատեանս ատենակալաց մոտանել ի գունդս իշխանաց եւ զօրաւարաց կալ, ի հրապարակի ի մէջ ծերակոյտ բազմութեան խօսել, զպատերազմի եւ զիսազազութեան օրենս պատմել, այսուհետեւ զզգօնութիւն,

զՀանճար, զիսորհրդականութիւն կայ մնայ մեղ լսել ի հաստատուն բարբառոյ ճարտարախօսութեան: Ո՞ոչ փութայցէ, յետ զվիպասանութիւն գիրգ եւ արիւնաշատ նկարեալ տեսանելոյ, տեսանել եւ զառնակերպն պատկեր ճարտարախօսութեան պնդակազմ եւ աճառապատ: Աթէ նա բաւական իցէ զմատազագոյն միտս կազդուրեցուցանել, ուա զառոյդ իմացութիւնս պնդիցէ եւ հաստատիցէ: Առիցուք այնպիսի մոտագիւրութեամբ, որ այնպիսում ցածուն եւ ծանրնիւթոյ վայելէ:

Ճարտարախօսութիւն այն արուեստ է, որ առանց չափոյ հետեւակ (prose) առաջադրութեան խորհրդոց դիպող ինչ կերպարանս չնորհիցէ կամ այնպէս զիսօս զգածեալ համակիցէ, զի պատշաճ ի հաւանեցուցանել, ի զուարձացուցանել եւ ի շարժել կամ յառաջնորդել եւ վարել զկամս մոտացն լինիցին: «Քանզի ամենայն խօսք ուշ արարեալ ձգին ի զօրութիւնս որ ճանաչիցենն եւ որ զգայցեն եւ որ ցանկանայցեն. եւ դիտաւորութիւն խօսելեացն եւ խօսելոյ ի ճշմարտութիւն կամ ի գեղեցկութիւն եւ կամ ի բարութիւն անդը ուղղեալ է, նմին իրի իսկ խօսք կամ վարդապետական են, կամ զգայական (esthétique) եւ կամ դորժական եւ կարեկան (pathétique), այնու զի առաւել ի միտս, յազդումն եւ ի կաման ձգեալ ընթանան: ՀՅոյնք զբանն, զբարս եւ զկարիս առաջի եղեալ, ըստ նոցին զիսօս բաժանեին, եւ ասէին թէ պարտ եւ պատշաճ է խօսից ուսուցանել, հաճոյ լինել եւ յորդորել, որ ընդ առաջնոյն միաբան է: «Այնպէս ի նոյն միտս եւ զշոռոմայեցւոյն Ազգ ասելոյ (dicendi genus), զոր յանօսր, ի համեստ եւ ի բարձրագոյն բաժանեին, իմանալ պարտ է: Ի՞այց վասն գիւրին իմն եւ համօրէն բաժանումն դնելոյ, ասասցուք թէ յօրինուած ինչ ճարտարախօսութեան կամ յասել բարբառով, եւ կամ յընթեռնուլ միայն սահմանեալ է. յառաջին անդը ատենականն կամ հրապարակի

(du barreau) ճարտարախօսութիւն եւ նուիրական (saceré) ճարտարախօսութիւն պատշաճին . իսկ յերկրորդ անգը գնան այլ պէսպէս ազգք ճառից , որ են վարդապետականն , խօսողական (dialogique) , թղթական եւ գովեստք :

ՊԵՏՐՈՒԹԻՒՆ . Եթէ կամիցիմք դտանել ճշմարիտ ճարտարախօսութիւն որ արդարեւ արժանի ճարտարն անուան իցէ , ոչ այլուրեք պարու է ինդրել , բայց ի Յոյնս , ուր ամենայն պարզեւք եւ շնորհք լեզուի ի մուսայից երախտաւորաց յորդեալ եւ զեղեալ էին : Արեսողիոս խաղ իմն առնել կամի , յորժամ յեցեալ ի վկայութիւն Հոմերի եւ Պլատոնի մԱրամազդայ անտի առնու հանէ զծագումն հոետորական ճարտարութեան , զՄինովս , զսող մեծի գիցն , կացուցեալ աշակերտ , զծերպ այրին՝ գպրոց , եւ զԱրամազդ ինքն գլխովին սոփեստէս կամ վարդապետ սորին արուեստի : Կամ յորժամ ապաստանեալ ի ճոխութիւն սրբոյն Բարսղի եւ Կազիանզացոյն ելանիցէ մինչեւ յարարչութիւն աշխարհի եւ զՃարտարաբանութիւն առնու դտանէ ի բերան օձին , որ իւրովն մնաքենաւոր խօսողութեամբ խարեաց պատրեաց զկինն եւ ած առ ամենայն ազդ մարդկութեանս վեասս մեծամեծա : Բայց սկիզբն ճարտարախօսութեան չէ այնպէս կարի հին :

ՅՃԿԱՎԷՄ Եւ է ճշմարիտ , որպէս Ցուղղիոսն վկայէ , թէ որ զընկերութեան կեանս հաստատեցին եւ քաղաքս շինեցին , կամ որ օրէնս կամ առաջնորդութիւնս կարգեցին , ի ճարտարախօսութիւն անգը ապաստան եղեն վասն զիրմն ի գլուխ հանելոյ . թէ պէտ եւ ի մէջ ազգաց որոց քաղաք եւ յօրինուածութիւն էր , դէպք խօսելոյ առ ժողովուրդն եւ առ իշխանն , զլորհուրդս յայտնելոյ , վՃարելոյ հրեշտակութիւնս գեսպանութեանց յաճախ իմն էին . թէ պէտ եւ ի նուիրական եւ յարտաքին դիրս ոմանք իբրեւ բանիբունք գովեցին . թէ պէտ եւ ի դիրս սուրբք

պատահիցեն տեղիք հոյակապք որ արժանի լինելոյ օրինակ նոցին իսկ մատենագրաց հեթանոսաց իցեն, բայց եւ այնպէս յայնպիսեաց անտի առնուլ զծադումն ճարտարախօսութեան չէ մարթ։ Ա ասն զարուեստ ճարտարախօսութեան ստանալոյ վայրապար ինչ սկիզբն կորովի խօսելոյ չէ բաւական, այլ մոտադիրութեամբ իմն անդրէն խորհել ի վերայ արդեանց մերոյն եւ օտարին խօսից պիտոյ է, եւ հաւասատեաւ եւ բազմապատիկ զննել եւ քննել։ “Օ սկիզբն խօսելոյ, ասէ Կուինտիլիանոս, ետ բնութիւն, զսկիզբն արուեստին՝ զննութիւն,,”

Օ այս արուեստ ի զուր է յազգս հինս, ի ժողովուրդս նորածինս, ի ժամանակս բիրտս խնդրել, ուր Յունաց աշխարհն յայտյանդիման մեզ զճարտարախօսութիւն ցուցանէ։ Ատրաբոն վկայէ թէ նախ կադմոս, Փերեկիդէս եւ Եկատէս եղեն, որ առանց չափոյ մատենագրեցին. եւ Պլինիոս ասէ թէ ճառս առանց չափոյ կարգել հաստատեաց Փերեկիդէս ասուրի, ի տիս Կիւրոսի արքայի, իսկ զպատմութիւն Կադմոս Միղեսացի։ Ի նոյն ժամանակս եւ Սոլոն յԱթէնս պայծառանայր բանիբուն ճարտարախօսութեամբ։ Ապա ուրեմն առ Կիւրոսիւ, զ՞օ. ողիմազիադաւ ի Փերեկիդէայ փիղիսոփոսէ, ի Սոլոնէ ճարտարախօսէ եւ ի Կադմեայ պատմագրէ արկաւ սկիզբն ճարտարախօսութեան։ Պիսիստրատոս յետ Սոլոնի հրապարակախօս լիներ, եւ ապա Կղիսթենէս, թեմիստոկլէս, Կղէսն նովին զինու պաշտեցան. մինչեւ Պերիկլէս բնութեամբ խօսող, եւ յԱնաբսագորայ եւ ի զօրեղ փիղիսոփայից կրթեալ, կատարելագոյն եւ բովանդակադոյն ճարտարախօս երեւեր, եւ յԱթէնս զճարտարախօսական խօսողութեան աթոռ դնէր։ Օ ենոն եղէացի ժամանակակից Պերիկլէայ որ ընդ վիճամունս եւ ընդ փիղիսոփայական մաքառմունս զուարձանայր, հնարեաց ի ձեռն խօսից (dialogue) զինդրոց ճառել, որ յետոյ ի Սոկրատայ եւ յայլոց

աւագ փիղիսոփիայից ստեղ ի կիր արկանէին : Այսպէս ի ձեռն Յունաց հանճարեղաց յառաջադէմ խաղայր ճարտարախօսութիւն :

Յետոյ երեւեցան Ռափիսոդիստք որ զճառատողմն յարդարիցեն , որոց զերգս վիպասանաց ի բերան ուսեալ մեկնէին , եւ յետ նոցա Առփեստէսք , որ որպէս Պղուտարքոս ասէ , այլ իմն ջոկ էր , զատ ի ճարտարախօսաց եւ ի փիւսկեանց (physicien) : Առփեստէից գործ այն էր , ուսուցանել զճարտարախօսութիւն , որպէս վկայէ Պղատոն ի խօսն : Քոյնք ի սկզբանն զսոփեստայո պատիւ արարեալ մեծարէին , զի Առղոն եղեւ որ զառաջինն սոփեստէս անուանեցաւ , որպէս Խոռկրատէս ասէ . բայց յետոյ ընդունայնացան եւ եղեն յապականութիւն եւ ի խաբէութիւն , մինչեւ Խոռկրատայ ծաղը առնել զնոսա , եւ ասել թէ արկանէին ճառս այնպէս յոռի , զի եւ անգէտ ոք եւ անտեղեակ ափ յափոյ վաղվաղակի առնել մարթէր :

Վինչ գեռ պատուով եւ պարզեւոք ճարտարախօսք եւ սոփեստէսք պարարէին , պայծառանայր յոյժ արուեստն . յայնժամ պատմազիրք զիւրեանց պատմութիւնս սեթեւեթեալ ճառիւք զարդարէին . յայնժամ եւ փիղիսոփիայք քաղցրաբան բանիւք տային ճաշակել զպերճութիւն իւրեանց վարդապետութեան . յայնժամ բժիշկք , ճարտարապետք , երաժշտականք , նկարիչք եւ բնաւ ամենայն ճարտարք յայտնութեամք ընարսւթեամք եւ ուժգնութեամք զիւրեանց արուեստից զրէին . յայնժամ յամենայն գաւառուն յունական ճարտարախօսութիւն թագաւորէր : Եւ այսպէս ի Առղմէ մինչեւ ցԴեմետրիոս փաղերացի ճարտարախօսութիւն ի Յունաց ոչ պակասէր , այլ մանաւանդ պայծառանայր :

Ի՞ազումք զԴեմետրիոս մեղկիչ յունական ճարտարախօսութեան համարին , որ ցանդ իսկ զարուականն ցածութիւն սիրէր եւ ոչ զպչըանս : Բայց

որպէս տեղեակք արուեստին միտ դնեն, զմեղկութեան եւ զլութեան ճարտարախօսութեան սկիզբն եղին Գորդիաս եւ Խոնկրատէս անշափի փափկութեամբ եւ գրգութեամբ, եւ անտի իսկ ջղատեցաւ, կարթահարեցաւ, բեկաւ ոյժ ճարտարախօսութեան։ Օ թէու պոմպայ, զկարի անուանւոյ յաշակերտս Խոնկրատայ ասէ Գեմետրիոս թէ զիրս ուժգինս ուժգնութեամբ ճառել չէր բաւական։ Եթէ թէուպոմպոս այնպէս, զի՞նչ Եփորոսն էր, զորս Խոնկրատայ ընդ միմեանս կշռեալ ասէ թէ զնա սանձահարել եւ զսա խթանել պիտոյ էր։ Պլուտարքոս զճառս Եփորայ, թէու պոմպայ եւ Անաբսիմենեայ՝ ճառու գուզնաքեայս, գձուձս եւ ոյծս կոչէ։ Եւ Ղոնդինոս զաշակերտաց Խոնկրատայ համարի թէ վասն կարի իմն ճշգրտութեանն եւ սեթեւեթեալն պաճուճանաց ի խօսս զուժգնութիւնն եւ զսաստկութիւն ապականէին։ Ապա յառաջագոյն իսկ քան զԳեմետրիոս զգայր յԱթէնս գրգութիւն եւ հտպտանէք։

Յունական ճարտարախօսութիւնն մեծ կատարումն ի ձեռն Խպերիդեայ, Եպինեայ եւ Գեմոսթենայ ընդունէր։ Պիւսիայ եւ Խոնկրատայ զճարտարախօսութիւն ի բազում թերակատարութեանց սրբեալ էր, բայց չէր մարթացեալ տակաւին նմա զայն զօրութիւն եւ զկայտառութիւն շնորհել, յորում ճշմարիտն զեղեցկութիւն հաստատեալ կայ։ Բայց Եսքինէս եւ Գեմոսթենէս առանց զազդոյ եւ զմեծամեծարն զարգուք զանց առնելոյ, յայն կենդանի եռանդումն, յայնպիսի անընդդիմակաց ուժգնութիւն եւ յայնշափի առանց պարտելոյ զօրութիւն զճարտարախօսութիւն ածին, որչափ բնութիւն իմն սքանչելի տանել հանդարտել մարթիցի, եւ գիտացին դիւրաւ զքաղցրութիւն եւ զզօրութիւն ի միասին զուգեալ միաբանել։

Յետ այնորիկ սկսան բաղումք ուժգնութեամբն այնուիկ զեղծանել, եւ ի խստութիւն եւ յանհար-

թութիւն անկան : **Գ**իսնեսիստաղիկառնացի զմատենագրաց ժամանակին քանդատէ թէ զետեղելոյ զբանսի պատշաճ տեղիս, եւ խնդրելոյ յօրինեալ յարդարումն ի ճառան չառնեն փոյթ . եւ ասէ թէ այնպէս պատշաճն զետեղելով ընտրի պւետիկոս ի պւետիկոսէ, ճարտարախօս ի ճարտարախօսէ, եւ թէ նախնիք բազում փոյթ յանձին ունեին զայնմանէ, վասն այնորիկ վեպք նոցա եւ երդք եւ ճառք գեղեցիկ եւ վայելուչ են : **Խ**գեսիստ էր զլսաւոր որ ոչ խիստ միայն էր, այլ եւ ընդ խստութիւնն պանծացեալ պարծէր. զի զանձն եւեթ ատտիկեցի կարծէր, եւ զայլս բիրտու եւ շինականս հաշուէր : **Տ**ուղղիստ ասէ թէ ոմանք իբրեւ խղելն եւ հատանել զմիւ եւ զհամար ճառից կամիցին, ոտնառեալ զլորին յանկածութիւն ամենեւին նման Սիկիղիացւոցն, եւ այս ասէ ԿՄանաւանդ յշգեսիստ սկիզբն առնոյր, : **Պ**լուտարքոս ի վարսԱզեղսանդրի ածէ զբանս ինչ եգեսեայ իբրեւ ցուրտ եւ ամենեւին ցուրտ : **Խ**ղեն եւ այլ բազում մատենադիրք որ զնոյն ախտ ջերան : **Ի**այց եւ այնպէս յայնպիսում եղծման ժամանակի ոչ սակաւք անուանիք ճարտարախօսութեամբ լինեին, որ վարդապետք իսկ եղեն Հռոմայեցւոց, եւ զշում, զբերրին եւ զծննդական, ի նմին ճարտարութեան յերիւրեցին :

Օառաջին կայծակն ճարտարախօսութեան լուցին ի սիրտս Հռոմայեցւոց երեքին Յոյնք կառնէագէս, Կրիսողաւոս եւ Դիոդենէս, դեսպանք Յունացի ժամանակին յայնմիկ : **Գ**րակքոս ուսաւ ի գլորոցի Դիովանեայ միտիղենացւոյ, որ էր այր յոյն քաջարան քան զամենեսեան : **Ա**իկերոնի վարդապետք լինեին Փիղոն, Մողոն, Անտիոքոս, Դեմետրիոս, Մենիպպոս, զորս նա յոյժ գովեալ գրուատէ : **Ա**պա քանի զարմանալի իցէ յունական ճարտարախօսութիւնն, որ յանկածութեանն իսկ զայնպիսի դիւցազունս ճարտարախօսութեան, որպիսի Կրասոսն եւ Անտոնիոս եւ Որտենախօս եւ Աիկերոն էին, թէքել եւ վարդել

մարթաց: «Եյնժամ բարդաւաճէր եւ Դիոնեսիոս
աղիկառնացի:

Վինչ այս մինչ այն հռոմեական ճարտարախօսութիւն՝ յունական օրինակօք եւ կրթութեամբ խրատեալ, ստէպ զճարտարախօսութեանն դաշտ յուռթի արօրադիր առներ: *ազիւ լսելի եղեն, ասէ Կիկերոն, յոյն ճարտարախօսք, եւ ծանօթ կացուցան հելլէն դպրութիւնք, եւ ընդունելիք եղեն յոյն վարդապետք, անդէն ի մէջ Հոռոմոց զարմանալի իմն եւ Հաւատալի փոյթ ճարտարախօսելոյ զարթնոյր: *Ես զբաղումն յաղնուականաց՝ որ անուանի եղեն ի յոյն ուսմունս, յիշատակէ. զԱռազիկիոս Գաղղոս դովէ եւ ասէ թէ քան զբնաւ աղնուականս զանձն հելլէն դպրութեանց տայր: Գրակքոս մին ի նշանաւորաց ճարտարախօսաց էր. խակ իրեւ Կրասոս եւ Ընտոնիոս ճարտարախօսք երեւէին, ամենեցուն նախանձ վասէր. անդէն պատմութեան, փիղիսոփայութեան հանճարգիտութեան, վարդապետական յօրինուածոյ, ատենախօսութեան, խօսից, թղթոց եւ ամենայն խակ աղգի աղգի ճարտարախօսութեանն գունակաց շնորհէին պատիւ հռոմեական քաղաքի քաղաքակից լինելոյ, եւ զամենեսին աղնուականութեան բարձու հասուցանեին: Եթէ այլ ոք չգոյր, Կիկերոն եւեթշատ էր ի վսեր ելանել ի վէգ գալ ընդ ողջոյն խմբի յոյն հռետորաց, ի հրապարակախօսութեան՝ Խոսկրատայ եւ Դեմոսթենեայ, ի խօս՝ Պղատոնի եւ սոկրատականն Խսքինեայ, ի վարդապետականս՝ Քսենոփոնտեայ եւ Արիստոտելեայ, խակ ի թուղթու բոլորեցունց: Ի՞այց ո՞ւր թողցուք զՎենտուղոս, զԿատովն, զՎարրոն, զԿայոր, զԿեղսոս, զՎիտրովիոս, զԿողումեղա, եւ զայլ բաղումն, որ զՀռոմեականն ճարտարախօսութիւն մեծաւ յաղթութեամբ ի մշակութեան, ի դպրութեան, ի բժշկութեան, ի ճարտարապետութեան եւ յայլ սոցին նմանս ի կիր արկանէին:

Բայց հաղիւ կայսեր, Տուղղեայ եւ այլոց յայն բարձրութիւն զծարտարախօսութիւն հանեալ էր, անդէն ընդդիմակաց կողմն երեւեր, որ սկիզբն առներ զնորին ստոյգ պայծառութիւն նսեմացուցանել: Ու մանք եղծիչ եւ խանգարիչ զվենեկա համարին. բայց անդէն իսկ յաւուրս Կիկերոնի, իբրեւ թուեր թէ հռոմէականն ճոռոմութիւն ի ծագ բարձրութեան կայցէ, սերմանք ապականութեանն երեւեին, որ յետ սակաւ միոյ զաւերն ածին: Տուղղիոս բազում ուրեք զաղանդոյ միոջէ ցուրտ եւ հէք ճարտարախօսաց քանաքատէ, որ իբրեւ ատտիկեցի երեւել կամէին, լինէին վտիտք եւ ազազունք եւ մթինք. այլք որ Թառկիդիդէս համարել կարծէին, ի ճառս խարիսարեալս եւ քայլայեալս գթէին: Վատիկեցիքս այս եպերէին զտուղղիականն յորդութիւն եւ զծննդականութիւն, եւ խծբծէին զիշխանն ճարտարախօսութեան իբրեւ այն թէ այտուց իցէ ուռուցեալ, կարի զեղիս, ոչ յոյժ սեղմ եւ ոչ ատտիկեցի հատու եւ անաշառ իցէ: Կազուոս աղարտէր զՏուղղիոս թէ արձակերասանակ եւ ջղատ իցէ, եւ Բրուտոս անգամ չածէք ակն ի բարեկամէն, եւ գոգ ի վարդապետէն, առ ի չկոչելց զնակթուտ եւ միջաբեկ: Արով յայտ է թէ անդստին իսկ կազուոս եւ Բրուտոս եւ այլք հակառակ կողմանն ի նորին ճարտարախօսութեան համայ առ սակաւ ստկաւ վրիպեալ հեռանային: Տուղղիոս զՄ. Անտոնիոս վասն բռնազրօսեալ սեռնութեան եւ մթութեան ճառփիցն կշտամբէ, եւ ասէր նմա թէ լաւ է համբլինել քան այնպէս խօսել զի ոչ ոք իմանայցէ. եւ Աւգոստոս յիմար կոչէր զնա, զի չտայր իմանալ վասն զարմանալի երեւելց. նոյն եւ զՄեկենաս ծաղը առներ վասն մեղկութեանն զոր ի ճառսն ցուցանէր: Խոկ Ասինիոս Պողիոնիոս, որ հանճարեղն հաշուեր, իբրեւ խիստ եւ ցամաք եւ խեցբեկ, հնացեալ եւ մթին յանդիմանի: Դատարկութիւն եւ քայլայութիւն մտաց եւ նեխութիւն բանից հնացելոց փառելոց

անշափ էր ի ժամանակս Աւդոստեայ, յորոց ինքն Աւդոստոս խորչէր, բայց չէ նա առանց պարսաւանաց, զի վասն կարի յայտնի լինելոյ թողոյր զյառաջագիրս (préposition) եւ յաճախէր զզօդս (conjunction), որով ամուր պնդութիւն խօսելոյ զօրէն հռոմայեցւոյ՝ տրորէր անկանէր։ Ապա անդէն իսկ ճարտարախօսութիւնն հռոմէական կրծատ եւ բեկ եւ ընդհատ լինել սկսեալ էր. եւ այսմ պատճառք Որտենսեայ առատութիւնն լինէր, զի որպէս Յոյնք առփախչելոյ ի հտապտանաց Խոսկրատայ, ի խստութիւն անկան, նոյնպէս եւ սոքա առ խուսելոյ յասիական յորդութենէ եւ ի ծաղկաւէտն պաճուճանաց Որտենսեայ, դարձան ի հատու եւ ի հակիրճ եւ ի ցամաք բանս, զի ատտիկեցիք եւ մի ասիականք երեւեսցին։

Աչ սակաւ վեաս գործեցին եւ հրապարակախօսութիւնք ի դպրոցս, ուր վասն զհանճար կրթելոյ գոյին ժողովէին ճարտարախօսք եւ ծաղու եւ մանեկտույ ճառս արկանէին։ Որպէս խորհուրդ տալ Աղեքասնդրի հատանել անցանել զովկիանոս, կամ հանդշել յիւր արմաւենիսն եւ ի սարդիս, եւ կամ խրատ տալ Ադամեմնոնեայ չզոհել զիսիդիա զիւր դուստր ի բարբառ կաղկանդեայ, եւ զայլ սոցին նման պատառեալ եւ շաղեալ իրաց, միայն ցոյցս առնելոյ եւ յօրանեալոյ վասն։ Չիք ինչ այնպէս հակառակ ճշմարիտ ճարտարախօսութեան, որպէս կամել լինել ճարտարախօս միայն վասն զճարտարախօսութիւն ցուցանելոյ։

Յետ այսորիկ երեւէր Սենեկա. նորին ժամանակակից է Պետրոնիսս որ չէ մեծարոյ ի ճարտարախօսութեան։ Ազնուագոյն են կողումեղզա եւ Պաղզագիսս ի գիրսն հողագործութեան։ Յետոյ Պղինիսս ծեր, հմուտ, այլ՝ է զի անհեղեղոդս եւ մերթ պաճուճեալ զարդուք խօսի։ Պղինիսս մանուկ ոչ իբրեւ զծերն եւ ոչ իբրեւ զՍենեկա սուր եւ բազմատեղեակ, այլ մեղմ եւ քաղցր

է : Տակիտոս խօսիւքն եւ կույնափառանոս հաստատութեամբքն ազնուագոյնք եւ մեծարոյք եղեն յայնմ ժամանակի, զի հեռի են ի պշըանաց եւ յանօսրութենէ բանից ժամանակին, եւս ազնուագոյնք լինէին եթէ էր ի նոսա սակաւիկ մի աւելի յստակութիւն : Արբագոյն եւ յստակագոյն պահեցին զհոռմէական լեզուն իրաւագէտք օրէնսուառոյցք Պտմանիոս, Կայոս, Պապինիանոս եւ այլք, հանդերձ յածութեամբն եւ իմաստութեամբ վարդապետութեանն : Տերտուղիանոս, Մինուկիոս Փեղիքս, Առնորիոս, սուրբն Ավարիանոս, Յերոնիմոս, Աւգոստինոս եւ այլ եկեղեցական օրինակագիրք նոր իմն դաշտ հռոմէականն ճարտարախօսութեան բանային, եւ ի նիւթս կրօնից զհեշտականութիւն յօդապատ բանից պատշաճեցուցանէին, բայց եւ ի նոսա ճաշտի ժամանակին տիրէր :

Կ ակտանափառ Փիրմիանոս միայն է յայնչափ դարս, որոյ զկցկցուն եւ զմըթրակ խօսս թողեալ, ի տուղղիական մեղմականութիւն եւ ի բնակաւորն կարդղերեսս դարձուցանէր . Արմաքոս ոչ միայն ի մէջ հեթանոսաց, այլ եւ ի մէջ քրիստոնէից պարծանս ճարտարախօսութեան ստանայր, բայց թուղթք նորատան վկայութիւն թէ չէր այնչափ յարգանաց արժանի վասն առանց յօրինուածոյ եւ մեզին խօսից : Անկրորիոս նորին բարեկամ եւ գովիչ աւելագոյն գովութեան արժանի է : Արդոնիոս Ապողինար, Մարկիանոս Կապեզզա, Բուետիոս, Կասսիոդորոս եւ այլք ջանային յակաստանի կայուցանել զճարտարախօսութիւնն հռոմէական . այլ ի զուր ջանքն լինէին, զի քաջ ի բաց յառաջագէմ էր լեալ աւերն եւ եղծումն :

Կ դալ բարբարոսաց հիւսիսականաց եւ բնաջինջն լինելով հռոմէական պետութեան, սպառապուռ եղծանէր ճարտարախօսութիւնն Հոռոմոց եւ շիջանէր յափչէր պայծառութիւն նորա :

Բայց դարձուք ի յոյն անդք զոր ի կէս թողաք : Իբրեւ հռոմէական ճարտարախօսութիւն, որ-

պէս ասացաք նուազէր, եւ ճարտարախօսաց ի դպրոցս զմանկտույ իրաց խօսելով եւս քանզեւս զոգի արուեստին ապականէին, այնու մսիթարէին Հռոմայեցիք, զի ասէին թէ առաւել ի բացեայ են յոյնք ի հետոց Եպինեայ եւ Գերմանիտենեայ, քան ինքեանք ի Ափերոնէ: Բայց եւ այնպէս ստէպ եւ խնամով զջունաց զհետ զնային, եւ ամենեցուն ընդ Յունացն հաղորդութիւն եւ նոցա յաճախութիւն ի քաղաքին այնչափ էր, մինչ զի Յոբնաղ զշուոմ՝ քաղաք յունական կոչէ: Ո՞չ ոչ գիտիցէ զՅունացն շաղփաղփութիւնս ի Հռոմ ի ժամանակս Ագրիանոսի, որ չգտանէր այնպէս ախորժական զրօսանս, որպէս յունկնդիրն լինել սովեստէից Յունաց: Այսափ մեծարանք որով զՅոյնս մեծարէին, թէպէտ եւ վասն նախաւորութեան եւ բաղմաժամանակեայ իմաստութեան ազգին էր, բայց եւ այն ճշմարիտ է թէ եղեն ոչ սակաւք ի ժամանակին, որք զարժանիս իւրեանց բնակաւոր ճարտարախօսութեանն պահել մարթացան: Անուն Գաղենայ, որ ի միտս բժշկաց ցանկ վասն անդորրութեանն եւ պնդութեան վարդապետութեանն մեծարոյ է, նոյնպէս արգոյ է եւ առ ճարտարախօսս Յոյնս վասն իւրոյ հոյակապն եւ յօդակապ զարդարագիր բանից: Կարող են Յոյնք պարծել ընդ Պղուտարքոս, որ լինել է դուն ինչ խիստ, բայց է եւ խրատեալ, հանճարեղ, արդարակորով, ճշգրտադատ, եւ հանապազ իբրեւ զմի ի նշանաւորաց նախնեայն մատենադրութեան համարեցաւ: Պայծառանայր եւ Ղուկիանոս, մատենադիր վայելքութեան եւ կայտառութեան, որ առնել պատիւ կարի իսկ զուարթագոյն աւուրց Աթենայ մարթէր: Պանդինոս պատշաճ խօսիւք ճառէր զբարձուէն եւ զհոյակապէ. եւ Երմոգենէս յուցանէր զճըշմարիտն եւ զանկանակած ճանապարհ զոր վասն զսերտ ճարտարախօսութիւն ստանալոյ, եւ զսուան որ ցայնժամ տիրէր, թողլոյ, հարկանել պարտ էր: Ի մէջ շաղփաղփ սովեստէից ընտրեցան զատան Դիոն, որ

վասն ազնուութեանն Ոսկեբերան յորջորջեցաւ, եւ
Արիստիդէս, նմանող նախնեաց : Աղկինոյոս, Պղու-
տինոս եւ այլ եւո փիզիսոփիայք յածեալք ի փի-
ղիսոփիայութեան Պղատոնի, խուն ինչ տակաւին ի
պղատոնական ճարտարախօսութենէ անտի պահէին:

Քրիստոնէական կրօնք թէպէտ եւ ի կողմն մի
Պաղեստինացւոց աշխարհին ի մէջ Հելլայեցւոց ծնեալ
էր, սակայն զյոյն լեզու ի ձեռն առնոյր եւ նոր իմն
բարունակ յոյն ճարտարախօսութեան բուսուցանէր:
Եսր կտակարանք ի յոյն լեզու գրեցան, եւ այլ
եւո հարք առաքելականք Եկեղեցւոյ ի յոյն բարբառ
գրէին: Եւ յետոյ ապա Սուրբքն Աթանաս, Բարսեղ,
Գրիգորք, Ոսկեբերան եւ այլք զյունական բանիքուն
ճարտարութիւն ի քրիստոնէականն զգօնութիւն յա-
րեցուցանէին, եւ ի ճարտարախօսութեան քան զՊի-
բանիքուն եւ զայլ սովիեստէս հեթանոսա վերադոյն
լինէին: Բայց ոչ թուով եւ ոչ ազնուութեամբ այն-
շափ ինչ եղեն, մինչեւ մարթել զսովիեստական հոծ-
եւ խիտ բաղմութիւն եւ զյոոին ճաշակ որ մածեալն
մակարդեալ էր ի ժամանակին յայնմիկ, քակել եւ
քայքայել: Ճարտարախօսութիւն տակաւ տակաւ
սպառէր, եւ բովանդակ ի ձեռս սովիեստէից էր. Ե-
րոդէս ատարիկեցի եւ Աղեքսանդրոսնշանաւորագոյնք
էին ի սովիեստէս ի ժամանակս Աղբիանու. եւ սոքա,
որպէս ասէ Փիզոստրատոս, ոչ զայլ ինչ խնդրէին,
բայց նորանշանս եւ զարմանս եւ յիմարակերպ յան-
դուգն խորհուրդս, եւ ձեւու հեշտականս սիրէին: Եւ-
նապիսո զհոշակաւորն Աիբանիոսէ ասէ, Եթէ իբրեւ
բան ինչ ի խաւարի հնութեան շաղեալ գտանէր,
զայն իբրեւ զգանձ ինչ նախնեաց ժամանակաց ի հան-
գէս ածեալ յուցանէր: Ապա թալացեալ եւ տկար
իմն էին խօսք սովիեստէիցն, լի տաղտկալի քաղցրու-
թեամբ եւ նողկ զարդուք: Այսպէս եւ յունականն
ճարտարախօսութիւն զօյդ ընդ հոռմէտիանին զիջա-
նէր անցանէր:

Գոյին եւ ի մերում աղջի անդուստ ի վերուստ
հոյակապ ճարտարախօսուք . որպէս զՊրոերեսիսէ ու-
մեմէ պատմէ Եւնապիսս ի պատմութեան վարուց
փիղխոփայից , եթէ ուսուցիչ լեալ ճարտարախօսու-
թեան յԱթենացւոց քաղաքի , այնչափ նշանաւոր
եղեւ , զի եւ անդրի պատկեր յանուն նորա կանգնե-
ցին ի Հռոմ , Թագաւոր ճարտարախօսութեան զնա
անուանեալ : Ի սորա աշակերտութիւն մտեալ էր եւ
երանելին Գրիդոր Սքանչելագործ : Խոկ ի բուն մա-
տենագրաց անտի մերոց անուանի են Եզնիկ եւ Ծնոր-
հալի ի վարդապետականս , Մանգակունի եւ Լամբրո-
նացի յատենականս , Խորենացի եւ Եղիշէ ի պատ-
մութիւնս :

Յետ հետախաղաղ լինելոյ ճարտարախօսու-
թեան յԱթենայ եւ ի Հռոմայ , ի մէջ Արաբացւոց
պայծառանալ սկիզբն առնէր , բայց Արաբացիք վասն
տիրականն առաջնորդութեան իշխանութեան իւ-
րեանց , ոչ մարթացան յառաջ մատուցանել . ոչ
դոյր առ նոսա թատր Արիսպագեայ , կամ ծե-
րակոյտ իշխանութեան կամ ատենակալ հրապա-
րակաց , այլովքն հանդերձ , վասն այնորիկ եւ ոչ
ճարտարախօսութիւն , մանաւանդ հրապարակախօ-
սութիւն , փթթել մարթացաւ : Փակէք գոզցես կա-
րակնեալք եւ կապարաւ ձգեալք , յանդգնագոյնս
յայտ առնել , անչափ աճեցուցանել , ստէպ համե-
մատութիւնք , այլափոխ եւ այլասացիկ բանք , ընդդի-
մադրութիւնք եւ այլ եւս ձեւք յաճախագոյնք ,
ասացուածք ոեթեւեթեալք զարդարեալք եւ ծաղ-
կեալք յոյժ , համարաբառք , խաղք բանից եւ այլ
եւս բիծք սովեստականիք նշմարին ի բանս նոցա:
Բռայց գոն ի նոսա եւ մատենազիրք , մանաւանդ պատ-
մագիրք , որ ի վրալոյ եւ ի պերճանաց ազատ են ,
եւ զպարզն եւ զլոկ խօսս պահեն :

Հինն ճարտարախօսութիւն յունական եւ հռո-
մեական յետ երկոտասաններորդ եւ երեքտասաններորդ

գարու երեւել սկիզբն առնոյր. որ զառաջինն զհռռ
մէական ճարտարախօսութենէ փոյթ արարին, եղեն
Պետրարկա, Բոկեակիոս եւ այլք բազումք : Ի՞այց նոր
ճարտարախօսութիւն առաւել ի նոր լեզուս Եւրոպայ
ծաղկեցաւ : Առաջին գաւառ արգի ճարտարախօսու-
թեան խաղիա իսկ լինէր: Խաղացիք զվեշտասա-
ներորդ դար գովեն յոյժ եւ զայն դար կարի երջանիկ
խաղական ճարտարախօսութեան համարին, եւ զեւ-
թնեւտամներորդն ապականութեան եւ խանգարման
կոչեն, իսկ զութեւտամներորդն ժամանակ միւսան-
դամ նորոգութեան եւ յօրինման եղծեալ ճաշակաց
հաշուին : Օնոյն մարթ է ասել եւ զսպանիականէն,
բայց նա յետ եղծմանն, այլ ոչ եւս նորոգէր: Գաղ-
ղիականն ճարտարախօսութիւն յետ սոցա ել ի բար-
ձրութիւն կատարման եւ յամենայն իսկ դաս նշա-
նաւոր աւագութեամբ զիշխանութեան պատիւ ընդ-
ունէր: Ի՞աղզակ թէ յոյժ գովութեան եւ յարգանաց
արժանի չիցէ, սակայն օգուտ մեծ գործեաց ճարտարա-
խօսութեան եւ յայնպիսի առաւելութիւն զառանց
շափոյ ճառս եհան, յորպիսի Մաղերբն զվիպասանու-
թիւն հանեալ էր: Հանճարեղք զբաղզակայ զհետ
երթեալ, յայն պայծառութիւն զգաղիական ճարտա-
րախօսութիւն ածէին, մինչեւ կարօղ լինել ի կշիռ հա-
մեմատութեան ընդ յունականին եւ հոռմէականին
գալ: Պասկաղ, Բոսուէտ, Բուրդաղու, Փղեշիէ,
Փենեղն, Մասիղին, Բուփինն եւ այլք բազումք
քաջ քաջ մարթեն ոսոխ ելանել Պղատոնի, Քսե-
նոփոնտեայ, Թեմիստոկլեայ, Տուղգեայ, եւ ողջոյն
իսկ գնդի արանց անուանեաց գիտուն եւ բերրի ժա-
մանակին նախնեաց, եւ Գաղղիացւոց աշխարհն մե-
ծաւ իրաւամբք լեալ է տիեզերական վարդապետ ա-
մենայն ազգի ճարտարախօսութեան: Անգղիականն
իւրում գրացւոյն հաւասարել չէ ձեռնհաս, թէպէտ
եւ նմին յամենայնի նախանձընդգէմ ոսոխ իցէ: Ի՞այց
պարտ է խոսանովան լինել թէ հրապարակախօսական

ճարտարախօսութիւն ընդ ամենայն Եւրոպէ, ոչ ուրեք ազնուագոյն է, որպէս յԱնդղիա. եւ ոչ զայլ ոք այնպէս պատշաճ իցէ կոչել նոր Դեմոսթենէս, որպէս զհռչակաւորն Պիտտ. թողցուք զկարի նորս որ յիւրաքանչիւր ազգս հրապարակախօսութեան պայծառանան։ Գերմանականն թէպէտ եւ նորոգի պայծառութիւն հասանէ, բայց ունի հանել ի ճակատ արս իբրեւ զՊղատոնն եւ զԴեմոսթենէս եւ զեսքինէս եւ զՍոկրատէս, այլովքն հանդերձ։ Են են եւ Ռուսաց ոչ սակաւ պարծանք ի պարծել։ Անուանի արքեպիսկոպոսն թէոփանէս Պրոկոպովիչ լինէր առաջին, որ յիշատակարանս ռուսական ճարտարախօսութեան, որ գովութեան արժանի են, նոյն գունակ ճառս, կացուրդս, գովեստս, կանոնական գրեան, կոչմունս ընծայութեան, պատմութիւնս, վիպասանութիւն եւ զամենայն իսկ ազգ ճարտարախօս յօրինուածոց թողոյր։ Աչ նուազագոյն քանզնա նպաստ լինէր եւ Կոմնոսովի պւէտ, որ զգրգանս վարդապետականին ի բազում ճառս փիսիկականս եւ քիմիականս ի կիր էարկ։ Մեծն կաթարինէ բազմապատիկ ձեռնառու լինէր ի բարդաւաճանս ռուս ճարտարախօսութեան, որպէս եղեւն յայլ եւս փառս ազգին այնորիկ։ Եա ազնուացոյց զբարբառն եւ մեծացոյց, վասն այսորիկ զարքունական ձեռնն տալ ի թարգմանել զգիրս ազգաց օտարաց չհամարէր անարժան։

Ի դեպ է այժմ ցուցանել, թէ որ հարկ եւ զինչ օգուտ իցէ ճարտարախօսութեան։ Զիք ոք որում չիցէ կարեւոր ճարտարախօսութիւն։ Խագաւորք եւ իշխանք եւ դատաւորք, տեարք եւ ծառայք, հայր եւ վարդապետ, միով բանիւ ասել, ամենայն մարդ որ հաղորդութիւն կենաց ընդ այլս ունիցի եւ կցորդ ընդ ընկերին իցէ, այնչափ կարօտ է ճարտարախօսութեամբ, որչափ պէտս խօսելց ունիցի։ Եւ զի համառօտ իսկ ասացից, ոչ միայն ցանդ այլ եւ յամենայն

իսկ վայրկեանս կարեւոր է ճարտարախօսութիւն, զի ոչ եթէ ի խօսել եւեթ կարեւոր պիտոյ է, ոյլ եւ վասն ըստ արժանի խորհելոյ:

Ճարտարախօսութիւն բարերար իմն աղդողուաթիւն ունի յանձին մարդոյ: **Ա**ստոտին երկու պատճառք յառաջ բղխեն: ***Ե**ախ ճարտարախօսութիւն զմարդն ի մարդասիրութիւն ածէ, ուստի եւ զմարդոյն էութիւն ազնուացուցանէ: **Օ**ք զաէ եւ յատակէ եւ ազնուագոյն գործէ զմիտոն եւ չափ եւ յօրինեալ յարդարումն ի մարդկեղէն ոգի անդր նպաստ լիսի: **Ա**ս է ազնուագոյն պահապան ընդդէմ շինականութեան եւ ներքին բրտութեան: **Ա**որին աղդեցութիւնք եւ զբարոյական զօրութիւնս շարժեն եւ յորդորեն. եւ միանգամայն իսկ, սա է որ զմարդն ի բարձրագոյն ինչ կայան ձգէ, եւ ածէ յայն ինչ որ արդարեւ զամենայն տարերս եւ զսկզբունս հոյակապ կրթութեան ամփոփեալ բովանդակէ, այն ինքն է մարդասիրութիւն եւ մարդընտել բարեք:

Աշրկրորդ անդամ՝ ճարտարախօսութիւն աղքեւք է վայելլութեան որ ազնիւն իցէ եւ պատշաճական պատույ մարդոյն: **Վ**այելլութիւն, զոր սա մատուցանէ, ճշմարտիւ մարդկեղէն է, զի զողջոյն իսկ զմարդն շարժէ եւ յուզէ: **Վ**այելլքս այս մեղմական իմն եւ ուրախալից են. շեն անցաւոր որպէս ամենայն վայելք որ զզգայունսն բերկրեցուցանիցեն, զի ցանդ մարթի նորոգել, եւ ընդ մարդոյն ամենայն ուրեք, ընդ ամենայն կեանս նորա, ցորչափ ոգի եւ միտք նորա չիցեն շիջեալ եւ սպառեալ, շրջի եւ խաղայ:

Ոխող զայս ամենայն, ճշմարիտն եւ ազնիւ ճարտարախօսութիւն քանի՛օն մեծ եւ զարմանալի արուեստ չիցէ, որ մերթ մեղմական յայտնութեամբ լոյս սփուէ: եւ մերթ արտօոր արդահատութեան հրապուրեալ զողանայ յաշաց, եւ մերթ զլանջո ուրախութեամբ բարձր առնէ. եւ իւրաքանչիւք ըղձից եւ կարեաց

զդիպօղ շարժումն շնորհէ, զորոյ զնկարագիր յօրինել բարձրագոյն իմն աստիճան բանիբուն ճարտարութեան պահանջի, թերեւս հյոյակապ վարդապետն ճարտարախօսութեան Կիկերոն կարիցէ տալ լիով զսորին նկարագիր :

Քայց պարտ է մեզ զայն յայտ առնել, թէ իւ իւիք ընդ գեղեցիկ արուեստ համարիցի ճարտարախօսութիւն : Այս ճարտարախօս, որոյ վերջին կատարած է յայտարարութիւն մտացն խորհրդոց, կենդանագոյն զայն զդայուն պատկերօք ոգւոյն գործէ : Առ ի տալ պայծառութիւն, վայելութիւն, եւ ուժգնութիւն իւրոցն խորհրդոց, եւ առ ազնուագոյնս յիւր կատարած անդր հասանելց որ ուսուցանելն, զբօսուցանել եւ շարժել է, դիպօղ պատկերս, յանկուցիչ նկարագիրս ի ձեռս առնու, եւ ընտրանաւ բանից, յօրինմամբ խօսից եւ այլ սոցին նման իրօք զօրացուցանել զդրոշմ եւ զնկարագիր ճառիցն իւրոց հնարին Գեղեցկութիւն ճարտարախօսութեան հաստատեալ կայ յայնմիկ որ ընդ վիստասանութեան հասարակաց իմն է, բայց չէ նա լոկ զդայական արուեստ իբրեւ զվիստասանութիւն, այլ նման է ճարտարապետութեան, եւ իբրեւ զսա մի ի յօրինիչ արուեստից է : Օք վախճան ճարտարախօսութեան, որպէս եւ ճարտարապետութեան, չէ պարզն եւ լոկ հեշտականութիւն . քանզի ի ճարտարութեանս յայսմիկ գեղեցկութեան պարտ եւ պատշաճ է օգտակարութեան եւ արտաքին պատշաճողութեան հնազնդել :

Ամերեւս եւ զայն խնդրիցէ ոք թէ զիարդ արժան իցէ ուսուցանել զայս արուեստ : Այն առակ, թէ Պէտք ծնանին, իսկ ճարտարախօսք առնին, հանգերձ այլովք մոլորութեամբք այնմ եւս պատճառք լինի, զի բազումք համարին թէ զճարտարախօսութիւն այնպէս իսկ կատարեալ, որպէս ի հին ժամանակս էր, կրթութեամբք եւ վարժիւք ստանալ մարթիցէ . եւ այնպէս լոկ իմն արուեստ զայն զնեն .

ուր, զոր օրինակ ի վեպասանութեան ճարտարութիւն, նոյնպէս եւ ի ճարտարախօսութիւն, առանձինն իմն զօրութիւն ի բնէ պահանջի : Օ ի որպէս առ ի զհոյակապ ոք պւետէս ծնուցանել, նոյնպէս ի կազմել զնոր ոմն դեմոսթենէս, պարտի բնութիւն շտապ տագնապի իմն առանց սովորութեան ցուցանել : Բայց եւ այն սասոյդ է թէ ի բազում ի մարդկանէ դոյ բնական իմն ճարտարախօսութիւն, որ չափ եւ կշիռ պահանջէ :

Ի վերայ մտագիր լինելոյ ի համեմատութիւնս իրաց, ի վերայ գործօն իմն համնճարոյ եւ ի վերայ բնական իմն հնարիմացութեան հաստատեալ կայ յաջողութիւնն այն խորհելոյ զզինչ եւ իցէ նիւթոյ, որ ի դատել առաջի գնիցի մեղ, զուղիղն կէտ հայեցուածոյ ի նորին սահմանելոյ եւ պատճառանօք հառատելոյ զվճիռն զոր միտք զայնմանէ հատանիցեն : Եթէ այսամ յաջողութեան ընկերիցէ եւ վարժութիւն ի յահոդիման կացուցանել, յայնժամ աւասիկ ի գլուխ ելանէ եւ կատարի ճարտարախօսութիւն, զորմէ ցարդ ամենայն մանր մասամբք խօսեցաք :

Զէ պարտ զրաւ առնել շահաւետ եւ օգտակար ճառիս, որ զճարտարախօսութենէ է, առանց յարելոյ զզեղեցիկ բանսն, զորս զահարպ զայսամ արուեստէ խօսի : **Ա** իսպասանութիւն հաճոյից վասն է, իսկ ճարտարախօսութիւն վասն գործոց : **Ա** էպք չեն իսկ կարեւոր եւ մեծարոյ, բայց այնմ որ զնոսին յօրինիցէ . եւ զբազումն նորա սփոփութիւն իւրոցն ընթերցանելեւաց է : Բայց իբրեւ պաշտօնեայն սեղանոյ զմեծամեծ ճշմարտութիւնս բարոյականին ի բեմէ անտի քարոզիցէ, յորժամ ջատագովն եւ պատասխանատու անմեղութեան զիւր բարբառ յատեանս անդ լսելի առնիցէ, յորժամ այր պաշտօնեայ տէրութեան լինիցի խրատառու ի խորհրդեան վասն վիճակի ժողովրդոց, յորժամ այր քաղաքացի ի ժողովս օրէնսդրաց սակս աղատութեան

ճառ արկեալ խօսիցի, յորժամ արժանաւորն զովիչչ
քանքարոյ եւ առաքինութեան յօրինիցէ նոյա
դդրուատիսն, որ կիսոց ի քաջալերութիւն իցեն, այ-
լոց ի կշտամբութիւն, եւ վասն ամենեցուն ի խրատ.
գլուխ իսկ՝ յորժամ այր փիղեսոփոս գրագէտ ի լուսւ-
թեան մենութեանն պատրաստիցէ զիւր խրախուսիչ
ճառս, որ ի բաց բառնան զզեղծմունս, զմոլորութիւնս
եւ զյանցուածս յատենի անդ հասարակացն կար-
ծեաց, յայնժամ ճարտարախօսութիւն ոչ արուեստ
լոկ է, այլ մեծաշուք իմն սպասաւորութիւն սրբեալ
եւ նուիրեալ ի ձեռն մեծարանաց քաղաքացւոց, ո-
րոյ պիտանութիւն այնպիսի է, զի բարւոքն ասել մին
ի նուազագոյն արժանեաց առն ճարտարախօսի է,
եւ մեք առաւել զմերով շահու պատաղեալ քան
զգեղեցկութեամբ բանից առն ճարտարախօսի, մոռա-
ցօնս առնեմք ճարտարախօսութեանն, զի մի ընդ
պյլ ինչ, բայց ընդ առաքինութիւն նորա եւ ընդ
բարերարութիւնն առ մարդկութիւնս նայեսցուք:

Գ. Գ. Ա. Խ

Պ. Ա. Տ Ա Կ Թ Ի Խ Ն

2Եկ երեւէր ծագեալ սորին լոյս պտղաբեր,
Ցաջորդէին աւուրք մածեալ ի խոր գիշեր:
Ժողովուրդք մի առ մի ի տաղառուկ ողեսպառ,
Խրեաց անծանօթ սահեին վայրապար:
Մեծամեծ գիպաց ընաւ չեին ուրեք թարգմանք,
Բեկորք մեռեալ կային, եւ համր գերեզմանք:
Պատմութիւն ծագէ բայ. ժամանակք դառնան յետ,
Շերիմք, բեկորք խօսին, ըստուեր յանկարծ խոյս ետ,
Ազգք կրթին յերեաց, ըզմիմեանս իմանան,
Մշանչենաւորէ մարդկեղէն մտաց չան:
Բարեէ հրապարք ուսման, ո պատմութիւնք արդոյք,
Քանի հեշտ այր գիտուն նստեալ մօտ ի խարոյի,
Զանթիւ մարսս ընթեռնու Ամենայ եւ Հռոմայ.
Զերիշաղարեան ամաց զայր քաջ դրուատէ նայ:

Ա. Ա. Խ. Վ. Յ. Շ. Ա. Տ. Ա. Տ. Ա. Տ.

Վաստիկ պատմութիւն, գեղեցիկ ուսմանց հուսկ վերջինն, բայց կարեւորագոյն, ոչ միայն նոցին իսկ ուսմանց եւ գիտութեանց, այլ եւ մարդկեղէն իսկ ազգի : Յառաջատիպ պատկեր ամենայն ուսման եւ գիտութեան ի պատմութեան երեւի : Այս է թատր համաշխարհական, յորում զիւրաքանչիւր ազգ ոչ միայն ի սեպհական բարս եւ ի կարգս, այլ եւ յանցնիւր գիւտս եւ առաւելութիւնս հանճարոյ եւ հնարագիտութեան տեսանեմք :

Եթէ պատմութիւն փականք է անցից անցելոց, կանոն մօտաւոր ժամանակի եւ հայելի հանդերձելոց իրաց, չգիտեմ ուսումն զնա, եթէ մանաւանդ հարկ պարտ իցէ կոչել : Այս է կարակն՝ յորոյ ձեռն միայն ուղղին միտք ի մէջ համատարած ծովու գիւպաց եւ պատահարաց : Օգօնութիւն՝ որ ուղղիչն անուանի մարդկեղէն գործոց, ոչ միայն զիւր աղղողութիւն, այլ եւ զմեծ մասն իսկ իւրոյ գոյութեանն ի պատմութենէ անսաի առնու, եւ նմին պարտական է : Օեր այր պարտի գիտել զպատմութիւն զի զգալոցն գուշակիցէ, զի այնմ տիոց է դատաստան : Որ ի շափ հասեալ է նոյնպէս պարտի հմուտ լինել պատմութեան, զի զոր առաջին կայ ուղղեսցէ . իսկ որ մանուկն է, թող նոյնպէս տեղեակ լիցի պատմութեան, զի ուսցի հանճար եւ հլութիւն : Միով բանիւ՝ պատմութիւն վարդապետանոց է ամենայն հասակի եւ մտավարժութեան : Եւ եթէ արժանան իցէ ասել, պատմութիւն սանդուղք իմն է, որ ամբառնայ զմեզ ի ժամանակէ, եւ գողցես ի մշտնջենաւոր անդը մօտ հասուցանէ, եւ զհետս, նա զկէտ իսկ յաւիտենական խորհրդոց տայ մեղնշմարել : Վասն այնորիկ չիք ինչ որ այնպէս բովանդակագոյն զրաւիցէ զմիտս եւ խորագոյն ընկղմիցէ ի խորհրդ, որպէս պատմութիւն . նմին իրի եւ չիք փիղիսոփայութիւն այնպէս ուսուցիչ կենաց, որպէս փիղիսոփայութիւն պատմութեան, որ զող-

ջոյնն կամ զբոլոր բանաւորն կենաց յանդիման կացուցանէ : Ամասիցուք այժմ ի խորհրդանոց այսր մեծամեծար, ուր ոչ այնչափ պատկառանք, որչափ հղուական իմն խորհրդականութիւն պիտոյ է :

Պատմութիւն բովանդակէ զբովանդակ շրջան արտաքին տեղեկութեան, որ օրինօք իմն եւ կարգօք գիտութեան յանդիման կացուցանիցի . եւ զառաջիկայն եւ զանցեալ ամփոփէ, այս ինքն է զամենայն երեւոյթո (phénomène) առընթեր միմեանց ի միջոցի, եւ զամենայն փոփոխմունս (vicissitude) մի զմիոյ ինի ի ժամանակի : Յորժամ ինչ որ առաջեկայն իցէ, յանդիման կացուցանիցի, այն անուանեալ կոչի նկարագիր, ապա եթէ որ ինչ անցեալն իցէ, առաջի արկանիցի, այն պատմութիւն անուանի : Կեկարագիր զերեւոյթո եւ զփոփոխմունս ի միջոցի կամ յանջրապետութեան յանդիման կացուցանէ . իսկ պատմութիւն զգործս անցեալ ժամանակի ըստ ժամանակին կարգի ընծայեցուցանէ : Յայսմ ամենայնէ որ համօրեն ասացաւ, առնի յայտ եթէ նկարագրիչն կարգ պատմութեան զբնութեան նկարագիր եւ զերկարգութիւն յանձին բովանդակէ . իսկ պատմականն կարգ պատմութեան՝ զբնական պատմութիւն եւ ըզմարդկան պատմութիւն ամփոփեալ ունի : Խ բնական պատմութիւն անդր պատշաճին պատմութիւն ցամաքի եւ ծովու եւ անասնոց ազգի եւ պէսպէս կերպարանաց (տեսակաց) մարդկան ըստ այլակերպութեանց եւ փոփոխմանց որ լինիցին, յորժամ դործիք նոցին եւ կազմաձք ի բնէ բնութեան յարդարեալ կազմիցին, որ ուրոյն ուսումն է, եւ իւիքիրօք ի պատմութիւն անդր մօտ է . իսկ մարդկան պատմութիւն նմին հակառակ բովանդակէ զամենայն փոփոխմունս եւ զարարս, որ անանջրապետ իմն աղղեցութիւն աղատութեան են : Խւ այսպիսի մտօք նկատեալ պատմութիւն, կամ անհատ եւ անբաժին մարդկան է, եւ կոչի մասնաւոր պատմութիւն, յոր

դնան եւ պատմութիւնք ուրոյն ուրոյն ազգաց , ընկերութեանց , միաբանութեանց , ժողովրդոց , թագաւորութեանց եւ տէրութեանց . եւ կամ տիեզերական է , այն ինքն է պատմութիւն բովանդակ աղջի մարդկան : Եւ երկրին սուբա , տիեզերականն եւ մասնաւոր պատմութիւնք դարձեալ ի նուիրական եւ յարտաքին բաժանին :

ՊԱՏՄՈՒԹԻՒՆ. **Ա**մութիւն՝ որ ամենեցուն ընդարոյս իմն է , զիտելոյ զզործս նախնեաց , եւ գժուարութիւնն ի պահել հաւաստեաւ ի մահ , ուսոյց մարդկան խելօն զնոսին ի նշանս կայունս հաստատել , որ զնոսին յետնոց աւանդիցեն , եւ անտի ծնան պատմութիւնք : Ամանք յիշատակարանս բազումն ի մէջ բերեն , որ հնոցն ի տեղի գրոյ եւ յիշատակաց վասն պատմութեան լինել մարթացան , եւ ցուցանեն թէ երգք եւ օրհնութիւնք , տօնք , քաղաքք , ժամանակք , շինուածք , անդրիք իբրեւ մատեանք էին , որ պայծառ նշանակօք զձշմարտութիւն անցից անցելոց յանդիման կացուցանէին , եւ յայտնի առնեին զպատմութիւն ումանց գիւցազանց եւ արութեանց ինչ նոցա , որ արժանի յիշատակաց էին : Ի՞այց բաց յայսպիսի յանիսոսուն եւ ի խօսուն յիշատակարանաց գոյին այլ պայծառագոյնք եւ մեկինք , որ ի ձեռն գրոյ գուշակաւոր եւ որիշ գրոշմիւք զդեպս պատմութեանց ընծայեցուցանէին : Յժողցուք զսիւնան զորոց Յովսեպս հրեայ ասէ , թէ յառաջ քան զջրհեղեղն կային իբրեւ յիշատակարանք անցից անցելոց որդւոյն Աեթայ : Յժողցուք եւ զվեմս եւ զերինս , զորս ճարտարութեամբ իմն բայդ գիւանս եւ մատենադարանս կոչչէ . զի այս ամենայն յիշատակարանք ոչ պատմութեան լոկ , այլ եւ ամենայն համօրէն ուսմանց պատշաճին : Կիոդորսս սիկիղացի ասէ , թէ բարբարոսք պարծին եթէ անտուստ ի վերուստ ի նշանազիրս աւանդեալ ունիցին զանցս որ ի մէջ նոցա անցեալ իսեն , եւ զյիշատակս դարուց բազմաց պահիցեն :

Այն ինչ ծշմարիտ է թէ բարբարոսք յառաջագոյն իսկ քան զՅոյնս ունեին յիշատակարանս պատմութեան. եւ զայս Յովսեպս հրեայ բազում պատճառանօք հաստատէ, որ հաւանութեան թուին: Արդարեւ իսկ ոչ միայն մատեանք կադմեայ միղեսացոյ եւ Ակուսիզայոսի, որ են առաջին պատմագիրք Յունաց, այլ եւ Հոմերոսի եւ Եսիոդեայ քան զպատմութիւնս այլոց ազգաց յետոյ ուրեմն են: Պատեան կարի հին զոր ունիմք այժմ, գիրք սուրբք են գրեալք ի Մովսիսէ, եւ ինքն Մովսէս զայլմէ իմելէ գրոյ յիշատակէ (Թիւք. Խ. 14): Խակ Յովլայ մատեանքն կանխագոյն են, որոց ժամանակ չէ յայտ, բայց բազումք կանխագոյն քան զՄովսիսին համարին:

Ապրդք եւ յօրինուածութիւն եւ քաղաքաւորութիւն յԱսիա եւ յԵգիպտոս սկիզբն առներ. անդ դեպք եւ պատահարք ի պատմել դիպէին, եւ անդէն լինեին պատմագիրք եւ յիշատակարանք: Ի գրոց սրբոց եւ յարտաքնոց իսկ յայտնի է թէ ուսումն եւ դպրութիւն եւ շինութիւն յԵգիպտոս քաջի բաց հին էին: Կիսոդորոս սիկիզայի զքրմացն Եգիպտացւոց ասէ, թէ յիշատակարանս հինս ծշմարիտ յաջորդութեանց թագաւորութեանն ունեին, եւ զամենայն ինչ նշանակեալ գրոշմէին: Ի հին տեղեկութեանցն զորս Եգիպտացիք Երոդոսայ ետուն, յայտ է թէ առ նոսա պատմութիւնք եւ հին ինչ զըսցք դոյին: Ի հին ինչ տարեկանաց Սանեթովս զիւր զնշանաւոր պատմութիւն հաներ: Հոյնք մանկաի էին եւ հազիւ գիտեին թոթովել, որպէս յանդիմանէ զնոսա քուրմն եգիպտացի, որպէս կայ ի Տիմէին Պղատոնի, մինչ Եգիպտոս քաջ քաջ զիւր արուական բարբառ լսելի առներ կարգաւոր եւ անընդհատ պատմութեամբք:

Կ մէջ արտաքնոցն մատենագիր հին առ հասարակ Սանկոնիատոն պատմագիր իրաց Փիւնիկեցւոց կարծի, որ ապա ի Փիլոնէ Քիրզեայ ի յոյն լեզու շրջեցաւ: Այն այս մատենագիր հին զիւր պատմու-

թիւն ի յիշատակարանաց կանխութեան Փիւնիկեցւոց հանեալ ասէ : Յայնպիսի յիշատակարանաց առնոյին իւրեանց նիւթո Դիոն եւ Մենանդրոս եփեսացի, որ խառն ընդ Յունաց պատմութեան եւ զՓիւնիկեցւոց իրաց խօսս հարին ի մատենիք : Իւրոսս զՀնագոյն յիշատակարանս տարեկանաց իւրոյ քաղցեական ազգին եւ զՓիւնիկեցւոյն ընդ միմեանս հարեալ համեմատէր, որպէս ասէ Յովսեպոս, եւ զիւր զմեծարոյ պատմութիւն գրէր : Աւ Հերոդոտոս ինքնին դէմ եղեալ առ Քաղցեացիս անդր չոքաւ եւ ուսեալ ի հմուտ քրմաց յօրինեաց, որպէս բազումք ասեն, ուրոյն մատեան, անուանեալ Ասորեստաննեաց, որ չեք այժմ ի միջի, այլ ի վկայութեան ածեալ Աւրիստոտեղեայ ի բնական պատմութեանն կարծի : Պարսից օրէնք իսկ գոյին, որպէս ասէ Դիոդորոս, զիրս եւ զարութիւնս նախնեաց ազգին ի մատենի հարկանելոյ . եւ Յունացն քննասիրութիւն յորդութեաց ած զկտեսիաս ի խուզել փութով զամենայն յիշատակարանս, եւ ածեալ բնաւ ի կարգ պատմութեան եւ շրջեալ ի յոյն լեզու տայր պարգեւս ազգին իւրում : Ի Զենտաւեստայն, որ են զիրք մեհենականք Պարսից, գտանին բազում հիշատակիք, եւ ճշմարիտ եւ առասպելաց զբոյցք : Հնդիկք, զորս ոմանք յարդեաց ամենայն ազգի ազգի ուսմանց գտիչ եւ յօրինիչ կարծեն, եւ վարդապետս իսկ աշխարհի, ունեին նոյնպէս նախնեաց պատմութիւնս . եւ Մեգաստենէս անտի իսկ յօրինեաց զիւր պատմութիւն, եւ այլ եւս Յոյնք բազում ինչ տեղեկութիւն հանին : Իսայց առաւել հաստատուն յիշատակարանք եւ յիշատակք պատմութեան գտանին առ Աինէացիս : Օ Հնութենէ, զժամանակագրութենէ, եւ զայլ ինչ իմեքէ որ միանդամ պատմութեան կարեւորէ, մեծաւ հոգաբարձութեամբ փոյթ առնեին իմաստունք Աինէացւոց : Ամլ թէ ընդ ճշմարտութեան գտանիցին խառն եւ առասպելք,

ընդ այն չեւ պարտ զարմանալ։ Ի՞սկ թողեալ եւ զԱխնեացւոցն պատմութիւն, որ նպաստ ինչ ի յառաջադիմութիւն պատմութեան համօքէն մարդկութեան չլինէր, եկեսցուք առ Յոյնս զորս յիրաւի այսրուսման, որպէս եւ բազմաց այլոց, հարս եւ վարդապետու կոչել պարտ իցէ։

Եռաջին այր յոյն արժանի կոչելոյ պատմագիր, կադմոս միղետացի լինէր, որպէս Սորաբոն եւ Պղինիոս վկայեն։ Այ գրեաց զպատմութիւն Յոնիացւոց ի չորս գլորութիւնս, եւ հանէր զառաջին պատմութիւն կարդաք եւ օրինոք յարդարեալ։ Յովսեպոս ընդ կադմեայ եւ զԱկուսիդայոս յիշատակէ։ իսկ Դիսնեսիոս աղիկառնացի ի նոյն յարէ զբազումն, որպէս զԵւդէոնն եւ զԵւդեմոս եւ զԵկատէոս այլվքն հանդերձ, յորոց ոմանք սակաւիկ ինչ յառաջադոյն քան զպեղոպոնեսական պատերազմն կեցին։ Այցա ճառք, որպէս Դիսնեսիոս ասէ, յատակ էին եւ պայծառ, ընդելական, համառօտ, եւ յանկ բնութեան իրացն ճառելոց, ոչ ճարտարեալ եւ բռնազրուեալ։ Ի՞սկ պատմագիր յոյն առաջին, որոյ մատեանք ցարդ կայցեն, Հերոդոտոս է, որ ի Տուղեայ հայր պատմութեան անուանեալ մեծարի։ Այ, որպէս Դիսնեսիոս աղիկառնացի ասէ, ազնուագոյն յօրինեաց զնիւթ պատմութեան։ զարութիւնս եւրոպայ եւ Ասիայ ի մի բովանդակեալ, ած զայն ի զարդ եւ յազնուական կերպարանս։ զվայելչութենէ եւս եւ զյօդակապ զարդարագիր բանից փոյթ առնէր, որում չէր խնամարկեալ մատենադրացն որ յառաջ քան զնա եղեն։ Յետ նորա ազնուագոյն լինէր Թուկիդիդէս, որ ճշդագոյն եւ ճշդրտագոյն քան զԵրոդոտոս համարի։ Եռատութիւն, սերտութիւն, համառօտութիւն, հատու եւ անաշառ վճիռք, բարձրութիւն եւ աղդողութիւն յայտ առնելոյ, սասակութիւն եւ ուժգնութիւն խօսից զթուկիդիդէս իշխան պատմութեան յարդարեն։ Ի՞նդ այլազգի նկը · ՈՒՍՄ.

շաւիդ եւ այլակերպ օրինակաւ երեւեցաւ եւ քսենովոն, որ զօրավար իբրեւ զթուուկիդիդէս, զըեաց զպատմութիւն պատերազմին, յորում եւ ինքն միջամուխ գտաւ: Ի՞այց ազնուադոյն ի գործս նորա է մատեանն որ կոչի կիւրոսի խրատք, զորմէ վիճին իմաստունք թէ իցէ ճշմարիտ պատմութիւն, եթէ վէպ կցկցեալ եւ յօդեալ առ ի խրատ: Վասենովոն նմանող լեալ թուուկիդիդեայ ի նիւթոյն միութեան, եւ Երոդոսեայ ի պէսպէս կերպարանս եւ ի զուարթութեան պատմելոցն, եւ ի քաղցրութեան եւ մեղմական հանդարտութեան խօսիցն, չէ ինչ նուազագոյն քան զիւր առաջինն: Ի՞այց զոր օրինակ Երուգոսոս օտարոտի իմն եւ նորասքանչ իրօք, եւ թուուկիդիդէս յաճախ եւ բռնազրօսիկ ճառիւք զպատմութիւնն լուսն, նոյնպէս Քսենովոն կարի մանրապատումն առնելով զբաղում ինչ զճառոն տկարացուցանէ:

Յետ սոցա ի մէջ ամենայն պատմագրաց որ եղեն ընդ այնչափ ժամանակս, միայն Պողիբեայ մատեանք պահեցան, արդարեւ զովութեան արժանի, այլ ոչ իբրեւ զառաջին երիսն հոյակապ եւ ազնուագոյն յօդակապ քանիիւք: Ամակաւ ինչ յետոյ քան զՊողիբիս ի ժամանակս կայսեր եւ Աւգոստեայ ծաղկեցին այլ եւս երկու պատմագիրք նշանաւորիք, որ այլագունակ հնարիւք բուռն հարին զպատմութեանց, որ յերկարագոյն եւ ճշգրիտ խուզից եւ խնդրոց եւ լսցն եւ անդորր հմտութեան կարօտ էին: Առքա են Գիոդորս սիկիլացի եւ Գիոնեսիոս աղիկառնացի, որոց ընդմուեալ ի բացական հնութիւնս, եւ խնդրեալ գտանել լոյս ինչ ճշմարտութեան յաղջամը ին խաւարի առասպելաց, ընդարձակագոյն պատմութիւնս յօրինէին, որ թէպէտ եւ չիցենն բնագիրք ի տեղեկութիւնսն, սակայն առաջինք ի ձեռնարկութեան իրացն եւ յօրինակին ճառելոյ են: Պիոդորս ի մատենադարանսն զոդ զպատմութեամբք ամենայն աղ-

դաց աշխարհի գիրկընդիմուն լինի, ելանէ ի կանուխ ժամանակս, միջամուխ լինի յառապելս ժամանակաց գիւցաղանց, անդուստ ապա իջանէ ի տիս յետինս, կրկտէ զճշմարիտ գործս ծանօթադոյն ժամանակաց, եւ յօրինեալ կաղմէ պատմութիւն տիեզերական, որ արդեացս ամենեցուն յօրինակ նմին նման պատմութեան եղեւ։ Խակ Դիոնեսիոս աղիկառնացի զնախնեաց իրաց Հռոմայեցւոց ուրբոյն ճառեաց. ամս բազումս ի Հռոմայեցւոյն քաղաքի կացեալ, եւ ըջեալ ընդ կարի իսկ հմուտս եւ տեղեկագոյնս ի Հռոռոմոց, մտադիր ընթերցուածովք եւ քննութեամբ դրոց եւ յիշատակարանաց ժողովեաց առատ եւ ազնիւ յիշատակս հռոմէական նախնեացն պատմութեան, որ շատ ինչ մարթաց տալ ուսանել նոցին իսկ Հռոմայեցւոց յիւրեանց իրս։ Խօսք սորա թէպէտ եւ ընդ Երողոտայն եւ ընդ Քսենոփոնեայն ի կշիռ համեմատութեան գալ չմարթիցի, սակայն յստակութեամբն եւ ուղղութեամբ ի ժամանակի անդ ապականութեան ընտիր եւ չքնաղ է։

Ի ժամանակս Վեսպիանոսի Յովսեպոս հերքայեցի երեւեր, որ գրեաց զպատմութիւն հրէական պատերազմին, եւ մեւս եւս գիր անուանեալ Հրէից նախնեաց պատմութիւն, որ յստակութեամբն եւ ճշդութեամբ եւ ընտրութեամբ խօսիցն զՅոյնս ի գլխովին զարմացոյց, եւ Հռոմայեցիք նմա անդրի պատկեր կանգնէին։ Առաւել քան զսոսա մեծաց արժանեաց է անուն Պլուտարքեայ, որ առ ժամանակօք կայսերացն Կերուասայ եւ Տրայիանոսի պայծառանայր. այր բանասէր, փիղիսոփոս եւ պատմագիր, որում Վարք երեւելի արանցն զոր նայն յօրինեաց, թէպէտ եւ նա չհամարի զայն պատմութիւն, մեծ փառս առթեցին։ Պլուտարքոս ճարտար է ի քաղել զհանդամանս եւ պատշաճ խօսի. գործք եւ արութիւնք կամ բանք զորս նայն խելամտութեամբ ճարտարութեանն յանդիման կացուցանիցէ, զբովան-

դակ իսկ զմարդն ողջոյն ընծայեցուցանեն. Եւ է Պղուտարքոս արդարեւ նկարիչ ճարտար սրտից եւ ոգւոց դիւցազանց, այնու զի նկարագիրս կենդանիս եւ խօսունս յօրինէ, որպէս ոչ Ռափայէլ եւ ոչ Տիտիանոս եւ ոչ այլ ոք ճարտար ի պատկերահանաց առնել ձեռնհաս իցէ: Մի այլ եւս ընդ երկար դեղերեսցուք առ Յոյնս ի գտանել մատենագիրս առնուանիս, այլ անցցուք ի Հռոմայեցիս անդը:

Հռոմայեցւոց մինչեւ ցՏուղղիոս պատմագիրք սակաւք կացին, զորաց ինքն Տուղղիոս կարձառօս ճառէ: Փարիոս, Կատովին, Պիտովին, Փաննիոս եւ Վեննոնիոս յոյժ ցամաքք եւ ցուրտք էին, մինչ զի չէր մարթ զնոսա պատմագիրս կոչել: Աեղիոս Անտիպատրոս եղեւ առաջին, որ սակաւիկ ինչ զճառան աճեցյց, եւ ունէր խուն ինչ ճարտարախօսութիւն, թէպէտ եւ բիրտ եւ շինականագոյն, առանց ուսման եւ յօրինուածութեան: Ի ինել եղեն եւ այլք, բայց եւ ոչ մի ոք ոչ կարաց զլեղեաւ անցանել եւ ազնուազոյն երեւել: Աիսեննա միայն անցոյց զանցոյց զամենեքումք, բայց էին եւ նորա մանկաւոյ բարք: Յժէպէտ եւ առ սակաւ սակաւ յառաջադէմ լինէր պատմութիւն, եւ ի ժամանակս Աիկերոնի չէր ամենեւին համր, սակայն արուական բարբառ հռոմէական պատմութեան, աստ ուրեմն ի բերանոյ Յուղեայ Կայսեր լսելի լինէր: Օքր գովութիւնս, քանիօն յարգանս ոչ մատուցանիցէ Աիկերոն Յիշատակարանաց Կայսեր վասն կարի պարզութեան, ճշդութեան, յստակութեան եւ վայելութեանն: Զէ մարթ զմտաւ ածել կամ ցանկալ առաւել հատուութիւն, աւելի ճշմարտութիւն եւ յայտնութիւն ի նկարագիրս տեղեաց, խորհրդոց, ձեռնարկութեանց, կռուոց, կամ աւելագոյն ուղղութիւն, քաջատեսիկ միտս եւ ընտրութիւն եւ յօդակապ վայելութիւն, կամ եւս իմն առաւելագոյն շնորհս, քաղցրութիւն, լրջմտութիւն եւ աղնուութիւն յամենայն իսկ ընթացս ճառիցն:

Ապյար ընդ Քսենոփոնտեայ համեմատեալ, այնչափ առաւել յամենայն իսկ քաջութեան եւ առաւելութեան պատմագիր ճարտարութեան դտանի, որչափ աղնուագոյն եւ անհամեմատ քան զնա է ի զօրավարութեան եւ յընտիր քաղաքաւորութեան եւ յարդարակորով առաջնորդութեան։ Ճամանակակից էր Կայսեր Կոռնեղիս Նեպոս, որ զվարս զօրաւարաց անուանեաց զրեաց. եւ է արդարեւ մեւս եւս Պղուտալքոս, եւ եթէ զամենայն շնորհս պատմագրութեան չունիցի Նեպոս ի Վարսն իւր հանդոյն Պղուտարքեայ, սակայն քաջ վերագոյն է քան զնա ի սրբութեան, ի յստակութեան, ի քաջութեան եւ յամենայն իսկ շնորհս քաջի եւ ընտիր մատենագրի։ Ապղուտիոս յետ սոցա պատմագիր երեւէր, ամենեւին հանդոյն թոււկիդիտեայ, ոչ միայն յայնոսիկ՝ որ գովութեան, այլ եւ որ պարսաւանաց իցեն. իւրեւ զնա ուժգին, ազգոյ, հոյակապ, ճշգրիտ, խուսին, բայց եւ ստեպ խոտորմամբքն ի կարգէ եւ հրապարակախօս ճառիւքն առնի մթին եւ աղօտ։

Ի՞այց պարտ եւ պատշաճ է ամենայն պատմագրաց Յունաց եւ Հռոմայեցւոց, հնոց եւ նորոց, ամենեցուն միահազոյն խոստովան լինել, թէ յաղթեալ պարտեալ կան, եւ տացեն զմեծապքանչ պարծանս Տիտեայ Վիւեայ, զոր յիրաւի ոք իշխան պատմագրաց կոչիցէ։ Որպիսի աղնուական քաջասրտութիւն ի բուռն հարկանել զայնչափ լայն եւ անդորր նիւթոյ, այնպէս յեղափոխ, այլակերպ, նշանաւոր, մեծագործ իրաց, օրինաց, բարուց, սովորութեանց, ծննդոց, մեծութեան, աւագութեան, զթելոյ անկանելոյ մեծանիստն իշխանութեան յայնչափ սահկաւագոյն բանս եւ ի ճշգրտագոյն ճառս անտուստ ի վերուստ իսկղբանէ այնպէս պայծառութեամբ եւ լոկութեամբ։ Որպիսի հանձար սուր եւ ընդմունող, որչափ այլակերպ եւ այլազգի բաղմապատիկ տեղեկութիւնք, քանիօն քաջութիւն ի յօրինել

այնչափ անբաւ պատկերս, որոց նկարագիրը պահանձեն երանդս զունոց հակառակաց, ի նկարել զայնչափ այլակերպ շրջըջմունս եւ կարիս եւ առաքինութիւնս եւ բիծս ախտից չարեաց, որ զայնպիսիսն բղևեցուցին։ Ուքան արդարակորով խորհուրդք, իրաւճնտիր դատաստանք, ճշգրտագատ վճիռք, այլվէն հանդերձ։ Արդարեւ ընդ պատմութեան խառն հիւսէ զվիսպասան երդոց եւ զդիւցաղնական վիպասանութեան վայելութիւն։ Աագունդիայ հրայրեացք, առն կարքեղովնի, խուսել ամրանալ չուոմայեցւոց ի կապիտողիոն, մուտ Գաղատացւոց ի Հռոմ, դաշտաւոն կամիզեայ, եւ բնաւին իսկ պատմութիւնն այն եւ պատերազմ չիցեն երանդօք վիսպասանութեան նկարեալ։ Յոյզք Վուկանետեայ, Վերգինիայ, Կորիողանեայ, եւ այլ նոցին նմանք ոչ ապաքէն զնիւիս հանդոյն Երիպիդեայ առնիցեն։ Փիղիպպոս նստեալ ի դատել զիւր որդեական զՊերսեւու եւ զԴեմետրիոս, ոչ ապաքէն թատր իմն նշաւակութեան արժանի քաջին Կոռնեղեայ յանդիման կացուցանիցեն։ Ո՞ր խտիր շկայցէ ի մէջ մանրակըրկիսն եւ գանդաղագոյն խօսս արկանելոյ Քսենոփոնեայ եւ ի մէջ աղնիւ եւ երագերագն խօսից Վիւեայ։ շատ իսկ է ընթեռնուկ զխօսակիցն լինել Տուղղեայ ընդ Տարկուինեայ, եւ զԱմբուստեայ ընդ իւրում դստերն։ Գլուխ բանից, զնիւիս պարտ եւ արժան է մեծարել եւ իբրեւ զնկարիչ, եւ որպէս զպւէտ, եւ հանդոյն պատմագրի, եւ նման ճարտարակօսի, եւ յամենայնի եւ ի բնաւի առաւել եւ նշանաւոր զնա համբաւեալ հոչակել։ Յոմանց բամբասի Վիւիս թէ զբազում ինչ զրոյց եւ առասպելս անխատիր յօդէ զօդէ բայցնա՝ զի մի զազգին զվաղնջուց աւանդութիւնսն խոտեալ իբրեւ արհամարհոտ բառիցի, իբրեւ զխօսանաղանձն ճառս եւ զըսցս պատմէ։ Յետ Վիւեայ աղնուագոյն են եւ Վեղղեյս պատերկուղոս յատակ եւ աղնուական, Կուրտիփոս

Հյուակապ եւ ընտիր, եւ Տակիտոս հմուտ եւ քաղաքաւոր, բայց եւ ոչ մին հանգոյն Ղիւեայ: Յետ սոցա եւ ոչ առ Հռոմայեցիս պարտ է խնդրել այր պատմագիր, որ զնորհս եւ զարժանիս պատմագիրն անուան ժառանգիցեն, բայց ի Փղորեայ եւ Յուստինեայ. Փղորոս աղնուագոյն եւ ազդոյ, բայց լի խաղոյ բանիւք, կարի անօսր եւ յոյժ շաղեալ եւ պատատեալ ի խորհուրդս գտանի: Խոկ Յուստինոս առաւել բնաւոր է եւ չէ կարի անփորձ, բայց յոյժ տկար է եւ չէ ինչ այնչափ շահաւետ: Ի մատենագրութիւնս Փղորեայ եւ Յուստինեայ վերջին հետք առաջնոյ ճաշակին չքանալ եւ աներեւոյթ լինել սկիզբն առնեն:

Յետ այսորիկ անկաւ կործանեցաւ պատմութիւն ընդ բազում դարս, եւ ի խոնարհագոյն ժամանակամ միւսանգամ սակաւիկ ինչ աղնուագոյն լիներ, սակայն այնպէս նուազագոյն տկարագոյն, զի եւ ոչ իսկ ի յառաջադիմութիւն մարթացաւ նպաստ լինել:

Բայց չգուցեն արդեւք եւ ի մէջ Հայոց օրինակը եւ ճարտարութիւն պատմագրութեան, որ արժանի յիշատակելոյ իցեն: Աիրթն եւ ջանասէր հանձար Հայաստանեայց, որ գրեթէ յամենայն իսկ նիւթուճարտարութեան գեղեցիկ ուսմանց քաջ պարծել կարօղ է, եթէ յայլում իմիք ճարտարութեան այնպէս մեծարոյ եւ նշանաւոր չիցէ, ի մատենագրութիւնս պատմութեանց ոչ պարծել եւեթ, այլ եւ աւագագոյն եւ հոյակապ վիպագրաց Յունաց ի դիմի հարկանել մարթի, եւ եթէ զառաւելութեան զպակին շառնուցու, զհանգիտապատիւ հաւասարութիւնն ընդ նոսա իրաւացի դատաստանաւ պահանջեցէ: Աէն Մարտէն մատենագիր գաղեացի, զերեսին զանուանի պատմագիրս Հայոց հինգերորդ դարու, զնորենացի, զեղեցէ եւ զՓարպեցի ընդ Երոդութեայ, ընդ Թաուկիդիդեայ եւ ընդ Քսենոփոնտեայ

կըուեալ համեմատէ: Արդարեւ իսկ զոր օրինակ բարձրութիւն եւ աղնուականութիւն, հատու եւ հոյակապ յօրինուած ճառից, զգօնութիւն, բովանդակութիւն, ամփոփն եւ յօրինեալ յարդարումն, կարդխօսից աճառապատ եւ նեարդապատ, ճարտարախօսութիւն հակիրճ քաջութեան եւ արութեան նկարագրաւն, զխորենացի, զիշխան պատմագրաց Հայոց, զարմանաց եւ գովութեան արժանի յարդարեն. նոյնպէս մեղմական զգօնութիւն, ճարտարախօսութիւն քաղցր եւ ծորածոյ, յստակութիւն եւ պարզն եւ համեստ եւ վայելուչ չքնաղ զարդ, զպատմիչ նաև հատակութեանն Վարդանանց յիրաւի եւ յարժանի մեղու Հայաստանեաց անուանելոյ արժանի կացուցանեն:

Ի՞այց Հայոց աշխարհ ոչ զերեսին մատենագիրս եւ եթ յիւրում ծաղկաւէտ ժամանակի յանդիման կացուցանիցէ, այլ եւ յետոյ եւս ի խոնարհագոյն ժամանակս, մինչդեռ Յոյնք եւ Հոռոմք եւ բովանդակ եւ բոպական աշխարհն ի յուլութիւն դատարկութեան հատեալ կային, եւ պատմագիր ճարտարութիւն ի միթութեան մածեալ էր, եւ ամենայն զարդք մատենագրութեան սին եւ դօս եւ ոյծ եւ ցամաքեալ գնեին, ի մեջ Հայոց, հանդերձ այլովք մատենագրովք, գունդք գունդք ճարտար եւ բանիքուն պատմագրաց ծաղկեալ պարարեին: Զիցեն զարմանք տեսանել զՅովհան զյորդն եւ զպերճ, զթովմա Արծրունի զբազմատեղեակն եւ զշատահմուտ, զԱրիստակէս Լատիվերտացի, որ մեղմական եւ աղերսական ճառիւքն զաշխարհանս ընդ պատմութեան յօդեալ խառնէր, եւ զպատիւ նուագայարդար պուետիկոսի հանդերձ պարծանօք զդօն պատմքի ժառանդէր, զմեծն Վարդան իւրով աղնուական պատմութեամբն եւ զքաջն Սամուէլ գեղեցիկ եւ բովանդակ ժամանակագրութեամբն: Ի՞այց թողեալ զՃարտարս Հայոց, որոց ի սմին յայտմիկ առանձինն

եւ անկապուտ են պարծանք, տեսցուք թէ զիարդ պատմութիւն յետ անկանելոյ ի Յունաց եւ ի Հռոմայեցւոց միջի միւսանգամ պատսպարէր եւ կանգնէր:

Արաբացիք յիւրեանց ժամանակս մինչ դեռ բարդաւաճէինն, բազում փոյթ առնէին զպատմութենէ, եւ ոչ սակաւ յառաջադէմ խաղային: Յերկոտասամներորդ դարու յեւրոպացւոց աշխարհին երեւելոյ նշուլից նորոգութեան պատմութեան սկիզբն լինէր, եւ մինչեւ ցիատարած հնդետասաներորդ դարուն տակաւ յառաջադէմ դնայր: Ի ծագել վեշտասամներորդ դարի որ այնպէս սիրելին է մուսայից, եւ այնպէս զուարթադինն եւ յաջող է բովանդակ զրագիտութեան, ել երեւեցաւ յաճախութիւն պատմագրաց ի Հռոմայեցւոց բարբառ եւ ի հասարակացն խառնազանձ խօսա: Յետ այսորիկ եւս յիւրաքանչիւր դարս որ զինի եկին, եղեն պատմիչք նշանաւորք: Այնչափ մատենագիրք հռչակաւորք, որ պատմութիւնս ի գրի հարին, արդարեւ պայծառացուցին զմարտարութիւն պատմութեան, եւ ի բաց եղեալ զառանց ճշգութեան բրտութիւն եւ զցամպագոյն պարզութիւն ժամանակագրաց եւ որոց յիշատակարանս տարեկանաց գրեցին, եւ նմանեալ նախնեացն Յունաց եւ Հռոմայեցւոց, բարձրացուցին զպատմութիւն ի շինուած իմն բարւոք ճարտարապետեալ եւ աղնուագոյն յօրինեալ, եւ պատշաճական զարդուք եւ գեղեցիկութեամբ, ոճով եւ իմաստութեամբ մեծացուցանեին:

Խտաղացիք, Գաղիացիք, Անդղիացիք, Գերմանացիք, Ռուսաք եւ այլ եւս ազգք անուանիք Եւրոպայ անչափ մատենագիրս սքանչելիս եւ հոյակապս ազնուական եւ ընտիր վայելլութեամբ կարգեալ եւ տողեալ ցուցանիցէն, որ զնախնիս Յունաց եւ Հռոմայեցւոց նախանձարեկս առնել եւ զմիտս բարձունս եւ զորս զարդարակորով դատաստան եւ զիրաւացի խորհուրդս, սիրիցէն ոչ զարմացուցանել եւեթ, այլ

Եւ կրթել եւ թէքել եւ ի ճշմարտութիւն եւ ի պնդուաթիւն հանձարոյ յորդորեալ վառել բաւական իցեն։ Ասյժմ ճարտարութիւն պատմագրութեան ոչ եթէ լսապտեր իմն շիջեալ կամ առկայծեալ կայ, եւ ոչ ըսյս երեկորին աղօտ եւ մթար, այլ ջահ լուցեալ եւ բորբոքեալ է, եւ միջօրեայ մեծապայծառ որ զամենայն խաւար աղջամուղջ ի բաց յանցելոյն եւ ի մօտաւոր եւ ի հանգերծեալ ժամանակաց փարատել հնարի։ Ո՞ր այն դար իցէ, կամ ո՞ր այն ժամանակ, յորում այնչափ խորհուրդք եւ կորովի դատաստանք զպատմութիւնս լուսաւորեալ իցեն, ո՞ր այն ժամանակ է, յորում այնչափ հանձարեղք եւ որ լայնախորհուրդ մտօք իցեն, զպատմութիւնս ոչ միայն աղջաց եւ ժողովրդոց եւ թագաւորութեանց բացականաց եւ մօտաւորաց, բարբարսաց եւ ընտանեաց, այլ եւ փոփոխմանց բնական իրաց, դպրութեանց եւ գիտութեանց ի մատենի հարկանելոյ համարձակեալ տային զանձինս, միանգամայն իսկ ո՞ր այն ժամանակ իցէ, յորում այնպէս արդարութեամբ եւ կորովութեամբ փիղիսոփայութիւնս զպատմութենէ զրել եւ զանչափ ազնուականութիւն գիպաց եւ պատահարաց իրաց մարդկօրինաց եւ բնութեանն սքանչելեաց յայտ առնել ձեռներէց լեալ իցէ ուշ բուք, որպէս յարդի ժամանակս։ Ապա արդարեւ պատմութիւն զիւր ազնուական կէտ նշմարեալ եւ նկատեալ է։

Ինական իմն աղջումն, նա գրեթէ հարկ իմն գոյ, որ զմեզ ի պատմութիւն անգը կորզեալ ձգէ։ Ծնորք յօժարագոյն յամեն ի պատկերս անցեալ ժամանակին, եւ ոգիք ախորժական իմն օրինակաւ յուզեալ շարժին։ Ի՞այց ուստի իցէ այն հասարակաց միտութիւն։ Ոչ այլուստեք, բայց ի զգայուն եւ ի բարոյական բնութենէ մարդոյ, որ ամենայն ուրեք, ուր անեղծն եւ սակաւիկ ինչ բացեալ իցէ, կարեկից աղջմամբ զանձն յայտ առնէ, եւ եթէ

ունին մատուցանիցէ ազնուագոյն բարբառոյ մտացն, ոչ ի մենութեան ընդ անձնն, այլ ի հասարակ հաւասարութեան ընդ ազգն ախորժէ եւ զայն մեծարոյ համարի: Արդ ճանաչել զհամատարածն զայն եւ զմի ազգ (զմարդկութիւն), յոր իւրաքանչիւր ոք անհատ պատշաճի, իմանալ զնորին մտաւորն կեանս, յորում բովանդակեալ եւ իբրեւ թէ ի յորձանս ինչ ընկղմեալ կան իւրաքանչիւր ուրուք առանձինն կեանք, դարձեալ զկէտն եւ զկատարած, յոր իւրաքանչիւր ոք դէմ եդեալ ընթանայ, զոնեայ ընդ աղօտ իմն նշմարել, մեծապէս հարկ եւ կարեւոր պէտք են մարդոյ: Ամլ արդ աղէ, ուր ուրեք մեզ մարդկութիւնս յիւր ճշմարիտ կերպարանս, յիւրում ուղարկան կենդանութեան երեւիցի, որպէս ի պատմութեան: Ի պատմութեան, եւ յատուկ ի պատմութեան, ի միտ առնումք թէ զինչ մարդկեղէն բնութիւնն իցէ, որ ընդ այնչափ դիպուածոյ պատահար կայ մնայ մշանջենաւոր: Ապա ուրեմն որ անտեղեակն իցէ պատմութեան, իբրեւ օտար ոք է ի վերայ երկրի, եւ ի մէջ իւրոց ընտանեկաց պանդուխտ. ոչ ինչ փոյթ է նմա ընդ մեծամեծ շահսն, յորոց աղագս մարդկութիւնս անդստին իսկզբանէ կուուի եւ մաքառի. եւ հարկ է այնպիսւոյն, որչափ եւ ճարտար եւ յաջողակ իցէ, հասարակաց կենաց մարդկութեան մենքենաբար հաղորդ լինել, իբրեւ զանիւ, որ չգիտիցէ թէ յո՛ր ագոյց կամ խորշ երթայ մտանել:

Օօգուտ եւ զշահ պատմութեան ի մտաւուրական կեանս մարդոյ կալ եւ ցուցանել այնպէս աւելորդ է, որպէս եթէ ոք զօգտակարութիւն արեգական ի կենդանական կեանս անասնոց կամէք ցուցանել: **Պատմութիւն** որ մեծատունն է տեղեկութեամբք, ի հարկէ ի գործս հոսեալ յորդէ. եւ է վարդապետ Ա. զգանութեան, Բ. իրաւանց եւ առաքինութեան: Ա. **Տեղեկութիւն** եւ մարդկութեան

ծանօթութիւն երկու գլխաւոր ակունքը են զգօնութեան. իսկ պատմութիւն է բովանդակութիւն տեղեկութեան եւ ծանօթութեան մարդկութիւն: Եթէ վասն առանձինն եւ եթէ վասն հասարակաց կենաց, եթէ վասն ուրոյն ուրոյն մարդկան եւ եթէ վասն տէրութեանց ունի յանձին իւրում պատմութիւն թելադրիչ եւ քաջալերութեան օրինակօք կարեւոր եւ աղդոյ խրատ, որ թէպէտ եւ ի գէպս եւ ի պէտս այլակերպ իցեն, սակայն ի սկզբունս միակերպ են:

Բ. Իրբեւ խրատք զգօնութեան՝ լինիցին աղդողագոյն, այնու զի հանդամանք գործելոյ յանդիման կացուցեալք, արդեամբք ի գլուխ ելին, յայնժամ եւ խրատք իրաւանց եւ առաքինութեան՝ զօրութիւն ի մեծութենէ եւ ի հաճոյութենէ իւրեանց յառաջատիպ պատկերին ստանան: Օի ոչ միշտ յաղթօղ են իրաւունք եւ ոչ առաքինութիւն հանապազ երջանիկ, եւ սոյն այս մանաւանդ զնոցին պատուականութիւն յաճախէ: Անձնուրացութիւն յարդարէ զարժանիս. զայս մեզ հասարակացն բարոյական ուսուցանէ. բայց անօսր եւ դուն ուրեք կարօղ է պարզեալ տեսիլ պարտուց զմեծարանս մարդկան յինքն կորզել, եթէ ոչ օրինակօք նշանակեսցի: Այսպիսի օրինակս, որ մեծարանս եւ սէր մատուցանեն, ընծայեցուցանէ պատմութիւն. եւ այնպէս ի ցամաքագոյն բարոյական օրինաց կենդանի պատկերս անձանց գործելեաց յարդարէ: Որ միանդամ յայս տուն պահեստի աւագ եւ աղնուական մարդկան իւրաքանչիւր ժամանակաց մտանիցէ, ընդայնպիսւոյն ոգի թափանցանց մտանիցէ պատիւ մարդկեղէն բնութեան, աղդումն անձին նորա բարձրանացէ, եւ զօրութիւն նորա ի նախանձ վառիցի:

Միջամուխ լինի պատմութիւն եւ յամենայն արուեստս եւ ի գիտութիւնս: Օի առն փիզիսովոսի ընծայէ նիւթ խորհելոյ ի քննութիւն պատճառաց իրաց իրաց դիպելոց եւ փոփոխմանց աշխարհի եւ

վաճառականութեան եւ բարոյից : Յուցանէնա առն ճարտարախօսի օրինակս առ ի պէտս իւրոյ ճառիցն : Ես սմանէն առնու եւ պւէտն զմեծութիւն եւ զզարդ իւրոյ վիպացն, մանաւանդ թէ բազում անգամ եւ զնիւթ-ս իսկ ի գլխովին : Այսպէս եւ աստուածախօսն զզիտութիւն ազգի ազգի աղանդոց, եւ զպատճառս եւ զսկիզբն նոցունց ծագելոյ . եւ իրաւագէտն ի միտ առնու զպատճառս, զզօրութիւն եւ զտեսիլ օրէնսդրութեանցն : Բատ նմին օրինակի իշխանք ուսանին թէ զիարդ ընդ իշխանաւորացն պարտ իցէ գնալ, եւ զօրավարք ընդ զօրականին, եւ զենուորն հլուականութիւն եւ կարգ ուսանի, եւ խելամուտ լինի ազնուականութեան արուեստին իւրոյ : Այսպէս եւ նկարիչն եւ ճարտարապետն եւ այլ եւս ճարտարք ուսանին զզիտութիւն օրինակացն, որոց նմանօղ լեալ երեւելիք լինիցին : Եւ բնաւ իսկ ամենայն վիճակ եւ համօրէն հասակ մարդկան գտանեն ի պատմութեան ուսումն եւ օրինակ եւ վարդապետութիւն եւ խրատ առ իւրեանց իրս, եւ զզուշութիւն ի վեասակարացն, եւ պատճառս առ իմաստութեամբ ի չափու ունելոյ զանձն ի յաջողութեան, եւ ի նեղութիւնս սփոփութիւն եւ միսիթարդտանելոյ :

Իայց ոչ սակաւ զուարձութիւն եւ հաճութիւն շնորհէ պատմութիւն : Ո՞ոչ զուարձանայցէ ի հայելն ընդ պատմութիւն իբրեւ ընդ դատաւոր եւ վարձահասոյց : Ասվիմլիք զբազում անիրաւութիւնս մարդկան եւ զպատահարս ի լաւութիւն դարձուցանէ : Արդարեւ բազում անգամ որ ինչ ազնուականն է ի կեանս, լինի անծանօթ եւ զրպարտ . ոտէպ յաջողէ խսրամանկ եւ հարստահարօղ չարագործաց զժամանակից մարդիկ խաբել, զնոցին գովութիւն վաճառել կամ ճնշել, եւ զծանականն նոցա ի հրապարակագոյժ արկանել : Իայց թէպէտ եւ առանձինն պատմիչք եւ կամ ժամանակակիցք կուրանայ-

յեն, զահի հարկանիցին, կաշառեսցին, սակայն անագան պատմութիւնն զամենայն ի լոյս հանցէ : Առանց միտութեան եւ կարեաց, առանց երկիւղի եւ յուսոյ ի քնին արկանէ նա զվկայութիւնս, զգործո դատի եւ ըստ արժանի փառս կամ ամօթ իւրաքանչիւր բաշխէ : Արդարեւ է ինչ որ երբեմն առ ի չգոյէ կամ առ կորստեան վկայութեանց պրծանի եւ ելանէ ըստ քննութիւն նորա . եւ է երբեք, թէպէտ եւ դժուարաւ, զի եւ ինքն գլխովին մոլորիցի . բայց հանապազ յատակագոյն աչօք խոյզ եւ ինդիր առնէ, խաղաղական ոգւով կշռէ, եւ վճիռս ազատս եւ մնացականս բարբառի : Հյորչափ լինիցի մարդ ի վերայ երկրի, անուն կրիտիայ անիծիւք եւ գարշանօք, իսկ անուն Սոկրատայ սիրով եւ օրհնութեամբ ի շրթանց նորա հնչիցէ եւ ի սրտի նորա եղիցի : Խաղում անգամ եւ հայելն իսկ ընդ այս անաշառ վարձատու՝ զպարծանս չարագործի երջանկացելոյ գառն եւ դաժան կացուցանէ, եւ զնա՝ հակառակ իւրոյ ախորժմանն, ի գործս՝ գոնեայ ի վերին երեսս ազնուագոյնս յօժարեցուցանէ . իսկ զքաջալերութիւն արդարոյ հարստահարելոյ եւ անպարտի լիկելոյ եւ չարշարելոյ յարուցանէ եւ պնդէ . զի զորօրինակ անմահութեան տենչանք՝ նոյնպէս եւ ցանկութիւն առյապայն փառաւոր լինելոյ, ի մարդկեղէն միտս ցանկ եւ հանապազ կենդանի է :

ՑԻԵԶԵՐԱԿԱՆ ՊԱՏՄՈՒԹԻՒՆ

Տիեզերական պատմութեան է հանդերձ նշանաւորն գիպօք եւ գործովք որ ի մեջ ազգաց ազգաց երեւելեաց աշխարհի վճարեցան, զանցեալ եւ զայժմուկերարանս այնց ազգաց նկարել : Վեպս նշանաւորս զայն անցս անուանեալ կոչեմք, որ ի մօտուստ ուրեմն ազգեցութիւն ի բարիս եւ ի չարիս մարդկան գործիցեն . վասն այնորիկ իսկ զերեւելի դիտութենէ եւ իմաստութենէ եւ զնշանաւոր առաքինութեանց

եւ ախտից եւ զպատահարաց որ մեծամեծ փոփոխանունս ի տէրութիւնս գործեցին, եւ զայլ եւս զնոյն պիսի իրաց յաճախէ ճառել պատմութիւնս։ «Քանդի զամենայն իսկ զպատմելի եւ զծշմարիտ գործոց պատմութիւնս հիւսել անօգուտ է, մանաւանդ թէ անհնարին իսկ։ Խսկ երեւելի աղջո զայնց աղջաց ասեմք, որ կրօնիւք կամ գիտութեամբ կամ գիւտիւք կամ վաճառականութեամբ կամ քաջութեամբ կամ օրինօք օգուտ ինչ այլոց աղջաց գործեցին. որպէս Հըեւիցն աղդ կրօնիւք, Փիւնիկեցիք վասն վաճառականութեան եւ գիւտից, եւ Յոյնք իմաստութեամբ, եւ Հռոմայեցիք քաջութեամբ եւ օրէնսդրութեամբ արժանի տիեզերական պատմութեան են։ Բայց քանզի լայն եւ անդորր է յոյժ նիւթ տիեզերական պատմութեան, զի մի խառնակութիւն ինչ գտանիցէ մուտի պատմել խառնիխուռն զայնչափ անշափ աղջաց իրս, վասն այնորիկ պէսպէս բաժանմամբք եւ ուրոյն ժամանակօք բաժանեալ եւ յարդարեալ է տիեզերական պատմութիւն, այնպէս զի զայնչափ անթիւ աղջաց իրս առանց շփոթութեան իրիք մարթ է կարդաւ եւ հաւասարեաւ ուսանել։

Համօրէն եւ հասարակաց բաժանումն տիեզերական պատմութեան այսոքիկ են. Հին կամ Նախնեաց, Միջին եւ Նոր։ Են որք բաց յերից բաժանմանց աստի, մեւս եւս բաժանումն յառաջադոյն ի նոյն յարեն, զոր կոչեն Ակղանն պատմութիւն։ «Պոյ այսպիսի ինչ նայեցած ի համօրէն տիեզերական պատմութեան, որպէս ի մեծատարած դաշտու։ Լուսաւորիմն եւ յայտնի զայն տեսանեմք որ ինչ առաջի մեր կայցէ, եւ որ առաւել բացադոյն ի մերոց աչաց իցէ, տկարագոյնս քան զառաջինն նշմարեմք, իսկ որ յոյժ իսկ հեռագոյն կայցէ, այն իբրեւ միգով եւ մառախզով ծածկեալ ընդ աղօտ իմն երեւիցի։ Օնոյն եւ վասն երեցունց բաժանմանց տիեզերական պատմութեանն իմանալի է։

Օկարեւորութենէ եւ զօգտակարութենէ տիեզերական պատմութեան ուրոյն ճառս արկանել դորձաւելի համարիմք, զի վերագոյն յայտ արարեալ ցուցաք, թէ քանի կարեւոր եւ օգտակար իցէ պատմութիւն համօրէն, եւ թէ զիարդ աղդիաղդի առաքինութեանց եւ իմաստութեան եւ կրթութեան ակն եւ աղբեւր իցէ։ Ապա եթէ զկատարած եւ զդիտաւորութիւն այդպէս խնամով զտիեզերական պատմութիւն աւանդելոյ իմանալ ոք կամլցի, դիտացէ զի զմին ի կարեւորագոյն մասանց քաղաքային իմաստութեան յօրինեալ կացուցանէ տիեզերական պատմութիւն։ Արդարեւ ուրոյն ուրոյն գէպք նախնեացն եւ միջին պատմութեան, վասն յետ այնչափ դարուց շըջըջելոյ վայրացն կամ աշխարհաց, եւ վասն բնաջնջ սատակման աղդաց յայնժամուն, եւ վասն այլափոխ օրինակի քաղաքային առաջնորդութեան լինելոյ, թուի թէ չեն ի մօտոյ հուպ յարդի քաղաքական պայման։ Վակայն գէպք ինչ, որպէս պատերազմ ուրեք լեալ, հանդերձ խօսուն պատճառօք եւ առթիւք, ոչ լոկ ճարտարախօսութեամք, այլ եւ փիղխօսփայտական հանճարով նկարեալ ի ձեռն քաջին թուկիդիդեայ, կամ խաղաղութիւն ինչ որպէս ժամանակին Աւգոստեայ, ոչ ըստ վերին երեսաց, այլ ըստ ներքին հանգամանացն ընտանեկան խռովութեանց եւ իշխանական տենչութեան ճշդիւ ի մատենի հարեալ ի փորձ եւ ի հմուտ Տակիտեայ, կարի իսկ ի հպոյ նպաստ լինիցին ի խորագէտ առաջնորդութիւն, եւ յիմանալ եւ ի միտ առնուլ յայսնի եւ գուշակաւոր խորհրդովք զվարչութիւն, զառաջնորդութիւն եւ զբարձրն խնամակալութիւն մարդկօրէն իրաց։

Խսկ վասն նորոյ պատմութեան բնաւ եւ ասել իսկ աւելորդ է։ Եթէ դիտաւորութիւն ուսուցանելոյ զին եւ զմիջին պատմութիւն արդոյ եւ պատշաճական կատարածով էր, որպէս տեսապք իսկ, ապա

նորն քանիքն եւս: Որչափ եւ ոք ճարտար դիտիցէ զնախնեացն եւ զմիջին պատմութիւն առանց նորոյն, տակաւին կոյր է, եւ գող լուսն կայ զըբօք մոտաց նորա, առ ի չտեսանելոյ զընթացս այժմու աշխարհի, մանաւանդ այնը մասին նորա որ իշխանն է, եւրոպաց ասեմ, որ փոքրն է սահմանաւ, այլ մեծ եւ յաղթ ազգեցութեամբ ի վերայ այլոցն ամենեցուն, որ եւ տեսիլ նշաւակի բովանդակ նորոյ պատմութեան առնուանեալ կոչի: Առ ի զայս իմանալոյ եւ նկատելոյ հարկ է զդլխաւոր դիպուածս պատահարաց եւ զանցս անցից, որ զնորն պատմութիւն ի հնոյ անտի զատանիցեն, հաւաստեաւ ձանաչել: Կիպուածքս այսորիկ եւ անցք, եւ իրք որ զնոցին զհետ եկին, են՝ զորս ի հուսկ վերջին մասնէ աստի պատմութեան ուսանել հասանիցէ: Յանջրակետութեան ժամանակիս այսորիկ տեսանեմք զպատերազմի եւ զառաջնորդութեան կերպարանս փոփոխեալ, գրագիտութեան եւ մանաւանդ առանձինն զիտութեանց, յետ զիւտի արուեստին գրոշմելոյ, յորդեալ եւ ճարակ գտեալ, վաճառականութեան՝ յայտնութեամբ աշխարհաց բազմաց, մանաւանդ արեւելեանն եւ արեւմտեան անուանեալ Հնդկաց եւ Ամերիկէ աշխարհին, յանչափ եւ յանբաւ տարածեալ, ընտանութեան քաղաքային կարգաց՝ ի ձեռն բազում եւ յաճախ դաղթականութեանց զիւտուր ազգաց Եւրոպայ զիւյրենութիւն եւ զբարբարութիւն յողջոյն աշխարհաց հալածական արարեալ: Կարձեալ եւ յետս ընդդեմ այնց՝ եկեղեցական եւ աշխարհական խռովութեանց եւ բաժնից բազում եւ ազգի փափոխանց պատճառք լեալ: Եւ միանգամայն իսկ տեսանեմք զի յետ այնպիսի խռովութեանց ցածնլոյ եւ անդորրանալոյ աշխարհի, դաշնաք եւ կարդք եւ օրէնք, զորս մեծամեծ եւ աւագ տէրութիւնք ընդ միմանս կռեցին եւ եդին, այժմ գրեթէ ի վերայ ամենայն աշխարհի աղեցութիւն իմն ցուցանեն:

Օւյուշափ անբաւ իրաց զքօղ ի բաց յաչաց
մերոց բառնալով եւ զնոցին պատճառս յայտ առ-
նելով, յայտ է թէ զդատաստան մտաց մերոց հա-
սուն եւ կատարեալ դործել հանդերձեալ իցէ տիե-
զերական եւ մանաւանդ նորն պատմութիւն, եւ տալ
եւս զօրութիւն զբաղում ինչ ուղիղ տեսանելոյ եւ
հաւաստեաւ ձանաչելոյ, զորս, եթէ չեր մեր խելա-
մուտ լեալ այնմ ամենայնի, այլազգ յոյժ լսէաք, եւ
կարի յոյժ այլակերպ ըմբոնէաք:

Մ Ա Ս Ն Ա Ւ Ր Պ Ա Տ Թ Ի Ւ Ն

Երեք պատմութիւնք են, որ զատ ի տիեզե-
րական պատմութենէ, ուրոյն ուսանելոյ արժանի են,
այս ինքն է եբրայականն, առհմային եւ հռոմէական
պատմութիւն:

Եբրայական պատմութիւն:

Եթէ զհամօրէն տիեզերական պատմութիւն
յընդարձակագոյն միտս, յերկուս նժարս զմտաւ ածի-
ցեմք, եբրայական պատմութիւնն զմին՝ միայն առան-
ձինն լնուցու: **Օ**մտաւոր ձկտումն եւ զկէտ յերիւրման
բարոյից այլոց ազգաց համեմատեալ ընդ Հեբրայե-
ցւոցն, տեսանեմք զի երկոքին կողմանքն միմեանց
յետունդդէմ ընդ այլեւայլ ուղղութիւն ձգեալ ու-
նին զուշ իւրեանց: **Ի**ովանդակ գոյութիւն ընտրեալ
ազգին կայր ի յուսոյ եւ յակնկալութեան վերայ,
եւ բարձրագոյն կենդրոն իւրոյ ներքին կենաց ի բաց-
արձակ հեռաւորութեան հանդերձելոյ եգեալ էր:
Երինպէս եւ աւանդութիւնք սուրբք Հեբրայեցւոց
ամեննեւին այլակերպ էին յաւանդութեանց անտի այ-
լոց հնագոյն ազգաց ասիականաց: **Ա**յլ ազգք ի վա-
ւերական գիրս նուիրական մատենիցն իւրեանց, ոչ
յօրէնս պաշտամանց եւ զոհից ասեմ, եւ ոչ ի հրա-
մանս ինչ բարոյականս, այլ ի բուն պատմական մա-

սին, զուշ իւրեանց առաւել յետու՝ յանցեալ ժամանակ անդր գարձուցեալ ունեին. յաւագին էր սիրտ նոցա վասն այնը ամենայնի՝ զոր աշխարհս եւ մարդն կորոյս։ Աւանդութիւնք նոցա թէպէտ եւ դեղեցիկ նկարագրաւ, բայց ունեին միայն զյիշատակ այնը երջանիկ վիճակի, որ երբեմն եղեւ, մինչ դեռ բնութիւն ամենեւին այլ իմն էր քան որ այժմն է. զի էր դեղեցիադոյն, եւ ի դիցն բարեկամութեան վայելէր, յերկնաւորական ոգւոց բնակեալ. եւ ոչ եթէ փոքրիկ ինչ զրախտ միայն ի հինն եղեմ, այլ բովանդակ արարածք ի գրգանս գրախտին անմեղութեան եւ յերանալից մանկութեան էին, մինչ չեւ նախանձուն յաշխարհ մտեալ, եւ մահու յայտ եկեալ էր։ Բայց հերքայական օրէնսդիրն ի յայտնութեան իւրում, որ ի մօտոյ վասն իւրոյ հրէական ազգին տըւեալ լինէր, իմաստնագոյն իմն խնայութեամբ զայնմ անցեալ վիճակէ այնչափ ինչ գրեաց, որչափ բաւական էր Հրէից, կամ մանաւանդ որչափ ինչ Աստուծոյ գիտաւորութիւնն էր։ Այլ եւս մնացեալք, մանաւանդ թէ ողջոյն ամենայն ինչ, ինքն իսկ ազգն երքայական եւ բովանդակ կեանք նորա եւ գոյութիւն ի վերայ հանդերձելոյ կայուցեալ էր, եւ հայեցուած իւր յապառնի անդր ուղղեալ։

Երկրորդ նկարագիր հերքայական ազգին, որ զնորին պատմութիւն յայլոց ազգաց զատանէ, այն իսկ է, զի Երքայեցւոց գիրք այսպէս ի հանդերձեալսն ի լաւագոյն յազնուագոյնս յուսացուցանելով եւ ոչ յանցեալս դեղերելով, ոչ եթէ զմիտս եւեթ ցնորիւք կորսւսեալ երջանկութեան զբաղեցուցանէին, այլ մանաւանդ զկամնն զարժուցանէին ժրանալ նկրտել ի ստացումն այնը ամենայնի, զոր յոյսն առաջի գնէր նոցա. եւ առնէին զկամնն այնպիսի զի սրտագին ցանկութեամբ եւ բովանդակ հաւաստեաւ զայն որ քան զամենայն բնութիւն ի վեր է, ի բարձունս անդ ինդրիցեն։

Ի պատմութենէ ազգի միոջ այսպիսւոյ զոր պիտանութիւն, որպիսի շահ օգտի չիցէ մարդք քաղել: Ազգ՝ որոյ աւանդութիւն, որոյ օրէնսդրութիւն, որոյ առաջնորդութիւն այնպէս խորհրդական եւ ոքքական էր. ազգ՝ որոյ զոր օրինակ դիբք, յառաջին օրէնսդրէն մինչեւ յմարդարէական թագաւորն եւ երգիչ սաղմոսաց, նաև մինչեւ յձայնն բարբառոյ յանապատի խրատու եւ աւետեաց, մարդարէականք են, նոյնպէս եւ ինքն, որ նովին դրով յաներեւոյթն նկրտէր, հաւատայր եւ յուսայր, յամենայն ընթացս եւ ի զարմանալի պատահարս իւր սքանչելապէս իմն արժանի է կոչելոյ ազգ, ժողովուրդ մարդարէական:

ՕՀարկ Եբրայեցւոց պատմութեան պարտ է յազգեցութենէ նորա ճանաչել: **Ճշմարտութիւն՝ որ ի մօտոյ ի բարոյս անդը մարդոյ ազգէ,** չէ այն որ էանց, այլ այն՝ որ դալոյն է: **Ապա Եբրայեցւոց պատմութիւնն, որ զայս ազգական ճշմարտութիւն,** զհանդերձեալն ասեմ, բովանդակէ, քան զայլ ամենայն պատմութիւն յանկ եւ դիպող է ի բանալ զմիտու եւ առնել կորովի, զի անդը նկատիցէ, ուր կայ ստոյգ կէտ մարդկեղէն դործոց:

Եցրկորդ անդամ, քանզի ներքին առաջնորդութիւն հերրայական զրոց ի պատմական դէպս իսկ, զկամն յայն ինչ որ ի վեր քան զբնութիւն է, ձկտեցուցանէ, եւ զայն ի բարձունո խնդրել ուսուցանէ, այնու իսկ նպաստ լինի ի գտանել զյուտակ մարդկեղէնն ի մտաւոր եւ ի զդայական կեանս մարդոյ: **Օի հանապազ ի բարձունո յորդորելով,** վերացուցանէ եւ ի զգուշութեան պահէ զյօժարութիւնն ի շաղելոյ եւ ի պատատելոյ ի զդայականս: **Այս ընտրութիւն ի մէջ այնորիկ՝ որ մտաւորն է,** եւ այնորիկ՝ որ զդայական, ազնուացուցանէ եւ պնդէ զանձն մարդոյ եւ յազատութիւն իմն տայ թեւակոխել:

Եթէ արդարեւ ճշմարիտ իցէ, թէ պատմութիւն եւ քաղաքի եւ բարոյից օգուտս մեծամեծս մա-

տուցանէ, որչափ եւս առաւել զայդ առնիցէ Երբայ-
ական պատմութիւնն։ Օք որ այն պատմութիւն
իցէ, որ այնպէս զիմաստութիւն եւ զյառաջահայեաց
գիտութիւնն, որ դվասաւոր գործ է պատմութեան,
ուսուցանիցէ, որպէս նուիրական պատմութիւն, յո-
րում իւրաքանչիւր դէպք միտս ուսուցանեն։ Ծակ-
պէտ եւ յամենայն պատմութիւնս այր քրիստոնեայ
զծածուկ դատաստանս Աստուծոյ եւ զինամակալու-
թիւն մարթի նշմարել, բայց ի սուրբ գիրս առանց
անջրպեսութեան զԱստուծոյ զՀոկող աշս ի վերայ
մարդկան տեսանիցէ, թէ զիարդ բարիք եւ չարիք ի
նորին ձեռանէ ելանեն. զբարիսն վասն զմեր լաւու-
թիւն փոխարինելոյ առաքիցէ, իսկ զչարիսն զի յուղ-
զութիւն ածիցէ։

Ի՞նչայց նուիրական պատմութեան եթէ այս ա-
ռանձինն օգուտ չէր, սակայն վասն զարտաքնոյ պատ-
մութիւն բարւոք ուսանելոյ կարեւոր էր։ Օք ոչ
միայն զազդաց բազմաց, որպէս զԵզիպտացւոց, զԱ-
սորեստանեաց, զԲարեզզացւոց, զԱսորւոց եւ զՊար-
սից պատմութեանցն նշանաւոր դէպս բովանդակէ,
ոյլ եւ զնոցին եւ զայլոց եւս զազդահամար եւ
զսկիզբն ունի։ Արակը բազում ինչ գործք մթինք
լուսաւորին, եւ երկպառակութիւնք ինչ պատմշաց
եւ վրիպմունք միաբանեալ ուղղին։ Ա ասն այնորիկ
միրաւի մայր պատմութեանց անուանեալ կոչիցի։
Ծառղ զի գիրք սուրբք եւ զարարչութեան աշխարհի,
եւ յետոյ մինչեւ յջրհեղեղել եղելոյ ժամանակին զպատ-
մութիւն բովանդակեն։ Ապա որ գիտակն է հաւաստեաւ
գրոց պատմութեան, մեծաւ լուսաւորութեամբ ըն-
թեռնուցու զարտաքնոցն պատմութիւնս եւ զնոցունց
առնիցէ դատաստան եւ ընտրութիւն։

Օզուարճութիւնն զոր գտանիցէ ոք յերբայա-
կան պատմութեան, արժան է մանաւանդ հիացումն,
զարմանս, ապշանս կոչել։ Որ պատմութիւն իցէ,
որ այնպէս կենդանագոյն զմարդկան կարիս նկարիցէ

եւ ազգելի առնիցէ, որպէս սոյն պատմութիւն։ Անք տեսանիցես զբաղըր խնամ հարց առ որդեակս, եւ մերթ զտածիչ հոդ որդւոց առ ձնողս։ Եւ զի նշանիցես զկապուտակ նախանձն որ զհարազան ի գերութիւն վաճառիցէ, եւ է զի զանիրաւ ցասումն առն թագաւորի որ զանպարտն եւ զերախտաւոր հալածական տռնէ։ Անտի խորամանկ նենգութիւն շաղախէ զձեռն ի ջերմաջերմ արիւն եղբօրն եւ ընդդէմ հօր գրգռի. եւ աստի անյիշաշար սէր հօր, որ զապստամբն եւ զհայրանարդու ի ձայն ողսրմ աշխարիցէ։ Ուրեք զոգիս զուարթունս տեսանիցես իշեալ, որ մերթ ընդելական սիրով ճանապարհորդակից լինիցին, եւ մերթ սաստիւ զբանակս հարկանիցեն, կամ աւետեաց ուրախութեան գուշակ լինիցին։ Եւ այլ ուրեք զմարդ մսեղի, հողեղէն նկատիցես, որ ի կառս հրեղէնս կոխիցէ հատանիցէ զամկս։ Եւ միանգամայն իսկ յորմւմ պատմութեան այնշափ նուրանշանք այնպէս յստակութեամբ եւ անխառն գունվազ նկարիցին։

Տ Ի Շ Ա Յ Հ Ն Ա Պ Ա Ր Մ Ա Ն Ի Ւ Ն :

Այնչ չեւ զտոհմային պատմութեան կարեւուրութենէ եւ զօգտից ճառեալ, հարկ է շուրջ գալ եւ խնդրել թէ ազգք անուանիք զոր փոյթ ունեին ի զիտել իւրաքանչիւր զիւրոյ ժողովրդեան պատմութիւն եւ զնոյն իւրեանց յեանոց աւանդել։ Ուսուցուք զհին ազգս Ասիայ եւ Ափրիկեայ, որպէս զԵւգիպտացիս, զՀնդիկս, զԱսորիս, որք գրեթէ զամենայն անցս, զմարտ պատերազմի, զթագաւորաց յաջորդութիւն, նա զարուեատս եւ զգիւտս անգամ զիւրեանց ի զիւանս գրէին, կամ ի հրապարակս իսկ ի սիւնս եւ ի կոթողս գրոշմէին։ Յոյնք եւ Հռոմացեցիք գրեթէ իսկզբանէ իսկ մինչեւ ցվախճան ազգին զամենայն պայման եւ զժամանակսն պատմազրեալ

ունին։ Եւ եթէ մանր ոք միտ դնիցէ գործոց դիւցազանց եւ արութեանց ազգացս այսոցիկ, գտանէ զի գոյլը ի նոսա նախանձ իմն նմանօղ լինելոյ իւրեանց աւագ որերոյն։ Այս այս նախանձ է որ զնոսա յայն շափ գործս քաջութեանց ետ նահատակել. վասն այնորիկ յիւրաքանչիւր ժամանակի են ուրոյն դիւցազունք յիրս քաղաքի եւ ուսման, որ ոչ այլ ինչ է, բայց արդիւնք տոհմային պատմութեան։

Եղեն բազումք եւ ի մեզ, որ զտոհմային պատմութենէ փոյթ յանձին կալան եւ ոչ սակաւ նպաստ եղեն ի յորդորել զնախանձ ազգին։ Խնդրել Վաղարշակայ թագաւորի յեղբօրէ իւրմէ Արշակայ, եւ ի ձեռն Մար Աբասայ զհայոց ազգին սկզբան եւ զտերութեան տեղեկութիւնսն առնուլ, որով զառաջինն երեւեցաւ կարգաւոր եւ բովանդակ պատմութիւն Հայոց, յայտնի է ամենեցուն որոց սակաւիկ ինչ պատմութեան ազգին տեղեակ իցեն։ Ի՞այց զառաւելագոյն խնամ յանձին կալաւ, նա հաստատիչիս իսկ պատմութեան Հայոց գտաւ Սահակ Բագրատունի, յորոյ խնդրելոյ եկն Մովսէս Խորենացի ի գրել զիւր նշանաւոր պատմութիւն, որով ոչ միայն Մար Աբասայն հատակուոր պատմութիւն անկորուստ պահեցաւ, այլ եւ բովանդակ տոհմային պատմութիւն ի վեր երեւեցաւ։ Կոյնպէս Ազաթանգեղոս քաջ ատենադպիր Տրդատայ գրեաց զիւր պատմութիւն ի նորին խնդրոյ, եւ Եղիշէ եւ այլք բազումք։ Յայտնի իսկ երեւի թէ որչափ մեծ եւ կարեւոր զտոհմային պատմութիւն համարէին իշխանքս այսոքիկ իւմաստունք։

Կորանշան իմն եւ աւելորդ իսկ է յորդորել զոք ուսանել զիւրոյ ազգին պատմութիւն, եւ առի հաւան ածել՝ ի խոյզ արկեալ խնդրել զայնը հարկ եւ զօդուտ. զի ապաքէն քաջ յորդորել բաւական իցէ զայր իւրաքանչիւր անուն իսկ իւրական ազգի վասն փութով եւ հաւաստեաւ զանցս անցից իւրոյ

սեպհական ժողովրդեան ուսանելըյ: Բայց չնորհեսցի մեզ վասն յայտնագոյն առնելըյ զկարեւոր պէտա եւ զշահ այսպիսի կարեւոր ուսման, ասել ինչ համառօտիք. եւ հաճոյ թուեսցի ընթեռնեաց սակաւ ինչ զսեպհական եւ զմօտաւոր իրաց լսել:

Հարկ տոհմային պատմութեան ամենեւին նոյն է ընդ տիեզերական պատմութեան: Օոր օրինակ առն իւրաքանչիւր, իբրեւ մարդոյ, կարեւոր է զհամօրէն մարդ կութիւն ճանաչել, նոյնպէս իբրեւ անդամոյ ժողովրդեան միոջ, հարկ է զբովանդակ ազգն գիտել: «Եա մանաւանդ կետ եւ եզր ամենայն ջանից մարդկան ի կենդրոնի անդ ազգին հաստատեալ կայ. ամենայն օգուտ կամ օգնականութիւն՝ զոր ուսումն կամ արուեստ մասուցանիցեն մարդոյ, ի կենդրոն անդը ուղղեալ է, եւ ոչ է մարդթ թէ օգուտ ինչ բաշխիցի եւ հասանիցէ յիւրաքանչիւր ոք անհատ, բայց եթէ ի միջավայրէ անտի: Ապա որչափ մեծ եւ կարեւոր իցէ գիտել զնեբըին եւ զարտաքին յանկութիւնս եւ զմօտաւոր զբարոյական յօրինմունս ազգին, զի այնուիկ իւրաքանչիւր ոք բարւոք վճարիցէ զիւր գործ ի գեղեցիկ միաբանութեան անդ:

Երկրորդ անդամ, եթէ առանձինն ինչ նկարագիրը եւ զօդ միաբանութեան յէտութիւն անդը ազգի ի հարկէ պահանջնն, ոչ այլով իւիք եւ առանձինն նկարագիրը եւ միաբանութեանն խառնուած պահել եւ աճել մարդին, բայց սեպհական լեզուաւ եւ պատմութեամբ: Ապա յետ սեպհական լեզուի յօրինիչ եւ զատուցիչ մասն որոյ եւ է ազգի զտոհմային պատմութիւն համարել պարտ է:

Եթէ զինչ եւ է պատմութիւն, որպէս այլուր առացաք, մարդոյ յիրս բարոյից եւ քաղաքի օգուտս բազումն չնորհիցէ, եւ զանձն եւ զարարս տալ ուղղել սովոր իցէ, քանիօն եւս տոհմային պատմութեան արժան իցէ զայնպիսի առաւելութիւն ունել: Օի թէպէտ եւ ամենայն օրինակ ազգօղ է, բայց

մանաւանդ ընտանին . ոչ այնչափ ոք յօտարացն առաքինութենէ յորդորիցի լինել առաքինի , որշափ յիւրոց հարցն եւ հաւուց օրինակէ : Ապա եւ ի պատմութեան՝ համազգեացն օրինակ աղղողագոյն իցէ : Վաշջութիւնք Տիղրանայ եւ Տրդատայ քաջի , կարգաւորութիւնք Կերսեսի մեծի , իմաստութիւն մեծին Սահակայ առաւել ի նախանձ յորդորիցն զհայ այր , քան Աղկիբիադեայ եւ Կայսեր նահատակութիւնք եւ իմաստութիւն Սոկրատայ եւ Ափկերոնի : Զեք ազգ յոր չիցէ նախանձու եւ խանտաւորութեան գամ եւ մուտ դտեալ . արդ ո կարիցէ յախտէ անտի ապականչէ այնպէս զգուշանալ , որպէս որոյ ուսեալ զազգին պատմութիւն դիտիցէ թէ որչափ չարիք զայնը ախտի զհետ եկին : Ըստ իցէ անուն Անակայ կամ Վասակայ եւ Մերուժանայ վասն տալոյ խորշել եւ դարշել ի չարեաց անտի :

Ի՞սաց ի բարոյական խրատուէ , ի քաղաքային իրս եւս ոչ սակաւ տեղեկութիւն եւ օգուտ դտանիցէ ոք յիւրոյ ազգին պատմութենէ , որչափ եւ անտէրունչ եւ վայրավատին իցէ : Ամր խորհրդական յընթեռնուլ անդ զիւրոյ ազգին պատմութիւն , նոռին բնութեան եւ յօժարութեան , բնակաւոր պարգևեաց եւ յաջողութեանց եւ մոտավարժութեան , նա եւ կարգաց եւ սովորութեանց հաւաստեաւ միտ զնէ : Տեսանիցէ խնամով թէ որ այն ախտ առաւել ի վեաս լեալ իցէ նմա , կամ ընդ որով իշխանաւ , եւ իւ իւիք առաւել բարւոք առաջնորդեալ եւ ի խաղաղութեան լեալ : Ար այն արտեստ կամ ճարտարագութիւն եւ կամ գիտութիւն իցէ , որ ծաղկեալ իցէ ի նմա : Օ այն ամենայն ի միտ առեալ , նոցին համեմատ սկսանիցի գնալ : Եթէ իշխան ոք իցէ , եկեղեցական կամ աշխարհական , ընդ իւրոց իշխեցելոց վարիցի որպէս պատշաճ իցէ , եթէ արուեստագէտ կամ վաճառական կամ մատենագիր ոք , զգործուածու արուեստին , զվաճառսն եւ զմատեանս

այնոմ հանգոյն կարգիցէ : Այսանգամայն իսկ չէ հնար ումեք յազգի անդ իւրում լինել անդամ օդուտ կար առանց զիւրոց աղդին պատմութիւն եւ զնորին պէսպէս պայման եւ զկարգ դիտելոյ :

Թռէպէտ եւ հեշտականութիւն իրիք օդուտ նորին է, բայց եթէ միանգամ եկեսցուք մոռք զպատմութեամբն, զորմէ ճառքս են, ոչ սակաւ զարմանս եւ զուարձութիւն դտանիցեմք : Եթէ պարզն եւ զուարժագին կեանք առաջնոյ նահապետին եւ որդւոյ նորա չիցէ բաւական լի առնել զուարձութեամբ, քաջ բաւական է հիացուցանել գոռալն ընդ յաղթ պէտութեանն Ասորեստանեայց, եւ Արամայ կրիւն ընդ Տիտանեանն ընդ բնակիչս փոքրու ասիական աշխարհին : **Վերթ զջարմայր տեսանիցես** առ պարսպօքն Տրովադայ ընդ Աքիզզեայ նահատակեալ, եւ մերթ զՊարոյր, որ ընդ մարական եւ ընդ բարեղական զօրուն ի վերայ աւերակաց Նինուէի ճեմիցէ : **Վերթ պատահիցես** քաջի որդւոյն Երուանդայ, յորժամ ընդ վիշտապազունս ի մարտ պատերազմի բախիցի եւ զմայրն վիշտապաց նուաճիցէ . եւ մերթ զՎահագն նշմարիցես յերգոն վիպասանաց եւ ի մեջ վիշտապաց հանգոյն Հերակլեայ, եւ կամ զՎահէ ընդդէմ մակեդոնական ճակատուն : Իսկ զի՞նչ ոչ յանդիման կացուցանիցէ մեզ պատմութիւնս, եթէ սակաւիկ եւս յառաջ մատուցեալ տեսանիցեմք զարիական աղզն Պարթեւաց ընդ քաջայն Հայոց ի մի խառնուած միաբանեալ : **Անդ տեսանիցես** զգունդս գունդս պաշտօնէից եւ զկարգս սպասուց արքունականաց Վաղարշակայ. անդ տեսանիցես եւ զՊարթեւն քաջ զԸրտաշէս նահատակեալ ընդդէմ զիւդական զօրուն առ Աղիւս գետապի, յորժամ թևտաղացւոց հեծեալք եւ գունդք գունդք Պակեդեմնացւոց խուճապիցեն, եւ համօրէն Եղղադա յահ եւ յերկեւղ ըմբոնիցի : **Ապա եթէ** եւս յառաջ խաղացեալ ի ժամանակ անդր լուսաւութութեան աշխարհին միսիցիմք, չզիտեմ որ սբան-

շանք, որպիսի հիացումն չիցէ պաշարելոց ի տեսանել զայր մի մենակոխւ մենամարտիկ, ընդ աղբախումք բազմութիւն գիւաց ի ճակատ մատուցեալ. յորժամ ի մի ճառ բանից հարթեալ յատակեացին մեջեանք, եւ յաճախիցեն տեսիլք եւ սքանչելիք, գէպք զարմանալիք, որոց նման սակաւ ուրեք եւ անօսր պատուհիցեն ի բովանդակ եկեղեցական պատմութեան: Աամ յորժամ ի ձեռն առաքելական առն միոյ սքանչելոյ աստուածապարզեւ գիւտ դըպրութեան եւ իմաստութեան շնորհիցի, եւ աստուածատուր մատեանք եւ գրեան առաքելական հարցն եկեղեցւոյ եւ իմաստութիւնք փիղխոփայիցն Յունաց ի հայ բարբառ ծագեալ երեւեսցին: Այսպէս ոչ պակասիցեն զարմանք եւ սքանչանք ի բովանդակ պատմութեանն: Կնքեսցուք զմառս զտոհմային պատմութենէ բանիւք Խորենացւոյն*. “Թէպէտ եւ եմք ածու փոքր եւ թուով յոյժ ընդ փոքու սահմանեալ եւ զօրութեամք տկար եւ ընդ այլով յոլով անդամ նուածեալ թագաւորութեամք, սակայն բազում գործք արութեան գտանին գործեալ եւ ի մերում աշխարհիս, եւ արժանի գրոց յիշատակին:

* առաջնային առաջնորդութեան:

Յոյժ մեծարոյ համարին աղգք կրթեալք զհուռմոցն պատմութիւն, մինչեւ յետ նուիրական եւ տոհմային պատմութեան զառաջին տեղի տան նմին. նմին իրի իսկ, ուրոյն առանձինն ի կարդ ուսմանց դպրոցացն է: Եւ յիրաւի իսկ քանզի չիք աղզ ի հին եւ ի նոր աղգաց միջի որոյ պատմութիւն եւ քաղաքային կարդ չունիցին ինչ յանկութիւն եւ հազրդութիւն ընդ Հռոմայեցւոց. մանաւանդ թէ զբաղում աղգաց պատմութիւն բովանդակեալ ունի յինքեան, որք առանց սորա կային մնային անծա-

* Ա. Գիրք. Գլ. Գ:

նօթք : Յայն սակա տեսանեմք եթէ եւ ազգք հղարադոյնք եւ անուանիք հնոց ժամանակաց , որպէս Եղիպտացիք , Յոյնք , Ասորիք , Հայք , Պարթեւք կամ Պարսք , Կարքեդոնացիք , Գաղատացիք ընդ միում եւեթ կամ ընդ երկուց ազգաց իւրեանց սահմանորդաց եւեթ գործեցին , իսկ Հռոմայեցիք ընդ ամենեսին ընդ նոսա . մանաւանդ թէ բաղմացն վախճան ի յաղթօղ սրոյ Հռոմայեցւոց հասանելը :

Վասն այսորիկ Հռոմայեցւոցն պատմութիւն իբրեւ ուրոյն իմն տիեզերական պատմութիւն է երկոտառան դարուց , որչափ տեւեաց բաւեաց իշխանութիւն նոցա . իսկ առ նոր ազգացն պատմութեամբ անցք իմն են . յայն սակա յիրաւի մարթ է կոչել զայն կենդրովն նախնեացն եւ նորոյ պատմութեան : **Ա**մլ զի քաջ ի միտ առնուցումք թէ զորշահս բերիցէ Հռոմայեցւոց պատմութիւն ազգի միում եւ կամ մարդոյ միում առանձինն , պարտ եւ պատշաճ է տեսանել նախ թէ որպիսի ազգ Հռոմոց ազգն իցէ , եւ ճանաչել զյանկութիւնս նորա զներքինսն եւ զարտաքինս :

Հռոմայեցիք առաջին եւ դլխաւոր են ի մէջ ազգաց նշանաւորաց տիեզերական պատմութեան : **Օ**յ եթէ անուանի եւ նշանաւոր անուանիցին ի տիեզերական պատմութեան ազգքն այնոքիկ , որ կամ կրօնիք եւ կամ օրէնսդրութեամբ եւ իմաստութեամբ եւ քաղաքային կարգօք եւ կամ աշխարհակալութեամբ առաւելեալ քան զայլ ազգսն իցեն , որովք եւ պատճառք փոփոխման նոցին քաղաքային պայմանաց լեալ իցեն , որ այն ազգ իցէ որ զայս ամենայն , զաշխարհակալութիւն ասեմ , եւ զօրէնսդրութիւն , զիմաստութիւն , զքաղաքային կարգս , այլովքն հանգերձ , (բաց ի կրօնից որ ժողովրդեանն Աստուծոյ եւեթ նկարագիր է ,) այնպէս միացեալս ունիցի ընդ բնաւ ժամանակս որչափ եկաց մնաց , որպէս Հռոմոցն պետութիւն : **Օ**րինակ մեծ եղեն

սովին Հռոմայեցիք, եւ կարի իսկ յիրաւի: «Քանդի
չիք աղդ, որոյ տէրութեան վարչութիւն այնչափ
պէսպէս փոփոխմունս եւ աղդի աղդի կերպարանս
ունիցի, որպէս Հռոմայեցւոցն: Ենք կոտասան դարսն,
որչափ տեւեաց բաւեաց իշխանութիւն նոցա, չեթեւի
այլ ինչ, բայց փոփոխումն եւեթ, ի միահեծան իշխանութենէ յազնուականաց իշխանութիւն, եւ անտի
յընկերահաշտեացն վերակացութենէ ի նուազ իշխանութիւն, եւ անտի եւս յինքնակալութիւն:

Օ այսց փոփոխմանց երկու ինչ ի հարկէ գայ
զհետ: «Եախ, թէ պարտ իսկ էր Հռոմայեցւոց ըստ
իւրաքանչիւր վարչութեան եւ օրէնս եւս եւ կարգս
նոցին պատշաճականս ունել, որք կարիցեն բաւեա-
կան լինել առ ի պահելոյ զնոր աղդ իշխանութեանն,
նոյնպէս հարկ ի վերայ կայր եւ վարիչս ըստ իւրա-
քանչիւր պայմանի կարգել, եւ զկարգ զօրականին
ըստ նոցին փոխել: Երկրորդ անդամ, գայր զայնը
զհետ, եթէ Հռոմայեցիք առեալ զփորձ այսց վար-
չութեանց, զայլոց եւս պետութեանց զհանդամանս
ճանաչէին, յարտաքին ինչ պայմանաց նոցին խելա-
մուտ լեալ ներքնոցն: Եւ զի այս ամենայն ար-
գեամբք իսկ կատարեցաւ եւ ել ի գլուխ, եթէ գամ
մի զաչս ի Հռոմայեցւոց պատմութիւն անդը դար-
ձուցանիցեմք, յայտնագոյն տեսանեմք: Իգեաշիքն,
դիկտատորք, համարակար, ռամկապետ եւ կապար-
ճակիր այնպիսի պաշտամունք էին, որոց անցնիւր
զիւր կէտ նպատակի ուրոյն առանձինն ուներ, ի ժա-
մանակի խաղաղութեան եւ պատերազմի՝ որ կամ
յարտաքնոց իցէ եւ կամ ի ներքնոց:

Ասաստին յայտնագոյն երեւի թէ քանիօն
կարեւոր եւ շահաւետ իցէ զլսաւորաց աղդի միոջ
եւ առաջնորդաց նա եւ դատաւորաց իսկ եւ իրաւա-
գիտաց եւ այլ եւս գործակալաց ուսանել զպատ-
մութիւն Հռոմայեցւոց, որով զպատկեր կամ զհայելի

ամենայն վարչութեան ի ձեռին առեալ, այնուհետեւ
և զկարդ իւրեանց ընտրել, և զպայման այլոց ճա-
նաչել, նա յամենայն դէպս դիւրագոյն ինչ հնարս
հայթայթանաց գտանել մարթեն։ Տարձեալ տե-
սանի յայտմանէ եթէ յորպիսի իրս արժան իցէ
միտ դնել ի պատմութեան Հռոմայցւոց, այս ինքն
ոչ միայն զկարդան լոկ դիպացն արժան է ուսանել,
այլ եւ զվախճան ամենայն փոփոխմանց եւ կարդաց-
զոր օրինակ թէ ընդէր արդեւք զայս ինչ կամ զայն
պատուէր հրամանի ետ ծերակոյտն, էր վասն յայսմ
ինչ կամ յայնմ ժամանակի կամեցաւ տալ մարտ պա-
տերազմի կամ չտալ, վասն էր իրիք առ յանձն կուել
դաշինս ընդ այս ինչ ազգի եւ չտու ընդ միւսումն, որ-
պիսի հանգամանք ածին զնա հաստատել նորոգ
պաշտամունս, որպէս զդիկտատորաց պաշտօնն եւ
զհամարակարաց, եւ կամ զմէ զթիւ այնոցիկ որ
կայինն յառաջագոյն, յաւել։ Յորժամ դիտաւու-
րութիւն եւ վախճան այսր ամենայնի քննիցի, եւ
տեսանիցի եւս եթէ արդարեւ պատշաճ հնարիւք,
որ վասն այնր կատարածի կարգեալ իցեն, վճարի-
ցին գործքն նկատեալք, յայնժամ մարթի խելա-
մուտ լինել իմաստութեան եւ յառաջիմացութեան
հրամանատուայն եւ որոց կարգիցենն. եւ այս իսկ
է իմաստութիւնն եւ հանձար որ զուսումն պատ-
մութեան հարկ իմն առնէ։

Ետ եբբայականին, որ աստուածեղէն իմն
հանապազ յինքեան նշմարեցուցանէ, հռոմէականն
պատմութիւն է արդարեւ թատր իմն հրաշակերտից
զգաստութեան եւ զգօնութեան, զորս մարդկեղէնն
ողի եւ հանձար անձին, թէպէտ ոչ առանց
ծածուկ դիտմանց բարձրագոյն ինչ ինամակալու-
թեանն, ըստ բովանդակ իւրոյ ձկտման եւ կշռու-
թեան, ի գոյութիւն եւ յարդիւնս ածել կարող ի-
ցեն։ Անչափ լոկութիւն եւ զգաստութիւն առաջին
հռոմէական կենաց, մինչ չեւ իշխանականն տենչու-

թեան զմիտս, եւ անձնդիւրութեան զկամս վարակեալ էր. դարձեալ անձնատեցութիւն եւ զհասարակացն կենօք եւ փրկութեամբ թեւարկել, որ ճշգրիտ նկարագիր են ճշմարիտ չռոմայեցւոց, ցուցանեն զհամեստն խաղաղութիւն եւ զաղնուական պատերազմն, զզգօնական անտեսութիւն եւ զսերտ զինուորութիւն ազդին այնորիկ: Իւրձը իմն պարզութիւն ի խորհել, եւ աղնուական ցածութիւն ի գործել, գրաւէ զմիտս այնորիկ՝ որ զհռոմէական պատմութենէ խորհել ուսեալ իցէ: Եթէ սկիզբն եւ կատարած պատմութեան է փիղիսոփայութիւն պատմութեան, ապա պարտ է համարձակ ասել թէ որ զպատմութենէ իմաստասիրելն կամիցի, թողլ ի գաշտ անդր հռոմէական պատմութեան մոցէ, ուր ոչ ուրեք վար հասանելի, այլ ամենայն ուրեք հունձտ հասունս տեսանիցէ:

Երկրորդ անգամ, եթէ զպատմութիւն իբրեւ ուսումն եւս զմտաւ ածիցեմք, եւ ոչ իբրեւ խրատ, հռոմէական պատմութիւնն իբրեւ առաջին տարր կամ նշանագիր եւ միանգամայն վերջին եզր առաջի գնի մեզ, այնու՝ զի աղլս եւ փականք է կարեւոր կարեւոր պատմութեանց այլոց ազգաց. ուստի եւ առանց սորա ի բազում պատմութիւնս մտանել եւ զնոցին վախճան ըմբռնել չէ հնար:

Խոկ զզուարձութենէ չէ իսկ հարկ ասել. զի զոր օրինակ յերբայական պատմութեան չկարէ ոք ըստ բաւականի զարմանալ, յորդամ զմարդկութիւնն ի գործս եւ ի կարիս իւր ընդ Աստուծոյ ոգեխառնեալ եւ աղնուացեալ տեսանիցէ, նոյնպէս եւ ոչ ի հռոմէական պատմութեան կարօղ լիցի ոք հիանալ բաւական, իբրեւ զմարդկեղէնն ոգի եւ հանձար յանձին իւրում զտեալ եւ պարզեալ նկատիցէ:

Ուերեւս երկայնագոյնս զհետ պատմութեան ի կիրթ անկեալ ընթացաք, ո՞ն առ այժմ դարձուք դամ մի եւ զայլ եւս ուսմունս նկատել, որ ընկերք

Եւ զովողք կամ սպասաւորք եւ արբանեակք պատմութեան յիրաւի կոչիցին :

ԺԱՄԱՆԱԿԱԽՈՍՊՈՒԹԻՒՆ ԵՒ ԵՐԿՐԱԳՐՈՒԹԻՒՆ*

Օժամանակախօսութիւն եւ զերկրագրութիւն երկուս տչս պատմութեան կոչել սովոր են իմաստունք, եւ կարի իսկ քաջ. զի առանց սոցա զզոդ եւ զաղերս դիպաց ընդ միմեանս իմանալ չէ հնար, ուստի եւ ի հարկէ հասանիցէ նուազութիւն ուղիղ դուտաստանի, որ, որպէս ցարդ տեսաք, կէտ եւ եզզէ պատմութեան: Բայց երկուց այսոցիկ աշաց ոչ եթէ մի եւ նոյն ուշ է, եւ ոչ երկրքին զնոյն եւ զմի ինչ նկատիցեն, այլ այլեւայլ եւ այլագունակ: Ժամանակախօսութիւն է զժամանակէ եւ երկրադրութիւն զմիջոցէ. նա զփոփոխմունս հաստատէ, եւ սա զերեւոյթս սահմանէ. եւ երկրքին այսոքիկ, ժամանակ եւ միջոց, իբրեւ կերպարանք իմն են պատմութեան, յորոց եթէ մերկանայցի պատմութիւն, ոչ երեւի, բայց անիրան իմն եւ անկերպարան: Օյ եւ ոչ իսկ մարթ է զմատաւ ածել դէպս ինչ պատմականս եթէ ոչ դիցի ժամանակ ինչ եւ միջոց, բայց

* Ժամանակախօսութիւն կոչեցաք զշօռօլօցիա, chronologie, վասն ի ժամանակագրութենէ անտի շօռօլօցիա, chronographie ընտրելոց: Զի ի մէջ երկոցունցն գոյ խտիր. ժամանակախօսութիւն զգիտութիւն ժամանակի յայտ առնէ, իսկ ժամանակագրութիւն է ճարտարութիւն զդէպս պատմութեան կարգաւ ըստ ժամանակացն համարոյ ի մատենի հարկանելոյ: Նոյնպէս երկրագրութիւն ասեմք փոխանակ աշխարհագրութիւն ասելոյ, զի աշխարհագրութիւն հօսմօջօգաֆիա, cosmographie, որ զնկարագրէ կազմածոյ եւ մասանց համօրէն ամեզերաց յոյտ առնէ, այլակերպ է յերկրագրութենէ շեացօգաֆիա, géographie, որ է նկարագիր միայն գնդին երկրի յորում բնակեալս եմք, որպէս եւ խորենացի զնոյն անուն յերկրագրութեան իւրում ի կիր արկանէ. սպասպայ աղեքսանդրացւոյ երկրագրութիւն . Պաղումէական երկրագրութիւնն: Խոր. յերկր:

եթէ խառնակութիւն իմն խառնիխուռն դիպուածոց : Ապա ոչ աչս եւեթ կոչել արժան իցէ զսոսա պատմութեան, այլ եւ գոյն եւ հանդերձս, յօդ եւ աղջուրոյն եւ մեկնակ դիպաց : Օչըրկոսին եւս տեսցուք առանձինն :

Ա. ԺԱՄԱՆԱԿԱԾԽՈՍՈՒԹԻՒՆ

Ժամանակախոսութիւն այն ուսումն է որ զկարդ եւ զտեւականութիւն զմիմեանց կնի եկելոց փոփոխմանց իրաց ըստ ճշգրիտ ինչ չափոյ որոշեալ սահմանէ : **Ժամանակախոսութիւն** կրկին է . մաթեմատիկական կամ աստեղագիտական եւ պատմական : **Աստեղագիտականն** ժամանակախոսութիւն որոշէ զօրէնս կամ զտեւել քնական մասանց ժամանակի ըստ լուսաւորացն ընթացից, որ ուղղութեամբ զննիցին յերկինս . իսկ պատմականն ժամանակախոսութիւն ճառէ զքաղաքական բաժանմանց եւ զանջրապետութեանց ժամանակի, զտարեաց այլեւայլ աղդաց, զի՞ն շրջմանց կամ զնշանաւոր ինչ զլիսոց ժամանակի, այլվքն հանդերձ :

Ի ժամանակախոսութեան կարեւորագոյն այն է համարել զամս որ զմիմեանց զհետ գայցեն : Բայց զամս մարթ է համարել կամ ըստ տարեաց (երե) եւ կամ ըստ բոլորմանց (cycle) : **Տարիք** են հանապազորդութիւն ամաց, իսկ բոլորմանք են չափ ինչ ամաց որ յետ սահմանեալ ինչ թուոյ ամաց անդրէն նորոգին, որպէս ողոմզիակացն որ ըստ չորս չորս ամս միւսան դամ դառնային : **Ակիզըն** տարւոյ անուանեալ կոչի Գլուխ ժամանակի (époque) . բայց զլուխ անուանին դարձեալ իւրաքանչիւր նշանաւոր դէպք, որ իբրեւ հանդիսու եւ դադարումն ի պատմութեան լինին, կամ ի բաժանումն ընթացից պատմութեանն պաշտին : Իսկ շար իմն դործոց կամ դիպաց ի միոջէ զլիսոց ժամանակի մինչեւ ցմեւս զլուխ, անուանեալ կոչի շրջումն (période) . եւ այն կրկին է,

պատմական շրջումն, առ խորելոյ ի ժամանակախօս սական շրջմանէ, որ է յօդուած ինչ բազում բու Ծրմանց ամաց :

ՊԱՏՄՈՒԹԻՒՆ. Հին պատմչաց ոչ էին, որպէս այժմ առ մեղ դո՞ն, հաստատուն ինչ եւ տիեզերական գլուխք ժամանակի, յորս մարթ էր հանել զդէպո, եւ յօրոց յօրինեալ ելանէին ի պատմութիւնս նոցա ստուգագոյն եւ ճշդագոյն հաշիւք. ոչ աւերն Տրով վաղայ, ոչ ովոմպիսպէք, ոչ շինուած ինչ իրիք քաշաքի եւ ոչ ոյլ ինչ կետ ետեղակալ եւ անքոյթ կայր, յորմէ ի համարս ամայն անցանել մարթ էին : Եթէ երբէք օրինակաւ իւկիք զցնորս ընթերցանեւ լեայն բեւեռել կամեին, մերձաւորագոյն ինչ գէպ առնուին, եւ անտուստ ապա յետս յետս ի վեր ելանելով որոշէին զժամանակ գիպուածոցն, զորոց խօսելն կամեին : Այսպէս Թուկիդիդէս ի պատերազմէն զիշուանեսեայ, Քսանդոս զիւգացի եւ Երոդոսոս ի Քսերքսի արշաւանայն ի վեր յարութիւնս յառաջագոյն ժամանակաց ելանէին : Իսայց որ զպատմութիւնս նոցա ընթեռնուին, յայնչափ յաճախութեան եւ խարութեան գլխոց ժամանակաց զիարդ կարէին գիւրաւ բեւեռել պնդել ի միտս իւրեանց զարդարագոյն ժամանակս գիպացն : Վանաւանդ զի եւ աստեղագիտական ժամանակախօսութիւն ազգաց ազգաց գժուարիին յոյժ առնէին զիրսն : Ամք եգիպտականք, պարսիկք, երբայականք, ասորեստաննեայք, եւ պէսպէս ամք այնչափ ազգաց, որ ստէպ նշմարեցուցանին ի պատմչաց, յորչափ շփոթս ոչ արկանիցեն զմիտս ընթեռնլեաց առ ի կարօղ լինելոյ ընդունել լի եւ մեկին տեսիլո զիրացն որ նկարին : Յունական ամն իսկ քանի՛ այլակերպ չէր յիւրաքանչիւր տերութիւնս. էր ուրբէք զի յամարական շրջանս (tropique) սկսանէր, այլուր յաշնան, եւ այլ ուրբէք դարձեալ ի գարնան : Վրչափ փոփոխանս եւ այլակերպութիւնս ոչ կրեաց ի Թաղեայ կամ ի Աղոնէ, ի

Աղեղոստրատեայ, յԱրպաղայ եւ յայլոց աստեղաւգիտաց:

Օբուն սկիզբն ուսման ժամանակախօսութեան Յունաց յիրաւի մարթ է խնդրել ի ծաղկաւէտ աւուրս գպրոցին Աղեքսանդրիայ եւ ի Պաղոմեանց ժադաւութենէ: Փիղիսոփայութիւն եւ ուսողութիւն, ջերմաջերմ վարեալք, մուծին ողի իմն քրքրանաց եւ ճշդութեան, որ ոչ եւս ժուժէր հանդարտել վտարանդի հաշուց, անյայտ գլուց ժամանակայ, այլ հատումն եւ յարդարումն ժամանակայ կամէր. եւ ըստ աստեղագիտութեանն մարթացաւ փարատել անօսրել զխաւարն աղջամդին ժամանակագրական հնութեան: Հայնժամ երկոքին ժամանակախօսք, Ասիբիոս եւ Ովքետէս պայծառանային. յայնժամ Կտեսիկղէս զերրորդ գիրսն զժամանակախօսութենէ յօրինէր. յայնժամ Քերոսոս աստեղագէտ քաղդեացի եմոյծ ի Յոյնս զաստեղագիտութեան տեղեկութիւնն Քաղդեացւոց, եւ զնոսա ճշդիւ դտակաւ քաղդէական պատմութեան տեղեակ եւ խելամուտ կացուցանէր, եւ տայր դատողաց Յունաց հիմն հաստատութեան եւ կայս ետեղակալ ի շինել շար իմն ժամանակախօսութեան վասն դիպաց եւ պատահարաց պատմութեան աղդին այնորիկ. յայնժամ եւ Մանեթովս եղիպտացի նուիրէր Պաղոմեայ Եղբայրասիրի զիւր եղիպտական պատմութիւն, յորմէ այնշափ շահս շահեցան ժամանակախօսք Յունաց: Օայնու ժամանակաւ եւ Երատոսթենէս հմուտ՝ ի բարգաւաճանս ժամանակախօսութեան երեւէր: Վստեղագիտական տեղեկութիւնք, անաշառութիւն յերկրագրութեան խելամտութեան եւ անբաւ իրաց հմուտն լինել զնա ի գիւտ ճշմարտութեան ի խնդիրս հնոց ժամանակաց ածէին: Առնորա սրտապնդեալ յօրինեաց կանոն մի ժամանակական բովանդակ եւ կատարեալ Յունաց պատմութեան, եւ ի տիս կարի բացականս, եւ մինչեւ մարթացաւ զսկիզբն գիպուտածոց ինչ ժամանակին դիւց-

աղանց բեւեռել հաստատել։ Յոյնք մեծաւ կայա-
թիւք զգործս Երատոսթենեայ ընդունէին, եւ նո-
րին օրինակաւ ելին Երեւեցան բազում մատեանք զո-
ղոմզիադաց եւ զայլոց իրաց ժամանակախօսութեան։
Յետ Երատոսթենեայ անուանի եղեւ հռչակաւոր
ժամանակադիրն Կաստովը հռոգացի, յորմէ նշխարք
եւեթ հատակոտոր կան։

Խոկզան Հռոմայեցիք ցածունք եւ պատերազ-
մօզք զիշալից զտատասկալից խնդրոց եւ զմթին
վաստակոց ժամանակախօսական հետազօտութեանց
ոչ ինչ փոյթ ի մտի եղին։ Պատեանք եւ այլ յի-
շատակարանք պատմութեան զորս ունէին, յայտնու-
թեամբ յատակութեամբ նշանակեին զդիպաց դիպաց
ժամանակս, զեկուցանելով զանուանս բղեշխիցն
կամ զամս հրամանատարութեան թափաւորաց ընդ-
որովք պատահեալ էին. իսկ զպէսպէս գունակաց
ամացն Ռոմիզայ եւ Նումայ, Յունաց եւ Եզիպտա-
ցւոց չեր նոցա փոյթ։ Յետոյ ապա իբրեւ միջա-
մուխ եղեն ի գպրութիւնս եւ նախանձընդդէմք
Յունաց լինէին, սկսան բուռն հարկանել զժամանա-
կախօսական վշոց զի զպտուղս արդար եւ ճիշդ տեղե-
կութեանց պատմութեան քաղել մարթայցեն։ Աշ-
խատել բազումք աշխատ եղեն ի ժամանակացն ուս-
ման, բայց ոչ ումեզք դէպք ետուն կոչել Երատոսթե-
նէս հռոմայեցի, բայց միայն Վարրոնի։ Պատենա-
դիրս այս բազմատեղեակ, որ զնախնեաց իւրոց պատ-
մութիւնս յոյժ սիրեր, թափանցանց լեալ մասնէր
ի գաղտնի խորհուրդս ուսմանց Եարուսկացւոց, Վող-
սկացւոց, Խտաղացւոց, նա եւ Յունաց իսկ, եւ
մարթացաւ միայն ընդ միայն պատահել ամենայն
Յունաց ի հմտութեան, որպէս Տուղղիոսն ի Ճար-
տարախօսութեան։ Ենցեալ ընդ բազում յիշատա-
կարանս բովանդակ Խտաղիայ, զանբաւ մատենիւք
Յունաց եւ Հռոմայեցւոց եկեալ, համեմատեալ
զպէսպէս աւուրս զամիսս, զամս եւ զդարս, իւրով

ճարտարմութեամբն մարթացաւ փարատել զթանձրն մառախուղ որ մածեալ ունէր զանցեալ զառանցեալ տիս . եւ զամենայն ժամանակս սահեալս եւ անցեալս իսկզբանէ աշխարհի մինչեւ ցիւր աւուրս յերիս շըրջմունս ժամանակաց ած բովանդակեաց , որ կոչին մժին , առասպելական եւ պատմական ժամանակ , եւ յետոյ այնչափ անուանի եղեն ի ժամանակախօսութեան :

Յոյնք եւ զաստեղագիտական ժամանակախօսութենէ փոյթ մեծ արարին : **Օ** ո՞հք եւ տօնք տարեկանաց եւ կրօնից պաշտամունք պահանջեին ի Յունաց հաւաստեաւ միտ գնել ճշգրիտ չափուց ժամանակաց . վասն այսորիկ եւ մտադեւր ի սոյն մասն աստեղագիտութեան պարապէին : Խսկզբանէ թաղէս կամ Սողոն կամ ո ոք եւ է կարգս ինչ եդ : **Ա**ղդիազգի բոլորմունք ամաց եղեն առ Յոյնս . երեքամեանն , որ երկեմեան միայն էր եւ ընդ երկուս երկուս ամս շըջէր . յետոյ կարգեցաւ ողոմզիադացն շըջան որ ընդ չորս չորս ամս բոլորէր , բայց հինգամեան կոչէին : **Յ**ետ այնորիկ կղէսատրատոս կարգեաց շրջումն իմն ուժից ամաց , որ ուժամեայն յորջորջեցաւ : **Ե**ւ այլք դարձեալ պէսպէս ուղղեցին եւ փոփոխեցին զբոլորմունս ամաց : **Ի**այց բաց ի պէսպէս բոլորմանց եւ յազգիազգի փոփոխմանց շըջմանց , ամք եւս իւրաքանչիւր ժողովրդեան այլակերպ էին : **Ա**յլ ազգ էր Աթենացւոցն շըջումն ի Մակեդոնացւոցն , եւ նոցայն ի թերացւոյն եւ յայլոց Յունաց :

Հոօմայեցւոց ամն յառաջին բարբարոսիկ բըրտութեան քաղաքին այլակերպ էր յայլոց , տաօն եւեթ ամիսք դոյին : **Ա**ռումա զերկուսն եւս որ պակասէին , ածեցոյց , եւ եղեւ հաւասար ամին Յունաց , բաց յուղղութեանց շըջմանցն նոցա : **Գ**րագիտի եւ պատերազմօղ առն Յուղեայ Կայսեր դործ եղեւ օդնականութեամբ Սոսիդենեայ աստեղագիտի աղեքսանդրացւոյ նոր ամ արդարագոյն եւ ճշգագոյն

քան զայլան ամենեսին յօրինել, որ ապա ծանօթ լեռալ անուամբ Յուղիական ամի, դրեթէ ամենայն ազգաց կըթելոց ընդունելի լիներ, եւ զփառս իւրոյ անմահ կարգչին աճեցուցաներ:

Այս ամենայն շրջմունք եւ կանոնմունք ժամանակի առհասարակ ի պէտս տօնից եւ ի պատճառս կրօնից կարգեալ էին. բայց գիտութիւն այնց շրջմանց եւ խորութեանց ամաց եւ բովանդակ պատմութիւն աստեղագիտական ժամանակախօսութեան կարեւոր էր եւ վասն պատմական ժամանակախօսութեան, առ ի կարօղ լինել ստուգիւ զժամանակս պատմական գիպուածոց բեւեռուել:

Քրիստոնէական կրօնք զհետ եկն յարկանել ի կիր զաստեղագիտութիւն ի հռչակել զիւր տօնս տարեկանացն: Վրչափ վիճմունք, քանի մաքառմունք ոչ գրգռեցան յառաջին գարս եկեղեցւոյ վասն որոշեալ առհմանելոյ ճշգրիտ ինչ օր ի խմբել զզատիկ պատեքատօնին: Անդսաթին իսկզբաննէ երկրորդ գարու զմոտաւ ած Ա. Հիպաղողիտոս գրել կանոնս ինչ զժամանակաց եւ հաստատել շրջան զատկական Յետ այնորիկ բազումք ի նոյն գործ աշխատ եղեն, որպէս Թէոփիղոս աղեքսանդրացի, Ա. Պլոսպէր, Աիկոնորիոս, եւ Գիոնիսիոս որ եզրափուռոն կոչչի: Ու վասն շրջանին զատկաց, այլ վասն այլոց իրաց անմահ մնալոց է անուն Գիոնիսեայ ի ծագս ժամանակախօսութեան: Ամա պարտական եմք զհաստատութիւն քրիստոնէական տարւոյ, եւ զհամարելն զոր այժմ առնեմք հաշուելով զամս ի ծննդենէ անտի Քրիստոսի, որ այնչափ գիւրին յաջողի ժամանակագրութեան:

Այսպիսի էր ժամանակախօսութիւն ի վեցերորդ գարու, որ առաւել ի կարգել զտոմարս պատաղեալ էր քան յօգնական լինել պատմութեան: Իսաղումք միտ գնէին այսմ ուսման կամ առ ի զառմարն ուղղելոյ եւ կամ ի գրել կանոնս ժամանա-

կականս ըստ օրինակի Եւսեբեայ, որոյ գործ է առաւել առն տեղեկի, որ զգործս եւ զժամանակս զորս այլոց ժողովեալ էր կամեցաւ շեղջակուտել, քան կցել եւ զօդել զնոսա եւ յառել հաստատել հանձարեղ եւ անաշառ դատողութեամբ։

Խ խոնարհագոյն դարս Բեդա ազնուացոյց զժամանակացն վարդապետութիւն, ոչ միայն յաստեղագիտական այլ եւ ի պատմական պէտս։ Յետոյ ապա ի յաջորդ դարս ոչ ոք երեւեցաւ ժամանակագիր հմուտ եւ քաջատես, միայն ցամաք եւ ցուրտ պատճէնք առաջին ժամանակագրաց Յուղեայ Ափրիկանոսի, Եւսեբեայ եւ այլոց յածէին։ Եւ թուերիմն այնպէս եթէ ճշմարիտ ժամանակագրութեան զրաւ լեալ իցէ ընդ Քրոնիկոնին Եւսեբեայ։ Ոչ այլ երբեք յարեաւ ուսումնս այս, բայց ի վեշտասաներորդ դարու։ Յայնժամ եղեւ Գրիգորեան անուանեալ ուղղութիւն ի տոմարն Յուղիանու, զի տասն աւուրբք կանխագոյն պատահէր հաւասարութիւն գիշերոյ եւ տուբնջեան։ Աանխաւ ի միտ առեալ էր հռչակաւորն Բեդայ, յորոյ աւուրս երիք աւուրբք յառաջագոյն դիպէր, եւ ապա Բակովն յերեքտասաներորդ դարու յայանագոյնս զսխալանացն բողոքեաց։

Ժամանակախօսք անուանիք երեւեցան յետ այնորիկ Սկաղիգեր եւ Պեդակիոս, յետոյ Ուսսերիոս, որ, որպէս բազումք կարծեն, ի մէջ պատմական ժամանակախօսաց զդաստութեամբ եւ զդօնութեամբ զերկայնածիդ շար գործոց եւ ամաց գիտաց կանոնել։ Բայց պարծանք պայծառագոյն եւ լուսաւորագոյն գործելոյ զժամանակախօսութիւն, եւ բանալոյ նոր իմն առպարեզ ժամանակախօսական հետազոտութեանց օգտակարագոյն եւ շահաւետագոյն, պահեալ էր հմուտ եւ գիտուն Մաւրինեանց, ի գործն մեծ որ կոչի Արուեստ ճշմարտելոյ զտարիս կամ զթուականս, որ յընդմիջել ութեւտասներորդ

դարուն յօրինեցաւ: Առցա քաջալերութեան եւ փութոյն գործ եղեւ մտանել ի խիստ իմն եւ ի փշալից դաշտ, եւ մշակել եւ գործել փութոյ պնդութեամբ, եւ առնել բերրի եւ յուռթի անչափ տեղեկութեանց : (Օրէնք, հրովարտակը եւ այլ եւս նամակը բարբարսականք բրտագոյն եւ շինականագոյն մատենագրաց ընթերցան ի նոցանէ փոխանակ ընտիր ընտիր եւ զուարթագիր գրոց Յունաց եւ Հոռմանցւոց: Աղմպիադք, անտիոքեանն եւ աղեքսանդրեան տարիք եւ այլք եւս մեկնեալք յայլոց ժամանակախօսաց ի նոցա ձեռս յայլ իմն կերպարանս սկսան երեւել: Այնչափ զրոց ընթերցուածով մարթացան կարգել համօրէն եւ անկասկած կանոնս վասն պատմական միշատակարանս ճշմարտելոյ, վասն բեւեռեալ հաստատելոյ զգլուխս դիպաց դիպաց, եւ զմատենագիրս բազում անգամ ընդ միմեանս միաբանելոյ, որ թուէր թէ անմիաբան էին ընդ իրեարս, նա երբեմն ինքեանք ինքեանց իսկ հակառակ կարծէին:

Իսցց քննութիւն ոչ առասպելացն եւ ոչ դիւցազանց ժամանակի յօդուտ ինչ է, ուր հաւաստեաւ խնդրել ժամանակախօսական ճշմարտութիւն այնպէս է որպէս եթէ ոք զհետ ստուերի ընթանայցէ կամ զվարդապայն քաղից: Այլ ի պատմական ժամանակս, կամ ի ժամանակս որ Կիւրոսի է, մլսել ոք թէ կամիցի, կարօղ է արդարեւ բազում ինչ ծածկութիւնս մերկանալ եւ զկիսով չափ յայտնութիւնս սքողել, մանաւանդ ի մեկնել եւ ի յուցանել զմատենագրացն միտս, թէ զիարդ իւրաքանչիւր ի նոցանէ իմանայցէ եւ ի կիր արկանիցէ զգլուխս դիպաց եւ զհամար ժամանակակից պատահարաց :

Պարտ եւ պատշաճ է ասել համառօտիւք թէ զինչ խելամտութիւն Հայոց էր ի ժամանակացն ուսման: Քառաջ քան զժամանական Արտաշեսի Բրորդի ոչ դպին ուրոյն համարք տարեաց եւ բոլորմանց, զայլոց աղգաց ամս ի կիր արկանէին: Առ-

տաշէս լինէր որ զաստեղագիտական ժամանակախօս սութենէ փոյթ յանձին ունէր, որպէս յայտ ի Խորենացւոյն* պատմութենէ է: Այլ թէ զի՞նչ այն կարդք տարեաց եւ շրջմանց իցեն, որ յաւուրս Աբոտաշիսի կարգէին, չէ յայտ: Ժամանակախօսութեան ուսումն Հայոց առաւել պայծառագոյն լինէր ի ժամանակս քրիստոնէութեան: Իբրեւ կանոնք երկհարդւրեկին՝ զոր Անդրէի ուրումն իմաստնոյ կարգեալ էր հրամանաւ կոստանդնի կայսեր, վախճանեալ կատարէին, խառնակութիւն տօնից տարեկանաց լինէր**: Յայնժամ, որ ամ հինդհարիւրորդ յիսներորդ առաջնորդ էր, ժողովեալ Մովսիսի*** կաթողիկոսի զարս հմուտս նոր իմն գլուխ տարւոյ կարգէին, եւ անտի ի հինդհարիւրորդ յիսներորդ երկրորդ ամէ կենարարին սկիզբն լինէր Հայոց զամսն համարելոյ, եւ այն իսկ են տարիին որ եւ այժմ իսկ ի կիր արկանին. ապա սկիզբն տարւոյն Հայոց 551 ամաւ յետոյ քան զհասարակաց տարիս պատահէ: Յետոյ ապա ի յաջորդ դարու յաւուրս Անսաստասայ կաթողիկոսի յամի վեցհարիւրորդի վաթօններորդի առաջնորդի նորին հրամանաւ միւսանգամ զժամանակախօսութեան ինդրոյ փոյթ առնէին ի ձեռն Անտանիայ Շիրակացւոյ որ եւ Անեցին կոչի, զի զտոմարն շարժուն անշարժ եւ հաստատուն առնիցեն: Ի՞այց իբրեւ Անսաստաս մեռանէր, որ զնայն փոխանակէին

* Թէպէտ եւ . . . կարգք, եւ սովորութիւնք գեղեցիկք հաստաեցան ի Վաղարշակայ եւ յայլոց առաջնոց թագաւորացն, այլ ի մեծամեծ արուեստից եւ ի գիտութեանց ունայնացեալք էին, որպէս հինից եւ ասպատակաց պարապեալք, եւ այսպիսի գիտութեանց կամ անփոյթ արարեալք, եւ կամ ոչ հասեալք. զըարաթուց ասեմ եւ զամսոց եւ զտարեաց բոլորմանց: Քանզի ոչ այսպիսի ինչ ճանաչիւր առ նոսա, այլոց ազդաց վարելով . . . : Եւ այս ամենայն յօրինի յաւուրս Աբոտաշիսի: Խոր. Բ. Գիրք. ԾԹ. ԳԼ:

** Ամ. Երէց. Ժմկդր:

*** Յովհ. կաթող. Պատմ. Հայոց:

շառնելին զիրացն փոյթ : ՅԱՍՊՂԿԱՅ այլ եւս տես զեակք տումարաց ուսման յիշատակին, որպէս Պետրոս Ահւնեաց եւ Ներշապուհ ի Տարօնայ : Եւ ի սկիզբն անդ ԳԺԵՐՈՐԴ դարու զՅակոբայ որ ի Քերասնեսեայ Տաւրացւոց էր, ասեն թէ մատենագրէր եւ ուսուցանէր զՀանգամանս տումարաց ուսման :

Վանդի դէպք պատմականք ուրոյն ուրոյն պատմահարք են, հարկ է զայլ ինչ կէտ հաստատուն գտանել, ընդ որում զուրոյն դէպմն զայնոսիկ համեմատեալ ընդ միմեանս յեռուցումք : Առդ որ հաստատունն այն կէտ իցէ, բայց ժամանակախօսութիւն, որպէս ցարդ իսկ յայտ եղեւ : Այս է որ զիւրաքանչիւր պատմական դիպաց զժամանակ գտեալ, զուրոյն ուրոյն պատահարսն ընդելուզեալ ընդ իշեարս իբրեւ զմի մարմին յարդարէ : Առանց սորայօրինել զպատմութիւն այնպէս է, որպէս թէ ոք կամէք հանդերձ ինչ անկանել յուրոյն ուրոյն թելոց առանց զառէջ ընդ առէջ կցելոյ, եւ զթեզան ընդ թեզան յարելոյ :

Սատութին մարթ է ի միտ առնուլ թէ քա-
նիօն օդակար իցէ։ Առանց ժամանակախօսու-
թեան չէր հնար պատմութեան զիւր զմեծամեծ օդ-
տութիւնս մատուցանել, զի բուն իսկ պատմութեան
իսկութիւն ի յաջորդել դիպաց զմիմեանս հաստա-
տեալ է, որ լինի ժամանակաւ, եւ առանց այնք
մեռեալ իմն լինէր պատմութիւն։ Եւ լինէր հանգոյն
մարմնոյ, որոյ անգամք հատեալք վայրավատին կայ-
ցեն առանց զօդից եւ առ միմեանս ամփոփութեան։
Այս է որ զպատմութեանց ստութիւն կամ զլրի-
պած ի միտ առնուլ, եւ թէ դէպք ինչ իցեն մի-
մեանց ժամանակակից թէ չիցեն յայտ արարեալ
պատմական ինչ ճշմարտութիւնս յայտ ածէ։ Միան-
գամնյն իսկ ասել, սա է որ օդնէ ուշոյ յիշատակի,
զի զպատահարս եւ զգեպս ժամանակակիցս ի մի վայր
ածեալ ի յաջորդաց զատանէ, որով շնորհէ հանգիստ

յիշատակի վասն զուրդյն դէպս , որ այլուստեք չիցեն ընդ միմեանս գրկախառն եւ զմիմեանց կախեալ , կարդաւ եւ յարդարմամբ ի միտ առնլոյ : Առանց այսպիսի կարգի եւ յարդարման ծանրատաղտուկ եւ անհնարին իսկ էր զնախնեացն , զմիջին եւ զնորդյ պատմութեան զյորդեալ զեղեալ դէպս ուսանել :

Երկրորդ անգամ , սպասաւոր եւ արբանեակ է ժամանակախօսութիւն պատմութեան եւ ոչ լոկ գործի . վասն այնորիկ ոչ զանբան բոլորմունս , զկամայական գլուխս դիպաց եւ զհաստատութիւնս տարեաց եւեթ խնդրէ , այլ եւ զբանաւոր միտս մատենագրաց եւ զիմացումն նոցա մեկնէ եւ ընտրէ : Ապա ոչ միայն զօդ եւ հանգիստ ցուցանէ մեզ ի պատմութեան , այլ եւ լոյս ի միտս հեղու :

Ապաքէն բովանդակ զուարձութիւն զոր զգայցէ ոք ի պատմութեան , հաստատեալ կայ յայնմ ժամանակակից միաբանութեան դիպաց եւ ի տեսանել յայնչափ անբաւ հնութեան եւ կանխութեան ժամանակաց զայլեւայլ աղգաց եւ զթագաւորաց եւ զգործոց առ միմեանս համեմատութիւն , եւ ի թափ անցանել մտանել ի միտս մատենագրաց , որով փիզիսոփայականն խորհրդական ողի զարթնու ի ճարտարամտել եւ ի գտանել զուղղութիւն կամ զվեխպել մարդկեղէն հանձարոյ ի յառաջահայեաց կըռութիւնս իւր : Եւ քանզի զայս ամենայն ի ձեռն իւրոյ արբանեկին ժամանակախօսութեան գործէ պատմութիւն , ապա զուարձութիւնն այն պատմութեան ոչ շնորհ այլ վարձ իմն ծառայութեան է սմա :

Բ. ԵՐԿՐԱԳՐՈՒԹԻՒՆ

Երկրագրութիւն որ ուսումն կամ նկարագիր երկրի յայտ առնէ , զհանգամանս երկրի յորում բնակեմք , եւ թէ զիարդ նայն յօրինեալ իցէ յանդիման կացուցանէ : Եւ երբեք զի երկրագրութեան յորջորջումն ի միտս անձուկս զհանգամանս մասին

միոջ երկրի եւ թէ որդունակ այն կազմեալ եւ յարգարեալ իցէ, ընծայեցուցանէ . որպէս ասի երկրագրութիւն Հայոց, Յունաց, Եւրոպացւոց աշխարհին, այլովքն հանդերձ: Քանզի զերկիր մարթ է կամ իբրեւ զմարմին ինչ աշխարհի զմտաւ ածել որ ընդայլոց մարմոց տիեզերաց ունիցի աղերս եւ յանկութիւն, կամ իբրեւ զմարմին այնպիսի՝ որոյ առանձին ինչ յօրինուած եւ արար եւ երեւոյթ իցէ, եւ միանգամայն վայր բնակութեան իցէ աղզի աղզի գունակաց էոց, եւ կամ իբրեւ տեղի եւ բնակութիւն անձնիշխան արարածոց մտաւորաց, որի վերայ երեսաց նորա սփուեալ եւ տարածեալ իցեն, յորոց ձեռն նա (երկիր) պէսպէս եւ ազգի ազգի փոփոխմունս կրիցէ, ապա աստատին երեք ազգք բաժանմանց երկրագրութեան ծագիցեն, որ են Ուսոզութեան, Բնական եւ Քաղաքական: Օ երկոսին զառաջինսն հասարակաց համօրէն երկրագրութիւն անուանեալ կոչեն, զի առհասարակ զերկրէ խօսին, բնականն՝ զբերոյ եւ զարդեանց երկրի զփոփոխմանց օդոյ, այլովքն հանդերձ. իսկ ուսոզութեանն՝ զմեծութենէ, զձեւոյ, զզրից, զշարժմանց եւ զայլ սոցին նման իրաց արկանէ ճառս, եւ կոչի ուսոզութեան՝ զի ի ձեռն ուսոզութեան զայնը ամենայնի զհանգամանս տեղեկացեալ ուսուցանէ: Խակ քաղաքական երկրագրութիւն զկարեւոր տեղեկութիւնս եւեթ առնու յուսմանէ տերութեան եւ քաղաքաւորութեան, այնչափ ինչ՝ որչափ զմիտս ընթերցանելեացն թեքել, եւ զհանգամանսն իրաւանց, օրինաց, գնացից, առաջնորդութեան իւրաքանչիւր տերութեանց եւ քաղաքաց այլովքն հանդերձ, ուսուցանել հասարակաց խառնազանձ մարդկան բաւական իցեն:

Վարթ է յայլ եւս բաժանմունս զերկրագրութեան ուսումն զատանել, որպէս “Նուիրական” յորժամ իցէ զգաւառաց եւ զաշխարհաց, որ ի սուրբ

գիրս յիշատակին . Եկեղեցական՝ յորժամ ըստ բաժանմանց եկեղեցական իրաւանց իցէ, այս ինքն է ըստ հայրապետութեանց, ըստ դահերիցութեանց, ըստ վիճակաց, այլովքն հանդերձ : Գոյ եւ հին եւ միջին երկրագրութիւն յորժամ զպէսպէս ժամանակաց եւ զդարուց նախնեաց բաժանմունս յանդիման կացուցանիցէ, վասն դիւրին զնախնեացն եւ զմիջին պատմութիւն առնելոյ :

ՊԼԱՏՈՆԻԹԻՒՆ . * Աախնիքն, որպէս եւ բաղումք յարդեաց չառնուն խօսել զգիտութենէ իմեքէ, եթէ ոչ գոնեայ զայնը սերմանս ի մատեանս անդ Հոմերի գտանել հնարիցին : * արկ իմն էր թէ ամենայն առուք իւրագանցիւր ուսման յանդորր ովկիանէ անտի երգոյն Հոմերի բղխեին : Բայց մանաւանդ վասն երկրագրութեան Հիպատրըսո եւ Ստրաբոն ոչ միայն զայս պատիւ նմա շնորհեն, այլ եւ ընդ հակառակո իմն հաւանութեանցն երատոսթենեայ՝ ջանան իսկ հաստատուն առնել թէ արդարեւ երկրագիր է Հոմերոս, եւ առաջին իշխան երկրագրական խելամտութեանց զնա համբաւեն :

Բայց եթէ խօսել Հոմերի զքաղաքաց, զգաւառաց եւ զազգաց բաւական էր Յունաց զնա երկրագիր անուանելոյ, ապա եւս իմն առաւել մարթ էր Հերբայեցւոց զայնպիսի յործորջանս տալ օրէնսդրին իւրեանց Մովսիսի որ զնկարագիր ցրուելոյ ազգաց եւ բազմանալոյ երկրի մարգկամք, մեկին եւ որիշ յօրինէ, եւ կամ Յեսուայ որ առաքէր արս հմուտս լոտեսել զերկիրն եւ յօրինել զնորին նկարագիր, ուր, որպէս ոմանք համարին, տախտակը երկրագրութեան եւս դոյիին. նոյնպէս յետոյ ի պէսպէս բաժանաց զամենայն երկիրն Քանանացւոց բաժանէին :

Այթէ բանք պւետիկոսի ճոխութիւն ինչ ունել մարթէին, ի Կողքիդ եւս որ կարի յառաջագոյն քան զշոմերոս է, երկրագրութեան դիտութեան գտանել հարկ էր, զի ասէ Ապոլոնիոս բայ՝ անդստին

ի ժամանակէ արդիական նաւավարաց բնակիչք էայ, որ մայրաքաղաքն էր Կողքիդայ, երկրագրական ասախտակս ունեին, յորս ամենայն ճանապարհք եւ ամենայն սահմանք ծովու եւ ցամաքի նկարեալ կային, եւ այն ոչ ի նմին մօտաւոր ժամանակի յօրինեալ, այլ ի նախնեաց անտի անցեալ ի նոսա եւ իրեւ մեծազին ինչ իրք նախնեաց զգուշութեամբ պահեալ էին: Առաւել հաւաստեաւ եւ հաստատութեամբ կարծեն այլք թէ երկրագրութեան ուսումն յշգիպտացւոց անտի սկիզբն առեալ իցէ: Ասի թէ ողողանել նեղոսի ստիպեաց զնոսա չափել եւ նշանակս կացուցանել իւրաքանչիւր կալուածոց զի մի անդ ընդ անդ խառնիցին, եւ թէ եւ փոքրիկ ինչ նմանութիւնս երկրագրական քարտիաց հնարեցին: Ասի թէ Աեսոսարի հատեալ անցեալ ընդ մեծ մասն երկրի, տայր յօրինել երկրագրական քարտէսս իւրոց արշաւանայն, զորոյ եւ զպատճէնսն առեն ոչ միայն առ Եղիպտացիս, այլ եւ առ Ակիւթացիս յղեաց: Իսայց այս ամենայն կարծիք եւ տեղեկութիւնք ժամանակին եւ արւութեանցն Աեսոսարի կարի անյայտ են, մինչեւ չմարթել մեզ ուժգին պատճառս ի հաստատութիւն եւ յօձան հնութեան Եղիպտականն երկրագրութեան առնուլ: Ի գէպ եւ պատշաճ իցէ ի Յոյնս անդը դառնալ եւ ի ժամանակս մօտագոյնս եւ յայտնագոյնս հաստատութեամբ զերկրագրութեան սկիզբն որոնեալ խնդրել:

Ուսողութեան որոշմունք եւ տեղեկութիւնք պատմութեան հիմն եւ խարիսխ են, յորոց վերայ մեծանիստ շինուած երկրագրութեան ամբառնայ եւ յերկողունց եւս վերայ միանդամայն յարուցեալ եւ կանգնեալ զայն առ Յոյնս աեսանեմք: Տեղեկութիւնք զնդի, ճանաչողականին (gnomonique) եւ կերպարանաց եւ մեծութեան երկրի, որ մաթեմատիկական խարիսխն սկիզբն այսր շինուածոյ են, ոչ այլ ուրեք այնպէս յստակագոյն երեւեալ յայտնին, որ-

պէս ի ձեռս փիղիսովայիցն Յունաց : **Տեղեակը եւ հմուտք նախնեաց իրաց՝ ի Քիրովն,** ի Մուսէնն, յԱտղաս եւ յայլ եւս դիւցաղունս քաջ ի բաց հինու երթան ինդրել զայն՝ որոյ զառաջինն զնդի եւ երկրագրութեան գտակ լեալ իցէ : **Ոմանք թէպէտ կարծեօք տռանց հաստատելոյ,** սակայն արդարակորով մտօք յայտ առնեն թէ յիրաւի Ատղանտեայ եւ Եղիպտացւոց զգիւտ եւ զպէտս զնդի համարել մարթ իցէ : **Ի՞այց այս ամենայն կարծիք թէպէտ եւ մեծաւ խելամսութեամբ տեղեկութեան եւ զգոնութեամբ կարծիցին,** սակայն չունին ինչ պատճառս հաւանութեան եւ առանց հակառակութեան հաստատութիւն ի հին եւ ի վաւերական նախնեացն վկայութեանց, զի այն ամենայն այնչափ ինչ յայտ առնիցեն թէ յազգսն յայնոսիկ գոյր տեղեկութիւն ինչ ըշջանակին՝ զորով արեգակն եւ այլ եւս աստեղք երկնից զառածեալ զիւրեանց ընթացս կատարիցեն, բայց ոչ յայտնապէս զգնդէ ինչ յայտ առնեն : **Ոկաղիգեր պատմէ զպարսիկ զնդէ միոջէ,** եւ զմեւս եւս հնդիկ զնդէ, եւ զմեւս եւս յունական խժական զնդէ, բայց այնց ոչ ժամանակ եւ ոչ կանխութիւն՝ թէ արդեւք յառաջագոյն իցեն քան զՅունացն, յայտնի է : **Այլ զՅունաց ունիմք յայտնի եւ գուշակաւոր տեղեկութիւնս որ տան ինչ իմանալ եւ զմտաւ ածել:** **Պղինիոս որ թուի թէ ուրեք ուրեք Ատղանտեայ զգիւտ զնդի համարի,** ապա իբրեւ յայտնագոյնս զիւրաքանչիւր ուրուք զսեպհական գիւտից ճառիցէ, ասել ասէ, թէ Ատղաս կամ Եղիպտացիք կամ Ասորեստանեայք զհանգամանս աստեղագիտութեան գտին, բայց զգնդի հայթայցթանս Անաքսիմանդրոս միղեսացի իմացաւ : **Եւ զայերտիոս որ յուշ առնէ զաւանդութենէ թէ զինսս երդս վիպաց զգնդէ յօրինէր, յետոյ ապա ասէ յայտ,** թէ Անաքսիմանդրեայ են փառք լինելոյ կազմիչ եւ յօրինիչ զնդի :

Գնոմնիկեանն կամ ճանաչողական դիտութիւն մեծապէս յօդնականութիւն նորագիւտ եւ նորընծայ երկրագրութեան լինէր, զի նովին նախնիքն ի սահմանել եւ յորոշել զպէսպէս երկրութիւնս եւ զայնութիւնս վայրաց վարեին։ Եւ զճանաչողութեան սկիզբն թէպէտ եւ ոմանք ի յուրանսն կամ ի բրդունս Եգիպտացւոց դտանել ախորժիցեն, սակայն առաջին գտակ այնը ի Պայերտեայ Անաքսիմանդրոս համարի։

Աախնիքն օտարոտի իմն տեսիլս զկերպարանաց երկրի ունէին։ Քաղգեացիք ի կերպարանս կրոյ կամ գոգաւոր սկաւառակի դնէին զերկիր։ այլք ամենէւին դիւր եւ հարթ եւ տափարակ, այլք դարձեալ ի պէսպէս կերպարանս զմտաւ ածէին։ Յասղէս միզեսացի երկրի զգնդի կերպարանս տայր։ այս կարծիք մինչեւ ցեւթնուտաններորդ դար տեւեաց բաւեաց, յետ այնորիկ յարդի աստեղագիտաց զնդակերպն (sphérogöide) լինել հաստատեցաւ։ Պարծանք Անաքսիմանդրեայ է եւ դիւտ յօրինելոյ տախտակս կամ քարտէսս երկրագրութեան։ Որպիսի՛ դեղեցիկ յանդնութիւն չիցէ ձգել տարածանել զտեսիլ ընդ ամենայն գունդն ցամաքի եւ ծովու, եւ օգնականութեամբ աստեղագիտութեան եւ երկրաշափութեան ուսման ձեռներէց լինելի քննել զտարածութիւնն, եւ զնկարագիր բովանդակ ծրոյ ծովու եւ ցամաքի յօրինել, եւ կազմել քարտէս եւ զյաղթ եւ զմեծանիստն երկիր ի նկարու հանեալ ցուցանել։ Պարթ է ասել թէ յայնժամ արդեամբք երկրագրութեան դիտութիւն ծնանէր։ Բայց եթէ Անաքսիմանդրոս միզեսացի ուսօղառաջին իշխան երկրագրական տախտակաց եղեւ, մեւս եւս այր միզեսացի, այն ինչքն է Եկատէսս պատմիչ, թուի լեալ առաջին որ իւրով տարաշխարհական ճանապարհորդութեամբք, եւ տեղեկութեամբ լուսաւորեալ եւս ի տախտակացն Անաքսիմանդրի, զպատմութիւն ցամաքի եւ ծովու, որչափ ինչ մարթ էր,

հաւաստեաւ ի մատենի հարկանէր։ Օք եւ Ստրաբոն զԵկատէոս յիշատակեալ ասէ, թէ երկրագրութեան մտադիր լինէր, եւ գիրս, ասէ, թողոյր։ իսկ զդործս Անաքսիմանգրեայ պնակս անուանեալ կոչէ։ Ապա պարտ եւ պատշաճ է որպէս զԱնաքսիմանգրոս մաժեմատիկեան երկրագրութեան, նոյնպէս զԵկատէոս պատմականին հայր անուանել։

Ձռուի թէ զառաջինն ի մշջ Միղեսացւոց եւեթէր երկրագրութեան ուսումն, եւ ի Միղետոս միայն գոյր հաճութիւն ի տախտակս նկարեալս զկողմանս հեռաւորս նկատելոյ, իսկ յայլքաղաքս չէր կարի ծանօթ։ Աշրոդոտոս պատմէ, թէ ի թագաւորել Կղեռմենեայ ի Սպարտա, չողաւ անգը Արիստագորաս բռնաւոր Միղետայ, եւ մատոյց նմա տախտակ պղնձի յորում ծիր ցամաքի եւ ծովու եւ գետոց նկարեալ կայր, որ յայնժամ նորանշան իմն եւ չքնաղ իրք թուեցան։ Իսայց վաղ ծանօթութիւն այնպիսւոյ գիւտի սփուէր. մանաւանդ ի Յունաց աշխարհին՝ որ զամնայն խելամտութենէ կաթոգի էր եւ խանդակաժնորամուտս մուծանելոյ, փութանակի հասարակաց իմն լինէր գիւտն, այնպէս զի ի դպրոցս եւ ի կենակիցն լինել պատաղել յառնել զայնպիսի քարտէսս ի զրօսանս լեալ էր։ Պատմէ Եղիանոս թէ Աղկիրատէս վասն զտարապարտ հպարտութիւն Աղկիրիադեայ յածուցանելոյ, եցոյց նմա տախտակ մի երկրագրութեան, զի յուցցէ թէ յորում վայրի նշանակեալ նշմարեսցին կալուածք նորա, վասն որոց ամբարտաւանէրն։ Խ վարս նորին Աղկիրիադեայ պատմէ Պղուտարքոս, թէ իբրեւ բանք լինէին յԱթէնս պատերազմ տալց ընդ Աղկիղիայ եւ ընդ կարքեղունցւոց, ոչ զայլմէ իմեքէ ի թատերս եւ ի կռուանոցս խօսէին, բայց զպատերազմէն եւ զգաւառացն զայնցանէ, եւ թէ բազումք յեռանդման խօսիցն վաղվաղակի նստեալ նկարէին զկերպարանս եւ զդիր Աղկիղիայ եւ կարքեղոնի, եւ առնէին ծրագիրս

փոքրիկս տեղագրութեան դաւառացն այնոցիկ, յորմէ յայտ է թէ քանի ընտանի եւ ընդելական էր սովորութիւնն յօրինելոյ զայնպիսի քարտէսս։ Արիստոփանէս դուսան ի դպրոցին Սոկրատայ տախտակ երկրագրական գնէ, յորոյ վերայ աշակերտքն ուսանէին. ուր աշակերտն Ստրեփսիադեայ ոչ միայն զԱթենացւոց քաղաք, այլ եւ զգաշտն Աթենացւոց եւ զամենայն երկիր զմեծ եւ զփոքր յուցանէ։ Այս կատականք Արիստոփանեայ ապա իմանալ թէ ի դպրոց յայնժամ եւս գոյր սովորութիւն յայնպիսի քարտէսս ուսուցանելոյ, որք ժողովրդեան եւս չեին անձանօթ, ապա թէ ոչ, չախորժէր չհաճէր ոք ընդկատականն։

Թռուի թէ եւ Պարսիկք ի կիր արկանէին զայս ճարտարութիւն, յորժամ կտեսիաւ հանդերձ եկեալ յԵւրոպա վասն դիւրին առնելոյ արքայից արքայի զնուաճումն աշխարհին Յունաց, երթային նշանակելով ի տախտակի զնահանդսն՝ ընդ որս անցանէինն, եւ քարտէս երկրագրական իւրեանց ճանապարհորդութեանն յօրինէին։ Ի՞այց մանաւանդ կարքեդոնացւոց քան Պարսից զուսումն երկրագրութեան եւ զտեղեկութիւն գնդին ցամաքի եւ ջրոյ համարել արժան է։ Ոչ տեղեկութիւնք եւ դիտութիւնք, այլ վաճառականութիւն եւ շահ ածին զկարքեդոնացիս առնել երկուս արշաւանս ծովականս, զի նոր նոր ծովս եւ երկիրս յայտնիցեն։ բայց այնպիսի տեղեկութիւնք եւ յայտնութիւնք ոչ սակաւ օգուտ եւ շահ յառաջագեմն լինելոյ երկրագրութեան նպաստ լինէին։ Խմիղկոն ի հիւսիսային կողմն առաքեցաւ, եւ լննոն ի հարաւակողմն, որոյ նաւագնացութեանցն տեղեկութիւնք պահին, եւ քան զամենայն տեղեկութիւնս երկրագրութեան հնագոյն են։ Պարսիղիա նախանձորդ կարքեդոնի նոյնպէս ծովական արշաւանս յղէր, եւ թերեւս առաւել քան զնա ի դիտութեանն լինէր։ Պիւթէա աստեղագէտ

եւ Եւտիմենէս եղեն առաջնորդք մեծանուն արդիական նաւալավարաց . Եւտիմենէս ի հարաւակողմն եւս յաջողութեամբ նաւարեկէր : **Պիւթէա** անուանի առատեղագէտ, գիտուն փիւսկեան եւ երկրագիր հմուտ երկուս նաւագնացութիւնս առնէր, մինչեւ յիսղանգա հասանէր, եւ նոր պայծառութիւն վաճառականութեան, աստեղագիտութեան եւ երկրագրութեան ածէր : **Անուանի** է եւ Ակիղակ կարիագացի իւրով նաւագնացութեամբ : **Աննոն,** Պիւթէա, Ակիղակ եւ այլք նոցին նմանք իբրեւ զկողոմբուն եւ զՄագեղան եւ զկուկ էին նախնեացն երկրագրութեան :

Ատրաբոն զերկրագրութեան ուսումն սեպհական փիղիսոփայից համարի, եւ զբազումն ի փիղիսոփայից ի մեջ բերէ, որ այնմ պարապէին : **Դեմոկրիտոս** խոռագնին փիղիսոփոս եւ հաւաստի մտադիր՝ գիրս երկրագրութեան յօրինեաց, որ զմաթեմատիկեան տարերացն ճառէր . Եւդոքսոս զպատմական երկրագրութիւն յառաջ մատուցանէր : **Գիկէարքոս** աշակերտ Արիստոտեղեայ պէսպէս գրովք անուանի եւ նշանաւոր լինէր : **Այսպէս** յառաջադէմ խաղայր ուսումն երկրագրութեան : **Բայց** սահմանք այսր գիտութեան ընդարձակէին յոյժ ընդ աշխարհակալութեանցն Ազգեքսանդրի : **Աթէ** ամենայն խելամտութիւն եւ ամենայն արուեստ ճարտարութեան Յունաց ի բարձրաբերձ բարձունս պայծառութեան հասեալ համարին ի թագաւորութեանն Ազեքսանդրի, քանիօն շահս չեցէ երկրագրութեան շահեալ առ այնպիսի պատերազմող թագաւորաւ, որ երկայնաձիգ արշաւանս եւ հեռագնաց աշխարհակալութիւնս սիրէր : Փիղիսոփայք, ուսողք եւ պատմիչք զնային ընդ Ազեքսանդրի ի ձեռնարկութիւնս պատերազմաց նորա, եւ զազգմն զայնոսիկ զորս զօրաւարք նորա խլէին աւերէին, նոքա ի գիտութիւնս եւ ի տեղեկութիւնս իւրեանց շահէին : **Ա**սն այնորիկ իսկ Երատոսթենէս եւ Ստրաբոն յասպատակութեանցն

Աղեքսանդրի զժամանակ լաւանալց երկրագրութեան առնուն կարդեն : Ում չիցեն ծանօթ օգուտքն որ եղեն երկրագրութեան անուանի ասպատակութեամբն Նեարքեայ եւ Ոնեսիկրիտեայ : Յայնժամ Կաղեսթենէս , զովող եւ պատմիչ Աղեքսանդրի , եհան զիւր նաւագնացութիւն . Արքեղայոս յօրինեաց զնը կարագիր տեղեացն ընդ որս շըջեցաւ Աղեքսանդրոս , եւ գրեայ մեւս եւս զիր զգետոց : Աակաւ ինչ յետոյ Կաղիմաքոս զգետոց ողջոյն երկրի եւ մանաւանդ Եւրոպացւոց աշխարհին , զկզզեաց , զքաղաքաց եւ զբազում չքնաղ իրաց դնէր գիրս . Տիմոսթենէս արար խօսս զնաւահանգստաց , յորս բազում կարեւոր տեղեկութիւնք էին . Երատոսթենէս ոչ միայն յարդեալ զովէ զմատեանն , այլ եւ առ փոխեաց զպատճէնն յիւր մատեանս անդր ցնշանագիրս ապաստան :

* ուսկ յետոյ ի չափ հասանէր ինքն Երատոսթենէս որ սքանչելիք տեղեկութեան եւ շատահամութեան համարեալ է : Աա եղեւ առաջին որ երկրաշափութեանն ճշգրտութեամբ զմեծութիւն երկրի չափել մտարերէր , եւ որչափ ինչ մարթէր ի ժամանակին յայնմիկ ի գլուխ հանէր , եւ ի կերպարանս գիտութեան ածէր զերկրագրութեան ուսումն , եւ վասն այնորիկ իսկ յիրաւի եւ յարժանի մարթացաւ կոչել հայր երկրագրաց որ ճշիւ եւ հաւաստեաւ զրեցին : Յերիս դիրս երկրագրութեան յիշատակարանացն , զորոց բազում մատենագիրք , մանաւանդ Ատրաբոն , ստէպ յիշատակեն , ընդդէմ վրիպմանց առաջին երկրագրաց մաքառեալ կոռուի , առնէ զիւր ուղղութիւնսն , եւ յետուսա ուրեմն զիւր առանձինն զննութիւնս ի հին անդր յաւելու : Ի՞այց որշափ եւ մեծ արժանիք Երատոսթենեայ իցեն , եւ ածիցեն նմա զովութիւն , տակաւին ոչ ասկաւ տեղի բարսանաց խիստ եւ անաշառ դատելեաց թողոյրնա : Յայնցանէ՝ որ զերատոսթենեայ մատենագրու-

թեանցն սխալանս ուղղեցին , առաջին Արտեմիդորոս լինէր , որ ի շքի մեծի էր առ նախնիս վասն տեղեւ կութեանն յերկրագրութեան . յետ նորա Խպպարքոս աստեղագետ պայծառանայր , որոյ անուն իսկ զվաստակս ձեռաց նորա բաւական է մեծարոյ կացուցանել , բայց նա մանաւանդ յերկրագրութեան՝ որոյ առաջնորդ է աստեղագիտութեան ուսումն , նշանաւոր լինէր : Որ նաշխարհիկ իմն ոգւով , որպէս ասէ Պղինիոս , որիշ զաստեղս համարել եւ մանր զնկարագիր գաւառաց երկնից յօրինել համարձակեցաւ , որչափ եւս առաւել յաջողութեամբ յանդիման կացուցանել զճշգրիտ նկարագիրս ցամաքի ձեռնհաս էր : Ի՞այց Խպպարքոս ոչ այնչափ գիրս ինչ երկրագրութեան դնել ունէր ի մտի , որչափ առնել դատաստան ընտրութեան վասն զմոլորութիւնսն Երատոսթենեայ նշաւակելոյ : Այսկայն վիճակեցաւ եւ նմա այն , որ գրեթէ ամենեցուն որ դատիցինն պատահէ , զի իբրեւ զսխալանս այլոց՝ զորս յանդիմաննեն , խայտառակիցեն , ինքեանք յեւս դժնդակագոյնս անկանին , եւ յայլոց կշտամբեալ յանդիմանին : Եւ արդարեւ կշտամբէ իսկ զնա Ստրաբոն թէ մեծամեծս սխալեաց : Անուանի է եւ Պողիբիոս զոր օրինակ ի պատմութեան , նոյնպէս եւ յերկրագրութեան : Եւս մեծանուն է Պոսիդոնիոս , որ եւ Ստրաբոնի եւ Պտղոմեայ եւ այլոց երկրագրաց բազում լուսաւորութիւն մատուցանէր , եւ լինէր նուցա ի բազում ինչ իրս առաջնորդ եւ վարդապետ :

Ի՞աժանումն գօտեաց մեծապէս յօդնականութիւն եղեւ երկրագրութեան : Պարմենիդէս , ըստ վկայութեան նորին իսկ Պոսիդոնեայ , եղեւ իշխան բաժանելոյ երկրի ի հինդ գօտիս : Ի՞այց Պոսիդոնիոս մեծաւ հաւաստեաւ զնոցունց խօսէր , ճշդիւ դտակաւ զնոցին սահմանս կացուցանէր , եւ ձեռնամուխ լինէր ի ճառել զբաղմութենէ մարդկան վայրաց վայրաց որ ընդ իւրաքանչիւր գօտեաւ իցեն , բայց ի մոլորութիւնս եւս ոտնառեալ անկանէր : Պողեմոն եւս

նշանաւոր Երկրագիր ձեռն արկ ի մաքառել ընդդէմ սխալութեանցն Երատութենեայ, եւ ուղղելով զվրիպածս ինչ առնն այնորիկ մեծի, եւս իմն աւելի պայծառութիւն յԵրկրագրութիւն անդր նպաստ լինէր: Դարձեալ եւ ազդի ազդի գրովք զուսումնն զայն պայծառացուցանէր:

Դէպք ինչ զարմանալիք եւ նորանշանք ի ժամանակս Պատղոմեայ Բարերարի պատահէին, որ զքննասիրութիւն Յունաց յԵրկրագրութեան ուսուման զարթուցանէին: Ասի թէ այր ոմն Հնդիկ յԱրաբացւոց Խորշի անդ գտեալ, ածաւ առ արքայ յիւրոց սպայից թիկնապահաց, եւ ուսեալ յոյն լեզու իբրեւ պատմեաց զպատահարս իւրոյ նաւագնացութեանն, զրդուեաց զցանկութիւն Յունաց արշաւանս ի Հնդիկս անդր գնելոյ, որոց արշաւանաց գլխաւոր եւ կարգիչ Եւդոքսոս կիզիկացի լինէր: Համօրէն իմն Համաշխարհական ցանկութիւն զարթնոյր յայնժամ առ Յոյնս. բովանդակ Հետաքրքիր ցանկութիւն իմաստնոց շրջեցաւ ի կողմն անդր Եթևովպացւոց, Հնդկաց եւ յԵզերս Ափրիկեայ եւ ասիական աշխարհաց. խիլ արկեալ որոնեին ի մատեանս Երոդոսեայ, Երակղիդեայ պոնտացւոյ եւ այլոց մատենագրաց ծովական ճանապարհորդութիւնս գտանել, զոր Երբեք արարեալ ուրուք իցէ ընդ Ովկիանոս մեծ անցեալ ընդ գլուխ Բարւոյ յուսոյ: Երկայն եւ դժուարին ծովք, որ այժմ իսկ զհզօր եւ զհաստաշինած եւ զմենքենագործ նաւս զարհուրեցուցանեն, բազում անգամ Եղեն գնացք մանր մանր նաւաց Գաղիտանացւոց, Եղիպատացւոց, Հնդկաց եւ այլոց ազգաց, եւ խառն ընդ պաճուճեալ առասպելաց բազում ճշմարիտ տեղեկութիւնս տային զայնց ազդաց՝ որ տակաւին չէին յայտնի եւ ծանօթ, եւ Երկրագրութեան ուսումն ոչ սակաւ օգուտ անտի գտանէր:

Դայց ուսումնս այս եւս իմն մեծամեծ շահսյասպատակութենէ մարտից պատերազմաց Հռոմայե-

ցւոց, եւ յանբաւ աշխարհակալութեանց նոցին յաղթօղն զինուց շահեցաւ։ Ատրաբոն խոստովան լինի թէ Երատոսթենեայ եւ Տիմոսթենեայ եւ այլոց առաջնոցն տեղեկութիւնք՝ զորս զՍպանիացւոց եւ զԳրադատացւոց, եւ մանաւանդ զԳերմանացւոց եւ զԲրիտանացւոց եւ զԳոթաց տային, ամենեւին մռայլինն էին։ «Ա, եւ իրաց Խտաղիայ եւ Պոնտոսի՝ որ նոցա այնպէս հուզ կային, մեծապէս անտեղեակ էին։ Քայց աշխարհակալութեամբն Հռոմայեցւոց կողմանք արեւմտեայք եւ հիւսիսական աշխարհն Եւրոպայ որ Յունաց անծանօթ էին, յայտ գային։ Զէր մարթ Հռոմայեցւոց զուսմանէ երկրագրութեան անփոյթ առնել. աղգ՝ որ աշխարհակալն եւ տիրող եւ յաղթօղ տիեզերաց էր, պարտէր ընդ ուսումն ընդ այն իբրեւ ընդ մասն ինչ իւրոյ քաղաքաւորութեանն եւ զինուրութեան հայեցեալ նկատել։ Հռոմայեցիք ոչ միայն զիւրաքանչիւր աշխարհաց իրս, զլերինս, զգետս, զծովակս, զնաւահանդիսոս եւ զքաղաքս հաւաստեաւ ի մատեանս յիշատակաց ճանապարհորդութեանցն իւրեանց ի զրի հարկանէին, այլ եւ տախտակս երկրագրութեան նկարէին, որ զօրաւարացն ի նշանակ ձաղութեան էր։ Ի տախտակին Սարդինիայ, զոր Տ. Եւմալլոսնիոս Գրակքոս ի մեհենի մօրն Մատուտայ եղ, ոչ միայն կերպարանք կզզւոյն, այլ եւ պատերազմն հանդերձ տեղեաւն ուր մղեցաւն, նկարեալ էին։ Այնչափ էր սէր Հռոմայեցւոց ի նկարել նկարս երկրագրութեան, զի ոչ միայն ի տախտակս կամ ի կտաւս, այլ եւ յորմն իսկ նկարէին տեսիլս աշխարհաց եւ քաղաքաց այլովքն հանդերձ։ Կարծի թէ Յուղիոս կայսր որ զամնայն գիտութենէ փոյթ առնէր, զերկրագրութենէ եւս ինսամ կալաւ, եւ առաքեաց, ասեն, զօհնողոսոս յարեւելս, զթէողոտոս ի հիւսիս եւ զՊողիկղիտոս ի հարաւ չափել զտարածութիւն եւ զնահանդս հռոմէական իշխանութեան, եւ յօրինել նկարագիր։

Ի՞սկայց զԱւգոստեայ յայտնապէս ասէ Պղինիոս թէ կարգեաց արշաւանս ի ծովու, եւ զՇիւսիսային եւ զերս եւ ճանաչել, եւ հրաման տայր Ադրիպապայ յօրինել տախտակս երկրագրութեան որ զբովանդակ գունդ երկրի յանդիման կացուցանիցեն:

Այս ամենայն իրք եւ փոյթ Յունաց եւ Հռոմայեցոց ածին զՄտրաբոն, որպէս ինքն իսկ ասէ, զգործոյ իմեքէ երկրագրութեան ուսումն բուռն հարկանել: Ի Հայոց աշխարհէ յարեւմնւաս կոյս ուրեմն մինչեւ ի Սարդինիա, եւ ի Պոնտոս Եւքսինս ծովէ ի հարաւակողմն ցծագ եթովպացւոց չոքաւ, եւ զԱսիա, զԵգիպտոս եւ զՅունաց աշխարհն, զԻտաղիս եւ զբազում կղզիս եւ զգաւառս այլակերպս ընդ քննութեամբ արկանէր: (Օգտակար եւ զուարձալի խոտորմունք պատմութեան զբարուց եւ զգաւառաց աշխարհացն նկարելոց, տեղեկութիւնք արանց անուանեաց իւրաքանչիւր աշխարհի, եւ պէսպէս շահաւետ խելամուութիւնք որ յամենայն գիրսն սփռեալ են, զգործ Մտրաբոնի ախորժական եւ օգտակար եւ կարի մեծարոյ ի նախնեացն երկրագրութեան կացուցանեն, եւ իբրեւ ճշմարիտ եւ մեծադին գանձ երկրագրական եւ պատմական տեղեկութեանց նախնեաց տան համարել:

ՀՅետ Մտրաբոնեայ անուանի են Մարինոս տիւրացի, Պոմպոնիոս Մեղա հռոմայեցի, ընտիր եւ արդարակորով մատենագիր, յետ նորա Պղինիոս բարյախօս որ ոչ սակաւ լուսաւորութիւն յերկրագրութիւն անդը յաւելոյր: (Խող Մեղա եւ Պղինիոս եւ այլ երկրագիրք Հռոմայեցւոց ժառանգեցեն զանուն եւ զպատիւ, թէ զյետինս ի տեղեկութիւնս պատմութեան կրթեն, եւ զծաղիկս երկրագրութեան նոցա մատուցանեն, բայց զպարծանս տալոյ ճանաչել զարմատսն եւ զբուն այսր ուսումն, եւ լինելոյ ճշմարիտ վարդապետ նորին ուսուզութեանն ճշդութեան, տացեն Պաղոմեայ: (Արպիսի

լայն եւ անդորր միտք, քանիօն ժրութիւն եւ քաղակութիւն պիտոյ էր Պաղսմեայ որ զանբաւ գիրս ճանապարհորդաց, աստեղագիտաց, պատմաց, երկրագրաց ի ձեռն առնուալ, անուանս քաղաքաց եւ գաւառաց շեղակուտել, ժողովել զննութիւնս, կցել եւ յօդել տեղեկութիւնս, իւրաքանչիւր նահանգի զիւր սահման հաստատել եւ անցնիւր քաղաքի զիւր դիր եւ զկայան չնորհել, ուսուցանել զմարտարութիւն յօրինելոյ քարտէսս երկրագրականս, կացուցանել օրէնս, մեկնել զկանոնս եւ զհրամանս եւ կատարեալ իմն ընթացս երկրագրութեան օրինօք եւ կարգօք գիտութեան յարդարեալ կազմել ի մտի ունէր: Խպագարքեայ հաղիւ իմացեալ էր զհնարս նշանակելոյ զկայանս վայրաց ի ձեռն երկայնութեան եւ լայնութեան, առանց ի գործ արդեանցն մատուցանելոյ. մատեանկը յիշատակաց ուղեգնացաց եւ ճանապարհորդութիւնկը զբացարձակութիւնս առանց հաւաստեաւ եւ ճշդիւ յայտ առնելոյ նշանակեին, եւ առաւել յօժարագոյն ի տեղեկութիւնս պատմութեան եւ փիւսկեան գիտութեան զբաղէին, ընդ որս բաղում ինչ պատիր եւ ստայօդ խառն կայր: Պաղսմէսս շահեալ ի սակաւ զննութեանց աստեղագիտութեան որ ցայնժամ զերկրագրութենէ լեալ էին, հաւաստեաւ զպատմութիւնս եւ զլուր համբաւոյ ճանապարհորդութեանցն ընդ ծով եւ ընդ ցամաք իննդրէր, եւ իմաստութեամբ ի քնին արկեալ թէ որչափ ինչ նոքա զերկայնութեանց ճանապարհայն եւ զնոցին ուղղութենէ զերկայնագոյն կամ զկարձագոյն տեւելոյ տուրնջեան եւ գիշերոյ ասիցեն, եւ զայլ եւս բաղում իրաց զհանգամանս ի միտ առեալ, համարձակէր զիւրաքանչիւր տեղեաց երկայնութիւն եւ զլայնութիւն սահմանել, եւ այնպէս տալ մտաց ուսումնասիրաց զպայծառագոյն եւ զդիւրագոյն տեսիլ կայենից պէսպէս կողմանց, եւ ինամով ի յօրինեալ յարդարումն եւ

ի կարգ զկերպարանս բովանդակ երկրի ածէր : Մեւս
եւս արժանիք Պաղոմեայ յերկրագրութեան այն են,
զի ինքն խմացաւ զհնարս յօրինելոյ ծրագիրս, զորս
մարթ իցէ եւ յերկնից եւ յերկրի դունդ միանդա-
մայն մերձեցուցանել, եւ այսպէս արկ հիմն յօրի-
նուածոյ երկրագրական քարտիսաց հանդերձ որոշ-
մամբք աստիճանաց, որպէս այժմն ունիմք : Պաղո-
մէոս ընդ երկար ժամանակ մեծարեալ պատուեցաւ
իբրեւ իշխան երկնից եւ երկրի, ուր ոչ ոք առանց
նորին լուսաւորութեան հասանել ձեռնհաս էր : Հոյնք
յետ Պաղոմեայ եւս ոչ կային մնային դատարկք .
Առիանոս, Մարկիանոս հերակղուոդացի եւ Ագաթե-
մերոս գուն եղեալ վաստակէին, բայց Պաւանիաս
ընդ այլ իմն ճանապարհ գայր երեւեր : “Ակարագիր
նորա զՅունաց աշխարհէն, ընտիր ընտիր տեղեկու-
թեամբք առասպելաց, պատմութեան եւ երկրա-
գրութեան մեհենից, շինուածոց, անդրի պատկե-
րաց, նկարուց, տօնից, սովորութեանց, խառնա-
զանձն աւանդութեանց, բնական երեւութից եւ ա-
մենայն չքնաղ զարմանալեաց բնութեան եւ ճար-
ապութեան լի է, եւ է իսկ արդարեւ ճանապար-
հորդութիւն աշխարհին Յունաց զօրէն նկարչի նկա-
րեալ, եւ երկրագրութիւն գեղեցիկ արուեստից,
եւ գանձ մեծագին այնոցիկ՝ որ զնախնեաց իրս եւ
զբարւոքն ճաշակ սիրիցեն : Խւսեբիս ի սկիզբն չոր-
րորդ գարու այլ իմն ազդ երկրագրութեան երեւե-
ցոց, յօրինեալ երկուս զիրս զտեղեաց եւ զքաղա-
քաց գրոց սրբոց, որ յետոյ եղեն իբրեւ հիմն հաս-
տատութեան՝ յորոյ վերայ նուիրականն երկրագրու-
թիւն ամբառնայր : Խճէպէտ եւ Հռոմայեցիք եւս
այսմ ուսման միտ դնէին, սակայն չեղեն այնպէս
ճարտարք զայնու ժամանակաւ :

Գտան եւ ի մէջ Հայոց անդստին ի հին ժա-
մանակաց երկրագիրք անուանիք, որոց զլիսաւոր եւ
առաջին Մովսէս Խորենացի է, որ ի նշանաւոր եր-

կրագրաց եւ մանաւանդ ի Պապայ աղեքսանդրաց առեւ առեալ գրեաց համառօտիւք, որպէս ասէ իսկ թէ ։ Ծայրագրաղ արարեալ գրեցաք զմեծամեծան եւ զնշանաւորսն,։ Յետոյ եղեւ Վարդան որ առանձինն զշայաստան աշխարհէ գրեաց, որ մանաւանդ այնու աղնուագոյն է, զի առընթեր հին անուանց եւ զնոր անուանմունս եղեալ, ոչ սակաւ լուսաւորութիւն շնորհէ նախնեացն պատմութեան։ Գոյ եւ թուվմաս ոմն ի Կիղիկիիայ, որ ուրոյն զիիղիկիայ աշխարհէ ոչ սակաւ տեղեկութիւնս շնորհէ։

Այժմարութեամբ եւ տղիտութեամբ յետին դարուց մժանայր եւ ուսումն երկրագրութեան, եւ ոչ միայն չստանայր նոր պայծառութիւն, այլ մանաւանդ զոր ուներն զայն եւս կորուսաննէր։

Այս աղնուական ուսումն այնպէս թողեալ լքեալ յևրոպացւոց աշխարհին, մժացեալ, խառնակեալ եւ անարդեալ, ի նուիրական սպաստան Արաբացւոց ընթանայր ապաւինել, ուր ընդ այլոց գիտութեանց գտանէր ամուր ապաւինի։ Խռերեւս զանեզը եւ զանբաւ իրաց բուռն հարկանել թուէր, եթէ զանթիւ մատենագիրս Արաբացւոց, որ այսմ ուսման պարապէին, մի ըստ միոջէ ի համար արկանել կամէաք։ Օայս ինչ միայն ասասցուք թէ Արաբացիք զամենայն հնարս հնարեցին, որովք մարթէր զերկրագրութեան ուսումն յառաջադէմ մատուցանել, եւ այն նոցա մեծաւ օգախւ յաջողեաց։ Զափ երկրի ամենայն չափմանց երկրագրութեան խարիսխ եւ հաստատութիւն է. սակաւ ինչ օգուտ իցէ գիտել զաստիճանս երկայնութեան եւ զայնութեան յորում կան քաղաքք, եթէ չիցէ ծանօթ թէ որչափ ինչ անջրպետութիւնն իցէ, զոր մի մի իւրաքանչիւր յաստիճանաց անտի բովանդակիցէ. արդ Արաբացիք զչափ երկրի այնպէս ճշգրիտ եւ հաւասարեաւ առնուին, որպէս ի մէջ կարի իսկ տեղեկագոյն Յունաց չէր լեալ։ Պէտք

Եւ յօրինուած երկրագրական քարտիստց՝ զորս Յոյնք
եւ Հռոմայեցիք այնպէս խնամով ի կիր արկանէին,
զայնու ժամանակաւ չեին ծանօթ Եւրոպացւոց. Արտ-
բացիք զայնպիսի պիտանի զիւտ նորսզէին եւ առնէին
ամենեցուն յայտնի եւ երեւելի եւ զնոսին ազգի ազգի
օրինակօք ի յառաջադիմութիւն երկրագրութեան ի
կիր արկանէին։ Պերճացաւ իմն երկրագրութիւն
մեծապայծառ մեծութեամբն, յորում երեւեցոյց
զնա Եղդրիսոի արաբացի։ Չերեւեցաւ երբեք դունդ
ազնուագոյն եւ պատուականագոյն քան զայն՝ զոր
նա հրամանաւ Ռուդերոսի Բ. արքայի Սիկիղիայ
յօրինեաց ի ձոյլ արծաթոյ, որոյ կշիռ առաւել
քան զըորեքհարեւը լիար էր։ Մինչ չգոյր ոք ոչ
Յոյն եւ ոչ Հռոմայեցի որ ի տախտակս կամ ի
կտաւս յօրինել իշխէր, սա այնպէս վատահ յիւր
ճարտարութիւնն էր, զի ոչ զանգիտեաց զայն ի
նիւթ այնպէս մեծագին քանդակել։

Ի չորեքտասաներորդ դարու երկրագրութեան
ուսումն արծարծել սկիզբն առնէր ճանապարհորդու-
թեամբք յերկիրն սուրբ, ի Պարսս, ՃԱփրիկէ եւ ի
հիւսիսակողմն, որով բազում երկիրք յայտնէին եւ
յոլով քաղաքք եւ գաւառք լինէին ծանօթ։ Ի՞այց
ի հնդետասաներորդումն իբրեւ յոյն եւ զատին բար-
բառք եւ ուսողութեան ուսումն, աստեղագիտու-
թիւն եւ նախնեաց իրաց ուսումն պայծառանային,
երկրագրութիւն եւս յիւր առաջին պայծառութիւն
հասանէր, եւ զարմանալի յայտնութեամբք նորոց
աշխարհաց արեւելից եւ արեւմտից մարթայր նորոդ
եւ լուսաւորագոյն պայծառութիւն ստանալ։ Առ-
վորական եւ հասարակաց իմն լեալ էին երկրա-
գրական տեղեկութիւնք, եւ ընդելական իմն էր
սովորութիւնն քարտիսաց վասն առաւել պայծա-
ռագոյն եւ յայտնագոյն զուսումն զայն առնելոյ։

Ի՞այց այնչափ աշխարհագրութիւնք, այնքան
նկարագիրք, այնչափ քարտէոք պէսպէս կողմանց

յամագի եւ ծովու առնել առնելին հասարակաց եւ
գիւրընկալ զուսումն եւ զտեղեկութիւն երկրագրու-
թեան, սակայն դեռ եւս յանհարթութեան եւ ի
բրտութեան շաղեալ կայր ուսումնն, եւ չեր ուրուք
տակաւին մարթացեալ ի յետին յառաջադիմութիւն
զայն հասուցանել: Յարեւմուեան ծագաց Եւրոպայ,
ի Պուսիտանացւոց աշխարհէ, ի փոքրիկ եւ յան-
նշան երկրէ յերկրագրութիւն անդր նոր լուսաւորու-
թիւնք յաւելեալ յաճախէին, որովք ուսումնա այս
ճշմարիտ շահ եւ նշանաւոր յառաջադիմութիւն ընդ-
ունէր: Անմահ կենդանի կայցէ մնացէ ի պարծանո
նաւագնացութեան եւ երկրագրութեան անուն ման-
կանն Հենրիկեայ զուսիտանացւոյ, մեծանձնն եւ ի-
մաստուն խնամածուի նաւագնացութեան եւ արուես-
տից եւ գիտութեանց որ նմին պատշաճնն: Աա լի-
նէր իշխան եւ հայր Ծրագրական քարտիսաց, վար-
դապետ նաւագնաց երկրագրութեան. եւ առաջին
է որ յարդի ժամանակս ճշմարիտ յառաջադիմութիւն
յուսումն երկրագրութեան նպաստ լինէր: Մինչ-
դեռ սէր նաւագնացութեան եւ ուսուզութեան խե-
լամտութիւն դմեծաշուք դնացս երկրագրութեան
ուսումնան յառաջ մատուցանէին, ուսումն գրոց նախ-
նեաց, մանաւանդ Յունաց, ոչ սակաւ շահ յաւելոյր:
Օի սէր Հնոյ ժամանակին եւ կանխութեան իրաց
նախնեաց տայր ընթեռնուլ զՊղինիոս, զՊոմպոնիոս
Մեղա եւ զԱտրարոն, եւ հանել ի նոյունց տե-
ղեկութիւնս հին գրից գաւառացն եւ քաղաքաց,
եւ զՃշգրիտ կերպարանս երկրագրական շափմանց յօ-
րինէլ: Մարթ է ասել թէ այս եղեւ սկիզբն Հնոյ
երկրագրութեան, որ այնպէս շքով եւ մեծաւ շա-
հու զբազում երկրագրիրս եւ զՀմուտս նախնեաց իրաց
պատաղեցոյց, որ եւ հանապազ առատ նիւթ օդ-
տակար եւ հետաքրքիր տեղեկութեանց շնորհէլ
մարթի: Բայց աւելագոյն օդուտ ի յառաջադի-
մութիւն երկրագրութեան մատուցանէր ուսումն

Երկրագրութեան Պաղսմեայ, զորով ի նոլին դարու մեծաւ խնամով եւ հոգաբարձութեամբ դային:

Հուսկ յետոյ Երկրագրութիւն այնը դարու ի մեծամեծ հեռագնաց ճանապարհորդութիւնս յօժարեցուցանէք, եւ տեսանէին մեծաւ ցնծալից ուրախութեամբ, զի նոր նոր աշխարհը եւ կղզիք յանդիման Երեւէին: Վրեւմուտք եւ արեւելք, աշխարհն Ամերիկեցւոց, եղերք Ափրիկեայ եւ Ասիայ, նոր նահանգք, նորազիւտ թագաւորութիւնք, կղզիք նորոգք եւ նոր ցամաքք պատահէին առաջի յանդուզն նաւագնացութեան եւ հմուտ եւ տեղեակ Երկրագրութեան: Վրչափ ոչ ընդարձակեցան ծով եւ ցամաք ի սակաւ ամս: Քանիօն ոչ աճեցին եւ մեծացան տիեզերք: Տնէ նախնիք տեղեկութիւն ինչ զեղերաց Ափրիկեայ եւ անցիցն զլսոյ Բարւոյ յուսոյ ունէին, ընդ այն չիք յերկուանալ, որպէս Երողոտոս, Ստրաբոն եւ Պղինիոս ակնարկեն. բայց այն տեղեկութիւնք այնչափ աղօտ եւ մթին էին, զի եւ ինքն իսկ Ստրաբոն եւ այլ Երկրագիրք մեծարոյք ի նոսին Երկեւան Երկմոտութեան մուծանեն: Կոյնպէս ասի թէ եւ զնորոյ աշխարհէն Եւրոպացիք յառաջադոյն իսկ քան զկողոմբոս նշմարանս ինչ ունէին: Օքատղանտիդն Պղատոնի, զարեւմուեան Երկիրո հանդիպեալս վաճառականաց կարգեգոնացւոց, Փրիսոնաց, Գաւանաց, եւ զկղզիս ընդ ժամանակս ժամանակս Երեւեալս նաւարկելոց ընդ հեռաւոր ծովս, բազումք զԱմերիկէ կամ զԱնդիզեան կղզիս համարին. բայց զի՞նչ օգուտ կամ որ շահ յայնպիսի անյայտ եւ վասրանդի տեղեկութեանց, եւ ի մթին եւ յանօգուտ կարծեաց էր: Յետ այնչափ պնդութեան եւ աշխատութեան մուրացածոյ տեղեկութեանց տակաւին ամենայն ինչ ի մառախղի եւ ի միգի շաղեալ պատեալ կայր, բնաւն յաղջամդին եւ ի խոր մթութեան էր: Քամա եւ կողոմբոս են՝ որ առ մեզ աշխարհաց եւ ծովուց արեւելից եւ արեւմտից դոդ

հաստիչ եւ յօրինիչ եղեն. վասն մեր չեր լեռ աշխարհն Ամերիկեցւոց, չգոյին արեւմտական եւ հարաւական ծովք, մինչեւ ի ձեռն նոցա յանդիման կացուցան մեզ: Յամի 1492 իրեւ Կողոմբոս զՀնդիկոս խնդրէր, յանկարծ Ամերիկէ ի վեր երեւեր, եւ յամին 1497 բանայր Գաման զղրունս արեւելեան Հնդկաց, որ յայնչափ դարուց հետեւ անմատոյց խրամնվք փոթորկալից ծովուց աղինեալ փակեալ կային: Միայն ի կատարած կոյս հնդետասաներորդ դարու առաջի մեր սահմանք երկրի ընդարձակեին, որ ցայնժամ պընդեալ եւ անձկացեալ կային. եւ յառաջ մատուցեալ մինչեւ ցերկուս ծագս մտից եւ ելից արեւու սկիզբն արարաք վայելել ի բովանդակ մեծանիստն տարածութեան մերոյ գնդի: Ամուսք եւ տեղեակք քաղաքային իրաց վիճիցին թերեւս, թէ զի՞նչ շահ վաճառականութեան եւ տեսչութեան Եւրոպայ յայնպիսի մեծապահնչ յայտնութեանց եղեւ: Ապաքէն գիտութիւնք մեծապէս շահեցան, բայց առաւելքան զընաւոն երկրագրութեան ուսումն օգտեցաւ: Ի սակաւ ամս բազմագոյն աշխարհս եւ յոդնագոյն ծովս ընդ իւրով իշխանութեամբ նուածէր, որչափ յառաջագոյն յանչափ դարս չեր վճարեալ: Իւրաքանչիւր ամ նորոգ յայտնութեամբք աշխարհաց նշանաւոր լինէր, զօր ամենայն նոր նոր տեղեկութիւնք յաւելուին զաշխարհացն յայտնելոց, գունդ ցամաքի եւ ջրոյ աճեաց մեւս եւս կէս գնդիւ, եւ անդորր գաւառք ցայնժամ թափուրք եւ ամսյիք ի բնակչաց սկսան ի վեշտասաներորդ դարու ի տախտակս երկրագրականս շէն եւ մարդաշատ երեւել: Խողեալ զայլ գիւցազն նաւագնացս, զմին եւեթյիշատակեսցուք, զանուանի ճանապարհորդն զՓերդինանդոս Մազեղան, որոյ քաջութեան ոգւով սրտապնդեալ, յամին 1519 շուրջ զգնդիւ երկրի ծագէ ի ծագ նաւարկէր, եւ անցեալ զհասարակածաւ, սահեալ վաղեալ զամբաւ ծովուք, որ ցայն-

ժամ անձանօթ կային, զխաղաղական ծով ընդ Ատաղանտիկոս ծովու մի առներ, որ մեծածիգ աշխարհօք անջատեալ կարծէին. եւ յիւր անուն կից կոչեր զկիրձն, որ զերկոսինն ի մի խառնէ: Ա արգեաց ընթացաւ ընդ յորձանական ծովս արեւմտեայս, եւ ինքն սպանեալ ի Մատան կղզւոջ, մին ի նաւուց նորա, որ Յաղթութիւնն յորջորջեցաւ, ի հինէ եւ ի յորձանաց պրծեալ ապրէր, գեր ի վերոյ անցեալ ըստ գլուխ Բարւոյ յուսոյ, յետուստ ուրեմն ողջամբ ի Սիւխղիա Հասանէր, յետ արդեամբք եւ Հաստատոթեամբ քննելոյ, թէ զինչ եւ որպիսի իցէ մեծանիստն եւ հրաշակերտ շինուած գնդիս այսորիկ, եւ բնակութիւն ամենայն որդոց մարդկան: Իսպաց զիարդ մարդթ իցէ մեզ ի սակաւ ճառս ամփոփել զանչափ անուանս երկրագրաց որ տարաշխարհ Հատին. զանց արասցուք եւ զնոքօք որ ժտեցին ընդ հիւսիսակողմն, յաշխարհն սառնապատ առագաստ ձգեալ նաւարկել: Իսաւիս, Հուգսոն, Բափիին անջինջ դրոշմեալ թողին զանուանս իւրեանց ի կողմանսն յայնոսիկ, եւ այլ եւս անուանի նաւորդք, մանաւանդ Անգղիացիք եւ Հողանդացիք, յայտ արարին թէ որչափ նորոգ գաշտք եւ ծածուկ վայրք բնակութեանց թագուցեալ կայցեն ի բեւեռական զաւառն, որ ամուլն եւ անգիւտ եւ անմատոյց կարծէին: Իսպաց մատիցուք յառաջ եւ ի վեշտասաներորդ դար:

Փոյթ եւ հոգաբարձութիւն ուսմանց, նախնեաց իրաց ուր եւ նորոգ տեղեկութիւնք որ օր ըստ օրէ յաճախէին, ետուն ի պէսպէս բարունակս զերկրագրութեան ուսումն բաժանել: Ասւիրականն, նախնեաց եւ արդի երկրագրութիւն, երկրագրութիւն համօրէն եւ երկրագրութիւն մասնաւոր, երկրագրութիւն աստեղագիտութեան, փիւսկեան, պատմական այլովքն Հանդերձ, յայնմ ժամանակի ի բաղում նշանաւոր մատենագրաց ճառեալ եւ պայծառացեալ լինէին: Քայնժամ բաղում երկրագիրք

եւ աշխարհագիրք պայծառանային։ Գերարդոս Մերկատոր, որ զհինն եւ զնոր երկրագրութիւն լուսաւորագոյն յօրինեաց, զգործս Պաղպմեայ ի պայծառութիւն ած։ Աբրահամ Արտեղիսոս, որ եղեւ ճշմարտիւ Ատղաս, եւ ի վերայ բաղմատեղեակ ուսոցն զնախնեացն եւ զարդի աշխարհս, զնուիրականն եւ զարտաքին երկրագրութիւն բարձեալ կրէր։ Ուսւիթէ յայնմ ժամանակի Բեղդիացիք իշխէին իմն յուսան երկրագրութեան։ Իղոյ, այլ նախանձու երկրագրութեան վառեալ, խորաքնին աստեղագէտ, որոյ ատղամն հոյակապ յոյժ եւ ընդարձակ եւ անչափ մեծատուն եղեւ, ոչ միայն զայլոց տեղեկութիւնսն ժաղովեաց եւ կարգեաց, այլ եւ զիւրսն եւս յաւել, զամենայն ճշգրտեաց եւ յարդարեաց, եւ եղիս նոր նոր գործիս եւ կաղմածս, եւ չեթողինչ զոր ոչ արար ի յառաջադէմ մատուցանել զերկրագրութիւն զորմէ խանդակաթն էր։ Իազմապատիկ յառաջադէմ խաղաց երկրագրութեան ուսումնառ Վուդովիկոսիւ Դժերորդիւ, յորժամ վարատականք արձակէին, եւ աստեղագիտութիւն եւ ուսուզութիւն եւ ամենայն իսկ ուսումն ծաղկեալ պայծառագոյն լինէր։ Անմահ յիշատակաց արժանի եւ առանց պատմելոյ են գործք եւ վաստակք եւ արժանիք Դըղիղայ յերկրագրութեան։ Աղդարեւ երկրագրութիւն զիւր ստոյդ յառաջադիմութիւն եւթնեւտաներորդ դարու պարտական է. յայնժամ սահմանեցաւ եւ ձեւ երկրի թէ զնդակերպ է Ճնշեալ ի բեւեռաց կողմանս, բազում աշխարհաց սահմանք եւ չափ ճշգրտեցան, եւ խսառութիւն իմն եւ հաւատիք ի բովանդակ ուսումն երկրագրութեան մուծան, յայնժամ եւ մեծատարած անդորր եւ խժական կողմանք հիւսիսոյ ի Ռուսաց քննեցան եւ եղեն ծանօթ, յայնժամ յաճախեցին եւ ճանապարհորդութիւնք եւ նաւազնացութիւն, ուր Կուկայն նաւազնացութեան զննութիւնք ոչ ինչ ընդհատ ի

Մազեղոնեայն նշանաւոր եւ շահաւետ եղեն երկրագրութեան, եւ ինքն անուանի եւ հռչակաւոր լինէր : Օպատիւ եւ զպարծանս Դրդիղայ ստացաւ եւ Անուփիդ : Յետ այնորիկ մինչեւ ցմեր ժամանակաբազում եղեն երկրագիրք եւ դրեթէ ամենեցուն մեծաց եւ փոքունց հասարակաց իմն եւ ընդելական է ուսումնա այս : Ամենայն երկրագրաց պսակ համարիցի Բաղրի երկրագիր հռչակաւոր ի մերում ժամանակի աստ, զոր բովանդակ աշխարհն Եւրոպացւոց առաջնորդ ի գիտութեանս յայսմիկ համարի : Օժամանակիս առաւելութիւն յերկրագրութեան ուսումնա յայտ առնիցեն նորին իսկ բանք, որ զմեղ, վասն այնչափ փութոյ եւ գիւտից եւ յառաջադիմութեանց, որ լինին ի ժամանակի աստ յայսմիկ յուսման երկրագրութեան, երանելիս կոչէ :

Ապաւ այնք են ի գիտութեանց, որոց երկրագրութիւն չիցէ կամ սպառուսպուռ կարեւոր, եւ կամ չիցէ ի լուսաւորութիւն : Ո՞ կարիցէ տեղեակ լինել պատմութեան առանց սորին օգնականութեան, զի զոր օրինակ ոչ պատահեն դէպք առանց տեղեաց եւ վայրաց, նոյնպէս եւ ոչ գիպացն կարիցէ ոք հմուտ լինել, առանց զվայրան ճանաչելոյ . եւ զոր օրինակ յիւրաքանչիւր անցս պարտ է գիտել, թէ ու եր որ գործեաց, նոյնգունակ արժան է գիտել, թէ ուր գործեցան : Եթէ չիցես տեղեակ թէ ուր իցեն թերմոպիւզիք ի զուր ընթեռնուցուս զՄարաթօնեան կոիւն Ղակեդեմոնացւոց . թէ չիցեն Արքեղք ծանօթ, Կուրտիսս ի մթան երեւեացի . եւ ոչ զԱկտիական յաղթութենէ լինէիր վստահ, եթէ չէիր խելամուտ հրուանդանին Ակտիայ . կամ զիարդ մարթ էր ումեք գիտել թէ ուր սպանաւ Ատտիզաս յԱյետիոսէ, եթէ չէր գիտակ կատաւզինեան դաշտաց : Ու ուղիղ ասիցի, թէպէտ եւ ասի իսկ առ հասարակ, թէ երկրագրութեան նորն պատուական է, հինն շարժէ ինչ : Օի այն պատուականութիւն

ըստ իւրաքանչիւր կարեւորութեան է, հինն՝ որ արդի զօրավարի չե յօդուտ, նա վեասակար իսկ է, այնմ՝ որ նախնեաց իրաց տեղեակ լինել կամիցի, կարեւոր է յոյժ։

Ո՞րչափ կարեւոր չեցէ երկրագրութիւն՝ բնական պատմութեան. զայս յայտնաբարբառ քարոզեցէն դիւտք նոր նոր ազգաց եւ կերպարանաց երեցունց թագաւորութեանց եւս բնական պատմութեան, եւ յայտնութիւնք ծածուկ ինչ բնութեանց անասնոց եւ տնկոց, եւ փոփոխմունք կամ ուղղութիւնք ի կարդս եւ ի բովանդակածս (système), որ ի յայտնելոյ նոր նոր կողմանց եւ աշխարհաց գործեցան եւ գործիցին։ Օ՞նոյն մարթ է ասել եւ զրժկական ճարտարութենէ, զնաւագնացութենէ, զմշակութենէ, այլովքն հանդերձ, յորոց ի պայծառութիւն եւ ի յառաջադիմութիւն կարի իսկ կարեւոր է ուսումնս այս։ Խսկ վասն վաճառականութեան եւ զինուորութեան արուեստի չէ իսկ հարկ ասել, թէ կարեւոր իցէ երկրագրութիւն, զի առաջինն ոչ միայն պահանջէ զայս ուսումն, այլ եւ մին իսկ ի կարեւորագոյն մասանց վաճառականութեան է։ Խսկ ի զինուորութեան ամենայն ինչ զսմանէ կախեալ կայ. արշաւել, ասպատակ գնել, բանակ հարկանել, զճակատ յարդարել, պաշարել, դարան գործել կամ ի դարանէ զերծանել յաջողութեամբ, զիւրաքանչիւր կողմանց եւ զվայրաց, զկրծից անդամ եւ զգետոց եւ զրլոց եւ զաւանաց ճշգրիտ տեղեկութիւն պահանջեն։

Ի՞այս ոչ սակաւ ինչ է եւ օգուտ սորա քան զկարեւորութիւն։ Ո՞րչափ ինչ կրթութիւն եւ տեղեկութիւն ուսանիցի ոք ի շըջելոյ ընդ աշխարհու ի տեսանելոյ զազգս, այնմ ամենայնի յերկրագրութենէ լինիցի տեղեակ. եւ եթէ ոչ այնշափ կատարեալ, վասն ոչ արդեամբք ականատես եւ զննիչ լինելոյ իրացն, սակայն օդտիւ առաւելագոյն, զի

Եւ ի վտանգաց՝ զոր այնչափ տարաշխարհս հատանելով մարթ էր կրել, զերծ մնայցէ, եւ ի բարոյից թիւրոց այնչափ աղջաց չզեղծանիցի, որպէս սովորիսկ է լինել բազում անգամ: Խայց կարեւոր օգուտ երկրագրութեան այն է, զի բանայ մարդոյ ասպարէզ անոդորը եւ լայնատարը խորհելոյ, եւ զմիտս յազնուականութիւն ամբառնայ: Յորժամ երկրագրութիւն յանդիման ածեալ ցուցանիցէ զբովանդակ գունդ երկրի, զցամաք մեծանիստ եւ զծով լայնատարած, զպէսպէս աշխարհս եւ զթագաւորութիւնս, զայնչափ անչափ թիւ համարոյ քաղաքաց եւ աւանաց, զհոծ բազմութիւն մարդկան, զբարս, զսովորութիւնս եւ զարարս նոցա, զյածել մարդկան ընդ ծով եւ ընդ ցամաք, զտուրեւառիկ փոփոխմունս, յորժամ տացէ նկատել եւ զիւրաքանչիւր ուրուք վայր բնակութեան, զի իբրեւ զցցատեղի մի է առ այնչափ երկրին համեմատութեամբ, եւ պատմիցէ զմեծամեծ զարմանալեաց բնութեան եւ զիւրաց չքնաղից, յայտ է թէ ընդարձակէ իմն եւ անդորրացուցանէ զմիտս յիմանալ եւ ի միտառնուլ թէ որչափ կարգօք եւ օրինօք, որպիսի հնարագիտութեամբք, քանի անբաւ ջանիւք վարին մարդիկ, եւ տացէ այնուիկ փոխանակ չնչենոց եւ գուզնաքէից, զմեծամեծ իրաց խորհել, եւ լինել մեծանձն եւ գործօն: Այն այս ոգի գործօն է որ ի մէջ հին աղջաց զեգիպտացիս, զՓիւնիկեցիս, զՅոյնս եւ զՀռոմայեցիս արար անուանի իմաստութեամբ եւ աշխարհակալութեամբ: Այն ոգի էր որ թելագրեաց աշխարհակալաց անուանեաց զարս նշանաւորս հմուտս երկրագիր ճարտարութեան ընդիւրեանս շրջեցուցանել, որպէս Աեսոստրիսն, Աղեքսանդրոս եւ Կապողէօն:

Այթէ յօդտակարութիւն անդը եւ զհեշտականութիւն այսր ուսման յաւելուցումք, ոչ սակաւ առաւելուցու սորին պատուականութիւն: Այս ինչ

եւելթ շատ լիցի ասել թէ բաց ի պատմութենէ
չիք ուսումն որ այնպէս զուարձացուցանիցէ որպէս
երկրագրութիւն։ Օ՞ր ուրախութիւն ոչ զգայցէ ոք
յորժամ վաղվաղակի յական թօթափել ընդ աշ-
խարհս այլալեզուս օտարածինս ի միմեանց եկեալ
զանձն տեսանիցէ։ Որ բնակիչն էր ափանց Պըռ-
պոնտիս ծովու, միով վաղիւք ընդ Հեղեսպոնտոս
անցեալ շրջեցի ընդ Ասիական աշխարհն, անցեալ
զհայովք, զՄարաց աշխարհաւ, հասանիցէ ցեղը Ավ-
կիանոս ծովուն, եւ անտի զհնդկաց եւ զՊարսից
ծոցովք։ Անապատք Արաբացւոց եւ Ղերէացւոց
մերկանայցին առաջի նորա։ Կամ յորժամ առանց
նաւագնաց լինելոյ զԱտղանտիկոս ծով հատեալ
հասանիցէ ի նոր աշխարհ։ Հազիւ զարմացեալ ընդ
յորձանս գետոյն Ամազոնաց մինչ գեռ ընդ սահանս
անդնդապտոյտս նայիցի, անդէն վաղվաղակի տե-
սանիցէ զանձն ի սառնասառոյց եւ ի ձիւնախա-
ղալ կողմն հարաւոյ փոխեալ, սրտաբախ սրտա-
թունդ լեալ անցանիցէ ընդ Մագեղանեան ճանա-
պարհն եւ զերկերիւր ժամուց գնաց տեղի, ընդ
վէմն, ընդ շրջանս յորձանախորս, ընդ խութս եւ
ընդ ծանծաղս, ի միում վայրկեան ժամանակի հա-
տանիցէ։ Խթէ ընդ տեսիլս զարմանալեաց բնութեան
այսպէս հիանայցէ, զոր զարմանս ոչ զարմանայցէ ընդ
ձեռակերտս ճարտարութեան մարդկան։ Օչքնաղ
չքնաղ հրաշակերտս արուեստից ի տեսիլ ածեալ
ցուցանիցէ նմա հնարագէտ աշխարհն Եւրոպացւոց։
Վաղաքք շէնք, զարդարեալք շէնուածովք, դպրոցք
եւ գիււանք հոյակապք աղգիազգի ուսմանց, ժողովք
նորանշան գործուածոց եւ արուեստից եւ բնութեան,
գիւտք չքնաղք եւ արուեստանոցք ճարտարութեանց
անհամարլք բազմութեամբ, ձեռագէտ մարդիկ անդա-
դարլք ի գործ վաստակոց ամենայն ուրեք պատահիցեն
նմա, եւ այն ոչ միակերպ այլ կարի իսկ այլագունակ
եւ նորակերտ նորանշան յիւրաքանչիւր քաղաքս։

ՕՂոնդինոն, զՊարիս, զՎիեննա, զՀռոմ, զՊերողին,
զՊետրոպոլիս եւ զայլեւո մայր քաղաքս անուանի
թագաւորութեանց իբրեւ զմի մի աշխարհս լցեալս
անբաւ մեծութեամբք եւ սքանչելեզք համարիցի:

Աւասիկ յանդ հանաք զճառս համօրէն գեղեցիկ ուսմանց, այժմ կայ մնայ մեզ ի դաշտ անդր գիտութեանց միջամուխս լինել. բայց նախ տեսցուք թէ որ յօժարութիւն իցէ արդի ժամանակաց ընդ գեղեցիկ ուսմունս: Աէ մարթ հաւանել ընդ ոմանց տրտունջ թէ այնչափ օճան շնորհիցի ի սմին դարու մաժեմատիկական եւ փիւսկեան գիտութեանց, վնասուք դեղեցիկ ուսմանց: Աշ ոչ զմտաւ ածել մարթէ թէ ի վերայ աւերակաց սոցին կանդնել գահ գիտութեանց կամք իցեն. եւ ոչ մարթէ է զայն բիծ դնել ի վերայ փիսիկական ուսման եւ ուսողութեան, թէ բռնաւորական ամբարտաւանութեամբ յընկերահաշտութեան անդ ուսմանց յատուկ իշխել կամիցին: Բովանդակ Եւրոպա ոչ սակաւ ախորժ հաճութեամբ յառեալ հայի ընդ վիպասանս, ընդ պատմագիրս, ընդ ճարտարախօսս եւ ընդ այլ ճարտարս, որ հանապազ յառաւելագոյն պայծառութիւն գեղեցիկ ուսմանց նպաստ լինիցին, քան ընդ ուսուզս եւ ընդ փիւսկեանս անուանիս, որ ի խորագոյն հաշիւս եւ ի դաղտնի զննութիւնս ընկղմեալ միացին: Խճրեւու աւելագոյն եւ յիրաւի քանքատել զանցեալ եւ զմօտաւոր դարուց ճշդագոյն գիտութիւնք կարիցեն, յորժամ զզուարթական եւ զմեծաբարբառն դոփիւն եւ զկայթիւն որ գեղեցկութեան խօսից շնորհիցին, կշռեալ համեմատեսցեն ընդ խուլ եւ ընդ համբ հաճութեանց որ խորութեան զննութեանցն նոցա մատուցանին: Ապա ի զուր է քանքատեն եւ կոչել արհամարհուտ գեղեցիկ ուսմանց զժամանակս մեր վասն տարապայման զգիտութիւնս սիրելոյ:

Փիղիսոփայական ոգի այսր դարու, արդարեւ անխստիր, նա մանաւանդ տաղտկութեամբ հայի ընդ

յուրա ոք եւ ընդ անհամ վիպագործ, ընդ սնոտի շաղակրատ եւ ընդ դաստիարակ ոք սնապարծ բայց ինքն գլխովին է առաջին ի մատուցանել զդափինին եւ պսակել զծմարիտ պւետո, եւ զմատենագիրս բանա իրունս, եւ կամաւ պատաղի ի յօրինել անմահ անդրիս մեծաջան եւ մեծաշահ հմուտ ճարտարաց նախնեաց իրաց, որ իւրեանց պայծառացուցիչ խուզ զիւք զպատմութիւն եւ զամենայն գիտութիւնս մեծացուցանել գիտիցեն: Մուսայքն ինունք, որպէս զնոցանէ նախնիքն բազմատեղեակք կցկցեն, ամենեքին քորք են, որոց ի միասին մշակեալ զհեշտական բարձունս հովասուն Պառնասայ, ի կատարեալ միաբանութեան ընդ միմեանս կեան, եւ բնաւքն ի մտերմագոյն հաւասարութեան վայելեն զհասարակացն օճան, որ պատուականագոյն բաժին օժտից նոցա է: Եշ որպէս ոմանք ի գիտնոց միտ եղին, ոչ ի Յոյնս, ոչ ի Հռոմայեցիս եւ ոչ յայլում իմիք ազգի երբեք հերձուած ի մէջ գիտութեանց եւ գեղեցիկ դպրութեանց եմուտ, եւ թէ առանց լուծանելոյ լինելոց են կապանքն, որ զնոսա միշտ միացեալս համամիտս ունիցին:

Բայց յիրաւի եւ յարժանի մարթ է քանիքատել ընդ կարի իմն խնամութիւն եւ ընդ անշափն վարել երկոյունց կողմանց գրադիտութեան ընդ միմեանս, գիտութեանց ասեմ եւ գեղեցիկ ուսմանց: Օք զոր օրինակ ի նիւթս գիտութեանց զզարդո գեղեցիկ ուսմանց առաւելութեամբ յաճախել, մարթի վնաս ճշդութեանն եւ արդարագոյն խստութեան գիտութեանց առնել, նոյնպէս վնաս մեծ է վայելութեան գեղեցիկ ուսմանց առնուլ դնել յայտարարութիւնս երկրաշափականս, եւ բարբառս ուսմանց. եւ ի գովեստս, յարձակ ճառս եւ ի վիպասանութիւն իսկ անդր անցուցանել բազում բանս, որ ուսողութեան, փիւսկեան եւ քիմիական ուսման եւ այլոց եւս գիտութեանց սեպհական իցեն:

Մ Ե Ս Ն Ե Ր Կ Բ Ո Ր Դ

ԳԻՏՈՒԹՅՈՒՆՆԵՐ

ՔԵՄՆԻ պրանչելի եւ աղնուական եւ էր տեսիլ նշաւակին զոր գեղեցիկ ուսմունք յանդիման կացուցին մեզ, որչափ կարեւոր եւ շահաւետ եւ էին փոփոխմունքն եւ յառաջադիմութիւն զորս ի նոսայն նշմարեցաք, չեր եւ ոչ մին յայնց բաւական ի պնդել զմիտու, եւ հասունս եւ մտավարժութեան: Օք եւ ոչ մին ի գեղեցիկ ուսմանց ի խելամտութեանց անտի յայնցանէ է, որոց սպասաւորութիւն, նաև հրաւիրանք իմն են ճարակ հանճարոյ եւ մտայն յագուրդ շնորհել: Գեղեցիկ ուսմունք ասպարեզ են ուր պարտ եւ պատշաճ է ի հրահանդս անցանել եւ թեքել, եթէ ի կետ անդր՝ որ գիտութեանցն հաստատութիւն է, դէպուղիղ ընթանալ կամք ուրուք իցեն: Գեղեցիկ դպրութիւնք թէպէտ եւ աղատք են, սակայն արբանեակք են եւ բարեկիրք մեծափառն գիտութեանց, եւ նոցա իբրեւ հրամանատուաց ի սպասու հնազանդութեան կան: «Իպիր եւ վիպասան, ճարտարախօս եւ պատմադիր թնդ կորզիցեն յարգանս եւ գովութիւնս եւ կայթիւնս իւրեանց զուարթն հեշտականութեամբ, պարտին խոստավան լինել թէ եթէ սկիզբն իւրեանց ոչ, սակայն կարգ եւ յօրինումն եւ բովանդակութիւնքաջ ի գիտութեանց հաստատութենէ կազմեալ յարդարեալ եւ կայ: Ե՞րբ մարթացան գեղեցիկ ուսմունք զմեծաշուք յորջորջումն ուսման ժառանդել, բայց յորժամ սկիզբն առին խելամտութիւնք գիտութեանց ի ծննդական ծոցոյ բնութեան մեղմով եւ ոտնիթի գալ եւ երեւել:

Այլ ոչ միայն կարգ եւ յօրինուած նոցա, այլ եւ բովանդակ նիւթ մեծութեանցն նոցա յան-

բաւ շտեմարանաց եւ ի գանձուց մթերածոյից գիտութեանց է։ Ա կապասանութիւն, ճարտարախօսութիւն, այլովքն հանդերձ, ուստի իւրեանց յօրինուածոյն ատաղձս ի պատրաստութիւն եւ ի կաղմած ժողովիցեն, եթէ ոչ ի գիտութիւնս միջամուսլինիցին, ի նոցին խորհրդոց խրառս թելադրութեանց ընդունիցին, եւ գոդ ի նոցա ծոց զանձինս պարարիցեն։ Պատմութիւն, անյազն եւ ամենակուլ, զիարդ կարօղ իցէ սին եւ ունայն եւ ոյծ պատահարօք յագենալ եւ մեծատուն երեւել, եթէ ոչ յանդորրն համատարած ովկիանոս խելամտութեանց սահեալ ասպատակիցէ, եւ յանզըսւ մթերիցն ինչ անձին գողանայցէ։ Արդարեւ չեն ճարտար եւ խորագէտ գեղեցիկ ուսմունք, եթէ չգիտիցեն ստէպ անդիւն հատանել եւ զերծանել ինչ ի գիտութեանց, որոց պակասէ ինչ ոչ։

Եթէ գիտութիւնք, իւրաքանչիւր յիւրում միահեծան իշխանութեան, այնպէս զմիմեանց կախին եւ զմիմեամբք գիրկընդխառն են, մանաւանդթէ կարօտ իսկ իրերօք են, որչափ եւս առաւել զայն զգեղեցիկ ուսմանց ասել արժան իցէ, թէ առանձին իմն աղերս եւ նայեցած է նոցա ի գիտութիւնս անդր։ Յայտնի իսկ է թէ փիղիսովայութիւն դայեակ եւ սնուցիչ է զուարձալից ուսմանց, որոց բովանդակ իսկ ջամբ ի նմանէ է։ Ի՞նդ ուսողութիւն, ընդ հատուն եւ ընդ ճշգրիտ, չէ մարթհայել, առանց զսկիզբն ամենայն ճշգութեան եւ սաստկութեան գեղեցիկ ուսմանց ի նմին նշմարելոյ, իսկ փիւսկեան գիտութիւն եւ բնական պատմութիւն զի՞նչ այլ ինչ իցեն եթէ ոչ պահեստք նոցա, եւ իրաւանց, օրինաց, բարոյից ուսմունք զի՞նչ, բայց հաստատութիւն եւ նեցուկ, նա՛ լեզու եւ ոսն իսկ գեղեցիկ ուսմանց, առանց որոց ոչ խօսել եւ ոչ զնալ հնար իցէ ոգւոց գեղեցկաց։ Ապա յիրաւի արժան իցէ մուսայից եւ Ապողոնի, ոչ միայն

զառաջին պարծանսն՝ դստերն Արտմաղղայ շնորհել,
այլ եւ նոմին իբրեւ տիկնոջ սպաս հարկանել եւ զնո-
րին զերախտաւորն եւ զանմահ ճակատ պասկել:

Ի՞սկ խելամուտ լինել գիտութեանցն պա-
տուականութեան եւ մեծարանաց առաւել ի նոցին
արդեանց եւ յարբանեկութենէ մարթիմք: Գեղե-
ցիկ ուսմունք, թէ շատ, զցնորս եւ զյիշտակս
կըթել բաւականք իցեն. զի՞նչ այն ուրեմն իցէ որ
զմիտան կանգնիցէ եւ յակաստանի ունիցի: Այս
այս աւասիկ է սպաս պաշտաման գիտութեանց:
Չէ մարթ զփիղխոփայութենէ, զուսոզութենէ, զփի-
սիկական գիտութենէ, զբնական պատմութենէ, զփ-
բաւանց, այլովքն հանգերձ, զմտաւ ածել, առանց
վաղվաղակի զպնդութենէ խորհրդոյ, զհաստատու-
թենէ պատճառաց, զընտրութենէ տեսլեանց, զճշ-
գրտութենէ ճանաչելոյ, զողջմտութենէ եւ զիրաւա-
ցիկ զլաւիմաց մտաց միանգամայն խորհելոյ. զի այս
ամենայն պարգեւք եւ ձիր են գիտութեանցն խե-
լամտութեան, զորոց մէն մի՛ իւրաքանչիւր ի նո-
ցանէ ի նիւթոյն եւ ի կատարածէ՝ յոր ուշն եղեալ
իցէ հասանել, մտաց մերոց նպաստ լինիցի: Ապա
գաստիարակ են գիտութիւնք մտաց եւ մտրակ հան-
ճարոյ եւ սանձ ուղղութեան ոգւոց խորհելեաց: Ա-
պա եթէ ի կենաց եւ ի քաղաքի իրս ոք միտ եղեալ
նայիցի, դարձեալ նոր իմն սպասաւորութիւն, մա-
նաւանդ թէ պաշտպանութիւն եւ սստիկանութիւն
իմն գիտութեանց ի վերայ մարդկան տեսանիցէ:
Ամենայն փոփոխմունք եւ ազնուագոյն լինել կեր-
պարանաց առաջնորդութեան, զինուորութեան, վա-
ճառականութեան, հնարագիտութեան, նա եւ բա-
րոյից իսկ եւ սովորութեան ի գիտութեանցն կեր-
պարանաց եւ ի կարգաց առնին: Այս ամենայն
գայցէ յայտ ի գիտութեանցն պատմութենէ:

Արդարեւ չեք իսկ այնպէս պայծառագոյն յի-
շատակ յուշարար բարձրութեան, եւ զրեթէ առ-

տուածեղէն իմն լինելոյ մարդկեղէն մոտաց , որպէս
նկարագիր եւ պատմութիւն գիտութեանց : Օքը
տեսիլ զուարձութեան ոչ յանդիման կայուցանիցէ
այնչափ ազգի ազգի փոխումանց ընծայութիւն :
Յորժամ յանկարծ տեսանիցեմք յանդիման առաջի
աչաց մերոց զմեծանխատն շնուած ամենայն գիտու-
թեանց ի փոքր եւ ի զաղիբաղփուն հիմանց վե-
րացեալ բարձրացեալ , որ ի սակաւ ժամանակի ա-
ճիցեն , այլք հազիւ ծնեալ իցեն եւ անդէն ի մո-
ռացումն անկանիցին եւ ոչ կանգնեցին , բայց յետ
բազում դարուց . ի դոյզն եւ ի թեթեւադոյն սկզբանց
փութանակի մեծամեծ յայտնութիւնք ի վեր երեւի-
ցին , եւ նմին հակառակ բերրի եւ աղնուական
ճշմարտութիւնք երկայնաձիգ ժամանակս ամուլ եւ
դատարկ կայցեն մեայցեն : Դարձեալ յորժամ տե-
սանիցեմք թէ զիարդ ազգ.ք ասիական.ք հարուստ
ժամանակս զսերմանս գիտութեանց ունեին , իսկ
պտուղս սակաւ յոյժ բերեին . այլ Յոյնք նոցին հա-
կառակ՝ դրդեալք յընդվայրախոյզ մոտաց , ընթանան
յազդս օտարածինս եւ այլալեզուս զի նոյտ խելա-
մութեանցն հանդամանաց հասու գտանիցին , եւ
հազիւ վարկարազի իմն տեղեկութիւնս առեալ ,
անդէն իւրեանց մոտացն ջանիւք եւ առանձինն գի-
տաւորութեամբ խելամտութիւնս կատարեալս յօրի-
նեին եւ վարդապետք համաշխարհի լինեին , մինչ
գրեթէ համօրէն երկիր արտաքոյ Յունաց աշխար-
հին , անհանձար , մտակորոյս , ի դատարկութիւն
հատեալ , ոչ ինչ զայնպիսի գիտութիւնս յառաջ
մատուցանելոյ կամ նոցին զգուշանալոյ ինսամ ուներ :
Աամ թէ զիարդ ի խորոց անտի Ասիացւոյ աշխար-
հին , ի միջոյ անազորոնութեան եւ խակութեան
յառնէ ազգ մի խուժ եւ բարբարոս , որ միւսան-
գամ տայ խելամտութեանցն Յունաց ծնանել եւ ի
լոյս դալ , զնոսին յառաջ մատուցանէ , որոց այնու-
հետեւ Եւրոպացիք պահակափոխ լինեին , որ այնչափ

ամս յանհոգ յուլութիւն հատեալ կային, եւ այնպէս ջերմաջերմ զնոքիմբք գիրկընդիսուն լինէին, զի ի սակաւ ամաց անջրափետութեան այնչափ ստուարացուցեալ աճեցուցանէին, որչափ չէր նոցա ընդանբաւ ժամանակս ի Յունաց, յԱրաբացւոց եւ յամենայն համաշխարհական աղգաց յառաջադէմ մատուցեալ։ Այս ամենայն փոփոխմունք եւ այլակերպութիւնք առն փիզիոփոփոփի թատր իմն հեշտականութեան եւ խրատու յօրինեալ կազմեն, զորոց զնկարագիր համառօտիւք ի մասինս յայսմիկ յօրինեցուք։

Ե. Գ Լ Ո Ւ Խ

Ո Ւ Ս Ո Ղ Ո Ւ Թ Ւ Ւ Ն

Օնկըրսդիմ այնպիսի ուսման յօրինել առաջի կայմեզ, զորոյ զտէրութիւն եւ զիշխանութիւն ի վերայ բազում եւ հաստատուն գիտութեանց, վասն մեծածիգ սահմանացն եւ անխախուտ հրամանաց զոր ի վերայնոցա ի կիր արկանէ, յիրաւի ճանաչել պարտ իցէ։ **Օ**ռուսութենէ (mathématiques) են ճառքս, որոյ զօրութիւն եւ աղգեցութիւն առանձինն՝ ի միտս եւ ի պէտս մարդոյ այնչափ է, որչափ թերեւս բազում գիտութեանց խելամտութիւն միանդամայն չիցէ։ **Ո**ւսողութիւն մայր իմն յանսպառս ծննդական է, որ ոչ միայն առոյգ եւ հարուստ գիտութեանց լինել եւ ծնանել ետ, այլ եւ մշտնջենաւոր իմն սնունդ եւ գարման նոցա հանապաղ սովոր կատարի։ Արդարեւ գիտութիւնս այս ձեռն իմն է որ կարկառեալ զննէ զանձն բնութեան, եւ ձգեալ ընդարձակի ցոր վայր նայն հասանիցէ։ «Բանիօնութիւն» որ զհամար եւ զտարածութիւն բովանդակէ, քանիօնուա-

թիւն՝ որ գողցես առակ օրինակի իմն եւ պատկեր է այնր որ անեղըն եւ անսահման է, միանդամյն իսկ քանիօնութիւն՝ որ դարան եւ շտեմարան ծածկութեանց է, յորմէ այնչափ յայտնութիւնք ծալածոյք պարզին քակին օրբստօրէ, եւ քրքրեն եւ կրկտեն զբնութիւն, որ զանձն անձամբ իւրով պատառեալ տաճարակողոպուտ իմն անօրէնութիւն համարի, եւ չշանդուրժէ թէ զնա հանապազախոյն հանձար, յանդուգն եւ խորագէտ հետահան հոլանեալ յայտնիցէ եւ նկատիցէ, քանիօնութիւն ասեմ՝ որ այսպէս հարուստն եւ տիրող է, ոչ յայլոյ իրիք ձեռն մեզ մուտ յիւր ինքն գլխովին գտանել խոստանայ, որպէս ի ձեռն աւագամեծարն ուսողութեան։

Ապա միջնորդ իմն ի մէջ բնութեան եւ հանճարոյ իցէ ուսողութիւն. առանց ուսողութեան ոչ նա սմայայտնիցի, եւ ոչ ոտ զնայն ծանիցէ։ Եւ եթէ արժան իցէ այլասացիկ բանիւք վարել, կամուրջ իմն յիրաւի կոչեցեմք զուսողութիւն ի մէջ երկոցունցն վասն ի մի յօդեալ խառնելոյ զերկոսին, որ հանապազ զոյդ եւ հաւասար գնացիւք ընթանան, նա ի խոյսն տալ եւ խուսափել, եւ սա ի հետամուտն լինել եւ ի կիրթ անկանել։ Օն առ այժմ ածցուք դամ մի զմիտս զսորին մեծանիստն սահմանաւ, եւ ոչ միայն զանդորր ընդարձակութիւն տէրութեան նորա նկատեսցուք, այլ եւ զհամատարած եւ զերկայնածիգ պատահարս, որ զսորին պատմութիւն ի պէսպէս երանդոս գունոց զարդարիցէն, յայտնի եւ դուշակաւոր բանիւք ի միտ առցուք։

Ուսողութիւն այն գիտութիւն է, որ զհանգամանս քանիօնութեան (quantité) ուսուցանիցէ։ Իայց ուսողութիւն երկոքումք օրինակօք զքանիօնութեամբ գայ. Նախ զնորին հանդամանս ի բաց ի նիւթոյ պարզելով, եւ ոչ ինչ ի թանձրութիւն անդք նիւթոյ եւ կերպարանաց յարելով, զնոսին ընծայութեամբ գիտութեան յանդիման կացուցանէ։

Երկրորդ անգամ զնորին զքանիօնութեան հանդաւմանս ընդ հանդիսիւ փորձոյ արկանէ։ Ինէ զիարդ կամ որպէս քանիօնութիւն յայտ դայցէ եւ ընդ արդեամբ խորհելոյ, այս ինքն է ընդ համեմատութեամբ եւ ընդ միաւորութեամբ կամ ընդ բաժանմամբ անկանիցի, զայն փիղիսովայութիւն մարթի ցուցանել ուսողութեան։ Բայց զքանիօնութիւն ընդ արդեամբ խորհելոյ արկանել կատարած իսկ եւ կէտ ուսողութեան է։

Ա. Եթէ զյանդիմանակաց ուսողութեան ուսման նկատիցեմք, յայնժամ յերկուս մասունս բաժանեալ զուսումնս զայս տեսանիցեմք, այս ինքն է Ա. ի համարողութեան խելամտութիւն եւ Բ. ի ճարտարութիւն երկրաչափութեան։ Ա. Համարողութիւն (arithmétique), որ հասարակաց իմն եւ համօրէն ուսումն քանիօնութեան է, եւ լուծումն (analyse) եւս անուանեալ կոչի, առհասարակ զքանիօնութեանց ճառէ, իբրեւ ժողովս իմն մասանց համազգեաց զնոսին նկատեալ, եւ ամենեւմն չհայի ինչ ընդ յօրինուած եւ ընդ արարս մասանցն այնոցիկ որոց ի մի վայր եկեալ զմի ինչ ողջոյն յօրինեալ իցէ։ Ապա համարողութիւն միայն հանգամանաց քանիօնութեան չափոց (quantum) միտ դնէ։ Խսկ Բ. Երկրաչափութեան ճարտարութիւն զքանիօնութիւնս յանջրպետութեան (espace) զմտաւ ածէ, եւ թէ զիարդ կամ յորպիսի՛ կերպարանս մասունք համազգիք՝ որ ընդ իրեարս կցեալ եւ յարեալ են, կազմեալ կայցեն, զայն քննէ։ բայց ընդ հանդամանս չափոց յորս քանիօնութիւն իբրեւ սեպհականութիւն կացցէ, չհայի ինչ, նմին իրի իսկ ուրդյն կամ մասնաւոր ուսումն քանիօնութեան անուանեալ կոչի։

Բ. Եթէ այնպէս նկատիցեմք զուսողութիւն, թէ ցո՞ր վայր արդեւք ձգեալ տարածիցին խցզք քննութեանցն իւրոց, յայնժամ Ա. ի խոնարհա-

գոյն եւ Բ. ի բարձրագոյն զնա բաժանեալ դտանեմք : Ա. Խոնարհագոյնն ուսողութիւն վասն իւրոց սեպհական զնացից ընդ սահմանաւ ամփափեալ կայ, բայց չեն սահմանքն ետեղակալք առանց խախտելոց : Խոկ Բ. բարձրագոյնն ուսողութիւն անտի սկիզբն առնել յառաջադէմ խաղալ, ուր նայն զտեղի առնուցու, եւ հնարս ինչ ճարտարութեան ի կիր արկանէ, որովք զսահմանս իւրոց քննութեանցն յանբաւ եւ յանյաւ ձգիցէ: Ի՞սոյց անյայտն եւ առանց հաստատութեան լինել սահմանաց խոնարհագոյն եւ բարձրագոյն ուսողութեան ի համարողութեան միայն է. զի յերկրաչափութեան խելամտութեան եզր սահմանին որոշեալ եւ կացուցեալ է:

Գ. Ապա եթէ զնկատութիւն (théorie) եւ զպէտս կամ զարդիւնս ուսողութեան նկատիցէ ոք, յայնժամ տեսանիցէ զուսումն ուսողութեան ի սուրբ (purg) եւ ի մերձեցուցեալ (appliqué) կամ ի նկատութեան (théorétique) եւ արգեանց (pratique): Ա. Առւրբն ուսողութիւն զքանիօնութեանց հանգամանս առանձինն համօրէն քննէ, եւ չհայի ինչ թէ որպիսի կամ որդունակ իրքն իցեն, յորս քանիօնութիւնն կռուեալ կայ, եւ ի պէսպէս մասունս հասանի եւ յազգի ազգի բաժինս կոտորի. նախ ի համօրէն ուսումն քանիօնութեան, որ համարողութիւնն իսկ է, լայն եւ ընդարձակ զմիտս բանիցն իմացեալ. երկրորդ անգամ՝ յՈւրոյն ուսումն քանիօնութեան, որ է երկրաչափութիւն, որոյ հիմն հաստատութեան առաջինն է: Երրորդ արգասիք համարողութեան եւ երկրաչափութեան է Երեքանկիւնաչափութիւն (trigonométrie), կամ ուսումն այն՝ որ յերից մասանց յայտնեաց, որ վերեքանկիւնի ինչ սահմանեալ որոշեն, զմնացելոց մասանցն հանգամանս ի ձեռն հաշուոց տայ գտանել: Երեքանկիւնաչափութիւն բաժանի ի հարթ եւ ի գնդաձեւ: Բ.

Խոկ ուսողութիւն որ Մերձեցուցեալն յորջորջի, զի նկատութեան կանոնք յարդիւնս գործոց նիւթոյն մերձենեան, բովանդակէ, ա. զշամարտղութիւն արդեանց, բ. զԵրկրաշափութիւն արդեանց, զշանդամանս զերկիր բաժանելոյ կամ զգաշտու չափելոյ ուսման, գ. զՓիւսկեան-մաթեմատիկեան ուսմունս, որ բովանդակեն 1. զՄենքենական ուսմունս, 2. զՈւսմունս տեսանելոյ, որ զՇանդամանս լուսոյ եւ տեսութեան-ուսուցանեն, 3. զԱստեղագիտութեան խելամտութիւնս, 4. զՃարտարապետութեան ուսմունս:

Դ. Խոկ եթէ ի պայման անդր կամ ի հնարսն՝ որով ուսուցանէ ուսողութիւն, միտ զնիցեմք, տեսանեմք զի ուսումնս այս բաժանի Ա. ի Յօդելոյ (synthétique) եւ Բ. ի Լուծանելոյ (analytique): Ա. Յօդելոյն պայման ի պարզականաց ի յօդուածոյս անցանէ. ոչ զայն ինչ ցուցանէ թէ զիսարդ զլուխքն (thèse) կամ առակք գտեալ իցեն, այլ ի յայտնի եւ ի գուշակաւոր ճշմարտութեանց զնոցին արժանս եւ զզօրութիւն յայտ առնէ: Խոկ լուծանելոյն պայման ի յօդուածոյից ի պարզականս անդր խաղայ յառաջ, եւ զճանապարհ գիտիցն յայտյանդիման ցուցանէ: Վ երջին Բ. պայմանն որ է պայման լուծանելոյ ի բարձրագոյն ուսողութեան առ հասարակ ի կիր արկանի, նմին իրի իսկ նոյն մասն առաւելութեամբ լուծումն անուանեալ կոչի:

ՊԱՏՄՈՒԹԻՒՆ. Վանի' այլակերպ է տեսիլն զոր ընծայեցուցանէ մեզ պատմութիւն ուսողութեան ի պատմութենէ անտի այլոց գիտութեանց: Յայլ գիտութիւնս տեսանեմք զի ստեպ ստեպ գնել զրել եւ բովանդակածք ծնանին, կարծիք փոփոխին, մուլրութիւնք զմոլորութիւնս փոխանակեն. միայն դուն ուրեք եւ անօսր քաղի աներկայական ինչ ճշմարտութիւն: Բայց յուսողութեան ուսման խաղան գնան միտք մարդկեղէնք արձակ արձակ եւ յապա-

հովու, թէպէտ յամը, թէպէտ արագ, սակայն յառաջադէմ մատչին ի միոջէ ի մեւս եւս այլ դիւտ, եւ ցանկ զփորձ առնուն զանխոնջ իմն հաճութեան նոր նոր ծածկութիւնս բանալոյ: Չիք դիտութիւն յորում այնպէս սակաւագոյն եւ նուաղագոյն իցէ վրիպել եւ շանալ հանձարոյ. չիք դիտութիւն յորում այնչափ բարձրական ճշմարտութիւնք յայտ եկեալ ծագիցեն, որպէս ի սմին յայսմ ուսման. եւ ոչ այլ ուրեք այնպէս պսակեալ տեսանի հանձար մարդկեղէն, որպէս յընթանալի մեծատարած դաշտս ուսողութեանն: Ուերեւս այս յառաջագահ պարծանք, ոոյն յատակութիւն եւ անարատութիւն ի մոլորութենէ, դոյն ընդունելութիւն աղդողագոյն եւ մեծապայծառ ընծայութեանց, նոյն մեծամեծ ստուգութիւն եւ յայտնութիւն ետուն ուսմանս այսմիկ կոչել ուսողութիւն, վասն զատուցանելոյ յայլոց գիտութեանց. եթէ չիցեն մեզ կամք ասել, եթէ այս անուն պատշաճեցաւ սմա վասն այնորիկ՝ զի կանչիագոյն քան զամնայն ուսմանս ուսուցանեին զայն ի գործոցս, վասն որոյ եւ ի Պղատոնէ կոչեր Առաջին խրատ, եւ ի Քսենոկրատեայ՝ Ունին Փիղիսոսփայութեան. մինչեւ ի Պիւթագորայ ուսումն անուան արժանի եղեւ:

Եթէ երկոքին սիմք յորս Յովսեպոս Եբրայեցի ասէ, թէ որդիք Աեթայ զաստեղագիտութեան տեղեկութիւնսն դրոշմէին, ունէին ինչ հաւաստիս, եթէ վաւերական ինչ մարթ էր զենովքայ մատեանն համարել, կամ դոնեայ ի հին ինչ յիշատակարանաց դոյր մարթ հաստատելոյ զՅովսեպայ աւանդութիւնն թէ Ենովք եղեւ զտակ աստեղագիտութեան ճարտարութեան, յայնժամ պարտ էր ասել թէ եւ յառաջ իսկ քան զջրհեղեղ ջուրցն եղեւ սկիզբն ուսողութեան: Իայց քանզի աւանդութիւնք երկարական բարտարութեան, յայնժամ պարտի պատի զբոյցք երկարականք բազում անգամ առասպելք եւ մնութի զբոյցք են, ի զուր է առ նոսա երկայ-

նագոյն գեղերել: Եւ ոչ ի բանս բայզեայ կարօղ իցեմք վատահ լինել, որ իւրով հրապուրիչ եւ թրթրակլեզուի ճարտարութեամբ առեալ ածէ զմեզ յո՛ եւ նմա կամք իցեն, որ մերթ ի սառնապատ դաւառս հիւսիսոյ տայ ընթանալ առ ի զծագումն դիտութեանց հետազոտելոյ, եւ մերթ տայ գեղերել ի զուարձալի ափունս գանգէս գետոյ, ուր զնուցունց հետս կանխագոյնս նշմարիցեմք: Ուստի եւ է ուրեք զի զմտացածին զհնագոյն ազգն ատղանադիտական դտակ մաթեմատիկական ուսման դնէ, եւ է զի զշնգիկս այնմ պատուոյ արժանիս ջանայ հնարի կացուցանել: Ի՞այց եթէ գոյր ինչ եւս Հնդկաց ուսողութեան խելամտութիւն, այն յօդուտ ինչ կամ յօդնականութիւն ոչ եղեւ այժմնան պայծառութեան, եւ ոչ իսկ զնոցին ջանից եւ զյառաջադիմութեանց տաել ինչ հաւաստեաւ մարթ իցէ: Ոինէայիք քան զնոսա բացական եւ անծանօթք են մեզ, եւ ոչ աշխարհաւ եւեթ անջրապետեալ, այլ եւ հաղորդութեամբ անջատեալ ի մէնջ են, ուստի եւ ոչ նոցին զննութեանցն պարտիցի ինչ շնորհակալ լինել մեր արդի ուսողութեան դիտութիւն. եւ ոչ զիւր սկիզբն անդստին ի նմանէ խոստովան լինելոյ իրաւունք ինչ կայցեն: Ճեւս մօտաւորագոյն կողմանս, ի Քաղեացիս, յեզիպատայիս, ի Փիւնիկեցիս պարտ է մեզ ընթանալ առ ի զմերոյն ուսողութեան սկիզբն յայտնեալ ցուցանելոյ: Արիստոտեղէս յեզիպատայիս անդր հանէ, եւ ասէ իսկ թէ յեզիպատոս այնոյ գիտութեանց խելամտութիւնք յօրինեալ յարդարեցան, զի անդ քուրմքն ազատ յայլոց արարոց եւ ի պատաղիչ հոգոց էին, եւ վասն այսորիկ մարթացան պարապել ի խորհել եւ ի պատկառ կառ կալ ուսմանց: Ոտրաբոն ասել ասէ թէ երկրաշափութեան ճարտարութիւն յեզիպատայցոց անտի առ Յոյնս եկն, բայց զհամարսղութիւն եւ զատելազիտութիւն ի Փիւնիկեցւոց մուծեալ դնէ. զի

ոռքա , առէ , յայնպիսի գիտութեանց խելամտութիւնս անցեալ զանցեալ էին , զի հանապաղորդն վաճառականութիւն եւ նաւադնացութիւն ստիպէին զնոսա նոցին միտ գնել . որպէս եւ հեղեղատել նեղոսի ետ Եգիպտացւոց ի գիւտ անդր երկրաշափութեան խելամտել : Պորֆիր ի մէջ երից այլեւայլ ազգաց զայս շուք պատուոյ ուսման բաժանէ , եւ թողեալ Եգիպտացւոց զերկրաչափութեան հաստատութիւն , եւ Փիւնիկեցւոց զհամարողութեան հայթայժանս , Քաղղեացւոց շնորհէ զփառս յօրինիչ եւ վարիչ աստեղագիտութեան ուսման լինելը : Արդարեւ Քաղղեացիք առաւել խելամտութիւն աստեղագիտութեան ի յետինս նպաստ եղեն , քան Փիւնիկեցիք համարողութեան եւ Եգիպտացիք երկրաշափութեան տեղեկութիւնս . եւ Քաղղեականն աստեղագիտութիւն ոչ միայն յեղիպտականն եւ ի յունական անդր օգնականութիւն մատուցանէր , այլ եւ կարի հաւանութեան է , թէ եւ ի Հնդիկս անդր եղիտ մուտ , եւ թէ տեղեկութիւնք Բրաքմանացն ի քաւդէից իմաստութենէ անտի հաղորդեցաւ նոցա : Ապա ի սոցունց իսկ կամ ի Փիւնիկեցւոց եւ յԵղիպտացւոց նշոյլք իմն աստեղագիտութեանն պայծառութեան անդէն իսկ ի բրտութեանն ժամանակս ի Յոյնս անդր փայլատակեցին : Պ ինոս յայնժամ զգնդոյ մատենագրէր , եւ Հոմերոս եւ Եսաիոդոս սակաւիկ ինչ յետոյ յերդս վիպասանութեանն իւրեանց յայտ արարեալ ցուցին թէ եւ Յոյնք չեն ինչ ամենեւին խամք եւ անտեղեակիք զերկինս ի գլխովին ի քնին արկանելը :

Ի այց զճշմարտագոյն եւ զսերաագոյն սկիզբն մաթեմատիկական ուսմանց պարտ եւ պատշաճ է ի Յունաց՝ որ յետուստ ուրեմն եղեն , ինդրել . այս ինքն յորժամ կարգեցան հրամանք (théorème) , հաստատեցան հնարք յառեղծանել առակս (problème) , եւ ուրոյն եւ դողդոնցու ճշմարտութիւնք

ի համաշխարհական ոկզբունս եւ յօրէնս ետեղակալս ածան բովանդակեցան։ Եւ այս գիպէր ի ժամանակին զի Յոյնք պանծացեալ պարծէին ընդ իմաստունս իւրեանց, եւ փիղիսոփայութեան գպրոցք սկիզբն առնեին կանգնել։ Իւդա կամի իմն զթաղէս փիւսկեան գիտութեան յարդարիչ կոչել, եւ յորժամ փիւսկեան ասիցէ, զհամարողութիւն, զերկրաչափութիւն, զարուեստական երգոց միաբանութիւն եւ զաստեղագիտութիւն իմանայ։ Խճէպէտ եւ չգտանեմք ուրեք թէ թաղէս զերաժշտոք եւ զաստեղագիտութեամբ եկն, սակայն չէ ինչ նա վրէպ յիրաւանց առնլոյ զանձամբ զպատիւ ուսող անուան։ Պայերտիոս յայտ առնէ թէ էր նա խուզարկու եւ հետամուտ երկրաչափութեան եւ աստեղագիտութեան։ Հիշատակէ նա եւ զեւփորբոս ոմն երկրաչափի յառաջագոյն իսկ քան զթաղէս լեալ. եւ զԱնաքսիմանդրեայ, որ յաջորդն եղեւ թաղէայ, ասի թէ արար գիրս յորում զերկրաչափութեան ուսումն ի համառօտ բովանդակեաց, ապա յայտ է թէ քաջ անդորր եւ ընդարձակ էր յայնժամ իսկ գիտութիւնն այն, մինչեւ կարօտ էր համառօտելոյ։

Պայց ճշմարիտ այգ պայծառութեան մաթեմատիկական ուսումն ի գպրոցէ անտի Պիւթագորեանց ծագեաց. եւ մարթ է ասել հաստատութեամբ թէ ստոյգ սկիզբն գիտութեանն ի մոտախոհութեանց փիղիսոփայիցն այնոցիկ ել ի վեր եւ յայտնեցաւ։ Պիւթագորեանք, ասէ Արիստոտեղէս, եղեն առաջինք, որ զանձինս մաթեմատիկեան ուսումն ետուն։ Եւ Պիւթագորեանք ոչ իրեւ զթաղէսն եւ զԱնաքսիմանդրոս եւ զայլս ի նոցին աղանդոց առ հետաքրքիր ցանկութեան, այլ հաւաստեաւ եւ ճշդիւ պատկառ կային ուսողութեան։ Հետոյ իսկ քան զայն ժամանակս պատմէ զանձնէ Ա. Յուստինոս վկայ, թէ չեղեւ նմա հնար մաանել յուսումն պիւթագորական փիղիսոփայութեան, բայց յետ ընդ-

Հրահանգս ուսողութեան անվըէպ անցանելըյ: Առդարեւ համարողութեան վարդապետութիւն եւ որշափ խելամտութիւն թուոց էր նախնեաց, այն ամենայն ի դպրոցէ անտի Պիւթագորայ էր. անտի եկին դժուարին դժուարին խնդիրք, անտի ընծայեցան աղնուագոյն յայտնութիւնք երկրաշափութեան ճարտարութեան եւ աստեղագիտութիւն, յոր հասանել այլոց աղանդոյն փիղիսոփայք չեին ձեռնհաս: Պիւթագորայ եւ Հիպակասեայ եւ այլոց փիղիսոփայից նորին աղանդոյ պարտ է չնորհակալ լինել երաժշտութիւն, զի ընդ հաշուովք ուսողութեան արկին զարուեստական երգոց ճարտարութիւն. եւ որ արուեստն եւ զբոսանք եւ զուարձութիւն լոկ էր, ի կերպարանս ճշգրիտ դիտութեան ածաւ:

Ի՞այց թողեալ զմանը մանր խնդիրս, տեսցուք թէ զիարդ ուսողութիւն ճախր առեալ վերանայը ի թռիչս արագութեան ի վերայ թեւոց Յունաց, եւ ի փոքր յայտնութեանց թաղէսի եւ Պիւթագորայ ի լուծմունան Պղատոնի, ի յանդնագոյն առակս երկրաշափականս, ի լայն եւ յանդորր եւ ի բարձրաբերձ նկատութիւնս (théorie) աստեղագիտութեան ամբառնայր, եւ տեսանիցեմք թէ զիարդ ուղեկից լեալ մեծարիցեն զնա Արքիտաս, Տիմես, Փիղողաւոս, Պղատոն, Եւգորդոս եւ այլ եւս երկրաշափք եւ աստեղագէտք երեւելիք, որ էին իսկ արդարեւ բաւականք զկարի խոկ խոնարհագոյն դիտութիւն՝ իւրեանց ճոխութեամբ մեծարոյ եւ պայծառագոյն կացուցանել: Այնչափ յառաջագէմ, մեծածիգ եւ լայնատարած էր առ Յոյնս ուսողութեանն խելամտութիւն, զի անդէն իսկ ի ժամանակս Աղեքսանդրի Եւգեմնս եւ Թէոփրատոս ի պէսպէս գիրս զնորին պատմութիւն յօրինել մարթացան:

Ի՞այց այն ամենայն տակաւին զի՞նչ այլ ինչ էր, եթէ ոչ սակաւ ինչ նշոյլ առ մեծապայծառ լուսով, որ յետոյ ծաւալեցաւ: Ի՞պրոցն կանգնեալ

ՃԱՂԵՔՈԱՆԴՐԱԳԼՈՒԾ քաղաքին եւ տիրաբար խնամարկեալ ի Պատողոմեանց, լինէր մայր բերրի եւ ծննդական այնչափ դիւցազանցն, որ յայնմ գիտութեան եղեն: Արիստէոսն, Եւկղիդէս, Երատոսթենէս, Ապողոնիոս, Հիպպարքոս յայնչափ պատիւ հանին զուառւմնն զայն, մինչեւ մեծարել իմն եւ հիանալ ապշել եւ ընդարձանալ յետնոց. եւ Արքիմիդէս աստուած իսկ յունական Երկրաչափութեան կոչեցաւ: Այն ջերմաջերմն եռանդն եւ ստեղ փոյթ Յունաց որ առ Պատղոմեանցն իշխանութեամբ ի մեծի պայծառութեան էր, յետոյ եւս ոչ ինչ ընդհատ նշմարէր: Պատղոմէոս, Դիոփիանտոս, Պապ բաւական են ի ցուցանել թէ աղեքոանդրեան գպրոցն չառնոյր յանձն այնպէս վաղվազակի թողուլ զիւր մեծաշուք փառս լինելոյ մայր խնամածու եւ բերրի ծնիչ գունդագունդ դասուց մաթեմատիկական գիտութեան: Յետոյ ժամանակս Թէովին, Հիպպատիաս, Պրոկլոս, Եւգոկիոս ցուցին թէ տակաւին ձեռնհառ էին բովանդակ հասու լինել հոյակապ նկատութեանց նախնեացն Յունաց, եւ թէ ճշդիւ գտակաւ տեղեակ էին հանդամանաց այնց գիտութեանց: Եւ հուսկ յետոյ Մարինոս նէապողսեցի, Խոփորոս միղեսացի, Դիոկղէս, Երոն, Փիլոն, Սպորոս եւ այլք զորս իբրեւ վերջին մնացորդս այնր գպրոցի մարթ է համարել, մարթացան նորագիւտ ճշմարտութեանց գտակ լինել, կամ զայնս որ վազուց հնարեալ էին, նորոգ ընծայութեամբք պայծառացուցանել, յորս նշոյլք հին վարդապետացն դեռ եւս փայլատակէին: Ի՞այց յընդմիջել անդ եւթներորդ դարու իբրեւ աղեքոանդրեանն գպրոց անկանէր, անդէն եւ ոգիուսութեան Յունաց շիջանէր, եւ ոչ եւս յարեաւ ոք երբեք որ ի յառաջադիմութիւն եհան զգիտութիւնս զայնսոսիկ: Արաբացիք, որպէս ի մօտոյ տեսացուք, զաեղեկութիւնս Յունաց պահեցին, նա մանաւանդ աճեցուցին իսկ, եւ բաղմապատիկ յայ-

տնութեամբք իւրեանց մեծացուցեալ յԵւրոպացիս
անդը փոխեցին, մինչ սոքա ամենեւին վըիպեալ
կային ի լուսոյ մաթեմատիկեան ուսմանց:

Վաքառմունք վասն տօնի Զատկի, որ անդուաին
յառաջին դարուց եկեղեցւոյ յուղէին, եւ երգք եւ
նուագք ի պաշտամունս եկեղեցւոյ ստիպեցին զո-
մանս ի հարց ուսողութեան միտ զնել: Ա. Հիպոգո-
զիտոս ուսաւ զաստեղազիտութիւն վասն զտօն զատ-
կաց յօրինելոյ, եւ Ա. Աւգոստինոս զարուեստական
երգոց ճարտարութենէ գրեաց. եւ այլ եւս հարգք
Յսւնաց եւ Հռոմայեցւոց աշխատ եղեն ի մեծաշուք
վայելութիւն եւ ի յօրինեալ կարգ ածելոյ զտօնս
եւ զերգս աստուածեղէն պաշտամանց: Այս եկե-
ղեցական ոգի հարցն սրբոց մանաւանդ, քան նա-
խանձ անուանն եւ ճարտարութեան Արքիմիդեայ
եւ Իպագարքեայ յորդորեաց զբազումն յուսողութեան
գիտութիւն: Իայց այսպիսի անձուկ խորհրդով եւ
նուազագոյն ուշով զոր օգուտ, զի՞նչ շահ մարթեին
ստանալ ուսողութեանն ուսմունք, որ այնպէս բարձրն
եւ աղնուական են, եւ սահմանեալք ի մեծատարած
դաշտութեան ածել զմեզ, ի կըսել եւ ի չա-
փել զմարմինս, եւ յերկինս անդը ամբառնալ զմեզ,
չափել զզնացս աստեղաց, եւ ի հաստման տիեղե-
րաց գող բաժանակից իմն ընդ Աստուծոյ լինել:

Ի խոնարհագոյն ժամանակս ամենեւին իսկ հե-
տակորյոյս չքացաւ մաթեմատիկական ուսումն, միայն
ի տասներորդ դարու կոստանդին ինքնակալ, որ Ծի-
րանածինն յորջորջեցաւ, սակաւ ինչ ինամ կալաւ
զնմանէ, բայց շահ յոյժ սակաւ երեւէր. մինչեւ յե-
տոյ ի չորեքտասաններորդ դարի ոսմանք միւսանգամ
այնմ միտ զնելոյ սկիզբն արարին: Իայց եւ նոցին
փոյթ զշըանաց զատկաց էր եւ զկաղանդանոցաց
կամ զտոմարէ. ոչ ոք ի բարձրագոյն նկատութիւնս
թեւակոխել երբեք մտաբերեաց, եւ ոչ նորոգ լու-
սաւորութեամբք զմարդկեղէն հանձար մեծացուցա-

ՆԵԼ: ԵՐԹԵ ՅԵՂՆՔ որ այնպէս նշանաւոր եւ փոյթ յուսողաւթեան էին, յայնչափ տղիտութիւն կործանեցան, զի՞նչ չիցէ մարթ զշոռմայեցւոց կարծել, որ ի փառաւորութեան իսկ իւրեանց չէին ինչ զնմանէ կաթոգի, եւ ոչ զօյառաջադէմն լինելոյ ի նմին փոյթ ինչ առնէին: Գիտեմք թէ Սեքստոս Պոմպէոս ուսող կոչեցաւ, Կ. Սուղբիկիոս Գաղղոս զնուազութենէ լուսաւորաց գիրս եղ, Ղ. Արտևարիոս եւ Յուղիոս կայսր զստեղաց մատենագրեցին, եւ Վարրոն եւ Նիդիդիոս Փիգուզոս գիրս ինչ զուսողութենէ յօրինեցին. բայց զի՞նչ այն ամենայն էր: ՀՅետ այնշափ մատենագրաց՝ Տուղղիոս տակաւին քանկքատէ թէ անձուկ յոյժ էր սահման ուսողութեան առ Հռոմայեցիս, եւ թէ չէր ուրուք հոգ խնամոց զնմանէ: Գրել զրեցին նոքա, մանաւանդ Վարրոն որ բաղմատեղեակն է, բայց ոչ իբրեւ ուսողք, այլ որպէս հմուտք տեղեակիք ուսողութեան զրեցին զոր զրեցինն: Միայն կայսր լինիցի հանապաղ մեծարոյ ի հռոմէական պատմութեան վասն ուղղութեանն զոր ի տոռմարսն արար, թէպէտ եւ չէր ինքն միայն, այլ եւ Սոսիդենէս նմանմա ձեռնտու էր: ՀՅետ կայսեր ընդ ամենայն ժամանակս որ զի՞նի եկին, միայն Բոյետիոս վարդապետ ուսողութեան կոչելոյ արժանի եղեւ, որպէս անուանեն իսկ զնա կասիոդորոս, Ա. Խիդորոս եւ Բեդա. սակայն եւ նա զայլ ինչ ոչ գործեաց, բայց զտարերս ուսողութեան Յունաց ի Հռոմայեցւոց լեզու եհան: Ծարդմանութիւնք նորա յետոյ ի Գերբերտուէ չնաշխարհիկ իմն համարէին, որպէս եւ ստուգախօսութիւնք (étymologie) Ա. Խիդորայ ի բաղմաց ձեռս կրէին: Վարժէ է եւ զբեդա ընդ Բոյետիոսի կշռել, մանաւանդ թէ սորա համարողութեան մատեան քան զԲոյետիոսին աղնուադոյն էր: Օոր օրինակ զՅունաց ասացաք, թէ յետ անկանելոյ Աղեքսանդրացւոց դպրոցին՝ բովանդակ խելամուութիւն հարցն զշրջանաց եւ զդադի պասեքատօնէն եւ զնուագաց էր.

նոյնպէս եւ զԱլատինացւոց պարտ է կարծել զայնու ժամանակաւ:

Ճշմարիտ սկիզբն մերոյն այժմու ուսողութեան յԱրաբացւոց անտի բղիսեաց: Գերբերտոս, որ յետոյ վասն իմաստութեանն քահանայապետ ընտրէր, եւ կոչէր Սեղբեստրոս Բրորդ, ի Ապանիացւոց աշխարհին, ուր ի ձեռն Արաբացւոց մաթեմատիկեան ուսմունք պայծառանային, խելամուտ լեալ ուսողութեան, անտի ընդ բնաւ Եւրոպն սփռէր զտեղեկութիւնսն: Յետ այնորիկ սկսան երեւել ճարտարապետք ուսողութեան. Բակովն յԱնդղիա, ինքն գերբերտոս զԳերմանացիս յորդորելով, որ այնչափ ի փոյթ ուսողութեան վառէին եւ յառաջազէմ խաղային, մինչեւ յետոյ ուրեմն մարթացան երեւել ի մէջ նոցա Պուրբաք, Հռեդիսմոնտանոս եւ Կոպեռնիկոս, զսրս յիրաւի կոչիցէ ոք նորոգիչս աստեղագիտութեան եւ բովանդակ ուսողութեանն ուսման. նոյնպէս եւ յիտաղիա նոյն նախանձ բորբոքէր, ուր նշանաւոր քան զամենեսին եղեւ Պետնարդոս պիտացի, որ զնշանագրովք համարողութեան ուսումն զառաջինն յԵւրոպա մուծանէր:

Զառաջինն ընթեռնուլ ընթեռնուին զԵւկղեգէս, զՊտղոմէս եւ զայլ եւս ուսողս եւ զաստեղագէտս Յունաց, բայց ոչ անդուստ յականէ անտի ի յոյն լեզուէ, այլ ի թարգմանութեանց անտի Արաբացւոց, առ ի չդոյէ յունական օրինակաց: Իբրեւ ի հնդետասաներորդ դարու ուսումն յոյն լեզուի պայծառանայր եւ նախնեացն մատեանք յաճախէին, յայնժամ գրեթէ զամենայն դիր զոր գտանէին ուրեք, փոխէին ի յունէ անտի. որով եւ արագ արագ սկիզբն առնէր մեծանիստն եւ լայնատարած դաշտ ուսողութեան բանալ յայտնել առաջի հանճարեղ եւ խորաքնին մտաց իմաստնոց այնը ժամանակի:

Արդարեւ որպիսի անբաւ վայրս ոչ հատին անցին ուսողութեան ուսմունք ի սակաւ եւ ի տկար

ուստղաց խոնարհագոյն դարուց մինչեւ ցնշանաւոր եւ ցհզօր դիւցազունան, որ այնշափ յաճախութեամբ երեւեցան յետ հաւասառեաւ ծանօթ եւ տեղեակ յոյն վարդապետաց լինելոյ : Օ Ճուեղիոմննտանոս մարթ է իշխան մեծի իրիք փափիսման համարել, զի յետ նորա յառնեին գունդ գունդ ուստղաց, որոց այլ իմն միաք էր, այլակերպ հանձար, այլագունակ փոյթ ի հետազոտել, եւ այլազդ իմն ողի հնարու ղութեան . թուեր թէ նորանշան հոգւոյ վիճակեալ իցեն, եւ այնպիսի բարս եւ բնութիւն ունիցին, որ ամեննեւին օտար իցէ յայնցանե որ յառաջ քան զնուաա եղեն : Առաւել մեծարոյ է կոպեռնիկոս եւ Տիք քովին եւ Վիկտոր եւ Գաղղողէոս եւ Կեպղեր քան զամենայն Յոյնս եւ զՀուոմայեցիս եւ զԱրարացիս, որ յետ Պատղոմեայ եւ Դիրիփանաւեայ եւ Պապայ պայծառացան : « Աա մանաւանդ ոչ միայն զսոքօք, այլ եւ զնախնեօքն Յունաց, որ վարդապետք իսկ իւրեանց էին, սկսան ելեւել առնել ճարտարք Զժեռորդ դարու, եւ գոդ մրցէին իմն թէ որոց արգեւք զյառաջագայհն պատիւ ունել յուսուղութեան վայելիցէ : Ոչ ապաքէն ազնուագոյն քան զՀիպապարբռոն եւ զՊատղոմէոս իցեն Տիքովին եւ Գաղղողէոս ոչ եւ Վիկտոր եւ Կեպղեր ընդ Արքիմիդեայ եւ Ապողոնեայ ի վեդ եկին : « Աոր իմն տեսիլ նշաւակի բանայ առաջի, իբրեւ Կարդեսիոսն եւ Փերմատ եւ Վաղիս եւ Ուգենիոս երեւեցին . յանկարծ իմն երկինք եւ Երկիր յայլ իմն կերպարանս եւ առաւել ի մեծաշուք եւ ի սերտ տեսիլս նշամարին : Ի՞սկ ի վախճանել իմն եւ ընդունուած դարին եւ ի սկիզբն առնել Ըժեռորդին շուք պատուոյ գիտութեանցս այսոցիկ եւս իմն աճէ եւ առաւելու : Պայբնիտիոս, Կեւտոն, Կասսինի, Փղամստետ, Հաղեյ, Բեռնուղի իւրեանց համարոցն հաշուովք ի վերայ հասեալ բնութեանն գործոց, տեալը իմն նորին գաղտնեաց եղեն, եւ զնա ընդ իւրեանց զիասութեանն օրինօք արկին :

Այս է սկիզբն եւ ժամանակի, յորում ճշմարիտն փառաւորութիւն ուսողութեան սկիզբն առնոյր, սյն այս է վայր եւ տեղի՝ ուստի ի բարձրաբերձ բարձունս վերացան: Քայնմ ժամանակէ հետէ ոչ եթէ ընթացան ինչ, այլ թռեան իսկ, եւ ի սակաւ ամս առաւել յառաջադէմ եղեն, որչափ յառաջադոյն ընդ բազում դարս ոչ մարթացան. չեղեւ գաւառ՝ ուստի չելանէր ոք այր անուանի յուսողութեան, եւ ոչ օր ինչ երբեք էանց, որ չլինէր նշանաւոր երեւելի ինչ գիւտիւք: Բազում եւ անթիւ ճարտարիք ի սակաւ ժամանակի արարին պյնպէս, զի հաշիւ, մենքենական ուսումն, ջրաբաշխութիւն (hydroaistique), տեսողութիւն (optique), աստեղագիտութիւն, նաևավարութիւն եւ լսողութիւն (acoustique) իսկ ոչ միայն նորագիւտ ճշմարտութեամբք մեծանայցեն, այլ եւ նորոգ բարունակօք գիտութեանց աճիցեն: Որչափ ոչ ընդարձակիցի տեսիլ մտաց մարդոց, յորժամ զմտաւ ածեալ նկատիցէ թէ ի փոքր յայտնութենէ Պիւթագորայ եւ Թաղեայ յորպիսի աղնուադոյն եւ անդորր կայան ամբարձան ուսողութեան ուսմունք:

Հարկ է այժմ զերեցունց դդլիսաւոր մասանց ուսողութեան, զհամարողութենէ, զնշանագրովկ համարողութենէ եւ զերկրաչափութենէ ուրոյն տեղեկութիւնս ինչ տողել:

ՀԱՄԱՐՈՂՈՒԹԻՒՆ

Են որ զեզիպտացիս պայծառացուցիչ համարողութեան զնեն որպէս Պղատոն, Եկատէոս եւ Արիստագորաս. եւ են որ զՓիւնիկեցիս հաշուին, որպէս Ատրաբոն, Պորփիւր եւ Պրոկլոս, որպէս եւ յանկ եւ պատշաճ հանդամանաց այնր ազգի թուի, ոքք քանզի վաճառականք էին, ի հարկէ հաշիւք համարոյ յառնուլ եւ ի տալ պիտոյ էին նոցաւ

Ի՞սպաց Երբ սկիզբն սորին դիտութեան եղեալ իցէ
եւ որչափ ինչ ի սկզբանն յառաջադէմ իցէ լեալ,
այն չէ յայտ: Այն ինչ ճշմարիտ է, որպէս եւ Ա-
րիստոսեղէս անդստին վկայէ, թէ առ ամենայն աղջու-
խուժս եւ անխուժս գտանի սոյն այս ճարտարու-
թիւն, եւ ամենեքին, ասէ, տասներորդական կարգաւ
համարին, բայց յազգէ միոջէ յաշխարհին թրակա-
ցւոց, որ անդը քան զտորս թիւ համարել չէին ա-
տակ: Եւ ասէ իսկ թէ թերեւս ի տասն մատունս
համարելոյ զառաջինն տասներորդական կարգի սկիզբն
լեալ իցէ. յոր կարի մերձ է եւ զոր Երուամն ասէ
թէ պէսպէս աղջք Ամերիկէ աշխարհին զինդ թիւ
ձեռն մի կոչեն, եւ զտասն՝ երկուս ձեռս. եւ ի
նոյն յարէ թէ գոն եւ աղջք ի մէջ նոցա, որոց
քսաներորդական կարգ է համարելոյ. զի որովհետեւ
այս աղջք ամենեւին վայրենադոյնք են եւ մերկան-
դամք, ոչ միայն ի ձեռացն այլ եւ յոտիցն մատունս
հաշուին: Աստստին յայտ է թէ տասներորդականն
կարգ ոչ եթէ Պիւթագորայ ինչ գիւտ իցէ, այլ
բնական իմն հանճարոյ հայթայթանք են:

Ի՞սպաց զհամարողութիւն իբրեւ ուսումն ինչ
կարգօք եւ վարդապետութեամբ ի կիր արկանել
նախ Յոյնք սկսան: Պիւթագորաս եւ նորին աղան-
դոյ Փիղիստիայք յիբաւի իբրեւ դայեակք եւ դար-
մանիչք սորին համարիցին. որպէս եւ Պիւթագորա-
կանն անուանեալ տախտակ, որ եւ Աբակովն կոչի,
նորին Պիւթագորայ գիւտ է: Եւկղիդէս, Աբքիմի-
դէս եւ Երատոսթենէս նոյնպէս բազմապատիկ հնա-
րիւք ի յօրինումն համարողութեան նպաստ եղեն.
բայց Նիկոմաքոս եղեւ որ առանձինն համարօղ ա-
նուան արժանի գտաւ, որոյ վաստակ եւ ջան բա-
զում է, եւ գործք նորա յետոյ առ Հռոմայեցիս եւ
Աբաբացիս մեծարոյ յոյժ էին: Պիտիանտս իբրեւ
զՊայբնիտիոսն կամ զնեւտոն է առ նախնեօք, որոյ
համառօտիւք կարգեալ զնկատութեան կանոնս հա-

յարողութեան , գործական համարողութեան հաւաստեաւ պատկառ եկաց , եւ զբաղում ինդիրս իմաստութեամբ եւ հանձարով ելոյծ քակեաց : Առջառմայեցիս Բոյետիոս միայն իբրեւ համարող պայծառացաւ , թէպէտ եւ զայլ ինչ ոչ արար , բայց զնիկոմաքեայ գործան բովանդակել : Աչ Մարկիանոս կապեղա , ոչ կասիոդորոս , ոչ Խիդորոս եւ ոչ այլ ոք ի մէջ Վատինացւոց մարթացան արժանի լինել խառնելոյ ի համար մատենագրաց սորին այսր գիտութեան . միայն Բեդա ի սկզբան Ըերորդ դարին ազնուագոյն գտաներ , եւ լիներ ձեռն օդնականութեան որոց յասպարէզ անդը համարողութեանն միջամուխ լինել կամէին : Ի՞այց քան զբեդայն եւ զՎատինացիս առաւել Արաբացիք ի սմին անցին զանցին , որք մանաւանդ այնու զմերոյ համարողութեան գոհութիւն պահանջիցեն , զի ինքեանք եղեն , որ զհանդամանս նշանակաց թուոց , որ Արաբականքն կոչին , ուստցին մեզ . որոց նոքա անդստին յԸերորդ գարէ յետ զՀնդիկս ընդ իւրեանց իշխանութեամբ նուաճելոյ , ի նոցունց տեղեակ եղեն :

Ի փութոյ անտի Արաբացւոց զարթնուին եւ Յոյնք խօնարհագոյն դարուց , եւ զՀամարողութենէ փոյթ առնելոյ սկիզբն առնէին : Ի՞այց յառաջ իսկ քան զնոսա սթափեալ էր Վատինացւոց . անդստին ի տասներորդ գարէ մատենագիրք համարողութեան սկսան երեւել : Ի մետասաներորդ գարու Գերբերտոս վարեալ եւ կրթեալ ի Սպանիացւոց այնմ միտ դներ : Քերկոտասաներորդումն հոչակաւորն Ակտոնարդոս պիսացի պայծառանայր , գնացեալ յաշխարհն Ափրիկեցւոց եւ ուսեալ ի նոցանէ զՀնդիկ համարողութիւն , զոր մեք Արաբացւոց կոչեմք , յաւել եւ զՅունաց եւ Վատինացւոց տեղեկութիւնն եւ աղղեբրայ կամ նշանագրովք համարողութեան զառաջինն հիմն արկ : Կիորդանոս Կեմորարիոս եւ Յովհաննէս Սակրաբոսկոյ նոյնպէս նշանաւորք լինէին

յերեքտասասաներորդ դարու, որ եւ յետոյ իսկ ի պայծառագոյն ժամանակս մեծարելին։ Ի չորեքտասասաներորդումն Պաւղոս Դադոմարեան եղեւ տեղեկագոյն համարօղ, եւ ի հաւասարութիւնս զնախնեօք եւ զարդեօք միանդամայն անցոյց զանցոյց, եւ պայծառանայր այնչափ մինչեւ Աբակովին անուն նմա կոչէին։ Ի հնգետասասաներորդումն նշանաւոր յոյժ է Հռեգիսմննտանոս, որ ի Հռոմ իսկ չողաւ վասն զմատեանս ուսողաց Յունաց, որ անդն գտանեին, ընթեռնլոյ. որոյ եւ դիւտ իսկ է տասներորդական կոտորոցն հայթայթանք, որով տասներորդական կարդք ի միոջէ ի խոնարհագոյն եւս կատարեալ լինեին։ Է եւթնուտասաներորդումն նշանաւոր լիներ ՎուկասՊակիողի, որ ոչ միայն զհամարողութեան, այլ եւ զնշանագրովք համարողութեան կանոնս ուսոյց. եւ յայնժամ սկիզբն առնոյր նշանագրովքն համարողութիւն լինել ծանօթական եւ մեծարոյ, եւ նորին արբանեկութեամբն եւ օգնականութեամբ համարողութիւն զլսովին զօրացեալ աճէր յոյժ, եւ ի բարձրագոյն եւ ի դժուարին դործո թեւակոխէր, առանց որոյ չէր բնաւ մարթ եւ հնար։ Ինաւ դիտութիւնք զօդիւ իմն եղբայրութեան ընդ միմեանս կապեալ են, եւ չէ մարթ թէ մին յառաջադէմ լինիցի առանց միւսոյն նորին հաղորդ եւ բաժանորդ լինելոյ եւ շահս մեծամեծս շահելոյ։ Այսպէս ի յորդել եւ ի խաղալ յառաջադէմ այլոց դիտութեանց լիներ եւ համարողութիւն յառաջամատոյց, եւ բնաւք փոխանակաւ ի միմեանց արծարծէին, եւ իրերաց օգնական լինելով նոր զօրութիւն եւ ուժգնութիւն ստանային։

Ի այց դիւտ՝ որ ի մեծաշուկ փառս եղեւ համարողութեանն պարծանաց, եւ մեծապարզեւ ձիր զոր սայն այլոց դիտութեանց շնորհեաց, ի ձեռն Նեպերայ Սկովտացւոյ իսկզբան եւթնուտասաներորդ դարին երեւեցաւ։ Օք Նեպերս այս լիներ դտիւ

զոգարիթմայցն , որով անմահ զիւր անուն կացուցանէր , եւ փառս ստանայր կարդելոյ ի համար բարեարարաց եւ երախտաւորաց ուսման եւ մարդկութեան : Երկրաչափութիւն , մենք ենականութիւն , աստեղագիտութիւն եւ գիտութիւննք ամենէքին դաւանութիւն շնորհակալութեան հնարագէտ ճարտարութեանն Կեպերայ մատուցանել պարտին : Առանդումն այն , որ ի Եժերորդ եւ ի Զժերորդ դարս զարթուցեալ էր յամենայն գիտութիւնս յառաջադէմ լինելոյ , չույր թոյլ յամրագոյն դնացիւք համարողութեան շատանալ , այլ հարկ իմն առնէր գիւրագոյն եւ ճշգրթագոյն հնարս հնարելոյ . ինդիրք տակաւ տակաւ ի խորութիւն իմն եւ ի նրբութիւն հասանէին , վասն որոյ երկայնագոյն հաշուռվք համարոյ կարօտէին . իսկ յայնպիսի երկայնաձիգ հաշիւս դեգերել գողանայր զժամանակին եւ խափան իմն լինէր ի բարձրագոյն նկատութիւնն դամ քան զգամ յառաջագոյն մատչելոյ : Ապա զօր շնորհս , զորպիսի գոհութիւն չիցէ արժան Կեպերայ գիւցազինն համարողութեան խոստովան լինել , որ հնարեցաւ հնարս ապրելոյ յայնպիսի խափանաց , եւ ճշգիւ եւ հաւաստեաւ եւ գիւրաւ եւս ի դլուս հանելոյ : Արդարեւ ոչ միայն համարողութիւն ի զոգարիթմայց անտի գիւրութիւն եւ կազմութիւն իմն ստանայր , այլ եւ երկրաչափութիւն եւ մանաւանդ երեքանկիւնաչափութեան ճարտարութիւն , եւ անդուստ ապա ամենայն ճշգրիտ գիտութիւնք շահս անբաւս անտի շահեցան . նամանաւանդ վասն երեքանկիւնաչափութեան դործոց հնարագիւտ եւ յարդարիչ եղեւ Կեպեր զոգարիթմօկան համարոց :

Բայց զի մի երկայնաձիգ զշահաւէտ պատմութիւն գիտութեանս տողեցուք , շատ համարեալ զանուանս ոմանց ճարտարաց , որ յետ այնորիի մինչեւ յմեր ժամանակս ի գիտութեանս յայսմիկ նշանաւոր եւ երախտագործ երեւեցան , որպիսի Պատ-

կաղն էր եւ Փերմատ եւ Փրենիկղէս, եւ մանաւանդ խորաքնին անգղիացիքն Վաղիս եւ Նեւտոն, որ անգորր եւ լայնատարած ընդարձակութիւն համարողութեան չնորհեցին, թող զանթիւ ճարտարս որ ի կատարած ութեւտասներորդին եւ ի մերում յայսմդարի պայծառացան, անցցուք յուսումն նշանագրովք համարողութեան :

ՆՇԱՆԱԳՐՈՎՔ ՀԱՄԱՐՈՂՈՒԹԻՒՆ

Կաշանագրովք համարողութիւն, որոյ ընդ այն չափ դարս սպասաւոր եւ արբանեակ եւեթ լեալ էր համարողութեան, յետուստ ուրեմն ամբառնայր անձամբ անձին ուրոյն իմն գիտութիւն յօրինեալ կաղմել. եւ քան զիւր զլիսաւորն եւ զտիկին, եթէ այն պէս կոչել ի դէպ իցէ, առաւել լինէր : Դիւրութիւն եւ կազմութիւն զոր սա ի բարձրագոյն եւ ի խորագոյն հաշիւս համարոց եւ ի գործս գժուարինս նպաստ լինել սովոր է, զմտագիւրութիւն ազնուագոյն ուսողաց յինքն կորզէր : Ամենայն խնդիրք հաշուոց եւ համարոց, որ զառաջինն ընդ համարողութեամբ էին, յետ այնորիկ ընդ վճռովք նշանագրովք համարողութեան մտանէին, եւ մեծանայր յոյժ յոյժ սա, մինչեւ վասն զհամարողութիւն ինքն զլիսովին ազնուագոյն յօրինելոյ, ուսովք ճարտարք զիւրեանց փոյժ խնամոյ զնշանագրովք համարողութենէ առնէին, եւ սովին զնա լաւացուցեալ ազնուացուցանէին : Բայց բաժանումն սորա ի համարողութենէ անտի զայս ձեւ օրինակի լինէր :

Կաշանագրովք համարողութիւն յառաջագոյն իբրեւ պայման ինչ համարողութեան համարէր . յետոյ մերձեցաւ ի թիւս եւ համարէր տիեզերական իմն եւ պարզեալ համարողութիւն, մինչեւ յետոյ ուրեմն ոչ միայն ի թիւս, այլ եւ ի մեծութիւնս եւ ի քանիօնութիւնս երկրաչափութեան մերձենայր,

եւ լինէր գիտութիւն իմն որ ի մէջ համարողութեան եւ երկրաշափութեան կայցէ զատ եւ ուրոյն յերկոցունց, կամ մանաւանդ որ զերկոսին եւս բովանդակիցէ, եւ զերկոքումբըն գիրկընդխառն իցէ։ Արովչետեւ յորջորջումն գիտութեանս, որ Ազգերակոչի, յԱրաբացւոց լեզուէ անտի է, որ հատուցումն կամ միաբանութիւն ի մի ողջոյն թարգմանի, ոմանց կարծիք եղեն թէ Արաբացիք իցեն գտակ այսը գիտութեան։ բայց սկիզբն սորա ի Յունաց անտի է, եւ Դիսփանտոս համարի այնը գտիչ, որ յԱզեքոանդրիա Եգիպտացւոց յետ Եւկղիղեայ ի գպրոյին վարդապետ կայր անդստին ի ժամանակէ Պատղոմեայ Պագոսի։ Խրեւ Եւրոպացիք ծանօթ Արաբացւոց լինէին, յայնժամ նշանագրովք համարողութիւն եւ յԵւրոպա սկսանէր տակ առնուլ եւ արմատս արձակել։ Օտոաջինն Խտաղիա եղեւ, ուր գիտութիւնս այս յաստիս եւ ի զօրութեան մանկութեան ծաղկեալ ի չափ հասանէր։ Բայց հաւաստեաւ եւ բովանդակ յետ գիւտի արուեստին դրոշմելոյ զհաստատուն եւ զճշգրիտ գնացս պատմութեան նշանագրովք համարողութեան գտանեմք։ Բայց եւ Արաբացիք յառաջադէմ յոյժ ի նմին եղեն։

Գրեթէ ամենայն ճարտարք համարողութեան յետ զեւօնարդեայ պիոացւոյ եւ Պուկայ Պակիողեայ, պատկառ կացին նշանագրովք համարողութեան։ բայց մանաւանդ Սկիպիոն Փերրեան, Տարտաղիա բրիքսիացի, Կարդանոս, Պուդովիկոս Փերրարի, Բոմբեղի, Քրիստոփոր Ռոդողիոս եւ Քրիստոփոր Ստիփել ի Գերմանիա, Յակովը Պեղիաարիոս ի Գաղիա, եւ այլ եւս ճարտարք վեշտասաներորդ գարուն։ Ի ձեռն Վիետայ գաղլիացւոյ նոր իմն գլուխ ժամանակի նշանագրովք համարողութեան սկիզբն առնէր, բազում յայտնութիւնք գտանէին եւ ծածկութիւնք յայտնէին եւ գիւտք յաճախէին։ Խառվմաս Առիովտանդղիացի եւ Ազրերտ Գիրարտ հողանդացի յեւթնակը. ԱՏՍՄ.

ուտամներորդ դարու նշանաւոր լինեին։ Իսպյ քազամենեսին ճարտարագոյն եւ իբրեւ սիւնք եւ հաստատութիւնք այսր ուսման յիրաւի համարիցին կարգեսիս, Նեւտոն եւ Ղայբնիտիոս, երեքին ծնունդ, երից հանձարեղ ազգաց Գաղիացւոց, Անդղիացւոց եւ Գերմանացւոց։

Այս երեքին ազգք հանդերձ խտաղացւով հանապազորդ ի ճգնութեան էին եւ ի վաստակ անդադարս տապանային, մինչեւ յընդմիջել ութեւ տասմներորդ դարու, յորում նոր իմն եւ ազնուագոյն փոփոխութիւն ընդունէր նշանագրովք համարողութիւն. կղերոյ եւ Աղամբերտ ի Գաղիա, Եւղերոս Գերմանիա, Ղաղրանգ յիտաղիա մեծու պատուով նշանաւորք լինեին։ Օմերոյ ժամանակէս թերեւ առաւել լուել քան խօսել արժան իցէ, յորում նշանագրովք համարողութիւն, ամրածածուկն քող եւ անձառ ճառք մաթեմատիկեան ուսման, ոչ եթէ իբրեւ սպասաւոր եւ արբանեակ ի հարկի կայ, այլ իբրեւ տիկին յարժանաւորն զահոյս ուսողութեան նստեալ գողցես թագաւորէ, եւ ի բովանդակ ուսողութեան զիւք մեծարոյ հրամանան տարածանէ։ Պոաստոն ի Գաղղիա, Սաղոմնն, Պեցուաղտ եւ այլ եւս անթիւ ճարտարք հանապազորդ ի թանձրութիւն անդր խորութեան նշանագրովք համարողութեան ջանան խնամով մտանել։ Ի ձեռն այնովիսի հոյակապ եւ իմաստուն արանց, եւ որոց միանդամ ընդ ամենայն կիրթ աշխարհն Եւրոպացւոց պայծառանան, մարթէ հաստատութեամբ ակն ունել թէ առաւել յառաջադէմ լինիցի գիտութիւնս այս. կէպ ի վարդապետութեանց առաւել ի յստակութիւն եկեսցեն, կէպ եւս ընդարձակեսցին, եւ թէ նոր հնարք յօրինեսցին որովք ամենայն անյայտութիւն բառնայցի, երկմտութիւն եւ միմարտութիւն ի կանոնաց ի բաց ջնջեսցին, եւ բովանդակ հաշիք աւելագոյն նրբութիւն եւ կատարումն ստանայցն եւ

յանի օդտակարագոյն եւ պիտանագոյն առ ամենայն խրատս ուսողութեան լինիցին։ “Աշանազը վ. համարողութիւն արդարեւ աղև իմն եւ փականք է, որ ի բանալ զկարի իսկ գաղտնի ծածկութիւնս ճըշ գրիտ գիտութեանց նպաստ լինիցի գործի եւս, յուրոյ ձեռն մարթ է պատրաստագոյն եւ հաստատագոյն յօրինուածս ի նոսին գործել։”

ԵՐԿՐԱՑԱՓՈՒԹՅՈՒՆ

Ի ծով իմն համատարած միւէաք, եթէ մանր եւ հաւաստեաւ զպատմութիւն հանճարեղն եւ աղնուական երկրաչափութեան կարգել ախորժէաք։ Նա մանաւանդ չափ մատենիս ստիպէ իսկ, որչափ մարթ իցէ, համառօտս հատանել եւ ակամայ իսկ ի հարեւանցի իմն անցանել, առանց զզարմանալի գնացսն զոր անդուստ ի վերուստ մինչեւ ցայժմ գնաց ձարտարութիւնս այս, խնամով ի քնին արկանելց։ Հարկ վատանդի բռնադատեաց իմն զեզի պատացիս լինել գտակ եւ յօրինիչ ուսման երկրաչափութեանն։ Օեղուլ նեղոսի ի տարեւոր բոլորմունս, որ զսահմանադրութիւնս եւ զկալուածս վիճակաց խառնակէր, ստիպէր կարեւոր ինչ չափուց հայթայթանս զմտաւ ածել։ նմին իրի եւ Եգիպտացիքն զառանձինն տեղեկութիւնսն ի մի վայր գումարեալ կարգէին եւ յաւելուին, որ եւ գիւրաւ իսկ յաջողէր ի քրմայն մտադիւրութենէ, որ քանզի ի գիւրոջ եւ ի հովասուն հանգստեան կէին, զիւրեանց աւագութիւն իշխանութեանն մարթէին խելամտութեամբ գիտութեան մեծարոյ կացուցանել. վասն այնորիկ իսկ զայն որ քան զամենայն խելամտութիւն անդ կարեւորագոյն էր, ստանային, այս ինքն չափել զանջըպեառութիւն վայրաց, որ երկրաչափութիւնն յորջորջեցաւ։ “Իշարձեալ երկիր ուր այնչափ ջրանցք եւ ջրաշեղք եւ լինք եւ ծովակք, կոթողք եւ

բրդունք եւ անբաւ շինուածք հոյակապք եւ հասաւաշինածք նշմարին, ի հարկէ զերկրաչափութեան եւ զմենքենական ուսման օգնականութիւն պահանջեր: Ի՞այց քանզի սակաւ ինչ ծանօթ է մեղ ի տեղեկութեանց անտի Եգիպտացւոց, զոր զերկրաչափութենէ ունէին, ի Յոյնս անդր մնայ մեղապաստան լինել: Խճաղէտ եւ Եգիպտացիք իսկ Եւալ իցեն վարդապետք Յունաց ի ճարտարութեանս յայսմիկ, սակայն Յոյնք անշափ եւ անբաւ պայծառացուցին զուսումնս զայս, եւ արդի Երկրաչափութիւնս նոյին իրրեւ առաջին վարդապետաց զիւր մեծարանս պարտի մատուցանել: Խճաղէս որ յԵգիպտոս ի քրմաց իսկ տեղեկացեալ էր, զառաջինն, ասեն, իմացաւ թէ անկիւն ի կէս շըջանակի ուղիղ է, եւ այնշափ ընդ այն խնդայր, զի զոհս գոհութեան զոհէր. նոյն Եգիտ թէ ի հաւասարասրուն Երեքանկեան յանդիմանակաց անկիւնք՝ խարսխին հաւասար են: Անդստին ի Թաղեայ յառնէր յոնիական աղանդ, զի Թաղես եւ բազումք յիւրմէ աղանդոյն ի Յոնիայ էին: Յաղանդոյ անտի ճարտարութեամք Երկրաչափութեան անուանի լինէին Անաքսիմանդրոս, Անաքսիմենէս, Փերեկիդէս: Անաքսիմանդրեայ ասեն զառաջինն մատենագրել զերկրաչափութեան խելամութենէ: Ի՞այց աւելագոյն իմն ընդարձակութիւն եւ կատարումն առնոյր Երկրաչափութեան ճարտարութիւն ի Պիւթագորայ եւ յիտաղական աղանդոյ, զի նա զհամարողութիւն ընդ Երկրաչափութեան զօդեալ խառնէր: Պիւթագորաս բազում ինչ օրէնս յայտնէր զշափոյ եւ զքանիօնութենէ եւ զիերպարանաց ձեւոց: Պիւթագորականք զձեւս կանոնաւորս իրրեւ նշանակս իմն ի կիր արկանէին, որպէս պիրամիդն՝ հրոյ նշանակ էր, խորանարդն՝ Երկրի, ուժանիսան՝ օդոյ, քսանանիսան՝ ջրոյ, այլովքն հանդերձ: Քետ Պիւթագորայ անուանի լինէին Ենոպիդոս քիացի, վարդապետ Զենոդորյ, որ առակս հրամանաց Երկրաչափութեան յայ-

անէր : Անաքսագորաս ի կղազոմնեայ ի յոնիական աղանդոյ , քանզի զօր ինչ ի բնութեան երեւէր՝ ի բնութեան ազգեցութեան զօրութենէ հնարեր յուցանել , քսիք ամբաստանութեան զնմանէ յօդեին թէ զդիցն ուրաստ իցէ , եւ յԱթենացւոց ի դիպահոջ դնէր , ուր առակս հրամանաց գտանէր : Հիպատիուկասոս քիացի որ զառաջինն ընչիւք զերկրաչափութիւն ուսուցանէր , եւ վասն այսորիկ ի Պիւթագորեանց ի միաբանութենէ որոշէր , եզիտ նոյնպէս առակս հրամանաց : “Աշանաւոր է եւ թէոդորոս կիւրենացի , որ Պղատոնի յերկրաչափութեան վարդապետ եկաց :

Մեծ մեծ է օգնականութիւն հոյակապ եւ հռչակաւորն Պղատոնի , որոյ բազում են յայտնութիւնք եւ հրամանակարգք եւ առակք : Պղատոն ոչ սակաւ նշանաւոր լինէր ի ձեռն գունդագունդ աշակերտացն որ ի նորին դպրոցէ յառնէին , որպիսի Արքիտասն էր տարենտացի , Վաւոդոմոս ի թատոսէ , թէէտեառոս աթենացի , Աէոկղիդէս , Վեւոն , Եւգոքսոս կնիդացի , Ամիկղէս ի Հերակղեայ , Մենեքմոս եւ նորին եղբայր Դինոստրատոս , Թեւդիոս ի Մագնեսիայ , որ զտարերաց երկրաչափութեան գրեաց , եւ Հերմոտիմոս կողովոնացի : Առքա ամենեքին շատ աշխատ լինէին յերկրաչափութեան վաստակս , եւ զբազում ինչ լուծեալ յայտ առնէին , եւ ի մեծապայծառ լուսաւորութիւն զնարտարութիւնն ածէին : Իսյց քան զամենեսին նշանաւոր յաշակերտոն Պղատոնի Արքստոտեղէս երեւէր , որ զպերիպատետիկեան աղանդն յարդարեաց : Քառաջ քան զԱրքստոտեղէս ուսողութիւն ընդ փիւսկեան գիտութեան կից եւ յար էր . սա ոչ միայն զերկոսին ի միմեանց զատանէր , այլ եւ զյստակն ուսողութիւն ի մերձեցուցելոյ անտի անջատէր , եւ զՀամարողութիւն եւ զերկրաչափութիւն յիրերաց հաւաստեաւ բաժանէր : Արքստոտեղեայ ճառք զուսողութենէ կորուսեալ են :

Պերիպատետիկեանք փորձոյ խնամով միտ դնէին, վասն այնորիկ եւ զկերպարանս գիտութեանն առ զնուացուցանէին. բայց եւ տեղեկութեանցն նոցա չեմք ինչ հմուտ : Դապրոց Աղեքսանդրիայ, որ առ Պաղոմեամբքն կայեան ամենայն իմաստութեան էր, առանձինն լինէր կայ եւ նիստ ուսողութեան ուսման, իբրեւ Եւկղիդէս անդէն ի չափ հասանէր եւ կայր վարդապետ : Եւկղիդէս եւ Երատոսթենէս եւ Արքիմիդէս եւ Ապողոնիոս ի թռափչս բարձրաբերծս սկսան վերանալ ելանել, եւ յանդունդս երկրաչափութեանն խոյանալ, եւ ծածկութիւնս զարմանալիս նորանշանս բանալ ցուցանել : Եւկղիդէս այնչափ ինչ ուղղէր, հնարել եւ յաւելոյր, զի զբաղում ինչ կարգո եւ հասաւատութիւնս առաջնոց ճարտարացն մթացուցեալ խափանէր : Աւագագոյն եւ աղնուագոյն երկրաչափ նախնեաց յիրաւի կոչեցի Արքիմիդէս սիրակուսացի, աշակերտ Կանոնի, որ նոր իմն ասպարէս երկրաչափութեան ուսման բանայր, զի զձեւոց կերպարանս՝ որ ի ծուռ գիծ սահմանաց եւ յերեսս թեւրս բովանդակեալ իցեն, հաւաստեաւ եւ խնամով չափել ուսուցանէր :

Յետ Արքիմիդեայ զյառաջագահս յերկրաչափութեանն իշխանութեան Ապողոնեայ պերգամացւոյ ունել անկ է, որում բազում ինչ պարափ ուսումնս այս : Երկրաչափութեան խելամտութիւն Յունաց իբրեւ ի ձեռն Ապողոնեայ ի ծագ բարձրութեան հասանէր, այնուհետեւ ուսողք անուանիք աստեղագիտութեան մտադիր լինել սկիզբն առնէին, եւ յաստեղագիտութեան ծնանէր երեքանկիւնաչափութեան ուսումն, որ դուստր իսկ է նորա, սրպէս երկրաչափութեան գիտութիւն՝ զդաշտս չափելոյ : Հիպպարքեայ նիկէացւոյ զերեքանկիւնաչափութեան խելամտութիւն մուծեալ համարի : Հայնժամ Մենեղաւու եւ հոյակապն Պտղոմէոս յերկրորդում դարսւ, որոյ անուն իսկ բաւական իցէ զարժանեացն յայտ առ-

նելոյ, ի չափ հասանեին, եւ բազում ինչ օգտակար տեղեկութիւնս պատմեին։ Յերբորդ եւ ի չորրորդ դարո դուպարած մեծ կայր Հռոմայեցւոց վասն իշխանութեանն յաջորդութեան։ եւ սաստիկ եւ անհնարին պատերազմունք չտային թոյլ իմաստութեան խնամով միտ դնել։ վասն այսորիկ մինչեւ ցհինգերորդ դար չերեւին ճարտարք անուանիք։ Յետ այնորիկ սկսանեին պայծառանալ Պապ, որ զնախնեաց օրէնս եւ զհրամանս ժողովեալ բովանդակէր, եւ Թէովին եւ Հիպպատիա նորին դուստր, որ զԱպողոնեայ եւ զԴիոփանտեայ գրոցն համառօտ կարճառօտ յիշատակարանս գրէին, որ յետոյ կորնչէին։ Ե հինգերորդ դարի անդ պայծառանայը եւ Դիոկղէս, որ իւրով յայտնութեամբն մեծարոյ յոյժ է, յետ այնորիկ Աերենոս, եւ ի վեցերորդուն Պրոկղէս եւ Մարինոս եւ Եւգոկիոս, որոց երեքին յիշատակարանս ի նախնեացն թողուին։ Հուսկ վերջին երկրաշափ անուանի որ եկաց Յունաց, է Հերովին մանուկ, զի գոյ մեւս եւս Հերոն ծեր, որ մենքենական ճարտարութեան ճարտարապետ ճանաչի։

Յետ անկանելոյ երկրաշափութեան առ Յոյնս, Արաբացիք, որպէս յայլ մասունս գիտութեանց եւ մանաւանդ ուսողութեան, նոյնպէս յերկրաշափութեան նշանաւորք լինէին, եւ արդարեւ յետ Յունաց պարտ եւ պատշաճ է զսոսա երախտաւորս երկրաշափութեան ճարտարութեան անուանել։ Քանզի, որպէս յայտ է, Հռոմայեցւոց չէր ինչ հաւասառեաւ փոյթ արարեալ զուսողութեան գիտութենէ, նմին իրի եւ ազգք՝ որ նոցին աշխարհաց տիրէին, եւ զնոցին կարգս եւ զյօրինուածութիւն առնուին, ոչ ինչ այնպիսի խելամտութեան ի նոցունց անտի հասանել մարթացան, որ եւ չէր իսկ հնար վասն անդադար պատերազմայն եւ կոտորածոյ եւ աւերելց ազգաց եւ աշխարհաց։ Կապա առ Եւրոպացիս որ զիշխանութիւն հռոմեական պետութեանն դրաւեալ

ունէին, ոչ այլուստեք մարթէին նշոյլք իմաստութեան գիտութեանց, ուստի եւ երկրաչափութեան ծագել, բայց յԱրաբացւոց անտի: Ի նոցունց ուսեալ զտարերսն եւ իւրովի կրթեալ եւ թէքեալ, անդէն ի չորեքտասաներորդ եւ ի հնդետասաներորդ դարս ի պայծառութիւն հասանէին: Պահորդ Բուրբաք, Միւղղէր որ Հռեգիոննտանոսն կոչեցաւ ի հնդետասաններորդում դարի, եւ գեսորդ Հռետիկոս ի վեշտասաններորդումն իւրեանց բազում հանճարեղ գիւտիւք անուանի եւ նշանաւոր լինէին. եւ յութեւտաններորդումն Մայեր եւ Եւղեր նոյնպէս պայծառանային, մանաւանդ յերեքանկիւնաչափութեան ուսման, զորոյ զշետ մեծաւ փութով եւ խնամով ի կիրթ անկեալ ընթանային: Բայց եթէ յերկրաչափութեան ոք զարժանաւորն ճարտար ինդրել կամիցի, մեծաւ համարձակութեամբ զիարդեսիոս յանդիման կացուցանել պարտ է: Երդարեւ Կարդեսեայ այնչափ պատիւ եւ արժանիք են յարդի երկրաչափութեան, որչափ Պլատոնի ի հինան էր: Կարդեսիոս, ասէ Պիտրով, իւրով յաջող հանճարովն ի յանդիման կացուցանել ընտրութիւն իմն եւ ազնուականութիւն, եւ յընծայութիւնն համօրէն համատարած ընդարձակութիւն երկրաչափութեան ընորհէր: “Եււտոն, Պայրնիտիոս, Եւղերոս զայնպիսի առաւելութիւնս յօրինեալ յարդարէին, եւ այժմ ամենայն իսկ ճարտարաց երկրաչափութեան ընդունելի եւ հաճոյք են:

Բայց դոյր եւս իմն ներքին եւ սերտագոյն միաւորութիւն լուծմանն (analyse) եւ երկրաչափութեան, զոր գտաննել եւ նովին նոր իմն սկիզբն ժամանակի սորին գիտութեան կացուցանել, մերում ժամանակի պահէր: Մեծամեծ արժանիք, զոր Պագրանդ, Պապզակ (Լավլաս) եւ մանաւանդ Մոնդ ի սմին յայսմիկ ժառանգեցին, շատ եւ բաւական են, գոհութիւն եւ շնորհակալութիւն մեծ արանցս այ-

սոցիկ աւագաց առթել։ Օանց զբաղմօք ճարտարագք երկրաշափութեան արարագ, ոչ զի չիցեն յիշատակելոյ արժանի, այլ զի չբաւեն ճառք եւ սպառին պատմութիւնք եթէ զամենեցուն զարժանի ն եւ զմեծարանս մի ըստ միոջէ կամիցիմք ի զրի հարկանել։ Օջր մեծարանս, զրոպիսի յարդանս, քանին զարմանս չիցեն ունելոց յամենայն պատմութեան երկրաշափութեան կղաւիս, Վիետոս, Գաղղիկոս, Կեպղերոս, Գուղղինոս, Կաւաղիերի, Ռոբերուաղ, Փերմատ, Գրիգորիոս սրբոյն Վինկենտեայ, Ուգենիոս, Վաղիս, Բեռնուղի, Կղերոյ, Աղամբերտ, Ժող զայլ եւս առանց համարոյ բազմութիւն մատենագրաց անուանեաց երկրաշափ ճարտարութեան մերոյ ժամանակիս, որ գրեթէ շղթայ իմն է առանց հատանելոյ, եւ շար գեղեցիկ յեռեալ մի ըստ միոջէ յարանց՝ որ զմիմեամբք ելեւել առնիցեն եւ զմիմեանս գլիցեն, յորոց ձեռն խորհրդական այս ուսումն օրըստօրէ միջամուկս խորամուկս լինի յառանձինն ինչ իրս եւ ի գաղտնի սեպհականութիւնս բնութեան, ի մարմինս՝ որ զնայն բոլորեալ պսակեն։

Օկարեւոր պէտս եւ զհարկ ուսուղութեան ոչ այլուստեք այնպէս յայտ տեսանիցէ ոք, որպէս յընդարձակութենէ անտի, յոր սա զմիտս արկանիցէ, եւ յազդեցութենէն զոր ի հանճար անդը յաջողիցէ։ Փիղիսովիայական ոգի եւ ազատութեամբն խորհել, որ ամենայն գիւտի եւ գիտութեան սկիզբն եւ մէջ եւ կատարած է, եւ որ այնպէս կարեւոր եւ պիտանի է ի յօժարութիւն խելամութեան, ի ստիպել պնդել զհանճար հետամուտ լինել բնութեան, եւ ի ծնուցանել զցանկութիւն շմողլոյ ինչ դատարկ ի նկատելոյ եւ ի խելամուելոյ, յուսողութենէ անտի մանաւանդ քան յայլմէ իմեքէ յորդորեալ զարթնու։ Որ այն գիտութիւն իցէ, յորդում, իբրեւ խորհիցի գիտունն, այնպէս անկասկած իցէ ի պատրելոյ եւ վստահ թէ ճշմարիտ ինչ զնու-

վիմբ ածելոց է, որպէս որ յուսողութեան օրէնս մտա-
խորհ խոկայցէ. եւ սոյն այս անկասկածն լինել եւ
վաստահութիւն ընդելացուցանէ իմն զմիտս փափա-
քել, զի մի վրիպիցէ երբեք ի խորհուրդս, եւ յա-
պահովս լինիցի յայնմիկ՝ զոր ի վերայն ածիցէ: Կ
կորովի ծշմարտութենէ ոչ այլ ինչ պառուղ այնպէս
պատուական ծնանիցի, որպէս ծշդութիւն եւ սերտ
պնդութիւն: Ապա ուսողութիւն մի յայնցանէ է,
որ նպաստն լինիցին մտաց սերտիւ խորհել եւ ողջ
մտութեամբ փակել ամփոփել: Արդ ո՞ր այն իցէ
որում առաւել պէտս ունիցիմք եւ ո՞ր առաւել օգուտ
ի գործս մեր գործիցէ, խորհել թէ բարւոք խոր-
հել: Դառւ եւ պատուեր տայր Պղատսն յառաջ քան
զփիղիսոփիայութիւն զտարերս ուսողութեան ուսու-
ցանել մանկտոյ, զի մինչ չեւ ի ճարտարամտել սկիզբն
արարեալ, ոգի ճարտարամտելոյ ստանայցեն: Վհաջ
մարթ է ասել թէ ազգումն եւ ոգի որ յուսմանէ
անտի ուսողութեան ծնանիցի, օգտակարագոյն քան
զուսողութիւն գլխովին է: Արդարեւ կորովութիւն
զմտաւ ածելոյ, հատուն եւ անաշառ լինել տես-
լեանց, եւ խստութիւն կարգաց եւ հնարից, որ յա-
մենայն գիտութիւնս մուծեալ իցեն, ի ստէպն եւ
առհասարակ զուսողութեամբն գալոյ ծնեալ են:
«ամապայծառ իմն այգոյ նման է սա, որ ի մօտոյ
զօր բարենշան նաւութ-ձէ: Այնչափ մեծարոյ էր Պղա-
տոնի՝ ուսողութիւն, մինչեւ, որպէս ասեն, գրել ի
վերայ գպրոցին յորում կայրն եւ ուսուցանէր, թէ
Որ չիցեն երկրաշափ, մի իշխիցէ ի ներքս մտանել:
»Եղն՝ զԱստուած յաւիտենական երկրաշափ կոչէր.
արդարեւ արժանի անուն, զոր մարթ էր նմա զԱս-
տուծոյ զմտաւ ածել:

Օգուտք ուսողութեան բազում եւ մեծամեծք
են, բայց մանաւանդ այն աղնուագոյն է, զի շահս
մեծամեծս տայ այլոց ուսմանց շահել: Որ խելա-
մտութիւն իցէ, որոյ յօգնականութենէ անտի համա-

ըսղութեան եւ երկրաշափութեան չիցէ օդտեալ։
 Պիտանութիւն համարական նշանակաց, որ զառա-
 ջինն չժուի ինչ կարեւոր, որչափ յօգուտ չեղեն
 ամենայն գիտութեանց եւ արուեստից, եւ բովան-
 դակ քաղաքային կենաց։ Աական ինչ նպաստ ի յա-
 ռաջադիմութիւն մենքենական եւ փիւսկեան ուսման
 եղեւ զնշանագրովքն համարողութիւն ի կիր արկա-
 նել, քան զգիւտս մենքենայիցն կազմածոց վասն ի
 փորձ արդեանց իրացն գալոյ։ Օհնչ այն արդեւք
 առաւել յօգուտ մարթաց լինել ասաեղադիտու-
 թեան, գիւտ հեռագետ գործւոյ, թէ հայթայիթանք
 անսահմանական հաշուոց։ Յետ կարդեսեայ զնշա-
 նագրովք համարողութիւն յերկրաշափութիւն անգր
 մերձեցուցանելոյ, սկիզբն առնոյր ժամանակ փոփոխ-
 մանն, որ այնպէս արագ արագ զճշդրիտ գիտութիւնս
 յաստիճան կատարման հասուցաներ, յորում զնոսա
 այժմս տեսանեմք։ Եւ յետ այլակերպութեան ա-
 նուանեալ հաշուոց սկիզբն առնեաք ճշմարիտ եւ
 սերտ տեղեկութիւնս զբովանդակածոյ տիեզերաց
 ստանալ։ Եթէ գիտութիւնք ըստ համեմատի օդնա-
 կանութեանն եւ հայթայիթանաց՝ որ նոցին զօրաւիզն
 լինիցին, սովոր են զարգանալ, չիք օդնականութիւն
 կարեւոր, եւ ոչ հայթայիթանք ազդեցականք գոն
 քան զինելամտութիւնս սուրբն եւ յատակն ուսողու-
 թեան։ Կերպարանք ձեւոց, թիւք համարոց եւ նշանք
 ազգերրականք են լեզու իմն եւ բարբառ, որով մա-
 տեանն մեծ տիեզերաց զրեալ է. որչափ կրթագոյն
 եւ տեղեկագոյն ի լեզուի անդ լինիցիմք, դոյնչափ
 աւելագոյն շահ յընթեռնլոյ անտի զմատեանն զայն
 ձգիցեմք յանձինս։

Իսայց թէ քանիօն զուարճալի եւ ախորժա-
 կան եւս իցեն ուսողութեան ուսմունք, շատ իսկ
 եւ բաւական ցուցանիցեն այնչափ ճարտարք անուա-
 նիք եւ հոյակապք, զորս այնպէս կաթողի եւ խան-
 դակաթ զնմանէ տեսանիցեմք, մինչեւ ընկլուզանել

իմն ի ծով հեշտականութեան թուել նոցա, յորժամ ի կնճիռն իմն եւ ի գժուարահաս խնդիրսն միջամնւխ զանձինս նշմարիցեն։ Որով յայտ իմն առնեն թէ զվարդապետութիւնս ոյծ եւ վախտ համարոցն եւ չափուց չհամարին ամուլ եւ անպտուղ ճշմարտութիւն, եւ ոչ անարժան ինչ զբաղեցուցանելոյ նոքիմբք զիւրեանց խորաքնին խորհուրդս։

Բ. Գ Լ Ո Ւ Խ

Փ Ի Ւ Ս Կ Ե Ա Ն * Գ Ի Տ Ո Ւ Թ Ի Ւ Ն

ՈՐՉԱՓ զարմանօք եւ հեշտականութեամբ, նաև մեծարանօք իսկ անցաք ընդ ուսողութիւն եւ ընդ աղնուական մասունս նորա։ Ի պատմութեանն եւ ի բնաւ գնացմն ուշ եղեալ քննեցաք խնամով, թէ որչափ արդար եւ հարթ իցէ, յորժամ դատաստան ինչ դատիցի կամ վճիռս ինչ հատանիցէ. եւ միանգամայն իսկ առաք ի միտ, թէ իբրեւ զլուկս կամ սահման կայ առաջի մարդկեղեն քննութեան, յորժամ սա ի բնութիւն անդը միջամուխ լինել խորհիցի։ Այժմ մեզ փիւսկեան դիտութիւն յանդիման առնի։ Արդարեւ սորին բնութիւն եւ գնացք յուսողութենէ անտի այլակերպ իմն են. չիք սորապին ճոխութիւն եւ սերտութիւն ի վճիռն տալ եւ ի դատել միանգամայն ցոր վայր իրացն բովանդաւ-

* Զայունական բանն գուտիք, գուտիք, որ բնական կամ բնութեան յայտ առնէ, վասն ընտրելոյ ի մեւս եւս բանէ naturalis, naturel, որ նոյնպէս բնական նշանակէ, համարձակեցաք փիւսկեան (փիզիզա, փիզիզական) անուանել, իբրեւ սեպհական ինչ անուն բնական դիտութեան, physique, որպէս դատանեմք իսկ զնոյն բան ի կեր արկեալ բազում ուրեք ի նախնեաց անտի ի թարգմանութեան Եւսերեաց եւ ի Աեցօրեայ արարշութեան ճառս Ա. Բարողի։

կութիւն եւ ընդարձակութիւն ձգիցի. զի ոչ եթէ իբրեւ զուսողութեան ուսումն ի ճշմարիտ սկզբանց նկատութեամք զջշմարտութիւն ընծայեցուցանէ, այլ ի փորձոյ արդեանց, եւ ի հաստատութենէ գործոց մատուցեալ մեղմով զբնութեան երեւոյթս պարզէ եւ յայտնէ: Աակայն եթէ ի նիւթ անդը սորա զուրով գայ, եւ յարդիւնսն զոր ծնուցանէ, հայիցիմք, պարտիմք խոստովան լինել թէ ընդարձակութիւն սորա քան զուսողութեանն առաւել անբաւ եւ անեզը է: Յուսողութեան զքանիօնութիւն մարմնոց ի քնին արկանեմք, գոդ իբրեւ յեղեր շրջիմք, վասն այնորիկ եւ իբրեւ ի լրջի եւ ի յայտնութեան խուզեմք եւ քննեմք եւ ընդ միմեանս հարկանեմք. իսկ ի փիւսկեան գիտութեան ի բնութիւն անդը անբաւ եւ անսահման ընկղմեալ մտանեմք, եւ ի մէջ ազօտ աղօտն եւ ծածուկ երեւութից բնական իրաց գուն եղեալ ջանամք զօրէնս ինչ կամ զզօրութիւն բնութեան յայտնի եւ գուշակաւոր կացուցանել: Այլոց գիտութեանց բնականաց նիւթ եւ ծառ մի ինչ ի մաանաց կամ ի զօրութեանց բնութեան է, իսկ սորա ամենայնն իսկ համօրէն բնութիւն ազդեցի եւ զննելի. վասն այնորիկ իսկ արժանի է անուանն, որով յորջորջին, զի փիւսկեանն՝ յախտարակաց կամ բնութեան ուսումն յայտ առնէ:

Եթէ առաջին տեսիլ, եւ պայման մարդոյ ի մարմնաւորական կեանս ի քննել զբնութիւն է, որ եւ ոչ սակաւ ազդեցութիւն ի մտաւորական եւ ի բարոյական կեանսն գործէ, ապա առանց խիթի եւ խղճի մարթ է համարձակ ասել, թէ փիւսկեան ուսումն առաջին ուսումն է յուսմանց՝ որ մարդոյ կարեւոր իցեն, եւ գոդ ընդ կենացն տեսլեան կապեալ եւ խառնեալ է: Վիմիական միաւորութիւն, լուծումն, մենքենական գործուածք, ազգի ազգի պիտանութիւն (կիրառութիւն) շարժման, հնաբը եւ հայթայթանք վասն ի բնութեանն պատահարաց

պատսպարելոյ, ջան եւ հողաբարձութիւն խելամուտ լինելոյ օրինաց բնական իրաց (թէպէտ եւ զառաջինն առաւել յարդիւնս քան ի պատշառս էր խելամութիւնն), եւ այլ եւս սոցին նման իրք որ ի քննութիւն բնութեան պատշաճին, վասն զնա ի պէտս կենաց մերձեցուցանելոյ, գրեթէ ընդ կենաց մարդոյ սկիզբն առեալ եւ նովին յառաջ մատուցեալ են: Ա ասն զայս ամենայն խնամով ի միտ առնլոյ, սկիզբն արասցուք զբնութենէ եւ զպատմութենէ սորին ուսման համառօտիւք ճառել:

Չէ մարթ դիւրաւ զպէսպէս իրաց որ ի բնութեանն ուսման մեզ ի քննել ընծայեցուցանին, եւ զազգի ազգի բարունակաց փիւսկեան դիտութեան որ ի նոցունց ծնանիցին, բովանդակ եւ ըստ բաւականի ասել: **Օ** ինչ նիւթն իցէ կամ զինչ այն իցէ որ զգայնոց մերոց տացէ առնուլ ազգումն եւ խմանալ, եւ որ այն իցեն էական կամ դիպուածոյ սեպհականութիւնք նիւթոյ, այս ամենայն առաջին հարցուածք են, որ ի դիտութեանս յայսմիկ հարցանիցին եւ ի լուծանել առաջի արկանիցին: **Ապա** առաջին ի ճառել սորին դիտութեան նիւթն է: **Կ** արժումն, զորոյ զօրէնս անդստին ի խորհրդոց ուսողութեան մարթեմք զմտաւ ածել թէ կարեւորք են, այնուշ զի ազգի ազգի պատշաճութեամբ յուրոյն եւ ի մեկնակ երեւոյթս ի կիր արկանի, առատագոյն նիւթ քննութեանցն մերոց չնորհէ: **Ի** այց քանզի օրէնքս այսոքիկ ըստ առանձինն ինչ իրաց (յատկութիւն) մարմնոց յորս պատշաճելն պարտին, զանձինս յօրինեալ յարդարեն, վասն այնորիկ շարժման ուսումն որ մեքենական ուսումն (mécanique) իսկ ի գլխովին է, ազգի ազգի բաժանի, զորմէ յետոյ առանձինն ճառեսցուք:

Օ երկուս եւս այլ ուսմունս պարտ է ի բարունակս անդ փիւսկեան դիտութեան հաշուել, որ զնիւթովք կշռելոք (pondérable) զան, այս ինքն

զայնպիսեօք որ ծանրութեանն զօրութեան հնազանդեալ են: Ուսմունքս այսոքիկ են ուսումն հնշման որ Լսողութիւն (acoustique) կոչի, եւ ուսումն երեւութից որ իմէջ համատարած օգոյն (atmosphère) դիպիցին, որ է Ուսումն զբօսուցիկ իրաց (météorologie), թէպէտ եւ վերջինս այս ի հարկէ իմն զրեթէ յամնայն իսկ բարունակս փիւսկեան դիտութեան գտանէ մուտ, եւ նմին իրի իսկ կամ ամենեւին ուրոյն եւ կամ ուր ուրեք եւ միաբանութիւն եւ յանկութիւն իրաց իրաց պահանջիցէ, խառն ի միասին զսմանէ ճառի: Այլ եւս մնացեալ ուսմունք փիւսկեան դիտութեան, որ զնիւթովք չկշռելեօք գան, այս ինքն է զայնոքիւք որ չեն ընդ զօրութեամբ ծանրութեան անկեալ, ի չորս գլխաւոր բաժինս բաժանին, այս ինքն է զլուսոյ, զջերմութեան, զեղեկտրիոնական զօրութեան, եւ զՄագնետական զօրութեան զշանդամնս որոնել եւ զնոցին զօրէնս ի խոյզ արկեալ քննել, յորոց ի քննութիւն փորձ իրացն առաջնորդեաց ած: Արեւոր ինչ մասն է փիւսկեան դիտութեան եւ քիմիական ուսումն:

ՊԱՏՄՈՒԹԻՒՆ. Արդիկ յետ զպէտս մարմնաւոր պիտոյիցն հայթայթելոյ, զանձինս իւրեանց եւ զիրս որ շուրջ զնոքօք կային, քննել ի մտի զնէին, ի հայել ընդ աստեղս կամ ընդ լուսաւորս որ նոցա լուսատու լինէին եւ միանդամայն իսկ բովանդակ բնութեանն դիտութեան խելամուտ լինել: Ամենայն ազգք նախնեաց, որ յօրինուածութեամբ եւ իմաստութեամբ մեծանուն եւ նշանաւոր եղեն, ոչինչ անփոյթ առնէին ի քնին զընութեան մարմինս արկանել, եւ տեղեկութիւնս ինչ փիւսկեան դիտութեան ստանալ: Իազումք համարին այնպէս թէ բովանդակ նախնեացն առասպելախօսութիւն (mythologie) ի փիւսկեան դիտութիւն անդր պատշաճիցէ, եւ թէ Ոսիրիդն եւ Խսիդ եւ Արամազդ եւ Այերա եւ Հեփեսատոս եւ այլք եւս ի դիցն, ու այլ

ինչ իցեն՝ բայց իրք բնութեանն գիտութեան, զորս
նախնիքն պաճուճեալ առասպելաց քողով առագա-
ստեալ յանդիման կացուցանէին վասն զժողովրդեանն
թանձրամտութիւն դրօսեցուցանելոյ, եւ այնպէս ի
ձեռն կրօնիցն պաշտաման զնոսա յանմահութիւն
հանէին։ Եւ վասն այնորիկ իսկ հինք ի պուետիկո-
սաց՝ նիւթո իւրեանց մրմնջոցն ի գիտութենէ անտի
աշխարհի առնոյին. որպէս զարարած երկնի եւ զա-
րարած երկրի, զյօրինել եւ զյարդարել իրաց եւ զկազ-
մած տիեզերաց։ Ի մէջ աղջացն այնոցիկ հանապազ
արք անուանիք ուսմամբք եւ խելամտութեամբք
պանծացեալ պարծէին թէ տեղեկութիւնս զդործոց
բնութեան ունիցին։ Խայց այն ամենայն վտարան-
դի իմն եւ վարկպարազի խորհուրդք էին, տեսիլք
լուծեալք եւ խախտեալք, ճառք համօրէն զամենայն
իրաց, կարծիք տկարք, որ ոչ յօդեալ իմն եւ աղխ-
աղխեալ բովանդակածս եւ ոչ նկատութիւնս փի-
զիսոփայականս յօրինեալ կազմէին։

Յաղանդոցն Յունաց բնութեան գիտութիւն
սկիզբն առնոյր, եւ գպրոցք Միղետայ եւ Արտօնայ
խանձարուը լինէին փիւսկեան ուսման. անդէն ի
նոսա լինէին քննութիւնք, պատճառք ի խոյզ ար-
կեալ քննէին, յուրոյն տեղեկութեանց հասարա-
կաց համօրէն կարծիք ելանէին, համաշխարհական
կարգք հաստատէին, եւ միանգամայն իսկ փիւսկեան
գիտութիւն ծնանէր։ Խաղէս լինէր առաջին, որ
գպրոցս փիղխառփայութեան կացուցանէր, եւ որպէս
կիկերոն ասէ, ինքն իսկ է որ զառաջինն խոյզս ինդրոց
զբնական իրաց առնէր։ Օ այնու ժամանակաւ եւ
Պիւթագորաս յիտաղիա մեւս եւս գպրոց հաստա-
տէր եւ աշակերտոքն հանդերձ ի քննել զմարմինս
բնութեան մտադիր լինէր։ Արդարեւ յոնիականն եւ
պիւթագորեան աղանդք, Հերակղիտեանք, Գեմո-
կրիդեանք եւ այլ եւս փիղխառփայիցն չոկք զփիւս-
կեան ուսմամբք գային, եւ մարթ է ասել թէ փիւս-

կեան էր բովանդակ փիղիսոփայութիւն նախնեացն Յունաց : Հինք ի փիղիսոփայից Յունաց , որպէս Տուղիսս ասէ , մինչեւ ցԱկրատէս , զհամարոյ եւ զշարժմանէ ճառէին , եւ թէ որպէս կամ զիարդ իրք ի լինել դայցեն եւ որգունակ ի կորուստ գնայցեն , այլովքն հանդերձ . Սոկրատէս լինէր առաջին , որ ի բնութենէ անտի ի բարոյս եւ ի կարգս վարուց զիփ- զիսոփայութիւն փոխէր : Ի՞այց ոչ եթէ բնութեանն գիտութիւն ի բաց ի միջոց բառնայր . զի Դիմոկրատէս , որ թերեւս մին ի նշանաւոր փիւսկեանց նախ- նեաց իցէ , առ Սոկրատայ ժամանակաւ պայծառա- գոյն լինէր : Պղատոն որ կզկզաթն կաթոգի էր զԱռ- կրատայ , որոյ աշակերտ իսկ էր , առ Հերակղիտեայ , առ Պարմենիդեայ , առ Տիմեայ եւ առ ընթեր այ- լոց՝ որ յախտարակաց փիղիսոփաքն էին , ի խրա- տու վարդապետութեան բնութեան վայելէր եւ ի գաղտնիս փիւսկեան գիտութեան թափ անցեալ մտանէր : Ի՞այց թերեւս փիղիսոփոս նրբագոյն եւ առաւել խորաքնին եւ լայնախորհուրդ ի մէջ Յու- նացն ամենեցուն քան զԱրիստոտեղէս ոք չգուցէ . եւ սա մանաւանդ բնութեան խելամտութեամբն նշա- նաւոր լինէր : Ատոյիկեանք իսկ ի զլեսովին որ իբրեւ բարոյից վարդապետք ծանօթ եւ երեւելի են , առան- ձինն զփիւսկեան գիտութեամբ դային . եւ Սենեկա , խիստ ստոյիկեան , թուի թէ ամաչիցէ իմն ընդ այն եթէ առաւել փոյթ զբարոյից փիղիսոփայութենէ ունէր քան զախտարակաց գիտութենէ . եւ այնշափ սա քան զնա առաւել է , ասէ , որչափ դիքն քան զմարդիկ վերագոյն իցեն : “Եա եւ Եպիկուրոս զոր հուսկ վերջին փիղիսոփայից մարթ է համարել , ի Տի- մոնէ յետին ի մէջ փիւսկեանց անուանեալ կոչի . եւ ի մէջիւրոյ մեզկ եւ անձնդեւր բարոյից ուսմանն , երեսուն եւ վեց դպրութիւնո զբնութենէ զրել չդանդաղէր :

Ի՞այց վասն գիտութեանն զոր Յոյնք զբնու- թենէ ունէին , որպիսի ինչ կարծիս կարծել պարտ

իցէ: Արդարեւ եթէ ընդ իրս ժամանակացն յորս
թաղէսն եւ Անաքսիմանդրսս եւ Պիւթադորաս եւ
Դեմոկրիտոս եւ այլ եւս փիղխոփայք զիւրեանց
ուսումն վարդապետութեան դնէին, միտ եղեալ
նայեսուք, զարմանք մեծառանչ ունիցին զմել թէ
զիարդ յայնժամ՝ յորժամ գեռ եւս սակաւ լուսաւու-
րութիւն էր, եւ նուազութիւն քննութեանց եւ
փորձոյ, Յոյնք այնպիսի եւ այնշափ տեղեկութեանց
խելամուտ լինէին, ուր այժմու փիւսկեանք այնշափ
գործեօք եւ ստեպ փորձով եւ խնամով մտադիր լի-
նելով հազիւ մարդացան այնց ճշգրտիւ ի վերայ
հասանել: Ի՞այց եթէ ի պայման անդր գիտութեանն
նոցա հայիցիմք ուշով, գտանեմք եթէ խելամու-
թիւն նոցա զոր զբնութենէ ունէին՝ թերակատար
եւ բազում մթարութեամբ եւ անյայտութեամբ էր:
Տերակատար այնու՝ զի զամենայն ի նկատութեան
կամէին ձանաչել եւ զփորձոյն հանդիսիւ զանց իմ
առնէին: Ի՞այց փիւսկեան գիտութեան այնպիսի
բարք են, զի առաւել փորձիւ եւ զննութեամբք կայ
ի կայի եւ ի հաստատութեան եւ ի կատարում
անդր գայ, քան մտախորհութեամբ եւ խորհրդովք.
եւ ժամանակաւ եւ համբերութեամբ մանաւանդ
քան հանճարով կարօտ է առ ի զիւր գիւտս յայ-
տնութեանցն հաստատելոյ: Խսկ ընդվայրախոյզն եւ
ամենադէտ միտք Յունաց, եւ յօժարութիւն ցան-
կութեան նոցա ի բնութիւն անդր միջամուխ թափ-
անցանց լինելոյ եւ զամենայնի եւ զբնաւի զհան-
գամանս յայտ առնելոյ, եւ զպատճառան հատու-
ցանելոյ, միանդամայն իսկ՝ սքոզաստիկեան ոգի,
սէր մարտի մաքառման եւ յուրուք ուրուք կողմանէ
եւ ի թերէ լինելոյ, բազում վեաս առնէին եւ խա-
փան իմն լինէին ճշմարտիւ օգուտ գտանելոյ եւ յա-
ռաջադէմ լինելոյ Յունաց ի փիւսկեան գիտութիւնս:
Խսկ մթարութիւն ի խնդիրս նոցա այն էր, զի զան-
յայտ զանբաւ զառանց լուծանելոյ եւ զանշահ խնդրոց

առնեին յոյզս եւ վիճմունս . ընդ հայց անկեալ խնդրեին թէ զիարդ աշխարհիս արարած լիներ, եւ զի՞նչ առաջին սկզբունք մարմնոց իցեն, եւ որ ներքին եւ ծածուկ պատճառք իրաց իցեն . վասն այսպիսի իրաց անյայտից զո՞ր փորձ, զորպիսի զննութիւն մարթեին յայնժամ գտանել փիղիսոփայքն ։ Թաղես դներ թէ ջուր՝ որ ի պէսպէս կերպարանս յօդեցաւ, յօրինեաց զսկիզբն ամենայն մարմնոց : Անաքսիմենէս զօդոյն կարծեաց թէ սկիզբն իցէ . Հերակղիտոս զհուր եւ այլք զայլս ի չորից հիւթոց գնեին : Անաքսադորաս թանձրութիւն իմն ամենայն նմանագոյն մասանց մարմնոց զմտաւ ածեր, զոր նտս սերմն ամենայնի կոչեր . Պիւթագորաս ի թիւմն իւր ընթացաւ եւ Պղատոն ի տեսիլս . Դեմոկրիտոս ի հողամազն եւ ի դատարկութիւն ապաստան լիներ . Արիստոտեղէս ի նիւթ եւ ի կերպարանս եւ այլք ազգ կարծեաց գտակ եւ ջատագով լինեին :

Ի գեպ եւ պատշաճ է վասն զՅունաց խելամտութիւն ի բնութեան ուսման ճշգիւ գտակաւ իմանալոյ, ասել թէ զի՞նչ եւ որչափ ինչ իւրաքանչիւր փիղիսոփայիցն աղանդք յուսումն անդր նպաստ լինեին : Յօնիական աղանդ, որ ի թաղեայ վասն ի Յոնիայ լինելոյ զյորջորջումն անուանն առնոյր, եւ առանձինն անուամբ փիւսիեան աղանդ յորջորջէր, ոչինչ ի պայծառութիւն ուսմանն յաջողէր . որչափ եւ անուանի փիղիսոփայք իցեն որ յաղանդոյ անտի պայծառանային, որպէս ինքն թաղեսն եւ Անաքսիմենէս եւ Անաքսադորաս եւ Արքեղաւոս, այլովքն հանդերձ : Յօնիականքն զհետ ընդունայն եւ անոտի խնդրոց անկեալ բազում ինչ անհեղեղս զբաբանեալ ճամարտակէին : Խտաղական ջոկն, թէպէտ եւ առաւել զուսողութեամբ եւ զբարոյից գիտութեամբ գայր քան զբնութեան փիղիսոփայութեամբ, սակայն քան զառաջինս յաճախագոյն ի գիտութիւն անդր բնութեան

ձեռնտու գտանէր : Արդարեւ Եմբեղոկղէսն եւ Ար-
քիտաս եւ Փիղողաւոս եւ Եւղոքսոս եւ այլ եւս
իմաստունք պիւթագորականք զուսողութեան ըն-
ծայութիւնս ի նկատութիւնս անդր բնութեան ա-
ծեալ խնամով բնութեան մտագիր լինել մարթա-
ցան . բազումք յարդեաց ասէին թէ նշմարանք զո-
րութեանցն ձգելեաց եւ վանելեաց Կեւտոնի երեւի-
ցին ի միաբանութեանն եւ ի չմիաբանութեանն զոր
Եմբեղոկղէսն պիւթագորական դնէր : Աւ արդարեւ
քան այլոց աղանդոց փիղիսոփայք , առաւել Խտա-
ղականքն բազում ինչ իրաց բնութեան հաւաստեաւ
խելամուտ գտանէին : Այց մանաւանդ Հերակղի-
տեանք , որոց աղանդ ի Հերակղիտեայ յարդարէր ,
նշանաւորք ի փիւսկեան ուսմունս լինէին : Աչ այն-
չափ Հերակղիտէս յարդարիչ աղանդոյն , որչափ Ղեւ-
կիպպոսն եւ Դեմոկրետոս , որ յետ նորա ի չափ
հասանէին , ի յօրինումն անդր գիտութեանն նպաստ
լինէին , մանաւանդ Գեմոկրետոս որ ի բազում կար-
ծին նուրբ իմն եւ կորովի միտս եւ հնարագէտ հան-
ճար ցուցանէր , վասն որոյ յիրաւի Փիւսկեան անուա-
նելոյ արժանի գտանէր , թէպէտ եւ նա եւս ի մո-
լորութեանց եւ ի մխալութեանց չէ աղատ եւ ի վեր :
Պերիպատետիկեանք , հանդերձ Արիստոտեղէաւ որ
վարդապեան է աղանդոյն այնորիկ , որչափ եւ անուա-
նի իցեն , սակայն եւ այնպէս ոչ մարթացան ուղ-
ղորդ ի ճշմարիտ կէտ անդր բնութեանն գիտութեան
հայել նկատել : Ատոյիկեանք որ ի բարոյից իրս ան-
գամ ի պաճուճանս եւ ի ճարտարել յօժարէին ,
զեարդ հաստատութեամբ բնութեանն ուսման մար-
թէին հասու եւ խելամուտ լինել : Փիւսկեան գի-
տութիւն Եպիկուրայ որ գրեթէ բովանդակ ի Դե-
մոկրետեայ առնոյր , քանզի առաւել մենքենական
իմն եւ յատակ էր , քան պարզեալ եւ մետափիւ-
կեան , վասն այնորիկ եւ աւելագոյն քան զայլոց
դպրոցացն Յունաց կըթէր եւ ուսուցանէր : Այլ եւս

աղանդք, որպէս ակադեմիկեանն եւ սկեպտիկեան եւ որ նոցին նմանք իցեն, թէպէտ եւ ազատ ի կողմն ինչ յարելց էին, բայց քանզի ի վարդապետութեան իմիք չկային հաստատուն, վասն այնորիկ յառաջագէմ լինել յիմիք չէին ձեռնհաս:

Աւասիկ ի թաղեայ մինչեւ ցանկանել վիղեսսկայութեան Յունաց ընդ ամենայն ջոկս աղանդոցն անցեալ, տեսաք թէ զեարդ ի կազս առանց զրաւելց եւ ի պայքարս վիճանց անկեալ, եւ իւրաքանչիւր իւրեանց աղանդոյն կողմանն կարծեաց պաշտպանել ինամով գուն եղեալ, ոչ ինչ շահ օգտի յուսումն բնութեան գործել մարթացան:

Հռոմայեցւոց զփիւսկեան գիտութենէ առանձին ինչ վարդապետութիւն ոչ դոյ. զի նոքա որպէս յայլ խելամտութիւնս գիտութեանց, նոյնպէս ի բնութեանն ուսման զտեղեկութիւնս Յունաց առեալ բովանդակէին: **Հ**ռոմայեցւոց ճարտարութիւն եւ արուեստ այն էր, վարել եւ առաջնորդել անբաւ մեծութեան աշխարհաց իշխանութեան իւրեանց, մարտ մղել, զսահմանս մեծանիստ պետութեանց ձգեալ տարածանել. չգոյր ինչ նոցա ժամանակ պարապոյ զգիտութեանց որ նկատութեամբն իմանայցին, փոյթաննել եւ ի նոսին թեւակոխել, որպէս ասէ, նա գուլ եւ պատուէր իսկ տայ պւէտն: **Բ**այց զայս ինչ պարտ է խոստովան լինել թէ Հռոմայեցիք առնուլ առնուին ի Յունաց, սակայն քան զիւրեանց վարդապետան իսկ առաւել երանելի եւ երջանիկ էին, զի զորս առնուինն, մեծաւ հաւաստեաւ եւ պայծառութեամբ յանդիման կացուցանէին. թերեւս չգուցէ ստոյիկեանց ի բովանդակ աշխարհին Յունաց ի փիւսկեան գիտութեան եւ ոչ ի բարոյից փիղեսսկայութեան այր մատենագիր՝ որ Աենեկայ հանդոյն եւ հաւասար իցէ, եւ ոչ Եպիկուրեանք ունիցին զոք դրագիր, որ ընդ Պուկրետեայ ի համեմատութիւն գալ մարթայցէ:

Յետ Սոկրատայ ոչ ի Յունաց եւ ոչ ի Հռու-
մայեցւոց միջի դտանիցի ոք փիղխոփոս , որ փիւս-
կեան անուանեալ կոչելոյ արժանի իցէ : Փիւսկեան
ուսումն յետ այնորիկ ի բազում ընդ վայր եւ տա-
րապարտ եւ ի զրաբան խնդիրս ուսնառեալ կործա-
նէր , եւ ամենեւին իսկ գձձէր եւ անարդէր այնպիսի
մեծարոյ ուսումն : Խւ ոչ Արաբացիք , որ ընդ նրբու-
թիւնս անոտի խնդրոց սքովաստիկեան վարդապե-
տութեան հարեալ հատեալ էին , նպաստ ինչ ի
յառաջադիմութիւն սորին ուսման լինել մարթացան :
Ի նոյն թանձրամած խաւար մածեալ կային եւ ազգք
Եւրոպացւոց ի խոնարհագոյն ժամանակս . եւ եթէ
ուրեք երբեք Ազբերտոս եւ Բակովն եւ Պուղղիոս եւ
Առնազդոս խելամսութիւնս ինչ զընութեան գիտու-
թենէ ստացան , այն ոչ եթէ ի դպրոցացն վարդապե-
տութենէ կամ յօրինացն լինէր , այլ ի մենքենական եւ
ի քիմիական ուսմանց , եւ յիւրեանց առանձինն ար-
դեանցն գործոյ եւ ի փորձ եւ ի հանդէս մտանելոյ :
Խաղցուք լքցուք եւ ի մուացօնս արկցուք զերկայնա-
ձիգ ժամանակսն զայնոսիկ մթութեան եւ աղջամշլջի ,
եւ եկեսցուք ի նկատել զաւուրս զուարթագոյնս , որ
յառաջագոյն իսկ քան զեւթնուտասներորդ դար ծա-
գեալ երեւեին , եւ միտ եղեալ հայեսցուք խնամով
ընդ ծնանել փիւսկեան ուսման , եւ զդիւցազունսն
որ այնպէս արութեամբ քաջութեամբ յառաջարեղ
անդր բնութեան դիմագրաւ միջամուխ լեալ նահա-
տակէին : Օ հնդետասաներորդ եւ զվեշտասաներորդ
դարէ են բանքս , յորում ժամանակի ոգիք զար-
թնուլ սկիզբն առնուին , եւ յամենայն կողմանց յոր-
դորէին զսահմանս խելամտութեանն իւրեանց ընդար-
ձակել , զմոլորութիւնսն՝ որ անդստին ի բազում դա-
րուց շեղակուտեալ , խոչ եւ խութ արկանէին պայ-
ծառանալոյ իմաստութեան մարդկեղէն հանձարոյ եւ
յօրինուածութեան քաղաքի , քակել խլել եւ ի բայ
ի միջոյ պարզել : Ի ժամանակին ասեմ յորժամ

Վասկովին Գամայ զգլուխ Բարւոյ յուսոյ, Կողումբոս
զաշխարհն Ամերիկեցւոց գտանելն, Մագեղան զհիւ-
սիսական կողմանս որոնեալ խնդրէր, Դրակէ շուրջ
զերկրաւ ճանապարհորդէր, աստեղագիտութեան ու-
սումն զշղմայսն եւ զպարաւանդո՞ որովք զնա ու-
սումն Արիստոտեղեայ կաշկանդեալ ունէր, ի բաց
թօթափէր. Կոպեռնիկոս դՊիւթագորայ բովանդա-
կածն միւսանդամ յարուցանէր, եւ ուսուցանէր, թէ
երկիր շուրջ դայ. Տիւքոն զհանդամանս գնացիցն՝
զոր գնայտն աստեղք եւ դիսաւորք ունին, ուսա-
նէր. Կեպղեր զերեսին օրէնոն՝ ըստ որոց շարժմունք
երկնաւոր մարմնոց յարդարին, յայտնէր. Գաղղիղէոս
իւրով հեռագէտ գործւով ի զնին ելանէր երկնիցն
հաստատութեան, զծանրութեան հանդամանս իմա-
նայր եւ արկանէր հիմն փորձոյ անուանեալ փիւս-
կեան գիտութեան. Տորիկեղղի պնդելոյ համատա-
րած օդոյն գտակ լինէր, եւ ի վերջէ Փրանկիսկոս
Բակովն* հորդէր ճանապարհ անքոյթառյապայ եկե-
լոցն անվրէալ ի ճշմարտութիւն անդր հասանելոյ։
Աստ է աւասիկ սկիզբն եւթնուտասներորդ դարու։

Հայր եւ սկիզբն նորոյ փիւսկեան գիտութեան
զԲակովն եւ զԳաղղիղէոս զնել արժան է։ Բա-
կովն զառաջինն զամենայն արգելս որ այնմ ուսման
խափան լինէին՝ ի բաց ի միջոյ բառնայր, ոչ վիճ-
մամբք ինչ եւ մաքառմամբ, այլ փորձիւ եւ տեղե-
կութեամբ եւ մտադիւրութեամբ մտադիր լինէր։
Բայց հարկ է թէ Բակովն տեղի տայցէ Գաղղիղէոսի,
որ ոչ եթէ նորոգիչ, այլ գտակ իսկ եւ արարիչ

* Երկու են Բակոնք, առաջինն յերեքտասաներորդ դարու,
որ Հռոդերոսն կոչի ի կարգէ փրանկիսկեան վանակա-
նաց, որ յայնժամ տեղեկութիւնս ինչ փիւսկեան ուս-
ման ուսուցանէր, եւ այնչափ անուանի լինէր ի ժամա-
նակին յայնմիկ, մինչեւ Ալարդապետ զարմանալի անուա-
նեալ կոչել։ Երկրորդն է մեծանունն Բակովն որ Փրան-
կիսկոս ի Ակրուղամեայ կամ Ակրուղամիոսն յորջորջի
ի վեշտասաներորդ դարի։

փիւսկեան ուսման ճանաչի : Այս մինչ այն
գասսենդոս եւ Կարդեսիոս երկրքին արք անուանիք
ի Գաղղիա նոր իմն փորձ փորձեն, եւ յառաւելա-
զոյն պայծառութիւն զբնական դիտութիւն հանեն:
Գաղղեղէսս եւ նորին աշակերտք մտադիր լինեն
զայնպիսի ճշմարտութիւնս բնութեան մեկնել, որ
ատակաւ տակաւ եւ մեղմով յանդիման կացուցանի-
ցին, եւ զմասանց ինչ ուրոյն ճառէին . բայց սոքա
երկոքին գեղեցիկ իմն յանդկնութեամբ զբովանդակ
համաշխարհական բնութենէ գիրկընդիսառն լինել
ձեռներէց լինեն, եւ ողջոյն ինչ մարմին փիւսկեան
դիտութեան ընծայեցուցանել ձեռնհաս եղեն : Օ այ-
նու ժամանակաւ Պատկաղ զօդոյ եւ զհեղեաց առ-
նէր քննութիւնս, զհասարակակշոն կշռոյ հեղեաց
եւ զծանրութենէ օդոյ գրեր : Գուերիկէ ի Գերմա-
նիա պէսպէս գիւտիւքն մանաւանդ օդահան եւ ե-
ղեկարիոնական գործւով եւ այլովք մենքենայից
հայթայթանօք զիւր անուն անմահ կացուցանէր :
Օ նորին օդահան գործւոյ հանդամանս իմանայր եւ
բոիդ յԱնդղիա, առանց Գուերիկեայն ծանօթ ինչ
կամ տեղեակ լինելոյ . եւ ոչ միայն զնոյն մենքենայ
կատարեալ յօրինէր, այլ եւ զբազում գործեաց եւ
զգիւտից եւ զճշմարտութեանց հնարս իմացաւ եւ
պատմեաց : Բայց ոչ միայն օդահան գործի, այլ
եւ ջերմաշափն եւ ծանրաշափ եւ խոնաւաշափ եւ
այլ եւս բազում կարեւորագոյն գործեաց կաղմած,
զուսումն փիւսկեան դիտութեան յառաջադէմ մա-
տուցանէր :

Հետուստ ուրեմն Կեւտոն պայծառանայր, յո-
րոյ ձեռն գոդ ի ճեմելիս ելանէր, եւ յարքունական
շուք պատուոյ փիւսկեան ուսումն հասանէր : Գա-
ղղեղէսս յայնժամ անչափ գովութեան եւ յարդանաց
արժանի լեալ էր, այնուշ զի զերկրաշափութեան
ճարտարութիւն ընդ փիւսկեան ուսման միաբանել
մտաբերեաց, որով եւ բազում յայտնութեան դտակ

լիներ։ Ուզենիսս առաւել աղնուագոյն զփիւսկեան ուստմն գործէր, իբրեւ զայն ընդ բարձրագոյն եւ աղնուագոյն եւս երկրաչափութեամբ քան զգաղիշեայն արկաներ։ Խոկ Նեւտոնն լիներ առաջին որ զնա իւրով ճշմարիսն պայծառութեամբ յանդիման կացուցանել ինելամուտ լիներ, եւ գող աստուածեղէն իմն զուսումն զայն յարդարէր, այնուշ զի յայլ ամենայն գիտութեանց զատուցեալ անջատէր զբնական գիտութիւն եւ զբնաւս ի սորա սպասաւորութեանն պաշտօն ածէր, զի ամենելքին նմա արբանեկութիւն հարկանիցեն եւ զնորին փառսն եւ զբարդաւաճանս աճեցուցանիցեն։ Խանագրովք համարողութիւն կարի խոկ ծածուին եւ թագուն, երկրաչափութիւն խորագոյն, ընծայութիւնք հաստոք եւ անաչառք, հաշիւք գժուարին եւ բազմակնձիոն համարոց, եւ միանդամայն ամենայն ինչ ի ձեռն Նեւտոննեայ ի պայծառութիւն փիւսկեան գիտութեան նպաստ եւ ձեռնտու լինեին։ Զայնու ժամանակաւ եւ Ղայրնիտիսս զիւր զմոնադայն կամ զմիութեանց բովանդակած հաստատէր։ թէպէտ եւ ոչ կարաց շահ ինչ օգտութեան անյայտ եւ խառնակ կարգօքն ի յառաջադիմութիւն եւ ի յատակութիւն բնութեան գիտութեան նպաստ լինել։

Օրինակ Գալիլեայ եւ Կարդեսեայ եւ Ուզենայ եւ Ղայրնիտեայ եւ Նեւտոնի յորդորէր զուսոզս զփիւսկեան գիտութենէ ճառ արկանել եւ խօսս եւ գիրս ծաղկեցուցանել, եւ ի մեջ ընծայութեանց երկրաչափութեան ի խոյզս խնդրոց փիւսկեան գիտութեան զանձինս մխրճէլ։ Իւեռնուզզի, Կայզզ, Մակղաւրին, Պողենի, Վարինեսն, Վոզփիսս եւ այլ եւս խմաստունք խորաքնինք երկրաչափ ճարտարութեան մեծաւ փութով եւ հոգաբարձութեամբ փիւսկեան գիտութեան խնամարկեին, եւ ազգի աղզի մատենագրութեամբք պայծառացուցեալ յատակէին։ Իւայց մտահաճութիւն եւ կանխսակալ սովորութիւն ՆԿԸ. ՈՒՍՄ.

կրթութեան, կարի իմն յարել ի սկիզբն ինչ դիտութեան յոր փութով եւ խնամով ուրոք զանձն տուեալ իցէ, ոչ այնպէս դիւրաւ նոր ինչ վարդապետութիւն յանձին ունել թողուն մարդկան, եւ զոր կանխաւն ուսեալ իցեն, սպառապուռ ջնջել եւ զհին կարծիսն մօտ հատանել ընկենուլ, եւ որպէս առէ Որատիոս, զոր ի մանկութեան ուրուք ուսեալ իցէ զայն ի ծերութեան արժանի արհամարհանաց հաշուել։ Արդ զոր օրինակ կանխաւ զաքողաստիկեան վարդապետութենէ բուռն հարեալ վակֆոյժ լեալ կային դպրոցք եւ դիւրանք եւ իմաստունք, նոյնպէս յայնժամ ի Գաղիա զփիղխոփայութենէ կարգեսեայ, եւ ի Գերմանիա զկարդացն Պայքնիտեայ խիղըս արկեալ թողուլ շառնուին յանձն, եւ վասն այնորիկ յազնուագոյն եւ ի սերտ նեւտոնական փիզիսոփայութիւն անդր ամենայն մուտ արգելեալ եւ խափանեալ կայր ժամանակս ոչ սակաւ։ Մինչ այս մինչ այն յառնէին արք որ զկանխակալութիւնն փարատէին եւ զնեւտոնական ուսումն սփուէին ընդ ամենայն աշխարհն Եւրոպացւոց։ Օտոաջինն կայզ զայնր զհանգամանս ուսուցանէր. ապա Մակղաւրին եւ Գեսագուղիէր յԱնդղիա, Մաւպերտիոս ի Գաղիա. նոյնպէս եւ Գերմանացիք թողեալ զՊայքնիտեան կարծեացն ճարտարանս զԵւեւոն վարդապետ ճանաչէին։ Արդարեւ նեւտոնական ուսումն է ճշմարիտ փիւսկեան ուսումն, եւ զնորին զՀետ գնացին ամենայն մեծանուն եւ հզօր փիւսկեանք որ յետ այնորիկ վարդապետ գիտութեանն այնորիկ համբաւեալ հռչակեցան։

Գեսագուղիէր թէպէտ եւ զնրբութիւն եւ զանոսրութիւն վարդապետութեանցն Կեւտոնի մեծաւ հաւաստեաւ եւ ճշդիւ յայտնեալ եւ մեկնեալ, զրեթէ նոր իմն զլուխ ժամանակի այսր գիտութեան զիւր ժամանակն կազմէր, սակայն առաւել զմենքենական ուսմանէ էին տակաւին ճառք լայնագոյնք։ Հայն-

ժամ՝ յառներ գրաւեսանդ, որ զայլոց եւս մասանց բնութեան գիտութեան արկաներ ճառս եւ ընդարձակեալ բովանդակեր զուսումնն: Հետ այնորիկ Մուշեմբերէկ եւ Նողետ պայծառանային, նա գիւրագոյն եւ հեշտանկալ եւ ընտանեգոյն զուսումնն յարդարէր, եւ սա զիստութիւնն եւ խոժոռութիւնն խիստ եւ ճշգրիտ հրամանացն մեղմացուցեալ ամոքէր, եւ վայելութիւն իմն եւ զուարթութիւն յուսումն անդր մուծեալ ամենեցուն սիրելի եւ անձկալի առներ զգիտութիւնն: Այսպէս փիւսկեանք եւ ուսողք եւ երկրաշափք եւ բնաւ ամենայն ոք որ միանգամ բնութեան մտադիր լինէր, ի պայծառութիւն սորին ուսամն յայտնութիւնս ինչ կամ գիւտո յանձանց եւ ի մտադեւր քննութենէ նոպաստ լինէին:

Դայց քանզի փիւսկեան ուսումն զիւրոյ պետութեանն իշխանութիւն յետ երեւելոյ իննեւտամներորդ դարու տարածանել սկիզբն առնէ, եւ անդըստին ի 1801 որդ ամէ անտի է ժամանակ պայծառութեան եւ մեծապանչ զարմանալեաց ճարտարութեանս այսորիկ, մանաւանդ յեղեկտրիոնական, ի մագնետական ուսամն, յուսման լուսոյ եւ ջերմութեան, հարկ է գոնեայ զգլիսաւոր եւ զնշանաւոր ճարտարացն եւ զմեծանուն զերախտաւոր փիւսկեանց եւ զնոյին խելամտութեանցն եւ յայտնութեանց համառօտիւք յիշատակել:

Եղեկտրիոնական զօրութեան ստէպ մուտ եւ խառնումն է ի քիմիական ուսումն անդր եւ ի ճարտարութիւնս արուեստից: Հառաջ քան զեւթնուտաններորդ դար չէր ոք հաւաստեալ խելամուտ այսմ մեծապանչ զօրութեան. միայն ձգիչ զօրութեան բազմագունի ականն եւ այլոց նիւթոց ինչ գիտակ էին: Յետ ընդմիջելոյ եւթնուտաններորդ դարու, որպէս վերագոյն ասացաք, Ոտտոն ի կուերիկեայ եղեկտրիոնական ինչ գործւոյ դտակ լինէր. զայնուժամանակաւ եւ Նեւտոն ոչ սակաւ մտադիր էր նմին

զօրութեան։ Յութեւասաներորդ գարու Գրեյ յայտ
առներ թէ կէպ ի մարմնոց, որպէս քրեական նիւթք,
ի մեծ բացարձակութիւն տարեալ հասուցանեն զչա-
զորդութիւն աղդ եցութեան եղեկարփանական զօրու-
թեան, իսկ այլք, որպէս ապակի եւ խիժ, չան մուտ
եւ անցս զօրութեանն այնմիկ։ Յայնմ ժամանակէ
հետէ զգործին եղեկարփանական եւս իմն կատարեալ
յօրինեալ յարդարէին, փսխանակ ծծմբոյն զնդզյ
զունզս ապակեղէնս եւ բարձինեար ի կիր արկանէին.
բազում փորձք կատարէին ի Գաղղիա եւ յԱնդղիա վասն
զերագութիւն այնր զօրութեան սահմանելոյ. եւ առ-
հասարակ զարմացեալ էին ընդ նմանութիւնն որ է
եղեկարփանական զօրութեան ընդ հրացան բոնու-
թեան փայլատականց շանթի, ի սատակել, յաւե-
րել եւ յայրել։ Յամի 1733որդի Գուփայ, յետ
յայտ առնելոյ թէ մարմինք հաղորդիչք մարթին
եղեկարփանական զօրութեամբ զգածնուլ, յորժամ
յամենայն կողմանց զատուցեալ մեկուսի կայցեն, ան-
դէն եւ զայն եւս եցոյց թէ երկու աղդք եղեկարփա-
նական նիւթոյ են, որոց միաւորութիւն զըսւն հիւթն
կամ զչեղլին եղեկարփանական կազմն։ Ո՞ետասան
ամառ յետոյ սկիզբն առնեին կայծակունս ի գործոյ
անտի առնուլ, որովք մանր մանր անսասունք սա-
տակէին եւ իրք դիւրայրեացք վառէին։ Յետ եր-
կուց ամաց կունեսու Վեյդեան զղեյդեան անուա-
նեալն շիշ հնարեր։ Յայնժամ եւ Փրանկլին բա-
զում անդամ փորձ փորձէր, եւ ստէպ հանդիսիւն
զհանդամանս նմանութեան եղեկարփանական զօրու-
թեան ընդ փայլատական ցուցանէր. նորա են տախ-
տակքն որ Փրանկլինեան անտանին. նոյն իմանայր
թէ ծայրք եւ ծագք որ ի նուրբ եւ յերկայն զլուխ
կատարիցին, դիւրաւ յինքեանս կորզեն զըսնութիւն
զօրութեանն, նմին իրի եւ զշանթաձիգս տանեաց
եւ բարձաւանդակաց յայնմ հետէ ի նոյն նմանու-
թիւն առնեին. Փրանկլին զայն եւս յայտ արար թէ

աղդեցութիւնք եղեկտրիոնական զօրութեան ի շարժամանէ առանձինն իրիք հեղւոյ են: Այնչափ ծանօթեին ի ժամանակին յայնմիկ աղդեցութիւնք սորին զօրութեան, մինչեւ գործիս ի հրապարակս ի զրօսանս եւ ի խաղ մարդկան շրջեցուցանել: Ի նմին դարու աեղեակ լինեին եւ այնմ թէ եղեկտրիոնական զօրութիւն ի մարմնոյ իմեքէ՛ որ զայն ունիցի, ի մեւս եւս մարմին՝ որ սակաւ ինչ բացադոյն մեկնեալ եւ զատուցեալ յամենայն կողմանց կայցէ, զաղդեցութիւնսն մարթի մատուցանել: Այս զառաջինն խելամուտ լեալ առաքելոցն քարողաց ի Պեկին, այսոր յԵւրոպա զեկուցանեին: Օայնու ժամանակաւ իմանային եւս թէ եղեկտրիոնական զօրութիւն մարթի ըստ օրինակի քիմիական զօրութեան աղդումն կատարել: Փրանկլին, Բեկկարիս եւ այլք զերկաթ, զապակի եւ զայլ եւս նիւթս հալէին:

Ի կատարած կոյս այնր դարու Վողտա ոչ սակաւ զարմանալեաց խելամուտ լիներ, նա իմանայր զհանգամանս՝ զխառնուրդ ջրածնի եւ թթուածնի եղեկտրիոնական կայծակամբք լուցանել. եւ յօրիներ զառաջինն զխտացուցիչն գործի (condensateur), յորոյ ձեռն մարթի նուազագոյն եղեկտրիոնական աղդեցութեան ժողովել կամ խառնալ: Զէ պարտ առանց յիշատակելց թողուլ զԳաղուանի, զզուգան եւ զնախանձըդդէմ Վողտայ, որոց վարդապետութիւն եւ պայքար մաքառմանն նշանաւոր են առ փիւսկեանս: Վողտա եւ Գաղուանի հարք եւ յարդարիչք են Շօշափման անոււանեալ նկատութեան. բայց մաքառումն վիճմանն նոցա այն էր, զի Վողտա՝ որ հնարագիւան եղեւ սեանն, որ ի նորա անուն կոչի, ի մերձենալց եւ յիբեարս գալոյ երկոցունց նիւթոց քրայականաց դնէր զպատճառս քսամնելոյն եւ սարսափմանն՝ որ յեղեկտրիոնական զօրութենէ անտի լինիցի, եւ զբուն իսկ ազդի աղդի աղդեցութիւնն սորին զօրութեան: Խակ Գաղուանի, վարդապետ

ուսման հերձլոյ ի բողոքիա, որ ի փորձոյ անտի մարմնոյ գորտի մեռելոյ շօշափմանն վարդապետութեան տեղեկացեալ էր, ի բուն ջիղս եւ ի նեարդս մարմնոյ անասնոյն համարէր, այնպէս զի եւ առանց քրէական նիւթոցն մերձենալոյ մարդէ է, ասէր, քըստմանն լինել, եթէ ջիղ (muscle) մի եւ նեարդ (nerf) մի զմիմեանս եկեալ զնիցեն: Ոցին վարդապետութիւն եւ կագ գրգռէր զըստում արս անուանիս զշետ լինել եւ քննել զիրսն. եւ քանզի քիմիական լուծմունք եւ այլ պէսպէս գործուածք այնք ուսման՝ սուրին շօշափման օրինակաւ գիւրագոյն եւ ազնուագոյնս կատարէին, նմին իրի եւ ոչ սակաւ շահ եւ յառաջադիմութիւն վիւսկեան - քիմիկեան ուսմանց լինէր, եւ անդէն յամին 1806երորդի նոր իմն սկիզբն տարւոյ լինէր եղեկարինական - քիմիական ուսման: Հայնժամամատ պայծառանային եւ Նիքողան եւ Պերկեղիս եւ այլ եւս բազումք, որ մեծաւ փութով միտ զնէին զշանգամանս քիմիական ազդեցութեան եղեկարինական զօրութեան ուսանել, մանաւանդ Դաւիթ որ շատ աճեցուցանէր եւ պայծառացուցանէր զփիւսկեան - քիմիկեան ուսմունս. եւ այսպէս զշանգամանս միաւորութեան, քակման եւ խառնման բազում նիւթոց, եւ զնոցին զօրութիւնս զարմանալիս զտանէին. վասն այնորիկ եւ զսիւնն յօրինել եւ աղնուագոյն գործել չանացին: Դասի յայտ արար թէ մարդէ է եւ զբեւեռսն շրջել որպէս զիարդ ուրուք կամք իցեն, եւ ի նոյն պէտս թիթզունս երկաթիս եւ պզնծիս ի կիր արկանէր. եւ քանզի ուղղորդ կայան եւ կանգուն կալ վողապյեան սեան բազում արդել եւ խափան ծնանէր, ոմանք ի փիւսկեանց զայն ի հարդ դիր ածէին, այնպէս զի կարդք նիւթոցն ոչ մի զմիով ի վերայ միմեանց կայցեն, այլ առընթեր իրերաց զայս դիր ընծայեցուցանէ գործին որ անուանեալ կոչել Անօթոյ կազմած (pile à auges). յետոյ մօտ ի մեր ամս Դանիէլ նոր իմն սիւն նովին վար-

գապետութեամբ կազմէր, բայց այնպէս իմ կարգօք, զի եւ հոսումնն հաստատուն իցէ, եւ յանկ եւ պատշաճ յարդիւնս գործոց. յետ այնորիկ եւս ոչ սակաւ փոփոխմունք առնէին ի կարգ անդը յօրինուածոյն եւ ի նիւթմն որ ի նոյն պէտս ի կիր արկանէին։ Եւ քանզի հարկ էր միում ի քրէական նիւթոց սեանն քակել եւ եղծանել վասն զսիւնն գործօն եւ արդիւնակատար ունելոյ, վասն այնորիկ ջանային առանց իրիք հեղլոյ եւ առանց զսիւնն թանալոյ զնոյն արդիւնս ստանալ։ Դեղուկ յամի 1809երորդի հնարեր առնել առանց տամլութեան միաւորութիւն վողայեան զուգաց, որ եղեկտրիունական ձկտումն ցուցանէին. Զամբոնի յետոյ կատարեալ եւս գործէր զկազմածն, եւ ցամաք սիւն կոչէր։ Զայնու ժամանակաւ եւ բժիշկիք ջանային զազդեցութիւնս սեանն յիւրեանց բժշկութեան պէտս ի կիր արկանել։ Դաւի մեկնէր եւ զպատճառս քակման նիւթոց եւ զպէսպէս երեւոյթս նոցա յեղեկտրիոնական զօրութենէ անտի։ Հետ յայտնութեանցն գաղուանեայ եւ Աղջայի բարոյախօսք եւ փիւսկեանք մտադիր լինէին խնամով իմանսալ զշանգամանս զօրութեանն որ երեւի ի ձկունս որոց եղեկտրիոնական զօրութիւն իցէ։ Դաղուանի թէպէտ եւ ծեր եւ հիւանդագին եւ տկար եւս էր, սակայն եւ այնպէս գնայր յեղերս Աղրիական ծովուն, զի զհանգամանս կազմածոյ մարմնոյ թմբըեցուցիչ ներկէս ձկանն ուսանիցի։ Առմբողդ, Դաւի, Աղջայա եւ այլ բազումք զնովինն քննութեամբ դային եւ յետուստ ուրեմն յայտ եղեւ թէ ի լինել արձակման ի մարմնի անդ անասնոյն թիկունքն զշաստատական՝ եւ որովայնն զուրացական անուանեալ ազդեցութիւնս եղեկտրիոնական զօրութեան ընծայեցուցանիցեն։ Պոասօն եցոյց զայնու ժամանակաւ թէ եղեկտրիունական հիւթ զերեսօք կամ զմկանամք մարմնոց հեղու զեղու։

Ամս ինչ մինչեւ ց1820երորդ ամ ուսումն եղեկտրիոնական զօրութեան լուս իմն կայր , յորում ժամանակի յանկարծ Երստէդ , վարդապետ փիւս կեան ուսումն ի կոպէնհագէն , զազդեցութիւնս մագնետի ընդ թելոց ի քրէական նիւթոյ ցուցաներ : Ամբեր , Արագոն , Դաւի , Փարագայ եւ այլ եւս փիւսկեանք բազում փորձ փորձէին . աստատին սկիզբն լիներ եղեկտրիոնական - մագնետական ուսումն : Ըուսյգէր ի Գերմանիա նոր ինչ գործւոյ գտակ լիներ , որ կոչի Եղեկտրիոնական բազմացուցիչ : Ի գիւտ անդք Երստեդայ յետոյ բազումք նպաստ եղեն , զոր Փարագայ Վողայեան ընծայութիւն (induction) յորջորջեաց . սորին ընծայութեան օրինօք յամին 1835 եգիս Ետինկոհաւական , որ այժմ վարդապետ է փիւսկեան ուսումն ի Ակեննա քաղաքի Աւստրիացւոց , զիւր գործի՝ որ կոչի Մագնետական Եղեկտրիոնական շրջանակութեան մենքենայ (appareil électro-magnétique à rotation) : Այսպէս անդստին յետ ընդմիջելոյ ութեւստաներորդ գարու Երեքին նկատութիւնք վարդապետութեան Եղեկտրիոնական զօրութեան յայտ գային , Շփմանն , Շօշափման եւ Գիւտն Երստեդայ : Աարեւորագոյն արդիմնք Եղեկտրիոնական զօրութեան որոց այժմ առաւել մտադիր լինին ձարտարկք , են Եղեկտրիոնական - քիմիական զօրութեամք վարել ի գործել զկոշտս արծաթոյ , պղնծոյ եւ կապարի , գրոշմել կամ հանել նմանութիւնս գաղուանեան զօրութեամք , ոսկւով օծանել եւ ի հեռաստան վայրս խօսել , այս ինքն է ի պէտո հեռագրութեան (télégraphie) :

Աշինչ ընդհատ յեղեկտրիոնական զօրութենէ յառաջադեմ լիներ յարդի ժամանակս եւ մագնետական ուսումն : Ամենեցուն յայտ է թէ Եղեկտրիոնական ինչ հեղեղ , յորժամ զթելով որ ի քրէական նիւթոյ իցէ , եւ մետաքսիւ ծածկեալ կամ պատեալ

ըստ օրինակի մամլոյ զանձամբ պատառեալ կայցէ, վիժեալ հոսիցէ, ընծայեցուցանէ զնոյն արդիւնս զոր նշմարեմք ի կոշտս երկաթոյ իրիք, որ ի նախնեաց քար մագնետի անուանեալ կոչի: «Եախնիքն այնմ զօրութեան մագնետն քարի միայն տեղեակ էին, այս ինքն թէ զերկաթ յինքն ձգիցէ: Պղինիոս պատմէ թէ Դինոկարէս խրատ տայր Պտղոմեայ Փիդագեղիքեայ հրաման տալ նմա շինել մեհեան յԱղեքսանդրիա, որոյ կամար ձեղուանն ի մագնետ քարէ լինիցի, եւ ի միջի խորանարդ դմբեթաձեւ կամարացն ի մէջ օդոյն կախեալ կայցէ անդրի պատկեր Արտինոյայ դշեոյի: Եւ Ս. Աւգոստինոս յիշատակէ զմեւս եւս անդրի պատկերէ, որ ի մեհենի Սերապեայ դիցն յԱղեքսանդրիա ի մէջ օդոյն շողացեալ երեւէր:

Այնչափ նշանաւոր էր զօրութիւն մագնետի առնախնիս, մինչեւ ի բժշկութիւն գեղոց զայն ի կիր արկանել. Հիպատիորատէս ի համար սրբիչ գեղոց դնէ:

Խռուի թէ առ Աինէացիս յաճախագոյն եւ կատարեալ եւս էր տեղեկութիւն մագնետի ի բնէ եւ հնարագիտութեամբ ճարտարութեան յօրինելոյ, քան առ Յոյնս եւ առ Հռոմայեցիս. զի ասի թէ անդուստի վերուստ է ի մէջ նոցա սովորութիւն աղդինչ կարակնի ծովու (compas de mer) ի կիր արկանելոյ, որ ճանապարհորդաց զհիւսիս եւ զհարաւ ցուցանիցէ:

Բայց սկիզբն կարակնի ծովու որ առ Եւրոպացիս ի կիր արկանի, բազում հաւանութեամբ կարծի թէ չէ ի Սինէացւոց անտի: Անդստին՝ յերեքտասաներորդ դարէ անտի առնի յիշատակ կարակնի իբրեւ կարեւոր նաւալարաց գնացելոց ընդհամատարած ծով:

Բայց յայտնագոյն այս է թէ զառաջինն կողոմքոս ի նաւարկութիւնոն եւ Վասկոն Գամայ յառաջնում նաւարկութեանն ի Հնդիկս յամի 1497երորդի զկարակնն ի կիր արկանէին:

Յառաջագոյն կարծիք այն էին, թէ կարակնն ցանդ կշիռ ի հիւսիս նայիցի. Կողոմքոս միտ եղ եթէ

ուղղութիւն ասղանն ի կարակնի անդ չէր հաստատուն . բայց անդստին իսկ յերեքտասաններորդ դարէ երկերիւր ամօք յառաջ քան զկողումբս գոն յիշատակարանք , որ զիստորելց (déclination) ասղանն հնգիւ աստիճանաւ չափ յայտ առնեն : Ի՞այց առ հասարակ ճշգրիտ յայտնութիւն խոտորմանն Քաբուտայ , Գոնզազայ եւ այլոց ոմանց համարի ի վեշտասաններորդ դարու : Ենդստին յայնմ ժամանակէ հետէ նաւավարք հողանդացիք սկսան տախտակս խոտորման յօրինել : Օքուածինն Հաղղէյ իսկզբան ութեւտասներորդ դարու յօրիներ տախտակս օրինօք , ուր ծիրք խոտորմանցն ի հինգ հինգ աստիճանս նշանակեալ կային . յետ այնորիկ եւ այլ բաղումք ազնուագոյնս կազմէին , մանաւանդ Հանստէէն . եւ ի մերում դարու Բարզով եւ Դուպերրէյ մեծաւ հաւաստեաւ եւ եւս ազնուագոյնս ի գլուխ հանէին :

Յամին 1576երորդի Ռոբերտոս Նորման որ ի Վոնդինոն գործիս փիւսկեան գիտութեան յօրիներ , այլակերպ ինչ եւ այլագունակ բնութիւն ի կարակնին նշմարէր , այս ինքն է թէ ասեղն կարակնին զիւր հարթն կայան այնչափ կորուսանիցէ , որչափ ի հիւսակողմն անդք մօտ երթայցէ , եւ թէ նորին հարաւային բեւեռ ընդ հորիզոնաւ հակիցէ . այս իսկ է միտութիւն (inclination) մագնետի : Քութեւտասներորդ դարու գիտակ էին թէ յորժամ երկաթը ընդ մագնետ շփիցի , զնորին զօրութիւն առնու . Անիգտ աշխատ լինէր ի նորին յօրինուած , Դուհիմաղ ած յեւս իմն աւելի ուղղութիւն . Եպինոս եւ մանաւանդ կուղոմք առաւել ազնուագոյն զսորին շփման հանգամանս իմացան : Եպինոս զերկաթ մուխ մարթաց մագնետական զօրութեամբ ցյագ համակել . իսկ կուղոմք զտարածումն աղատ մագնետական զօրութեան ի հասարակածէ անտի երկաթեղէն դաւաղանի յերկոսին կողմանս անդք որոշեալ սահմանէր : Առողոմք ոչ սակաւ նպաստ լինէր եւ ի հաս-

տատութիւն օրինացն ընդ որովք ձգելն (attraction) եւ մերժել (répulsion) մագնետի կայ:

Ի՞աղումք ի փիւսկեանց, որպէս Նեւտոն եւ Կիբբէր, Կուզոմբ, Բարդով, Կուպֆեր, Քրիստիէ եւ այլք աշխատ եղեն յիմանալ եւ յայտ առնել զհանգամանս սաստկութեան (intensité) մագնետական զօրութեան գնդին երկրի ձգեր զմտադիւրութիւն Գրահամայ, որ զառաջինն զնորին զօրլատօրէ փոփոխումն իմանայր. Բորդա ի կատարած կոյս ութեւտասներորդ դարու աւելագոյն խնամով նմին մոտադիր լինէր. բայց զառաջինն Գաղեացիք զմտաւ ածէին զպէսպէս սաստկութիւնս մագնետական զօրութեան երկրի յայլեւայլ կողմանս գնդին երկրի խնամով սահմանել: Ի վերջին ամս կատարելոյ ութեւտասներորդ դարին լինէր յայտ թէ սաստկութիւն մագնետական զօրութեան ի հասարակածէ անտի երկրի ի բեւեռան կոյս ուրեմն երթայ տակաւին եւ ածէ: Հումբողդ զամենայն երկեւան երկմասութեան զպէսպէսն լինելոյ սաստկութեան յայլեւայլ կողմանս երկրի բառնայր, եւ ինքն ձեւն ի գործ առնէր զառաջինն զօրէնս փոփոխմանն ընդ պէսպէս լայնութեամբք սահմանել: Անդստին յամէ անտի 1805երորդէ մինչեւ ցամն 1834րորդ, Հումբողդ եւ այլ բաղումք ի Գաղիա, ի Հեղուետիա, յիտաղիա, ի Գերմանիա, ի Բաֆինսոբայ, որպէս եւ Հանստէէն ի Կորուեգիա մինչեւ ի Գրոյէնզանդիա իսկ եւ յեղերս հասարակածի աշխարհին Ամերիկեայ եւ Ափրիկեայ, եւ մանաւանդ Գաւս եւ Վեբեր, սակաւ ինչ ամօք յառաջ, մեծաւ խնամով զնորին սաստկութեան սահմանս ուրոշել եւ ընդ ծրով արկանել փոյթ յանձին կալան:

Յառաջ քան զկուղոմք ի զուր աշխատ եղեն փիւսկեանք զհետս մագնետական զօրութեան յամենայն մարմնս գտանելոյ. նմին իրի իսկ զարմանք կալան զամենեսին, յորժամ յամի 1802ըրորդի աղդ

եղեւ թէ նորա փորձ փորձեալ եւ հաստատութեամբ
ի վերայ հասեալ է թէ բնաւ ամենայն մարմնոց զոյ
մագնետական զօրութիւն, է որոյ շատ, եւ է որոյ
սակաւ։ Արագոն եւս մեծաւ հաւատեաւ զնովին
փորձով զայր եւ զնոյն հաստատէր եւ շատ ինչ եւս
ինքնին իմանայր։ Արագոնայ քննութիւնք զրազումն
ի փիւսկեանց պատաղել եւ միտ դնել սահագէին, եւ
մահաւանդ զՓարադաւ որ նովին զայր ի կարեւոր
զիւտ հեղեղացն՝ որ ի ձեռն ընծայութեան լինիցին,
զորմէ վերագոյն բանք եղեն։ Յամի 1825 Քարզով
կարեւոր եւ պիտանի քննութեամբք բազում ինչ
զազդեցութեանց մագնետական զօրութեան ընծայե-
ցուցաներ, եւ ի հաստատութիւն նկատութիւնս ու-
սողութեան ի կիր արկաներ։ «Նկատութիւնն ի Պոտ-
սոնէ տուեալ է ի սահմանել զելս իրացն ձգելոյ եւ
մերժելոյ հիւսիսային եւ հարաւային հիւթոյ, որոց
միաւորութիւն զմագնետականն հիւթ յօրինեալ
կազմէ, որպէս եւ ի յայտ առնել զափոել եւ զտա-
րածանել այնր հիւթոյ յամենայն մարմնս որ զմագ-
նետական զօրութիւն առնուցուն։

Յայտ իմն է թէ մինչեւ ցվեշտասաներորդ
դար, մինչեւ ցԳրիմաղղի որ զկորանալոյն հանգամանս
իմացաւ, եւ ցԿարդեսիոս՝ մթին իմն եւ վտարանդի
եւ անցայտ եր վարդապետութիւն փիղխօփայիցն
զլուսոյ, սոքա երկոքին եղեն որ բազում ինչ յու-
սումն անդր լուսոյ նպաստ լինեին։ Յետ կարդեսեայ
յամի 1675 երորդի Ռումեր, եւ յետոյ յամի 1728 ե-
րորդի Բրադզէյ պայծառանային, որ եւ զվարդապե-
տութիւն կարդեսեայ զյանկարծ յեղակարծումն յա-
կան թօթափել տարածանելոյ լուսոյ ուղղեին։ Խոկ
Մաղրբանշ համեմատութիւն իմն ի մեջ լուսոյ եւ
հնչման կացուցաներ։ Հույգենս զտակ լիներ վար-
դապետութեան ծփման (ondulation), որով այսօր
իսկ զերեւոյթս լուսոյ մեկնել ձեռնհաս լինիմք, եւ
է իսկ այժմ վարդապետութիւն բազմաց ի փիւս-

կեանց : « Աւելասն զրդիման (émanation) վարդապետութիւն հնարեր . նոյն եւ զգունոյ հանգամանս այլվ իմն նկատութեամբ մեկներ, զոր մարթ է քաջ եւ օրինօք ծփմանն յայտ առնել : Յունդ ի սկզբան իննեւտասներորդ դարու հնարագիւտ եղեւ վարդապետութեան ի ներքս մուծանելց (interférence), եւ Մաղս յամի 1810երորդի իմացաւ զմեւս եւս բնութեան լուսոյ զհանգամանս, որ բեւեռանալ (polarisation) լուսոյ կոչեցաւ, որ անհնարին ընդարձակ եւ անդորր ճանապարհ առաջի ուսման լուսոյ հորդեր իւրովն տարածութեամբ եւ անշափ մեծութեամբ : Ա նկատութենէ աստի վարդապետութեան ոչ սակաւ շահս շահիցին եւ քիմիկեան եւ այլ եւս բնական ուսմունք : Իսայց զե մի երկայնեսցուք զճառս, համառօտս հատցուք եւ թողցուք զբազում եւս զարմանալեաց լուսոյ եւ զջերմութեան հանգամանս մանրապատում արարեալ ցուցանել : Շատ լիցի գիտել զմեծագանչ զօրութիւն ջերմութեան ի շոգւոյ անտի, որ յայժմու ժամանակիս մեծամեծ եւ կարեւոր սպասաւորութիւնս հարկանէ եւ յարուեստս ճարատարութեանց, եւ յայլ եւս պէտս կենաց քաղաքի :

Այսչափ ինչ շատ եւ բաւական համարեալ, զըսւ արասցուք պատուական եւ մեծարոյ ճառիցս որ զիիւսկեան զիտութենէ է : Յայտնութիւնք եւ պայծառութիւնք, հայթայթանք գիտից եւ ամենոյն ազգի ազգի հնարք՝ որ օր ըստ օրէ լինին, բաւական իցեն յայտ առնել թէ որչափ ինչ փոյթ խնամոյ ունիցին ազգք անուանիք եւրոպայ զճարտարութենէս զայտանանէ : Վեծասքանչ զօրութիւնք բնութեան, որ ի մտադիւրութենէ քննութեանց փիւսկեանց յայտնին, նաւս ի վերայ համատարած անդնդոց ծովու եւ ի մանուածապատ յորձանս գետոց եւ ի լիճս յորձանախորս անարդել գնացուցանել, եւ կառս ընդ անբաւ վտաւանս եւ ընդ անշափ ասպարեզս իրբեւ ի թոփչս

արագութեան թեւոց արշաւեցուցանել, եւ այնչափ անթիւ մենքենայս դործեաց ի ձեռն դուզնաքեայ իրիք բոնութեան, այս ինքն է ի ձեռն ուժդնութեան դոլորշւոյն ջրոյ, զարձեալ եւ զագուերեան նկար, անհամեմատ պէտք մագնետականն եւ եղեկտրիոնական զօրութեան, եւ այլ եւս անթիւ եւ անհամար հայթայիթանք որ ի մտադիւրութենէ խելամութեան փիւսկեանց լինին, ոչ միայն մեծարոյ եւ պատուական եւ սիրելի զաւսումնս զայս կացուցանեն, այլ եւ զպիտոյս կենաց թեթեւացուցեալ, մտադիւրագոյն եւս զճարտարս վառեն այնմ խնամարկել եւ ի նոր նոր խելամութիւնս թեւակիուսել:

Օբազում մասամբք փիւսկեան գիտութեան, որպէս զտեսողութեան եւ զլսողութեան ուսմամբ, այլովքն հանդերձ, զանց արարեալ, զերկուց կարեւուրագոյն իրաց ճառեսցուք, զմենքենական եւ զքիմիական ուսմանց, որ յարուեստս եւ ի ձեռագիտութիւնս ունին մուտ:

Մ Ե Ն Ք Ե Ն Ը Կ Ը Ն Ո Ւ Ս Ո Ւ Մ Ն

Վենքենական ուսումն յընդարձակագոյն միտոս զդիտութիւնն զայն յայտ առնէ, որ զհանդամանաց շարժելոյ մարմնոց ճառէ եւ զնոցին զօրութեանց, որովք մարմինք ի միմեանս ազդեցութիւնս կատարիցեն, նոյնպէս եւ զմենքենայից եւ զգործեաց, որպէս զծակաց, զճախարակաց, զանուոց, զերթաց եւ զմամլոց զպիտանութիւն եւ զհանդամանս ուսուցանէ: Ուսումնս այս ի փիւսկեան - մաթեմատիկեան ուսմունս պատշաճի, որպէս վերագոյն ի ճառս ուսողութեան ասացաւ: Կարեւոր եւ դլխաւոր մասունք սորին ուսման են, Ուսումն կայութեան (statische), որ է ուսումն հասարակակշիռ կշռոց մարմնոց հաստատնոց, Ուսումն զօրութեան (dynamique), որ ուսուցանէ զհանդամանս շարժման մարմնոց հաս-

տատնոց, Ուսումն կայութեան ջրոյ (hydrostatique), որ ուսուցանէ զհասարակալշխան կշիռ մարմնոց հեղեղաց (fluide), Ուսումն զօրութեան ջրոյ (hydrodynamique), այս ինքն է ուսումն շարժման մարմնոց հեղեղաց, եւ մեւս եւս ուսումն Օդաչափութիւն անուանեալ, որ ճառէ զհանգամանաց օդոյ, իբրեւ մարմնոյ, որ իցէ ծանր եւ լոյծ եւ վարելի (élastique): Ի՞այց ի միտս անձուկս մենքենական ուսումն կոչի միայն Ուսումն զօրութեան այս ինքն է ուսումն հանգամանաց շարժման մարմնոց հաստանոց, եւ մենքենագործ անուանեալ կոչի ճարտարն, որ գիտիցէ զհանգամանս յօրինելոյ գործիս ուսողութեան եւ փիւսկեան զիտութեան:

ՊԼԱՏՈՆԻԹԻՒՆ. Եթէ նախնեաց՝ որոց գործեաց եւ մենքենական ճարտարութեանց գտակ լեալ էր, զօրինս եւ զհանգամանս՝ որ նոցա զհայթայթանս գիւտիցն թելագրեցին, խնամով գրեալ եւ ի քնին արկեալ էր, թերեւս ի սակաւ ժամանակի կատարեալ ուսումն մենքենական ճարտարութեան կաղմաւ մեալ յօրինէր: Ի՞այց ձեռագէտք եւ ճարտարք արուեստգիտութեան, ոչ եթէ օրինաց ինչ եւ հանգամանաց խելամուտ լեալ, եւ ի համօրէն տեսւեանց գային ի հայթայթանս գիւտիցն, այլ ի բնէ ճարտարմտութենէ եւ ի ստէպ արգեանց փորձոյ կամ ի կարօտութենէ հայթայթամտեալ զիրացն բուռն հարկանէին: Առաջին սկիզբն մենքենական ուսման քաջ ի Յունաց է. նախ զԱրքիտայ ասի թէ զհանգամանս ուսմանն ուսուցյ, զի նա եղեւ որ զառաջինն զմենքենայից կամ զգործեաց շարժմունս կարգէր ի ձեռն կերպարանաց երկրաչափութեան: Յօհէպէտ եւ չյիշատակի ոք ուրեք զայնու ժամանակաւ երկրաչափ, որոյ զիրս զմենքենական ուսմանէ եղեալ իցէ, սակայն հարկ է թէ լեալ իցեն ճարտարք բազումք խելամուտք ուսմանն, զի Արիստոտեղէս զմենքենական ուսումն ի կարգս ուսողութեան հաշուի,

յորժամ վարկանիցի զուտունս՝ որոց հաստատութիւն յերկրաշափութեան իցէ։ Ի՞այց թէ չէր տակաւին յառաջադէմ լեալ, այն յայտնի է։

Ազբիմիդէս է, որում արժան իցէ տալ զպատիւ եւ զբարգաւաճանս լինելոյ առաջին վարդապետ եւ գող յօրինիչ մենքենսական ուսման, զի նորին խակ են հանգամանք ուսման կայութեան հաստատուն մարմնոց եւ ջրոյ։ *Աշանաւոր եւ անուանի են ի պատմութեան նորին մեծամեծ եւ նորանշան մենքենայք, որովք ոչ միայն զՃարտարութիւն ձեռագիտութեան աճեցուցանէր եւ աղնուագոյն յօրինէր, այլ եւ միայն առանձինն ընդ մեծամուր պատրաստութեան սպառագէն զօրաց Հռոմայեցւոց ի դիմի հարկանէր։ Ի՞ազում զիւտք են զոր նախնիքն Ազբիմիդեայ համարին, որպէս զօրութեամբ իւիք զինչ եւ ոլէտ ծանրաբեռն ծանրութիւն խախտել եւ շարժել, ուստի եւ ասէր իսկ թէ Առէք տուք ինձ կայան ուր մարթիցի կռուան ոսից ունել, եւ ես շարժեցից զամենայն զմեծանիստ գունդն ցամաքի եւ ջրոյ, զոր պապ՝ քառասներորդ ի զիւտիցն Ազբիմիդեայ համարի։ Ի՞այց ոչ եթէ մենքենայիւք գործեաց անուանի է նա, այլ նորա աղնուագոյն յարդանք եւ գովութիւն յօրէնսն եւ ի սկզբանս ուսմանն է, զորս իւրոյ հանճարոյն խելամուռութեամբն ճարտարէր։ *Աս եցոյց՝ զհանգամանս հասարակաշխան կշռոյ երկուց մարմնոց՝ որ ի նժարս կշռոց կայցեն, ի հեռաւորութենէ անտի նոցա ի մետից կշռոցն համեմատութեամբ իմանալ, նոյնպէս հաստատութեամբ եցոյց թէ կշռոն կալ մարմնոց ի միջավայրէ անտի հաստատութեան ծանրութեանն է, եւ զմիջավայրն զայն ի պէսպէս կերպարանս մարմնոց ինդրեալ եցոյց, եւ միանգամայն խակ ամենայն մեծարանաց եւ դրուատեաց արժանի է։ Ա իսրուվիս եւ զԴիագեայ ումեմնէ եւ զՆիմիուղորայ եւ զԴիփիղայ եւ զԿարիդեայ եւ զայլոց եւս բազմաց որ զնմին ուսմանէ

գիրս կարդեցին, յիշատակէ, եւ յօրինէ իսկ զնկառագիր բաղաւմ գործեաց եւ գիւտից կտեսիփոնտեայ եւ կտեսիբեայ եւ այլոց Յունաց, որ յայտնի իսկ տան նշմարել զանդորր եւ զբաղմապատիկ տեղեկութիւնս եւ զգործօն եւ զհնարագէտ հանձար ազգին այնորիկ խրատելոյ: Ի՞այց գոն եւ յիշատակարանք ինչ կանխութեան խելամտութեանն նոցա, մատեանք ինչ Աթենեայ, որ ժամանակակից Արքիմեդեայ էր, Հերոնեայ որ հոչակաւորն է ի մէջ նախնեաց ի խելամտութեան մենքենական ուսման, Փիղոնի բիւզանդացւոյ եւ Բիտոնեայ եւ այլոց, յորոց գրեանն բաղաւմ գիւտիք նոցա եւ այլոց Յունաց նշանակեալ կան, որովք յայտ առնի թէ քանիօն փոյթ եւ շահ եւ յառաջադիմութիւն էր աշխարհին Յունաց ի մենքենական ուսման, որպէս եւ յայլեւս ուսմունս ուսողութեան: Ի՞այց չիք մատեան որ այնպէս զհանգամանս տեղեկութեանցն ուսողաց Յունաց քաջ ցուցանիցէ, որպէս ութերորդ գպրութիւն զրոց քաղաւածոյիցն Պապայ, ուր նա զԱրքիմիդէս՝ դիս մենքենական ուսման կոչէ, եւ յայտ առնէ թէ զիարդ անուանի ճարտարք այնը ուսման, որպէս Հերոնն եւ Փիղոն, առակս յոլովս մեկնէին եւ շատ եւս այն էր զոր հնարեինն: Ի՞այց եւ ինքն իսկ Պապայ այնշափ նշանաւոր եւ անուանի է ի մենքենական ուսման, մինչեւ մարդ է երակրորդ Արքիմիդէս զնա կոչել: Այսափ է խելամտութիւն նախնեաց մենքենական գիտութեան, ամենայն տեղեկութիւնք նոցա ի նկատութիւնս Արքիմեդեայ եւ Պապայ բովանդակեալ գումարին:

Ուսումն մենքենական ազգին Հռոմայեցւոց դուզնաքեայ իմն եւ փորձոյ եւ արգեանց արգասիք, քան օրինաք եւ կարգօք ուսումն էր: Եւ ոչ Արաբացւոց ի ամին խելամտութեան գոն ինչ բարգաւաճանք, որ ուսանել ուսան զՅունաց ճարտարաց դիրս, բայց կամ չեղեն ձեռնհաս կարեւոր ինչ իրիք հնա-

բագիւտ լինել, եւ կամ ամենայն ինչ որում միանագամ հասու գտան, հետախաղաղ լիներ եւ կորնչեր։ Ապա ի զուր է խօսել զվիտրուվեայ, որ իմաստութեամբ քրագում մենքենայից նախնեաց հանգամանա եւ զնկարագիր յօրինէ, վայրապար իցէ եւ զշղիանոսէ, զւոխանոսէ, զՄաւրիտեայ՝ որ զումանէ ճակատելոյ (tactique) գրեցին, զՄնտեմեայ անուանւոյ՝ որ զմեծասքանչ եւ զսխրագործ մենքենայից գիրս յօրիներ, զբոյետեայ, զԳերբերտոսէ, զՎղբերտոսէ մեծէ, զՀռոգերոսէ Բակովինէ, որ մենքենայից ինչ հնարագիւտ լինէին, զԳիորգանոսէ Նեմորարեայ եւ զՀռեգիոմնատանոսէ ողք երկրաչափութեան խելամութեամբ զկշոց եւ զբեռանց գրեցին, երկայն բանս տողել։ Օմենքենական ուսումն պայծառացեալ եւ իբրեւ ճշգրիտ ինչ գիտութիւն ճառեալ եւ նորոգ նկատութեամբք աճեցուցեալ տեսանել թէ կամիցիմք, հարկ է ի վեշտասաներորդ դար այսր իջանել, յուրում ժամանակի մեծաւ փութով եւ հոգաբարձութեամբ մատեանք Արիստոտեղայ, Արքիմեդեայ եւ Պապայ որ վարդապետքն են այնր ուսման, ընթերցեալ եւ հետազօտեալ լինէին։

Այնչ դեռ Սաբաղդոս տեղեկութեամբք իւրով եւ Ստեւին զնախնեացն վարդապետութիւնս հաստատելով, եւ զսխալանսն ուղղելով եւ յարդարելով զուսումնն պայծառացուցեալ անդորրացուցանէին, անդուստ գայր երեւէր Գաղղիկոս, որ զշարժման հանգամանս իրովանդակ կերպարանս եցոյց եւ մեկնեաց, զզոյդ եւ զհաւասար շարժման, զՃեպեալ շարժման, զերկնապող շարժման, զերթեւէկ շարժման, զշարժման ծանունց իրաց որ կշիռ վերուստ ի վայր իջանիցեն, զշարժման մարմնոց որ ընդ զառիթափ տեղիս գլուրիցին, զշարժման որ ի մէջ օդոյն լինիցի, եւ զբնաւիսկ կերպարանաց եւ զգունակաց շարժման. նոյնպէս եւ զնոցին պէսպէս յօրինմանց եւ զյանկութեանց եւ զխառնմանց զոր ընդ միմեանս ունին հաւաստեաւ

Ճառէր, եւ այնպէս նոր իմն եւ նորանշան դիտուաթիւն յօրինեալ կազմէր։ Ոչ երեւեցաւ երբէք յուսամուսս դիտութեան կարդ իմն այնպէս խիտ եւ յարի միմեանս նուրբ եւ օգտակար յայտնութեանց, իւրբեւ զայն զոր Գաղղղէոս ի վարդապետութեան շարժման երեւեցուցանէր։ Բազումք յիտաղացւոց յետ Գաղղղէայ նորին վարդապետութեամբ զմենքէնական ուսումն ձգեալ տարածանէին եւ ազնուագոյն լինէին։

Գաղղղացիք որ նախանձընդդէմ եւ ոստիք էին իտաղացւոց, ոչ մարթացան ժուժել հանդարտել արբանեակը եւ աշակերտք Գաղղղէայ համարել ի մենքենական ուսումն, այլ ի նախանձ սրտմտութեան վառէին նոր ճշմարտութիւնս ճշգրտեալ գտանել։ Երկրաչափութեան խելամտութիւն, յորում նորսի բարձրաբերձ բարձունս հասեալ էին, նոցա զօրաւիգն օգնականութեան գտանէր եւ հնարս հայթայիթանաց ի գիւտս վարդապետութեան նպաստ լինէր։ Ոչոքերուաղ եւ կարդեսիս զմիմեամբք ելեւել արարեալ զմիմեանս գլէին։ յայտնել երկոքին եւս յայտնէին բաղում նորագործ տեղեկութիւնս, բայց ոչ մարթացան գամագիտ լինել եւ հարկանել դեպուզիլ ի կետ անդք ճշմարտութեան։ Ոչոքերուաղ վերագոյն քան զլարդեսիսն է, այնու զի մօտագոյնս երթեալ մերձենայր ի ստուգութիւն ինելամտութեանն եւ ոչ սակաւ ծածկութիւնս յայտնութեանց բանայր մերկանայր։ Են են եւ կարդեսեայ պարծանք, բայց պանծագոյն եւս լինէր եթէ չէր թողացուցեալ քանձն ցնորիցն բունութեան առեւագնաց առնել, եւ քանզի առաւել խոտել ախորժեաց զԳաղղղէոս քան զնորին զշետ գնալ, վասն այնորիկ ի բաղում մոլորութիւնս զառածաւ։ Մաղբրանշ որ նորին արբանեակ հաւատարիմ է, կալ եկաց չաւագով նմա, բայց ոչ իշխեաց զվարդապետութիւնս նորա առնուլ յանձն։ Բայց փորձք հան-

գիտիցն Կարդեսեայ եթէ չմարթացան եւս զհանդա-
մանս հաղորդութեան շարժման իմանալ եւ օրէնս
ճշմարտապատումն աւանդել յետնոց, սակայն նպաստ
եղեն ի զարթուցանել զճարտարայն միտս եւ խնա-
մով ի քննութիւն իրացն զբազեցուցանել: Արքու-
նական ընկերութիւնն Պոնդինոն քաղաքի զբազու-
թիւն ուսողաց ճարտարաց ի միջնաշխարհէն եւ որ
արտաքուստ ուսուեք քան զաշխարհն էին, հրաւի-
րեալ գումարէր, զի միտ դնիցեն լինել գտակ հան-
գամանաց սերտ եւ անկասկած նկատութեանց: Ա ա-
ղիս եւ Վրէն բազում ինչ յայտնէին եւ գտանէին
վասն հաղորդութեան շարժման, Վրէն բազում
ինչ եւ վասն մենքենական ուսման՝ որ ճարտարա-
պետութեան անկ է, խօսէր գուշակաւոր եւ համա-
ռօտ բանիւք, եկն Ուգենիոս եւ զամենեքումբք ան-
ցոյց զանցոյց, ոչ միայն զշարժման հաղորդութենէ
ճառեաց, այլ եւ ինքն եղեւ հնարագիւտ օրինաց
զվերացական (ascentionel) զօրութիւնս պահէլոյ,
յորոյ ձեռն միջավայր ծանրութեան բովանդակածոյ
իրիք մարմնոց առնի բաւական ի նոյն բարձրութիւն
ուստի էջն, վերանալ: Իսայց յայտնութիւնք առնս
պյսորիկ երեւելոյ երկրաշափութեան ճարտարու-
թեան ոչ եթէ յօրէնս հաղորդութեան եւեթ շարժ-
ման կային մնային, այլ ի խորագոյն եւ ի ծածկա-
գոյն իրս միջամտւին լինէին: Ժամացոյցն երթեւե-
կութեան (oscillatoire) անդորր գաշտ առաջի նորս
բանայր, եւ ապայր նուրբ եւ անօսր դիտաւորու-
թիւնս զիրացն առնել. զորս քան զայլս ամենեսին
զորս եզիտն եւ դիտեաց, նախամեծար համարէր:
Իսազում քննութեամբք եւ խելամտութեամբ եր-
կրաշափութեանն յայն շափ եհաս, զի մարթացաւ
զբազում ինչ նշանաւոր ճշմարտութիւնս յայտնել
զմիջավայրաց երթեւեկութեան, զվայրաց հաստա-
տութեան զորոց իրք կախիցին, եւ թէ որով օրի-
նակաւ զճօճել (vibration) կըուցաց (pendule) կա-

նոնել պարտ իցէ: Ա արդապետութիւնք Ուգենեայ ոչ միայն նմին ինքեան, այլ եւ յետոյ բաղում առ նուանի ուսողաց եւ փիւսկեանց աղնուագոյն յայտնութեանց եւ փառաց առիթ լինեին:

Օ զյտ ընդ Գաղեղեայ եւ Ուգենայ կցորդ եւ բաժանորդ գտանի եւ Նեւտոն լինել օրէնտիր եւ կանոնիչ շարժման: Հնարք հայթայիթանացն զոր ունէր ի մոխ հաւատատելոյ զդնացս երկնաւոր մարմնոց, զնոցին ազերս ընդ միմեանս ցուցանելոյ, եւ հաւատեաւ յայտ առնելոյ զկազմած յօրինուածոյն տիեզերաց, հարկ ի վերայ գնէր նմա պէսպէս զօրութիւնս եւ շարժմունս զմտաւ ածել, եւ զզործու եւ զյաջողութիւն զօրութեանցն եւ զբնութիւն պէսպէս շարժմանց խնամով քննել: Եւ քանզի մարմինք երկնաւորք ոչ կշեռ վերուստ ի վայր իշանեն, ոչ գէպուղեղ հարթ ընթանան, եւ ոչ ուղղորդ խաղան, այլ ընդ կամակոր եւ ընդ խեղաթեկր շաւիզս գէմ եղեալ զնան, նմին իրի իսկ եւ Նեւտոն զնոցունց փոյթ յանձին ունէր. Եւ վարդապետութիւն նորա զզօրութեանց միջավայրաց է եւ զկամակոր շարժմանց, զորոց զազգի ազգի եւ զմեծապքանչ հանդամանս աղնուագոյն, չքնաղ եւ չնաշխարհիկ պայմանաւ ուսուցանէր: Բայց ոչ այն իմն եւեթ է գործ աղնուական եւ հոյակապ մտացն Նեւտոնի, այլ եւ զհակառակութեանց եւ զամենայնէ որ խոչ եւ խութ նոցին լինիցին, եւ զնոցին հանդամանաց ճառէ: Այսպէս Նեւտոն նորոգ յայտնութեամբք, որոց իւր եւ այլոց գտակ կամ հնարագիւտ յեալ էր, պայծառագոյն լինէր. բայց քան զյայտնութիւնն օգտակարագոյն այն է, զի զձշզըրտութիւն երկրաշափութեան ի մենքենական ուսումնանդր մուծանէր, եւ ոզի իմն երկրաշափութեան ճարտարութեան ճարտարութեան ի միտս իւրոցն արբանեկաց տնկէր, եւ անդստին իսկ սկիզբն լինէր ճշդրտութեան եւ հաւատեաց ի խելամտութիւնս գիտութեանց գամ

եւ մուտ գտանելոյ : Պայրնիտիս նորին նախանձաւոր թէպէտ եւ իրբեւ զնա աղնուագոյն լինել շմարթէր , բայց ոչ սակաւ արժանիք են եւ նորա :

Ոչ սակաւ յօդուտ եղեն սմին ուսման առակըն որ կոչին մենքենական - երկրաչափական , զորս զայնու ժամանակաւ արկանէին ուսողք : Երդարեւ յառեղծանել զառական զայնպիսիս պյնչափ խելամտութիւն եւ տեղեկութիւն պահանջին , զի քաջատես մատցն Նեւտոնի եւ Պայրնիտեայ եւ Հովիտազայ պէտք էին , առ ի հաւաստեաւ զնոցին լուծումն առնելոյ , որով բազում ճշմարտութիւնք յայտ գային , եւ ոգի իմն լուծանելոյ մուծաւ յուսումն մենքենական ճարտարութեան , եւ արար զնա բաւական ընդունելոյ նոր իմն պայման , որ յայնմ հետեցարդ աճէ եւ զօրանայ : Ճառզցուք զՎարինեսն , որ զյօդուած շարժմանց պայծառացուցանէր՝ լուսցուք զԼմոնտոնեայ որ նոր իմն դաշտ բանայր մենքենական ուսման վարդապետութեամբ շիմանցն՝ զանց արացուք եւ զԵրմանեաւ , որ , բաց ի գիտից եւ ի մեկնութեանցն , զբովանդակ մենքենական ուսումն ած ի կարգ եւ ի բովանդակած զիտութեան՝ լուռ լիցուք եւ զԴանիկէլ բեռնուղեայ որ զյօդուածոյ եւ զքակելոյ յօդուածոյ շարժմանց ճառէր՝ թողցուք եւ զայլ եւս բազումն , շատ համարեսցուք ասել միայն զԵւզերայ , որոյ անբաւ են արժանիք ի սմին ուսման : Օքոր ինչ Նեւտոնի եւ Երմանայ յօդելոյ պայմանաւ ընծայեցուցեալ էր , սա զայնմ ամենայնէ լուծանելոյ պայմանաւ ճառէր : Որ յառաջագոյն քան զնա ճարտարքն էին՝ տալ տային հաւանել ճշմարտութեանցն ճառելոյ , այլ չառնէին ձեռնահաս հաս հասու լինել յայտնութեամբ յանդիմանութեամբ , բայց Եւզեր նոր հնարս զմտաւ ածեալ , զցիր եւ զվայրավատին եւ զվարաբանդի իրաց հաւաստեաւ խօսելով , նորոդ յայտնութեանց հնարագիւտ լինելով , զբովանդակ ուսումն ելոյծ քակեաց ,

եւ այնպէս յայտյանդիման մերկապարանոց առաջի գները : Ակը առակ զոր նորա չիցէ մեկնեալ եւ առա եղծեալ, չգոն սկզբունք որ ի նորա ձեռն ի զարդ եւ ի յարդ եւ ի կերպարանս ածեալ չիցեն : Քննեալ Եւղերայ հաւաստեաւ զմիջավայրն անգործութեան եւ զշարժումն որ անտի ծնանիցի, անգստին եկն ի քննել եւ զառանցս մարմնոց, եւ զնոյին հանդամանս իւրով սուր եւ սաստիկ հանճարովն եցոյց . վասն որոյ յիրաւի պարտ է զեւղեր վարդապետ շարժման շրջանակելոց (rotation) համարել, որպէս զնեւուն շրջանակաց (circulaire) շարժման, եւ զգաղիղէոս իշանելոց մարմնոց ծանունց մարժ է կոչել :

Մինչդեռ Եւղերոսն տիրաբար իբրեւ զիշխան զամենայն մասամբք մենքենական ուսման գայր, Գաղացւոց աշխարհն միւսանգամ ոսոխ յառներ : Եկադեմական դպրոցն զիտութեանց Պարիս քաղաքի, որ խոնարհագոյն լինել յիմք չառնոյր յանձն, յետ Վարինեոնի եւ Ամսնտոնայ ուներ բազում արս աշնուանիս մենքենական ճարտարութեան, մանաւանդ զկղերոյ, որոյ անուն հռչակաւոր է, բայց ոչ ոք ի նոցանէ արժանի ոսոխ լինել Եւղերայ ձեռնհաս իցէ, բաց յԱղամբերտայ, որոյ մատեանն վասն Զօրութեան անուանեալ ուսման, եւ ճառքն զյառաջ խաղալոյ հաւասարութեան տուրնշեան եւ զիշերոյ եւ այլ եւս գրեանն, իրաւունս իմն առնեն գէմ յանդիման նմա ճակատելոյ : Ոկիզբն զոր եգիտ նա, որով զամենայն օրէնս շարժման ի հասարակակշիռն կշխոս ածէ բովանդակէ, նոր իմն փոփոխման պատճառք լիներ, որով խելամտութիւնք՝ որ փիւսկեանմաթեմատիկեան կոչին, աղնուագոյն լինէին : ՅԵտ Եւղերայ եւ Աղամբերտայ ոչ Գիորդիոս Յուան, ոչ Հռիկիկանդի, ոչ Փրիսիոն, ոչ Ղապղակ, ոչ Շիմենկ եւ ոչ այլ ոք ի ճարտարաց ութեւտամներորդ դարու, թէպէտ եւ ամենեքին հոյակապք են, որպէս զԱպղբանգն յիշատակաց արժանի իցէ : Պագրանդ

ոչ եթէ զմենքենական ուստանէ ճառս արկանէ, այլ զմարտարութենէ օրինօք եւ կարդօք զհանգամանաց ուստանն ճառելոյ, եւ զնկատութիւնն եւ զարուեստ առեղծանելոյ զառակս ի հասարակաց համօրէն կերպարանս եւ ի կանոնս ժողովէ, նոյնպէս զհամօրէն առանձինն ինչ իրս շարժման եւ հասարակակշխան կալոյ մարմնոց ընծայեցուցանէ, ուսուցանէ խել հնարից զհաւասարութիւնն գտանելոյ, եւ զբնաւ մենքենական ուսումն ընդ իշխանութեամբ դործոց նշանագրովք համարողութեան հնազանդեալ արկանէ, առաւել հեշտքնկալ եւ դիւրահասոյց զուսումնն յարդարեալ։ Ուէ որչափ ինչ ուսումնս այս յետ այնորիկ ի սակաւ ամս յառաջադէմ խաղայր, եւ որչափ ճարտարք հմուտք արդեանց եւ նկատութեան մինչեւ ցայսօր ժամանակի ծաղկեալ պայծառանային, զայն չէ հարկ բանիւք ցուցանել, իւրաքանչիւր ոք ինքնին մտօք իւրովք հայիցի ի մենքենայիցն եւ ի դործեաց յաճախութիւն եւ ի կատարումն, ի դիւրութիւն եւ յայլ եւս նորանշան չքնաղ զարմանալիս, որ արդինք սորին ուսման են, կամ ի կատարումն եւ յազնուութիւն եւ ի բովանդակութիւն արուեստից եւ ձեռագործ ճարտարութեանց եւ չնաշխարհիկ կազմածոցն, զորս եւրոպական աշխարհն, ուր ուսմունքս այսոքիկ հանգուցեալ տիրեն, յամենայն կողմանց մասուցանէ։ Ապա ո՞ իցէ որ ոչ առնուցու ի միտ թէ մենքենական ուսումն կանոն է հնարագիտութեան (industrie), եւ արուեստգիտութեան ուղղիչ եւ առաջնորդ։

Գ Ի Մ Ի Ե Կ Ա 'Ն Ա Կ Ս Ո Ւ Մ 'Ն

Յօրժամ քիմիական ուսումն ասիցի, յայտանի այն ուսումն, որ զբնութիւն մարմնոց, կամ մանաւանդ զհանգամանս ազգեցութեանյն՝ զորս էական մասունք կազմածոյ մարմնոց ի միմեանս գոր-

ծեն, ճանաչել ուսուցանէ: Վիմիական ուսումն ի պէսպէս ժամանակս ազգի ազգի յորջորջանս էառ. ամանք ճարտարութիւն հրոյ անուանեալ կոչէին, այլք ոսկեդործութիւն, արծաթարարութիւն. իէսք եւս փիւսկեան անուն եղին. եւ արդարեւ իսկ այնաշափ նմանութիւն է որրա ընդ փիւսկեան ուսումն, եւ այնպէս գիրկընդխառն է ընդ նմա, զի չէ մարթ զմին զատ եւ ուրոյն ի միւսմէ անտի ուսունել: Օի զոր օրինակ փիւսկեան ուսումն զազդեցութիւնս մարմնոց ի զանգուածս կամ ի թանձրութեան (masse) նոցա քննէ, նոյնպէս քիմիական ուսումն զազդեցութիւնս նոցին ի նոցին մասունս՝ որ զնոսա յօրինեալ կազմիցեն, հետաղօտէ:

Արթ է ասել թէ չիք գիտութիւն այնպէս մեծատարած եւ կարեւոր որպէս զքիմիականն. հիանան զարմանան միտք ընդ անչափ բազմապատիկ գունակ գունակ մասունս ճարտարութեանց զորս սա բովանդակէ. եւ չէ հնար թէ մի ոք առանձինն ամենայն մեծածիգ եւ յաճախագունդ համարոյ մանր մանր ուսմանցն նորա բովանդակ հասու գտանիցի: **Վ**ասն այնորիկ եւ ազգի ազգի բաժանի ուսումն, զի իւրաքանչիւր ոք միում բաժնին եւեթ մոտադիր լինիցի, եւ նոցին հանդամանաց հասանիցէ: Բայց օրինակ քննելոյ, լուծանելոյ եւ յօդելոյ ամենայն մասանցն նոյնպիսի եւ նոյնգունակ է, եւ երեւութից իւրաքանչիւր ուրոյն ուրոյն մասանց միով հասարակաց նկատութեամբ մեկնութիւն ընծայեցուցանի, եւ անցնիւր գայ յանգի ի նոյն ի նմանագոյն օրէնս յայանիս, զորս կանխաւ ի միտ առնուլ պարա է: **Ա**յս յայտնի եւ հասարակաց օրէնք քիմիական ուսման յօրինեալ կազմն զիիդիսոփայական անուանեալ մասն քիմիական ուսման, որ բովանդակ ուսմանն սկիզբն եւ տարր է, եւ զշանդամանս խնամութեան կուտելոյ կամ յարելոյ կցելոյ, եւ զշանդամանս խնամութեան յօդելոյ մասանց մարմնոց ուսուցանէ, նոյնպէս զշան-

գամանս լուծանելոյ, յաղելոյ, սառնանալոյ, հալեւոյ, այլովքն հանդերձ, ճշդիւ եւ գտակաւ յայտառնէ: Այս հասարակաց համօրէն ուսումն է քիմիական ճարտարութեան. իսկ ուրոյն մասունք նորա են Ա. Քիմիական ուսումն մետեորեից, որ զհանգամանս ամպոց, անձրեւածոյ, ձիւնաբերաց, զկարկտի, զմիգի, զվեշապ հողմոյ եւ ամենայնի եւ բնաւի որ յօդո զմեւք գիպիցին, ուսուցանէ: Բ. Քիմիական ուսումն երկրախօսութեան, որ գլխաւոր յօրինուածոց բնութեան մտադիր լինի, թէ զիարդ հեփեստեան երինք, քրէական մետադ.ք, ոսկեհանք, արծաթահանք, ածխահանք, քրայական ջուրք գոյանայցեն, այլովքն հանդերձ: Գ. Քիմիական ուսումն կենդանեաց, բուսոց եւ քրէական նիւթոց, կամ քիմիական ուսումն գործիաւոր եւ անգործի մարմնոց, քիմիական ուսումն դեղոց, այլովքն հանդերձ:

ՊԵՏՐՈՎԹԻՒՆ. Խիզզըն եւ հին ինչ տեղեկութիւնք նախնեացն խելամտութեան քիմիական ուսման կցկցանօք եւ պաճուճեալ առասպելոք խառնէ: Արդարեւ զրոյց եւ պաճուճանք են կցկցանքն որ հրեշտակաց կամ գիւաց ուսուցեալ ասեն դոսերաց մարդկան զհանգամանս մատենի իրիք անձառ ճառից քիմիական ուսման, որոյ անուն քեմա կոչեցի, ուստի եւ ուսմանն, ասեն, զանուն յորջորջանացն առեալ: Կամ յորժամ զթորապ՝ որ ճարտարապետ էր պղնձոյ եւ երկաթոյ, գնիցեն գտակ քիմիական ճարտարութեան, կամ զշեփեստու՝ զորոյ զայրն կամ զդարբնոց քիմիական ճարտարութեան արուեստանոց համարին, եւ կամ զՄովսէս, թէ հանգամանաց քիմիական ուսման խելամուտ էր, յորժամ գիտաց լուծանել զորթն ոսկի եւ ետ ժողովրդեանն ըմպել, որում երկիրն պադեալ էր նոցա. կամ յորժամ ասիցի զՅասոնեայ գիտակ լինել հանդամանաց այսր ճարտարութեան յետ զսկի զեղմնն առնլոյ, զոր ոչ զդաթ ինչ գեղման, այլ մատեան, ասեն,

լետ, որ զհանդամանս յօրինելոյ ոսկի ուսուցանիցէ. եւ յորժամ ասիցի թէ քիմիական զօրութիւն էր ի վիշապն զոր կադմոս եռապան, զի առամունք, ասեն, վիշապին ունէր զօրութիւն զմարդիկ յարս սպառազէնս շըջելոյ. եւ այլ եւս սոցին նման առասպելաց ճարտարանք զբազմաց ի գիւցաղանց պատմութեան եւ առասպելաց, զորոց ասեն թէ յօրինիչք եւ խելամուտք այսր գիւցական արուեստի էին: Խռողցուք զայնպիսի բանդագուշանս, թողցուք եւ զզրոյցան զհերմեայ եղիպատացւոյ զոր ճարտարապետ քիմիական ուսման հաշումն, յորմէ եւ անուն, ասեն, կոչել արուեստին Հերմեան, եւ զնորին զմբխատեայ տախտակաց, որ մատեան ինչ ասի լեալ ուսմանն. ի զուր է եւ Ռուսանեայ ուրումն յետ Հերմեայ յամայր ամս վարդապետ կալ Դեմոկրիտեայ, կամ Մարեայ լինել հմուտ քիմիական ուսման, զոր ոմանք զՄարիամն, ասեն, լեալ քոյթ Մովսիսի, այլք թէ կին քուրմ էր ի ժամանակս Դեմոկրիտեայ, կամ Կղէուպատրայ խելամուտթիւնն՝ զոր կին, ասեն, լինել միոյ ուրուք ի Պտղոմեանց թագաւորաց, եւ կամ բնաւիսկ զեզիպատացւոյ թէ քաջ հասու էին եւ ճարտարապետք հմուտք այսր ուսման, եւ ի բազում մատեանս գրեալ ունէին զհանդամանս յօրինելոյ զոսկի կամ զարծաթ յայլոց քրէական նիւթոց, մինչեւ Դիոկղետիանոսի ինքնակալի տալ այրել զմատեանսն զի մի ուսեալ անորի զճարտարութիւնն եւ մեծացեալ ոսկւով յապստամբութիւն մտաբերիցեն, որպէս Սուիդա պատմէ:

Եպաքէն ուր ոչ վրիպակաւ անյայտ եւ յանգէտս, այլ կանոնօք հաստատութեան եւ պատճառք հաւանութեան գործիցի, ուր ազգի ազգի նիւթք ի ձեռն հրոյ փոփոխիցին ի պէսպէս կերպարանս եւ առնիցին լցծ եւ հեղլի, ուր բազմապատիկ գուն գնիցեն ճարտարլք ի սրբել եւ ի պարզել զքրէական նիւթս, ուր փորձ փորձիցեն ստէպ եւ հանգէտ տե-

ամսիցեն թէ զիարդ ի ծծմբախառն զառկէ ոսկի կաղմիցի, այլովքն հանդերձ, ուր այս ամենայն եւ սոցին նման իրք խնամով գործիցին, մարթ է կարծել թէ անդ գուցեն նկատութիւնք եւ տեղեկութիւն լուծանելոյ եւ միաւորելոյ զետառնուածոյս եւ զյօդուածոյս ի ձեռն հրոյ, եւ յօդելոյ նորոգ մարմինս, եւ թէ անդ սկիզբն լեալ իցէ քիմիական ուսման։ Առդարեւ զայս ամենայն տեսանելք առ Յոյնս։ Յունաց ոչ միայն մատենագիրք բաղումք էին քիմիական արուեստի, այլ եւ ուրոյն նշանակք զորս ի կիր արկանէին ի մատեանսն վասն զոսկի, զարծաթ, զմոդիկ, զբորակ, զաղ, զզառիկ, զաւշակ, զծարիր եւ զայլ եւս մարմինս նշանակելոյ։ Կը անաւոր են երգն վիպասանութեան Հեղիսդորայ եւ Սինեսիայ թուղթքն առ Գիոդորս, որոց երկոքին եւս անուանի մատենագիրք են Յունաց ի սկզբան չորրորդ դարու. Հուչակաւոր են եւ անուանք Զոսիմայ եւ Աղօմպիոդորայ որ պատմագիրք անուանիք էին ի հինգերորդ դարու. Բայց այս ամենայն մատենագիրք որ թէրեւս չիցեն նոյնք՝ որ համբաւինն, չչամարին յառաջագոյն քան զեւթներորդ դար, յորում ժամանակի պայծառանայր անուն Ստեփանեայ, որ իշխան եւ ճարտարապետ քիմիական ուսման համարի ի մէջ Յունաց։ Ի՞այց պարտ է խոստառվան լինել թէ ամենայն փոյթ եւ հոդաբարձութիւն Յունաց էր վասն սնուտի արուեստին զքրէական նիւթս յասկի փոխելոյ, ի նոյն վաստակ թէւակ կոսկէին, եւ ձեռն յանձին հարեալ պարծէին թէ կարօղ են, իբրեւ խորհուրդս իմն եւ անձառ ճառս զճարտարութիւնն ընծայեցուցանէին, եւ ճամարտակէին բաղում իրաց զարմանալեաց եւ չքնաղ ծածկութեանց լինել տեղեակ եւ խելամուտ, վասն այնորիկ եւ աստուածեղէն զճարտարութիւնն կոչէին։ Ապա վայրապար եւ անշահ իմն է քիմիական ուսումն Յունաց, եւ չէ արժանի մեծարանաց։

Արաբացիք առաւել մեծարանաց արժանի են քան զՅոյնս, զի ոչ միայն ի միտ առին զընդվայր զմնոտի աշխատութիւն Յունաց որ ի կիրթ անկեալ ընթանային զհետ երազոց եւ ցնորական արուեստին յօրինելոյ ոսկի, այլ եւ հակառակ իսկ գրեին, մանաւանդ հոչակառորն եւ հմուտ Աղկինդի, որ ի բաց առնոյր զդիմակս խարէութեանն եւ խայտառակեալ յանդիմանէր զանմութիւն ոսկեգործացն արծաթարարաց ի մատենին իւրում զոր գրեաց, նենգութիւնք եւ մոլորութիւնք աղքիմիստաց անուանեալ։ Երդարեւ Արաբացիք ոչ խոտեցին եւեթ զստայօդ արուեստգիտութիւն Յունաց, այլ եւ աշխատ եղեն զի յայլ ինչ կարեւոր եւ ազնուագոյն շրջիցեն զարուեստն, եւ մասպիր լեալ ուսման քրէական նիւթոց, հանդերձ նովին բազում ինչ շահս ի յառաջադիմութիւն բժշկական ճարտարութեան գործեցին. զի ոչ միայն ճշմարիտ եւ օգտակար տեղեկութիւն քրէական նիւթոց, պէսպէս գունակաց աղի, եւ այլոց բնական մարմնոց ստացան, այլ եւ եղեն գտիչ հանգամանաց պէսպէս աւշարակաց, ջրոյ ծորեցուցելոյ եւ այլոց իրաց ի գեւը եւ ի բժշկութիւն։ Խոկ մատենագիրք անչափ եղեն նոցա։

ՅԱՐԱԲԱՑԵՈՑ անտի ի միտ առին Խւրոպացիք զհանգամանս այսր ճարտարութեան, բայց զառաջինն ամենայն փոյթ ճարտարացն լինէր զարուեստէն յօրինելոյ ոսկի. բազում խառնակ շփոթութեամբ լի էին մատեանք եւ վարդապետութիւնք նոցա, առանց հասանելոյ, զուր եւ վայրապար եւ անհեղեղ. եւ այնչափ աշխատեցան, մինչեւ լքան, պարտասեցան, խոստվան եղեն զստութիւն եւ զմնոտի ակնկալութիւն խարէութեանն։ Յետ այնորիկ մինչեւ ցվեշտասամներորդ գար անուանի ի քիմիական ճարտարութեան յիշատակին Հռոդերոս Բակովին, Հռայմննդոս Վուղիոս, Առնազդոս ի նոր գեղջէ, Աղփանս Ժերորդ արքայ Կաստիղիայ եւ Բասիղիոս Ալա-

զենաբին։ Արդարեւ ի մէջ սնոսի վաստակոցն ի հարկէ կարեւոր ինչ եւս ստանային։ Օ Հռայմնագոսէ Վուղեսյ, զրմէ եւ Բոյերհաւէ յիշատակէ, ասի թէ մեծաւ խելամառութեամբ ի կիր արկանէր զանջատիչն ջուր, զորոյ եւ զկազմութեան հանգամանս ուսոյց, նոյնպէս զօքի եւ զպէսպէս դեղս ապարահի (menstrue) մղեալս եւ պարզեալս յազդի աղպի բուսոց ի կիր արկանէր սովոր էր։ Խոկ Յունդեր ու ի սորա մատեանսն միայն, այլ եւ ի բասիզեայ Վաղենտինեայ եւ յայլոց գիրս բազում տեղեկութիւնս կերպարանաց աղի, շաղախոյ, կրանալոյ (calcination), վերանալոյ (sublimation), հալման (digestion) եւ նեխելոյ գատանէ, սրովք յայտ առնի թէ մեծաւ օգափւ քիմիական փորձովք վարեին։ Ա աղենտինեայ առանձինն զերիս սկզբունս աղի, ծծմբոյ եւ սրնագի հաշուկին քիմիկեանք։ Նոյն եւ զբազում զօրութիւնս ծարրոյն եցոյց եւ յայտ արար, զոր եւ անշափ հռչակաւ նուագէր ի գիրսն՝ որ անուանեալ կոչի Զաղութիւն ծարրոյ։

Նոր իմն պայծառութիւն ստանայր ուսումնս այս ի վեշտասաներորդ դարու։ Այնչ մատեանք նախնեաց յայտնէին եւ ուսմունք յառաջադէմ լինէին, հարկ էր եւ քիմիական ուսման պատսպարել իմն եւ կազդուրանալ։ Ա իդիամնդոս Փուզդէր ճարտարապետ քրէական նիւթոց, որ վերակացու էր քրայական մետաղաց Տիրողայ, Գուղիեղմոս ի Հոհայմէ բժիշկ և մզկիրիկեան, բայց հմուտ եւ տեղեակ, հայր Պարակեղսեայ, եւ այլ եւս արք անուանիք յամենայն կարգաց քիմիական ուսման մատիր լինէին, բայց ամենեցուն փոյթ այն էր զփիղխոսփայական անուանեալ քարն գատանէլ։ Այն երեւեցաւ յայնժամ Պարակեղսոս, որոյ վարժեալ եւ թեքեալ ի ճարտարաց, եւ սահեալ եւս յեւրոպն, յԱսիացոց եւ յԱսիրիկեցոց աշխարհին, ընդ ամենայն աղգաց ըջեալ, ի գիտնոց եւ յանգիտաց, ի մար-

թնոց եւ ի չմարթնոց տեղեկացեալ, ոչ սակաւ օգուտ
մարթացաւ զործել, մանաւանդ այնու զի ի կարդ
ինչ եւ ի կերպարանս ուսման խրովք փորձիւքն
զարուեստն ածեալ, զայն՝ որ խոտան եւ արհամարհն
էր, ի պայծառութիւն եւ ի շուք հաներ։ Օ իւր
անուանի Պաւղանոն՝ որ հոյզն է մեկոնիոն բանջա-
րոյ, զոր Եղմոնտ բրին Հերակղեայ նմանեցուցանէ,
գտանէր, նոյնպէս եւ այլ բազում գաղտնեաց բժշկա-
կան ճարտարութեան խելամուտ լինէր, որով համ-
բաւ եւ մեծութիւն ստանայր։ Ի այց Պարակեղոս
վասն խրոյ մտախար, շատախոս բարոյիցն, յօրա-
նալոյն եւ սնապարծիկն փառաց, որ առաւել էր քան
զնորին խորագէտ գիտութիւն, ոչ այնչափ ինքնին
օգուտ ինչ մարթէր առնել, որչափ յետոյ նորին
դպրոց։ Ա որին ժամանակակից էր Ագրիկոլա ճար-
տար փիւսկեան եւ հմուտ ուսման քրէական նիւ-
թոց, որ ի Գերմանացւոց աշխարհին պայծառանայր,
եւ բազում իմաստութեամբ քիմիական ուսման մտա-
դիր լինէր, եւ ստանայր ճշմարիտ տեղեկութիւնս
քրէական նիւթոց։ Օ այնու ժամանակաւ յետ գտա-
նելոյ աշխարհին Ամերիկեցւոց եւ յաճախելոյ արծա-
թահանացն եւ ոսկեհանաց, խնդրէին Սպանիացիք
հնարս, զի զգուղձն արծաթոյն եւ զոսկեոյ գիւրաւ
յօտարոտի նիւթոցն ի բաց մաքրիցեն. զառաջին
զհալելն եւեթ դիտէին զխառնամազ կոշտսն, եւ
առնուին զքծուարն սրբեալ եւ յստակեալ. բայց
գետրոս Փեռնանդէզ, որ բժիշկն էր աշխարհամուտ
գրանս արքային Սպանիացւոց եւ առաքեալ ի նմանէ
Ամերիկէ վասն իրացն խնամ տանելոյ, իմանայր
զհայթայթանս խառնելոյ զսնդիկ յոսկի եւ յարծաթ
անդը։ Աշ այլ եւս բազումք բազմապատիկ ի նոյն
արուեստ ճարտարաւթեան աշխատ եղեն. բայց քան-
զի հանապազ ի մթին եւ ի սնոտի խորհուրդս եւ
ի մտահաճութիւնն անկանէին, ցանկ գաղտնիք, հա-
նապազ նախանձաւորութիւն էր եւ հոդ ի ծածկել

զճարտարութիւնն, վասն այնորիկ եւ միշտ խոտէին, այնու զի ճշմարտութիւն սիրէ զայս եւ ոչ ատեայ կամ խուսափէ զի մի քննիցի:

Թռէպէտ եւ բուն սկիզբն քիմիական ուսման յութեւտամներորդ դարէ անտի երեւէր, սակայն եւ յառաջազդոյն իսկ ոչ սակաւ պատրաստութիւն լինէր ի ձեռն բազում գիւտից: Անդէն իսկ յեւթնուտամներորդ գարու Տաքենիսս, որպէս ասէ Բոյեր հաւէ, զյօդուած արեան եւ միզոյ, այլովքն հանդերձ, քիմիական լուծմամբ իմանայր. Բառնէր զքիմիական ուսումնի փիւսկեան անդր մուծանէր. Գղաւը բեր գտանէր զաղն որ կից ի նորա անուն կոչի. Բրանդ եւ կունկեղ հանգամանաց փոսփորոյն գտակ լինէին. Եւ այլ եւս բազումք վարդապետութեամբք եւ կարգօք առ սակաւ սակաւ զուսումնն պայծառացուցանէին, մանաւանդ Ղեմերի որոյ վարդապետութիւն բազումք ինչ նպաստ յարդիւնս գործոց արուեստին լինէր: Յետուստ ուրեմն իսկզբան ութեւտամներորդ գարու երեւէր Ստաղ, անուանի եւ հռչակաւոր քիմիկեան, որ սաստիկ եւ հանձարեղ խորհրդովվքն եւ լայնախորհուրդ մտօք եւ հաստատուն գտատաստանաւ ի բնէ զարդարեալ, եւ ազգի ազգի ուսմամբք եւ պէսպէս արուեստից արդեամբք կրթեալ եւ թեքեալ, զանձն ի քիմիական արուեստին ճարտարութիւն տայր, եւ առնէր այնպէս, զի մարթացաւ եւ քիմիական ուսումն ի զունդ եւ ի կարդ ճշմարիտ ուսմանց խառնել. նա եցոյց հաւաստեաւ զհանգամանս գործելոյ զքրէական նիւթո: Երթէպէտ եւ բազումք հակառակութիւն կրեաց նորին վարդապետութիւն յետոյ ի Ղաւոսաեայ, սակայն եւ ոչ սակաւ ջատագովք նմա գտանէին, որ ոչ սակաւ բարդաւածանք են նմա, որով եւ հաստատութիւն իմն եւ սերտութիւն ի վարդապետութեանն յայտ առնի: Յետ այնորիկ ոչ սակաւ արք անուանիք յառնէին, որպէս Հոփմանն եւ Կեւտոն եւ Կայդ,

եւ մանաւանդ Փրայնդ, որ զքիմիական ուսումն ընդ նեւտոնական փիղխոսփայութեամբն արկանէր։ Աչ ինչ նուազագոյն եւ խոնարհագոյն իցեն համբաւ եւ արժանիք Բոյերհաւեայ, որ աւելագոյն կատարման եւ ճշդութեան այսր արուեստի պատճառք եղեւ։ Այ ած ի կարդ եւ ի կերպարանս զամենայն փորձս եւ զհարցափորձս քննութեանց քիմիկեանց, եւ յայտնութեամբ յանդիմանութեամբ մեկնեաց զարդասիս գործոց անկոց եւ անասնոց եւ քրէական նիւթոց գրեաց ճառս ընտիրս զօդոյ, զջրոյ, զերկրէ եւ եւս աղնուագոյն զհրոյ։ Ճերոց հմտաց եւ նուրաթեք մանկաւոյ խրատս զգուշութեան թելագիր լինի, եւ միանգամայն իսկ զբովանդակ ուսումնն փիղխոսփայական իմն եւ յայտնի օրինօք ընծայեցուցանէ։ Են են նշանաւոր եւ Բեկքեր եւ Բառնէր հանգոյն Ատաղյոյ, բայց Բոյերհաւեայ վարդապետութիւն քան զայլըցն ամենեցուն ի յառաջադիմութիւն ուսմանն նպաստ եղեւ։

Յայնմ ժամանակէ հետէ բազում ինչ նորանշան իրք յայտնէին ի քիմիական ուսման, որոց գլխաւոր եւ նշանաւոր է գիւտ օդոց յօրինուածոյից, որ գազն անուանին, զրոց զհանգամանս Աղէս անուանի փիւսկեան իմանայր զառաջինն, բայց եւ կանխաւ Վեմերեայ ընդ աղօտ իմն եւ կարծեօք զնոցունց գուշակեալ էր։ Արժանի մեծարանաց են եւ Մեյէր եւ Բղակ որ այլակերպ վարդապետութեամբ եւ այլազգի օրինօք զպէսպէս իրաց ճառէին։ Յայնժամ յընդմիջել ութեւտամներորդ դարու խնամով ի վերայ հասանէին խնամութեանն կամ աղգականութեան, որ այնպէս կարեւոր է ի գիւտել յուսման քիմիական ճարտարութեան։ Եւ Գեովիրոս զառաջինն տախտակ քիմիական խնամութեանց յօրինէր։ Բայէն, Բերգման, Բոմէ, Մորվոյ եւ այլ բազում ճարտարը ի նմին յառաջադէմ լինէին եւ աղնուագոյնս պարզէին եւ բանային զվարդապետու-

թիւնն : Յայնժամ սկիզբն առնոյր պայծառագոյն լինել եւ ուսումն քրէական նիւթոց (minéralogie) ի ձեռն Վաղերեայ . Արօնստէտ ճշդիւ եւ հաստատութեամբ զքրէական նիւթոց ուսումն քիմիական ուսման հնագանդէր , եւ զնիկեղն անուանեալ նիւթգտանէր : Յայնժամ գտակաւ հասու լինեին հանդամանաց զինկ նիւթոց եւ սպիտակ սոկւոյ եւ վողփրամայ եւ այլոց նիւթոց : Յայնմ ժամանակէ չետէ մինչեւ ցվախճան ութեւտասներորդ դարին անթիւ եւ անհամար են ճարտարքք , որ ի քիմիական ուսման աշխատ եղեն , եւ գուն եղին փութոց պնդութեամբ զնոյն ճարտարութիւն ազնուագոյն , պայծառագոյն , դիւրագոյն եւ տիկնաց անդամ չեշտընկալ առնել : Ենդզիացւոց , Գերմանացւոց , Գաղիացւոց , Նա եւ Խաղացւոց եւ Սպանիացւոց բազում ինչ նպաստ լեալ է . բայց մանաւանդ Ղաւոասիէր , որ ի կատարած կոյս ութեւտասներորդ դարու է , որ զհանդամանս տալոյ եւ առնլոյ շնչոյն իմացաւ եւ մեկնեաց , եւ մեծապէս ձեռն օգնականութեան եղեւ ուսմանն , հանդերձ բազում եւս արամբք անուանեօք , յորոց եւ նորոյ անուանակոչութեան սկիզբն լիներ , որպէս ոքարիդն եւ թթուածին եւ ջրածին եւ ծծմբած եւ ածխած այլովքն հանդերձ :

Եետ վախճանելոյ ութեւտասներորդ դարու , ի սկսանելոյ անտի իննեւտասաներորդին մինչեւ ցաւուրս մեր մեծ մեծ է յոյժ յառաջադիմութիւն եւ պայծառութիւն քիմիական ուսման , մանաւանդ ի ձեռն եղեկտրիոնական զօրութեան , որով յանհնարին բարձրութիւն եւ ի դիւրութիւն եհաս ուսումնս այս , եւ ազնուագոյնս յօրինեալ կազմեցաւ : Իազում վաստակովք եւ ջանիւք գուն գործէին ճարտարք հմուտք , Դաւի , Բերկեզիս եւ այլք եղեկտրիոնական զօրութեամբ զարդիւնս քիմիական ուսման կատարել , եւ զեղեկտրիոնական - քիմիական ուսումն պայծառացւցանէին . որ այնպէս կարեւորն է , եւ այնչափ

օգուտս նպաստ յարուեստս եւ ի ճարտարութիւնս լինի: Խմող զբաղում գիւտս եւ յայտնութիւնս եւ ըւծմունս իրաց իրաց, որ օրբստորէ պարզին եւ բանան առաջի անդադարն եւ հանապաշորդ փութոյ եւ խուզից փիւսկեանց եւ քիմիկեանց:

Եթէ այլ ինչ հարկ չգոյր, որ զմեզ վառեալ յորդորէր ի բնական գիտութիւն պատազելոյ, շատ եւ բաւական էին պիտոյքն, զոր ունիմք ամենայնի որ շուրջ զմեւք իցեն խելամուտ լինելոյ, պէտք՝ զուրոյ իւրաքանչիւր մարդ մտաւոր այնչափ առաւել զգայցէ, որչափ միտք եւ հանձար նորա յօրինեալ յարդարեսցին: Յոր կոյս եւ զաշս յածեցուցուք, երեւոյթք ընծայեցուցանին մեզ, զորս ի միաբանութեան նոցա ընդ միմեանս միանգամայն նկատել ցանկամք, որք եւ զմեր հանձար ի մեկնել եւ յայտ առնել զնոսա ստիպեն, եւ զմուադիւրութիւն մեր զարթուցանեն զի զնոսա ի մեր օգուտ ի կիր արկանիցեմք, կամ ի վնասուցն զոր նոքայն մեզ սպառնան, զերծանիցիմք:

Մարմնաւոր պիտոյից կամ շահու մարդկան չեղեն երբեք իրաւունք այնպէս զարբանեկութիւն գիտութեանց պահանջելոյ, որպէս ի ժամանակի աստ յայսմիկ: Խմուի թէ ճշմարտութիւնք, որ հանապազորդ յարուեստանոց քիմիական ուսման մեծաւ աշխատութեամբ յայտ գան, ոչ յայլ ինչ սահմանեալ իցեն, բայց զի սպասաւորք եւ արբանեակք արուեստից եւ ձեռագիտութեանց լինիցին: Ամբ փիղիսոփոս, որ յիւրում տան մենացեալ կայցէ, չէ ձեռնհաս զգէմ ունել արագն եւ սաստիկ շարժման, որ զամենեցուն միտս ի սոյն յայս ընդ իւր ձգեալ տանի:

Հատ իսկ է միայն թէ զհետ մտեւոլ նկատիցէ ոք զգնացն, զոր գիտութիւնք անդստին ի կանուխ ժամանակաց հետէ մինչեւ ցմեր աւուրս գնացին. անդէն հաւաստեաւ զնոցին ճշմարիտ կէտ եւ զկատարած ի միտ առնուցու, եւ տեսանիցէ թէ զիարդ

սովար բարոյականաւ, զրագիտութեամբ եւ գեղեցիկ արուեստիւք հանդերձ հանապաղի յառաջադէմ մատուցանել զյօրինուածութիւն քաղաքի նպաստ լեալ իցեն : Եթէ բարոյականն որոյ աստուածեզէն սկիզբնէ, յօրինեալ յարդարէ կանոնս կարգաց թէ զիարդ մարդոյ ընդ իւրում անձինն եւ ընդ մերձաւորին իւրում գնալ արժան իցէ, եւ որդունակ ազդ ընդ ազդի շրջել պարտիցի . եթէ զրագիտութիւն եւ դպրութիւնք զեղու կազմեալ յօրինիցեն, զմիստ պարզեցեն եւ ի բարոյս անդք զործիցեն ազդեցութիւն, այնու զի ցանդ իսկ եւ հանապաղ ազնուական օրինակս ոգւոյն յանդիման կացուցանեն . եթէ զեղեցիկ արուեստք զայվորութիւնս եւ զբարս ընդելացուցեալ համբուրեցուցանեն, եւ զյիշատակս արութեանց դիւցազանց եւ սպասաւորութեանց զորս արք անուանիք աշխարհին եւ գաւառի մատուցեալ իցեն, մշտնջենաւոր եւ յաւէժ կենդանական կացուցանեն . ապա եւ փիւսկեան գիտութիւնք ունին իւրեանց կէտ կատարածի զմարդն ի խորհուրդս եւ յանձնառ ճառս բնութեան, մերկանալով զնորին օրէնս, նուիրել, զշրջանակ տեսլեանց մտաց նորա ընդարձակել, եւ հայթայիթել հնարս եւ սայոյդ սկզբունս արդեանցն դործոց արուեստից, յորոց ձեռն հնարագիտութիւն պայծառանացէ : Ապա ի քանի կուսաց հարկ իցէ ի ժամանակի աստ յայսմիկ զփիւսկեան ուսմամբք ստէլ եւ խնամով գալ :

Յետուաս ուրեմն զայն եւս զմառաւ ածել մի դանդաղեցիմք, թէ ուսումն փիւսկեան գիտութեան յաջողէ մեզ զզօրութիւնս մերոց ոգւոց առանձինն յօրինեալ յարդարել . զի զոր օրինակ ուսողութիւն զմիստ ի հաստատութիւն եւ ի պնդութիւն ի փակելն եւ յամփոփել սավորեցուցանէ, եւ ցուցանէ մեզ զհանդամանս այնորիկ զոր հաւաստեալ ճշմարիտ եւ սայոյդ կոչել մարթ իցէ . եւ զոր օրինակ ուսումն բուսոց ընդելուզանէ զմեզ քաջատես

մոզք զարտաքին դրոշմա իրաց նշմարելոյ եւ զայն-
պիսինշանակս ի խոյզ անկեալ որոնելոյ, որովք իրա-
քանչիւր բոյսք ի միմեանց ընտրին, եւ եթէ ոք զնո-
սա ի բովանդակածի ուսմանն ինդրիցէ, դասնին,
նոյնպէս եւ փիսիկական ուսումնն ածէ զմեզ ի ձար-
տարութիւն միտ գնելոյ, այնու զի օրինակս ցուցա-
նէ մեզ, թէ զիսարդ զերեւոյթս հաւասառեաւ ի միտ
առնլով զպատճառս որ ճշմարտիւ ազգեցական իցեն,
ի գիպուածոյից անտի ընտրել մարթ իցէ. թէ որ-
պէս փոփոխմամբ իրաց՝ որ մօտալուտ ի վերայ կայցեն,
օրէնք աղդեցութեանցն քննիցին. եւ թէ որդունակ
բազում անգամ հաւանութեան կարծեզօք մարթ իցէ
յառաջագոյն տեսանել, թէ որպիսի քննութիւնք ի
նորոգ յայտնութիւն ածել կարիցեն, եւ այլն եւս
որ սոցին նման իրք են: Եւ սովին այսուիկ արուես-
տիւ միտ գնելոյ եւ ուշ ի կուրծս նկատելոյ յայլ եւս
սովորական եւ ընդելական պատահարս կարօտ եմք:

Գ. Գ Լ Ո Ւ Խ

ԲՆԱԿԱՆ ՊԵՏՄՈՒԹԻՒՆ

ԵՒՍՍԻԿ մեւս եւս ուսումն բնութեան, որոյ կէտ եւ
գիտաւորութիւն թէպէտ եւ ի փիտսկեան գիտութե-
նէ անտի այլակերպ եւ այլագունակ իցէ, սակայն
օգտիւ եւ պիտանութեամբ ոչ ինչ ընդհատ ի նմա-
նէ պատուական եւ մեծարոյ ճանաչի: Փիտսկեան ու-
սումն զծածուկ եւ զանյայտ զարմանալեզօք բնութեան
թէւակոխէ, զինչ եւ նորանշան ուրեք նշմարիցէ,
անդէն ի խոյզ եւ ի խնդիր արկանէ, զի զհանգամանս
եւ զպէտս տեսլեանն ընծայեցուցանիցէ. երկրորդ ան-
դգի: Բնական պատմութիւն թէպէտ եւ քան զնա

մեղմագոյն եւ ամփոփի սահմանաւ է, զի միայն զմար-
մնովք՝ որ ի վերայ երկրի եւ ի նորին թանձրութեան
կան, պատաղի, սակայն յօրինիչ իմն եւ կարգիչ բարո
եւ նկարագիր յանձին երեւեցուցանէ։ Ապա զոր ծ-
րինակ զփիւսկեանն հետահան եւ խորասոյզ բնու-
թեան մարթի կոչել, նոյնպէս եւ զընական պատմու-
թեան ուսումն յիրաւի պարտ եւ պատշաճ իցէ ըն-
տրիչ եւ զատուցիչ անուանել։ Վայրենի իմն խնա-
մով զբովանդակ երկրական եւ զհողածին բնութիւնս
յիւր ամբաւ զոդ ամփոփեալ, միում միում իւրաքան-
չիւր սահման եւ կարգ եւ աստիճան եւ տոհմ, նա եւ
իշխանութիւն եւ թագաւորութիւն բաշխեալ բա-
ժանէ։ Արպիսի քաջատես միտք եւ հատու եւ հա-
կիրճ ըմբռնութիւն եւ հանդարտութիւն զգօնութեան
չիցէ բնական պատմութեանն ուսման, որ զայնչափ
ընտրութիւնս դոյաւորաց եւ կենդանեաց եւ աճեցուն
բնութեանց իմանալ, զնոսա ի կարգս եւ յազգս եւ
ի կերպարանս եւ ի ցեղս եւ ի դասս զատուցանել,
եւ ի մշջ անբաւ այլակերպութեանց եւ նմանութեանց
զմիոյ միոյ իւրաքանչիւր զգրոշմ եւ զնշանակս ճա-
նաշել ձեռնհաս է։ Արշափ կարեւոր, քանիօն ցան-
կալի չիցէ արբանեկութիւն բնական պատմութեան
մոտաց մերոց եւ խելամութեան։ Հանապազ աղդս,
կերպարանս, զունակս, անհատս եւ անբաժինս ի
ներքոյ մեր եւ շուրջ զմեւք տեսանեմք, ոչ այն ա-
մենայն ընտրութիւնք, որ բազում անդամ միախուռն
միանդամայն ընծայեցուցանին, ի շփոթութիւն զմեզ
արկանեին, եւ շտային հաւաստեաւ ի միտ առնուլ,
եթէ չէր ի միջի բնական պատմութեան ուսումն։
Այնպէս հաւաստեաւ լարարաժինն առնել բնական
պատմութեան զսահմանս կենդանութեան եւ գոյու-
թեան, եւ ազգաց եւ մեկնակաց, զտեսիլս ի վերայ
այնը ամենայնի՝ որ մեզ կենակից եւ բնակակից, նա
եւ ազգակից եւ բնակիցն են, ուզգէ եւ կարգէ։
Ի ձեռն բնական պատմութեան հայիմք ի բնական

իրս գնդին երկրի առանց ի յաճախութենէ անտի տեսլեանց զմիտս հեղձուցանելոյ, մտանեմք ի խառնակութիւն առանց ի շփոթու ըմբռնելոյ: Առվաւ զմեր իշխանութիւն եւ զմոխութիւն ի միտ առնումք, սովին զառաւելութիւն խօսողութեանն եւ ընտրութեան մերոյ ճանաչեմք եւ ընդ այն ուրախ լինիմք, սովին եւ կարգ եւ յօրինուածութիւն ի տեսիլս մեր ուսանիմք. միանդամայն իսկ ասել, բնական պատմութիւնէ, որ իբրեւ հազարապետ տեղեակ ամենայն խորչից եւ սահմանաց եւ խորոց գեղեցիկ եւ արքունական կան կազմածոյ երկրի, զձեռանէ կալեալ մուծանէ զմեզ ի ներքս, եւ ամենայնի եւ բնաւի խելամանեցուցանէ: Առանց սորա իբրեւ ընդ պատրուակաւ տեսանէաք զերկրաւորս, եւ առ խարիսափ շրջեաք յերկրի:

Բնական պատմութեան անուամբ յայտ առնի այն գիտութիւն, որ դայ զիազմութեամք մարմնոց, որք կամ մեկնակ ի վերայ երեսաց երկրի սփռեալ են, եւ կամ ի զանդուածս կցեալ եւ յարեալ ի մի վայր միացեալ կան: Պարձեալ դայ եւ զերեւութիւք՝ որ ի մարմինս յայսոսիկ պատահեն, զնշանակօք՝ որ յանկ եւ յարմար են վասն զնոսա ի միմեանց զատուցանելոյ, եւ զիսազուք՝ զոր նոքա ի համագունդ միաժողով բազմութեան արարածոց խաղան: Պիւրաւ ի միտ առնուցու ոք թէ թագաւորութիւն նոցա անշափ մեծ է, եւ թէ պիտանութիւն նոցա ոչ ինչ յետնեալ գտանի քան զմեծատարած ընդարձակութիւն իւրեանց:

Ամենայն մարմնոց՝ որչափ ինչ մեզ ծանօթ իցեն, երկու ազդեք են. մի՛ անկենդանի մարմինք կամ քրէական նիւթք (minéral), եւ երկու՝ կենասակիր կամ գործիաւոր մարմինք: Հետինքս այսոքիկ դարձեալ յերկուս կոյտս բաժանին, զոր ամենայն ոք ճանաչէ, այս ինքն է ի տունկս եւ յանասունս: Ամին իրի իսկ զոր օրինակ ի սովորակրօն, նոյնպէս եւ ի գիտութեան խօսս երեք մեծամեծ բաժանմունք կամ թագաւորութիւն

թիւնք բնութեան զատանին, որ անուանեալ կոչին թագաւորութիւն քրէական նիւթոց, թագաւորութիւն բուսոց եւ թագաւորութիւն անասնոց :

Ուսումն գիտելոյ զօրինակ կազմութեան գործեաց անասնոյ իրիք կամ անկոյ՝ յօրինեալ կացուցանէ զայն բարունակ բնական պատմութեան, որ անուանեալ կոչի Ուսումն հերձանելոյ (anatomie)։ Իսկ մեւս եւս ուսումն՝ որ ցուցանէ թէ զի՞նչ առանձինն ապաս հարկանիցեն մի մի ի գործեաց անտի, այն Բարոյախօսութիւն կամ բարեգիտաւթիւն (physiologie) անուանի։ Ապա գիտութիւն հերձանելոյ ուսուցանէ մեզ ճանաչել զշինուած գործիաւոր մարմնոց, իսկ բարոյախօսութիւն է գիտութիւն՝ որ զհանգամանս կենաց գործիաւոր մարմնոց ուսուցանէ մեզ։ Բայց այս երկոքին ուսմունք, որ իբրեւ առաջին եւ երկրորդ բարունակը են բնական պատմութեանն ուսման, այնպէս ընդ միմեանս գիրկընդխառն են եւ զմիմեանց կախին, զի մին առանց միւսոյ չէ ձեռնհաս զիւր գործս գործել։

Բայց երկոքին սոքա յատուկ՝ չեն բաւական ի տալ ճանաչել լիով զհանգամանս անասնոց եւ անկոց. զորս հարկ է այլովք եւս օրինակօք քննել, վասն բովանդակ ի վերայ հասանելոյ նոցա։ Ա ասն կարօղ լինելոյ զամենայն մարմինս, որոց թիւ համարոյ յանսահման գնայ, ի միմեանց զատանել եւ ընտրել, պարտ եւ պատշաճ է ապաստան լինել ի զննութիւն առանձինն սեպհականութեանց, որ յիւրաքանչիւր մարմինս երեւին, եւ զորս մեք իբրեւ դրոշմական նշանակս ի ձեռս առնումք, վասն նոքօք զանցնիւր մարմին յիւրմէ ընկերէն ընտրեալ զատանելոյ. եւ այս իսկ է աւասիկ երրորդ բարունակ բնական պատմութեան, որ կոչի Ուսումն գրոշմից (caractéristique), եւ յերկուց անտի առաջնոց բղիսէ։

Հետ զիւրաքանչիւր մարմին իւրով սեպհական գրոշմիւք յընկերէն զատանելոյ, պիտոյ է մեւս եւս

գործ, որ դիւրացուցանիցէ մտաց ի միտ առնուլ եւ յուշի պահել զայնչափ անչափ բազմութիւնս մարմնոց։ Եւ այս ոչ այլով իւիք կատարի, բայց զանչափ մարմինսն բովանդակածով (système) իւիք կարգելով։ յորժամ ոք զնոսա ըստ պէսպէս աստիճանաց նմանութեան եւ աննմանութեան, որ ի նոցասեպհական բնութեան երեւին, ի կոյտս կոյտս կամ ի դասս զատանիցէ. զի այսպիսի բաժանմանց օդնաւ կանութեամբ մարթէ է ի սահկաւ բանս զիարեւոր կարեւոր վայրս պատմութեան նոցա գլխաւորեալ ամրվով։ Եւ սոյն այս է չորրորդն բարունակ բնական պատմութեան որ կոչէ Ռևումն բովանդակածոյ (stématique), յոր յաւելով արժան է եւ զհինգերորդ մասնն, այս ինըն է Ընուանակոչութիւն (nomenclature), որ է դնել անուանս իւրաքանչիւր ազգի եւ կերպարանաց, այլովքն հանդերձ, որով ստանայ բնական պատմութիւն ի հարկէ զիւր զդիտնական բարբառ։

Օ՞որ ինչ զմնական պատմութենէ կենսակիր մարմնոց ասացաք, չէ պարտ եւ զմարմնոց անկենդանեաց նոյնպէս իմանալ, զի ի սոսա նոցին հակառակիքն երեւին։ Աստ ոչ գործիք գոն եւ ոչ կենդանական գործոց վճարմունք ի ձեռն գործեաց, վասն որոյ չեն պիտոյ ոչ հերձանել եւ ոչ բարոյախօսութիւն։ Բայց փիւսկեան եւ քիմիական առանձնութիւնք ի ձեռն մեծաքանչ այլակերպութեան եւ ազգի ազգի գունակաց արարածոց ստանան կարեւորութիւն մեծ։ Ի միոջէ կողմանէ ձեւ, կազմած, վարելութիւն (élasticité), քիմիական յօդուածք խուռն իմն բազմութիւն արարոց մատուցանեն առաջի մեր. ի միւսմէ կուսէ պիտանութիւն նոցա եւս այլ եւս օդնականութիւնք ոչ սակաւ նշանաւոր են քան զբարոյախօսական եւ բեւոյթս, որ ի կենսակիր մարմինս երեւիցին։ Այսուքիկ են յանդիմանակացք, զորոց լինի ճառել ի բուն զիտութեան քրէական նիւթոց։

Ի՞սոյց զոր օրինակ յուսման կենսակիր մարմնոց սովորութիւնք, յանկութիւն ի գետինն, երկրագրական սփռումն եւ պիտանութիւն տնկոց եւ անասնոց շահեկանութիւն մեծ է մեղ, նոյնպէս եւ բնական միաւորութիւնք քրայական նիւթոց, օրինակ յառաջ գալոյ նոցա ի ծոց երկրի, տարածումն եւ սահմաննք զետեղմանց զոր նոքայն կազմեն, յանկութիւն եւ աղերս զետեղմանցն այնոցիկ ի մէջ իւրեանց, երեւոյթք՝ որ ի նոսա երեւին եւ երեւեալ են, եւ որ սոցին նման իրք, պարտին ի բնական պատմութեան քրեական նիւթոց զմեր մտադիւրութիւն յափշտակել, եւ են իսկ մեղ ի մեծ օգուտ։ Առարք, որք ընդ այսափ ազգի ազգի յանկութեամբք ճանաչին, այնչափ բազմապատիկ են, զի ուրոյն ինչ բարունակ զիտութեան կազմեն, որ անուանեալ կոչի Երկրախոսութիւն (géologie)։

ՊԱՏՐՈՒԹԻՒՆ. Եթէ զայլոց դիտութեանց մարթ իցէ ասել թէ հին է սկիզբն նոցա, զբնական պատմութենէ յիրաւի արժան իցէ ասել։ Առաջին խուզարկու բնութեան պարտ է համարել զԱդամ գլխովին, այնու զի եդ անուանս ամենայն անասնոց, եւ զդաշտս եւ զամենայն առւնկս դրախտին ընկալաւ յԱստուծոյ ի պահեստ։ Առզոմոն ոչ ինչ ընդհատ իմաստութեամբ վիճէր զգրաստուց, զթուչնոց, զզեռնոց եւ զձկանց, քան զազգի ազգի տնկոց մանունց եւ մեծամեծաց։ Առաջին ուսումն ազգաց իմաստնոց, որպէս Սինէացիքն էին եւ Եգիպտացիք եւ Յոյնք եւ այլ բազումք, եղեւ նկատել եւ ճանաչել զանասունս եւ զարգիւնս բնութեան։ Եւ Հիպակուրէս, Դիոսկորիդէս, Գաղենոս եւ այլք ի բժշկաց, որ զանկոց իւրեւ զբժկական նիւթոց ճառէին, նոյնպէս հայէին եւ ի բրածոյս եւ յայլ եւս մարմինս, որ ի բնական պատմութեան բովանդակին։

Քայց իբրեւ ուրոյն մատենագիր որ զընական պատմութենէ ճառեալ իցէ, ոչ զայլ ոք մարթ է ի կարի հնոց յանդիման կացուցանել, բայց զԱրիստուտեղէս, որ զիենդանեաց բազում խելամսութեամբ եւ զարմանալի հանճարով գրեաց ճառս : Քայց հաւանութեան է թէ յառաջագոյն քան զնա դոյին մատենագիրք, յորոց էառ բազում ինչ եւ ինքն Արիստոտեղէս : Վանաւանդ զՃիպպոկրատեայ եւ զԴիեմոկրիտեայ յայտ է թէ զտնկոց ճառէին, եւ զնոցին բժշկական զօրութիւնս հաւաստեաւ խուզէին : Յետ Արիստոտեղեայ անուանի եղեւ թէոփրաստոս նորին աշակերտ, որ տասն զիրս գրեաց զբնութենէ տնկոց, եւ վեց՝ զնոցին պատճառաց : ՕԴիոսկորիդեայ, որ կարծի լիեալ առ Աւելուտեաւ, ասէ Գաղենոս թէ քան զամենայն տնկախօսս եւ զբանջարագէտս ազնուագոյն է . սորա գրեալ է զտնկոց իբրեւ վեցհարիւրոց հանդերձ նոցին բժշկական արդեամբք : Առ Հռոմայեցիս անուանի է Պղինիոս, որ բազում աշխատութեամբ ինքնին եւ յայլոց ուսեալ՝ աւելի քան զհազար տնկոց զհանդամանս գրեաց ի վեշտասան դպրութիւնս : Աչ սակաւ հոչակաւոր է եւ Գաղենոս որ զտնկոց գրեաց, որոյ դործ ինչ եւ ի մեր լեզու թարգմանեալ կայ ի նախնեաց անտի : Քայց զարմանալի այն է, զի եւ Միհրդատ մեծ, արքայ Պոնտոսի, գրեաց զիրս այնպէս իմաստութեամբ զտնկոց, մինչեւ ասել Պղինեայ, թէ Հռոմայեցիք ի գրոց անտի նորա սթափեցան պարապել սմին ուսման :

Առդարեւ բազում հոգաբարձութեամբ գային նախնիք ի Յունաց եւ ի Հռոմայեցւոց զբնական սլատմութեամբ : Վ ասն զտնկոց ուսումն յառաջագէմ մատուցանելոյ գոյին պարտէզք բանջարականք : Յօհովիրաստեայ էր առանձինն պարտէզ, զոր ի մեռանել իւրում եթող կտակաւ այնոցիկ՝ որ յետ պանդիստութեանց յայլ աշխարհս կամիցին զիւրեանց գիտութիւնն անդէն ի կատարումն ածել . որով յայտ առնի թէ

տունկը որ ի նմա գտանեին, օտար աշխարհաց արդիւնք էին, վասն զիտութեան անդէն ժողովեալք եւ դարմանեալք։ Օքանջարական դրախտէ Անտոնիոսի Կաստորեայ յիշատակէ Պղինիոս, զոր ինքն իսկ տեսեալ եւ զրազում ինչ անդէն փորձեալ եւ ուսեալ էր։ Ես Պղինիոս առե, թէ գոյր եւ ազգ ինչ ձմերանցաց, այս ինքն էին կախաղանաւ պարտէզք կամ ծաղկոցք ի վերաց անուոց, զոր դնէին յարեւու, եւ ի դալ ձմերական աւուրց ընդ հովանոցք պատոպարէին։ Խին եւ քաղուածոյք տնկոց ցամաքեցուցելոց, ուստի եւ յիշատակի Պղիատեւայ, թէ ունէր այնպիսի ինչ ժողոված անուանեալ Պէտք բանջարոց, պահեալ յիւրում տան, ուր ստեպ գնայր Հիպատիկատէս, որպէս ի թղթոյն որ յանուն նորա յածի, յայտէ։ Հոռմայեցոցն զեղիսանք զնոյն փոյթ ունէին զրանջարոց ի բարգաւաճանս իւրեանց։ Ի Մէովախն ծովակէ, յԱտղաս լեռնէ, ի հեռաւոր կղզեաց Ավկիանու եւ յամենայն իսկ կողմանց աշխարհի ածեալ լինէին ի Հռոմ ազգի ազգի տունկը եւ բանջարք, որպէս ասէ Պղինիոս։ Անշափ մեծաշուք վայելութիւն հռոմայականն խաղաղութեան ոչ միայն զպէսպէս աշխարհաց եւ զազգաց որեար ցուցանէր, այլ եւ նմանութիւնք լերանց եւ բլրոց երկնաբերձ ամբառնային ի միջի նորա արգեամբք եւ բերովք եւ խոտովք օտար աշխարհաց, զի յայնպիսի իսկ իրաց բարձեալ ածէին ընդ իւրեանս աշխարհակալքն։ Ի հին պատկերագիրս անդամ տեսանեմք բազում անգամ տունկս ազգի ազգիս, զուպան կիւրենականս, զազգի ազգի արմաւնիս բարիղոնականս, ասորականս, փիւնիկականս, պաղեստինականս, եւ այլ բազում չքնաղ անկոց կերպարանս։ Ի՞այց ոչ ի դրոշմս եւեթ, այլ եւ լոկ նկարէին զտունկս վասն զերպարանս նոցա յանդիման կացուցանելոյ։ Արատեւա եղեւ այսր սովորութեան դտակ, զորոց զհետ գնացին Դիսնիսիոս եւ Մետրոգորոս։ Ի՞այց Գաղենոս խրատ տայր մի ի նկարսն կամ

ի ձեւոն յարեալ մնալ, այլ զտունկօն՝ ի տունկս անդ քննել. նոյնպէս եւ Պղինիոս չհաճի ընդ այն սովորութիւն, զի շատք զնկարեալ ձեւովք եւելթ դային:

Օքր օրինակ զանկոց, նոյնպէս եւ զանասնոց փոյթ յանձին ունեին Յոյնք եւ Հոռոմք, զԱրիստոտեղեայ ասացաք վերագոյն. զԹէոփրատեայ եւս ասեն զանասնոց գրեալ, բայց նորա միայն զանկոց մատենագրութիւնք կան: Ի մէջ Հռոմայեցւոց քան զամենեսին հռչակաւոր է Պղինիոս, զորմէ ասասցուք զայն ինչ եւեթ, զոր Բուփիոն գաղլացի առէ, թէ Պղինիոս ոչ միայն գիտէր զայն ամենայն զոր մարթէր գիտել յայնմ ժամանակի, այլ եւ էր նորա այնպիսի յաջողութիւն մեծամեծս խորհելց, որ բազմացուցանէ զգիտութիւն: Բայց ի Հռոմայեցիս գոյին եւ այլ խուզարկուք բնութեան, որպէս Ալբրոնն, Նիդիդիոս, Փեդուզոս, Արկերոն եւ այլ վիդիսոփայք եւ հմուտք պւէտք իսկ. Աերդիդիոս եւ այլք ընդ այս նիւթ անցին. եւ Ովիեգիոս ի նմին իսկ Պղինեայ գովի իբրեւ սկիզբն եւ առաջին մատենագիր բազում ձկանց Պոնտոս Եւքոնոս ծովու, որ է սեաւ ծով: Բայց ոչ ոք հաւասար մարթ է լինել Պղինեայ, որպէս ոչ ոք ի Յունաց ընդ Արիստոտեղեայ եւ ընդ Թէոփրատեայ ի կշիռ համեմատութեան գալ կարօղ է. Երեքին սոքա են վարդապեաք ի հինոն: Բայց եթէ զՅոյնոն ընդ Հռոմայեցւոցն ոք ի հաշիւ ընտրութեան ածել կամիցի, չկարիցէ, ասէ Անդրէս*, Պղինիոս ժողովիչ առ ինքնագիր մատենագրովք աղատագէմ երեւել:

Յոյնք ստացան զիւրեանց ծանօթութիւնս ինքեանք գիտելով, եւ հաւասար խուզիւք, յառողջ փիդիսոփայութենէ եւ յուսեալ քննասիրութենէ: Օդեմոկրիտոս, ժամանակակից Հիպակոլրատեայ, տեսանիցես ի խոր մենութեան զի հերձու զշնչաւորս, ցամաքեցուցանէ տունկս, եւ յառեալ հայի ի պէս-

* Անդր. Գրագիտ. Ե. Տում. Ե. Գլ.

պէս կոտորս բնական իրաց : Արդարեւ մեծ մեծ է տեսանել զԱրիստոսեղէս, զփիղիսոփոս՝ որ ի քննել եւ ի դնել օրէնս մտաց թուի ծնեալ, շուրջ պաշարեալ յանասնոց կենդանեաց եւ ի մեռելուոց, ի թոչնոց չորբոտանեաց, ի զեռնոց, ի ձկանց, ի ձկնահանաց եւ ի տնկարկաց, յորտորդաց եւ ի բեւր մարդկանէ, որոց զրադումն էր զանասնովք: Աշ զթէկոփիրաստոս ի պարտիզի իւրում գտանիցես ընկղմեալ ի դիտել զտունկու եւ զանասունս, զքարս եւ զքրէական նիւթո, եւ զենչ զոր բնութիւն ի Յունաց աշխարհին՝ փիղիսոփիոյական զննութեանց մատուցանէր: Օքարմանք են զի բազում անգամ եւ զօրավարք եւ թելակալք եւ կողմնապահք Աղեքսանդրի ի վկայութիւն ածին, որոց յարշաւանս աշխարհակալին բազում ինչ քննեալ եւ տեսեալ էր, որպէս կտեսիան եւ կաղիսթենէս եւ Մեդասթենէս, Դիօնիսիոս եւ այլ բազումք: Ա, ասի թէ հազարք հազարաց մարդկան, անբաւ անասունք, անդեայք, ձկնանոցք, հաւանոցք, անչափ բովանդակութիւն բազմաց հարիւրոց քանքարաց, հանեալք ի Յունաց եւ յԱսիացւոց աշխարհէն, առաքեալ լինէին յԱղեքսանդրէ առ վարդապետ իւր Արիստոստեղէս, զի առնիցէ զննութիւնս, խոյզ եւ ինդիր եւ փորձ վասն բարւոք ճանաչելոյ զանասունս. արդարեւ ոչ սակաւ պատիւք են աշխարհակալին յղել զայնպիսիս այնչափ հոդաբարձութեամք, քան փիղիսոփոսին ի քննել զայնոսիկ նովին փութով եւ խնամով:

Հռոմայեցիք թէպէտ եւ ոչ առ սէր փիղիսոփիայութեան, այլ ի գիպաց իմն յայնպիսի զննութիւնս անկան, սակայն եղեն նոցա այնչափ միջնորդք եւ պատեհ պատեհ գէպք ի դիտել եւ ի ճանաչել զանասունս, զի եւ նոքա եղեն հմուտ խուզարկուք բնութեան: Ա, ախ հմայք ստիպեցին զՀռոմայեցիս պարապել անասնոցն բնութեան, զի յընդերս անամոց եւ ի թռիչս հաւուց հմայէին: Ետրուսկացիք, քանզի տեղեկագոյնք էին ի հմայութեան, բազում

ինչ տեղեկութիւնս համբարեալ ունէին զանանոց ,
յորոց այն ամենայն յետոյ ի Հռոմայեցիս անդր էանց :
Իսաց ի հմայից յաւելան ի սոսա եւ զեղսութիւն
եւ սնապարծութիւն . զի փոյթ ճոխից եւ ինքնակա-
լաց ի ցուցանել անասուն գաղանս օտար աշխարհաց
ի ձաղութիւնս իւրեանց , ի հարկէ զբաղումն տեղեակ
եւ ընտել կացուցանէր բնութեան այնպիսի անասոց ,
որոց մեր հազիւ զնկարագիր կամ զպատկերս լուեալ
կամ նկատեալ է : Ուր Ղ. Շիղա ի միում տեսլեան
հարեւր առեւծս , յայլում տեսլեան քայս չորեքհա-
րեւր , եւ ի տեսլեան ուրեք Պոմպէոս վեցհարեւր ցու-
ցին . ուր ի ձաղութեան ուրեք Մ. Անտոնեայ երեւ-
էին առեւծք ընդ սամետիւք եւ ի կառս Ծեալք . ուր
Սկաւրոս ի կրկիսական խալս յանդիման կացուցանէր
հարեւր եւ յիսուն յովազս , ամենեքին ազդիազգիք ,
Պոմպէոս մեծ չորեքհարեւր տամն , Աւգոստոս եւս
աւելի . ուր ունդեղնեւըք , քայք եւ այլ անթիւ
անասունք եւ գաղանք չքնաղք աշխարհաց հեռաւ-
որաց բաղում ծախիւք ածեալ լինէին եւ բուծա-
նէին , յայտ է թէ անդ բաղում ծանօթութիւնս մարթ-
էր ուսանել յայնչափ եւ յայնպիսի անասոց : Ա .
Երիս եղեւ առաջին որ կազմեաց աւաղանս միւռե-
նէս ձկան , եւ յընթրիս դիկտատորութեան Կայսեր
վեց հազար մատոյց ի կերակուր : Ո՞ կարէր զչափ
առնուլ զայնչափ հաւուց եւ զկարապից , զկռնկաց ,
զլրամարգեաց , եւ զայլոց այնչափ անչափ անասոնց ,
զորս ի սեղանս իւրեանց սիրէին տեսանել : Ո՞ Կի-
զիս Ստրաբոն զառաջինն շինեաց տեղիս կամ արգե-
լցու անթիւ անհամար հաւուց , ասէ Պղինիոս : Ուր-
դիս Որատա յօրինեաց աւաղանս սուտրէից եւ կոն-
քաց , եւ ուսանէր ինամով զբնութիւն եւ զայլակեր-
պութիւնս նոցա :

Զանկալի էր մեզ զճառս յերկարել ի նախնայն
բնական պատմութեան , բայց զի մի թանձրութիւն
մատենիս ստուարայեալ ըստ չափ ելանիցէ , անցցուք

յառաջ ի յետին ժամանակս, շատ համարելով զերեւելիս ի խուզարկուաց բնութեան յիշատակել։ Անուանի մատենադիրք խոնարհագոյն ժամանակաց, որ արարին ինչ օգուտ յուսմանս յայսմ, են բեղոն, որ յԱսիա, յԱփրիկէ եւ յԵւրոպէ ճանապարհորդեալ զմանոց զրեաց. Դոնտեղէտ բազում ժամանակս առ ափամբք ներքին ծովուն, եւ ի ճանապարհորդութիւնս իւր ի Գաղիա, յԽոտաղիա, բազում հաւաստեաւ զրեաց զձկանց. Ազրիկողա զքրեական նիւթոց արար փոյթ այնչափ, որչափ երկուք առաջինք զանուանեալ անասնոց ցուցին։ Ի՞սց Գեռներոս անցոյց զանցոյց զամենեքումբք յերիս եւս թագաւորութիւնս բնութեան միջամուխ լեալ, արդարեւ նորոգիչ եղեւ սորին ուսման, եւ մինչեւ ի մեր ժամանակս իսկ իբրեւ վարդապետ մեծարի։

Յետ զիւտի երկուց աշխարհաց Հնդկաց յաւելաւ մեւս եւս աշխարհ ի բնական պատմութեան. Ակոստա եւ Եմանդեղ բազում ինչ փիղխոփայական աշօք նկատեալ ի նոր աշխարհին ետուն անչափ տեղեկութիւնս։ Գիւտ նորոյց աշխարհին ոչ սակաւ օգտութիւնս մատոյց եւ գիտութեան բանջարոց։ Ի՞ազումք զանկոց այնոր աշխարհի զրեցին, բայց անուանի յոյժ է Փրանկիսկոս Հերնանդեղ, որ ի Փիղխպապեայ երկրորդէ առաքեցաւ յԱմերիկէ, յորոյ զրոցն աճեաց եւ զօրացաւ յոյժ տնկախօսութիւն։ Վան զամենեսին որ ցայնժամ եղեն անուանի, երեւեցաւ Ազգրուանդոս, որ զերեցունց թագաւորութեանց միանդամայն բազում հաւաստեաւ եւ խելամութեամբ զրեաց, զորմէ առէ Բուփփօն թէ բաց յերկայնութենէ բանիցն, ամենեւին կատարեալ են գործքնորաքան զամենեցուն որ ցայնժամ եղեն։

Այսոքիկ են մատենագիրք վեշտասաներորդ դարին, յորոց արդարեւ պայծառացաւ յոյժ բնական պատմութեան ուսումն։ Ի՞սց զեռ եւս կարօտ էր անբաւ հանճարոյն բակովնի առ ի զալ ի կարգ եւ

յաղնուագոյն կերպարանս : Առաջակաւոր եւ յոյժ եւ բախտաւոր արժան է համարել յուսման բնական պատմութեան զիեղի յիտաղիա, որ ուսոյց ճշգրտի թէ զինչ իցէ թոյն իժից, զիարդ ծաւալեսցի . խօսեցաւ եւ զպէոպէս անասնոց, որ յայլ անասնոց մարմինս գոյանան եւ սնանին. զԱռամմերդան ի Հողանդիա, որ զմիջատաց, զՎիստերոս որ զիսեցեմորթաց ճառեցին, երեքին զարմանալի օրինակաւ : Իազումնպաստ եղեւ սոցա ի կիր արկանել զմանրադէտ գործի, որ թէպէտ եւ վազուց գտեալ, բայց չեւ եւս ի կիր արկեալ էր : Արժանի յիշատակելոյ է ի բնական պատմութեան Մարիամ Սիրիզզա Մերիան կին մարդ, որընդ բազում գաւառս ճանապարհորդեալ, ի դաշտս, ի լերինս, առ գետովք եւ լճակովք թափառեալ, ի տունս շաեմարանաց փակեալ, զմիթուամբէք, զմիջատօք, զորդամբէք, զօձիք, զզեռնովք եւ զսողնովք եւ զայլովք զնողի եւ զանսուրք անասնովք արկանէր զաղնուական ձեռան, եւ զիւրոց զննութեանցն երկուս տոմարս եհան ի դուրս ի հասարակաց տեղեկութիւն : Իայց կինս այս իմաստասէր ոչ շատ համարեալ շրջել ընդ եւրոպա, ածաւ բազում վտանգօք յԱմերիկէ, մինչեւ ի Սուրինամ, ուր բազում եւս հաւաստեաւ զզեռնովք զբաղեցաւ, եւ զբազում ինչ զաշխարհին այնորիկ զարմանալիս մանրապատում նշանակօք զրեաց :

Ի մէջ այնչափ խուզարկուաց բնութեան յառնէր յեղակարծում Ռէկոմուր, արդարեւ իբրեւ զաստղ մեծապայծառ ի մթին գիշերի : Անշափ եւ անհամարտարակուսանկք եւ երկբանութիւննք էին ի բնական պատմութեան, զորս լուծանել գործ էր . զայն ամենայն սքանչելի այն այր քակեաց ելոյծ իւրով հանապազորդն մտադիւրութեամբ եւ անջան հոգաբարձութեամբ եւ անհնարին սուր հանճարով, եւ այնչափ պղտոր ալիք երկբայութեանց հանդարտեալ պարզեցան, եւ ամենայն ինչ որ ինչ ի խորս բնութեան նկը . ՈՒՍՄ .

թաղեալ կայր, սկսաւ երեւել: Իսպց յայնչափ առատութեան մարմնոց բնութեան որչափ խառնակ շփոթութիւն տիրէր, զօր ի կարգել եւ ի բովանդակել եւ զբովանդակեալն եւ զկարգեալ զարդարել եւ գունել պիտոյ եր հանձար ճշգրիտ, զգաստ եւ լուրջ: Այս երկու կարեւոր պարգեւք երեւեցան յերկուս արսանուանիս, նշանաւորս քան զամենայն խուզարկուս բնութեան, ի Վիննեսս ասեմ եւ ի Բուփոն: Առաջնոյն էր ճշգրտութիւն եւ ճշգրտութիւն մեծ, որպիզամենայն զանբաւ գունդս գունդս բնական իրաց մարթացաւ անուանել, սահմանել, ի բաժինս եւ ի գաստել ի բովանդակած ածել գումարել. երկրորդին էր զուարթութիւն եւ ջերմաջերմ ցնորք ի պատմել, ի յօրինել զնկարագիր, ի նկարել եւ ի գեղեցիացուցանել: Ապա պարտ է ասել թէ Վիննեսս է գրամարտիկոս բնութեան, Բուփոն ճարտարախօս: Ի քննել իմում, ասէ Անդրէս*, զճշգրտագիր մատեան Վիննեայ, որ կոչի Բովանդակած բնութեան, եւ զանդորր զայն դիրս, Բուփոնի անուանեալ բնական պատմութիւն, թուի ինձ ի նմա տեսանել զհաւաստի եւ զարդար հաշուիչ բնութեան, եւ ի սմա զառատ եւ զճոռում պատմիչ նորին իսկ բնութեան: Օինչ եւ ասիցէ ոք, այս ինչ ճշմարիտ է, թէ երկոքին սոքա են դիւցազունք, միանդամայն եւ սկիզբն բնական պատմութեան, եւ առաջնորդ եւ վարդապետ խուզարկուաց բնութեան. որոց ամենեւին զուգական մարթ է գնել եւ զբոնետ: Արդարեւ չէ արժան մոռացօնս առնել անուան Տուռնըփորայ, որ ի դիտութեան տնկոց այնչափ արբանեկութիւն է հար, զի զամենայն ջան եւ տագնապ եւ վիշտս զօր զմտաւ ածել իսկ սոսկալի է, յանձն առեալ, յԵւրոպէ մինչեւ ցԱսիա ընդ ափափայս, ընդ ծովս եւ գաղանաբնակ վայրս շրջեալ, ոչ միայն երկուս հազարս տնկոց

* Ե. Տոմ. Ե. Գլ.

որ ցայնժամ չէին ծանօթ, յայտնեաց, եւ զծովական բուսոց հաւասարեաւ գրեաց, այլ եւ եղ կարդ եւ բովանդակած ի տունկս, որով գիտութիւն բանջարոց պայծառացաւ եւ գիւրացաւ յոյժ, մինչեւ Վինեոս այլաղդ ինչ հնարս իմացաւ:

Որչափ բազմապատիկ եւ իցեն լուսաւորութիւնք եւ գիւտք եւ հայթայթանք, զորս արքս այսոքիկ աւագք յաւելին ի բնական պատմութիւն անդր, ոչ մարթացան ի յետին կատարումն ածել հասուցանել. որչափ վրիպմունս, քանի այլընդայլոյ կարծիս, որ քան դնել գրել առանց հաստատութեան՝ յայտնեցին եւ յայտնեն իսկ արդի բնագէտք, յորոց ձեռն ոչ միայն ամ յամէ, ամիս յամոյ, այլ գոզցես օր յօրէ եւ ժամ ի ժամէ պայծառանայ բնական պատմութիւն յոյժ յոյժ, զոր բանիք յայտ առնել չէ մարթ :

Այնոքիկ՝ որք չիցեն ընդելեալ ընդ գիտութիւնս ընդ այս, նշմարեն ի նմա միայն ժողովածինչ չեւ եւս յայտնեալ գործոց, որ յանկագոյն են ի զրդուել զհետաքըքիր ցանկութիւն, քան ի կրթել զմիտս, կամ մանաւանդ զանշահ եւ զանպտուղ ինչ ուսումն արուեստական յայտարարութեանց եւ կամայական գասաւորութեանց տեսանեն ի նմա: Եայց այսպիսի կարծիք ոչ այլուրեք, բայց յանդիտութեան ունին զիւրեանց ակն: **Ա**յլ իւրաքանչիւր ոք զանշափական օգուտ բնական պատմութեան ճանաչէ, այն ինչ իրբեւ զառաջին տեղեկութիւնոն զնմանէ ստանայցէ: **Ա**յնչ մեծ եւ յարմարեալ տեսիլ բնութեան տայ ի միտ առնուլ թէ զիարդ արդիւնաւոր գեղեցկութիւն արարչութեան ի վեր է քան զգեղեցկութիւն արուեստից մարդկեղէն գիւտից, անդէն ամբառնայ եւ զանձն եւ տանի զմիտս անդադար ի բարձրագոյն եւ ի կեցուցիչ խորհուրդս: **Ա**յլոց անձանց եւ իրաց՝ որ շուրջ զմեւք են, ճանաշումն՝ որ լինի ի ձեռն այսր ուսման, արդարեւ հանդուցանէ զկարօ-

տութիւն դիտելոց, որ հանապաղ բացեալ յայտնի ի մեզ այնչափ, որչափ խելամութիւն մեր աճէ: Ի՞աց յայս պատճառաց բնական պատմութիւնս կարեւոր խարիսխ է վասն բազում եւս այլոց ուսմանց, եւ անբառ առաւելութեամբ է յանկ եւ յարմար ի տալ վճռօղ զօրութեան մտաց յիրս արտաքինս ուղղութիւն, առանց որոյ կարի իսկ պայծառագոյն առանձնութիւննք իրաց կորուսանէին զիւրեանց պատուականութիւն, եւ բազում անգամ ի կեանս ի մոլորութիւն առաջնորդէին մարդկան, եւ երբեք ի կէան՝ որ սահմանեալ է ի պէտս կենաց, ոչ ժամանեցուցանէին:

Կարեւորն լինել բնական պատմութեան ի գործս կարի իսկ յայտնի է. մինչեւ չե իսկ պիտոյ կալ եւ ցուցանել զայն: Ի՞այց եթէ կամլոյի ոք հաւանութիւնս վասն այսորիկ, շատ է նմա զհայեցուածս իւր արկանել յանբաւ մեծութիւնս անդր, որ ի ծոց երկրի ծածկեալ կան, եւ զմտաւ ածել զարբանեկութիւն ծառայութեանն, զոր հարկանէ երկրագիտութիւն եւ զիտութիւն քրեւական նիւթոց զօր ամենայն հնարագիտութեան: Կամ զգունակ գունակ եւ զգեղեցիկ տունկո նկատել, որ այնպէս յորդագոյն առատութեամբ կարօտութեանց մերոց ընդառաջ ելանեն, եւ զայն իմն խորհել, թէ բնական պատմութիւն է որ մեզ իբրեւ ճանապարհացոյց պարտի սպաս հարկանել ի մշակութիւն հողագործութեան: Յուշ ածցուք միանգամ զանասունսն, յորոց զբուրդն, զմետաքս եւ զմեղը առնումք, զորս ագանիմքն եւ վայելեմք, կամ որ մեզ զզօրութիւնն պակասեալ եւ նուազեալ շնորհեն: Դարձեալ զմտաւ ածցուք զբազմապատիկ ախտս, յորս մարդկեղէն մարմինս երբեմն ջերանի, ծնդի եւ ծիւրի, եւ հաւանեսցուք եթէ բժշկական ճարտարութիւն կուրաբար գործէ, ցորչափ չիցէ հաստատեալ եւ յեցեալ ի վերայ ուսման իրիք մարդկեղէն մարմնոյ, որ օրինաք զիտութեան յօրինեալ եւ յարդարեալ իցէ:

Բայց ոչ եթէ յայս ամենայն իրս սահմանեալ մնայ գիտութիւնս այս, այլ ազդեցութիւն եւ շահ օգտի սորա եւ ի զօրութիւնս անդք ոգւոյ ազդէ։ Արդարեւ իսկ գիտութիւնք բնութեան բառ շափուն՝ ըստ որոյ յառաջադէմ լինին, սովորեցուցանեն զմիտս յարդեանց գործոց ի պատճառս անդք զնալ, եւ զելոն՝ զորս ի զննութեանց անտի շահիցի ոք, ընդհանապազորդ քննութեամբ արկանել։ Ապա ուրեմն բնական պատմութիւն ածէ զմիտս ի բարձր տեսիլս գիտաւորութեան, այլ չուոյ թոյլ ամենեւին ցնորից մոլորել, զի ընդ դնելոյ զրելոյ (hypothèse) միշտ կից ունի եւ ընծայութիւնս յայտնիս։ Ի կատարած՝ ուսումն բնական պատմութեան առաւել քան զայլ ինչ կրթէ զուսումն հնարից (méthodologie) որ մասն ինչ է խօսնոյն (logique), առանց որոյ ամենայն խոյզ եւ ինդիք աշխատեցուցիչ է, եւ ամենայն մեկնութիւն եւ յայտնութիւն մթին եւ աղօտ։

ԳՏ. ԳՏ. Լ. Ա. Խ. Խ.

Փ Ի Ղ Ի Ս Ո Փ Ա Ց Ա Խ Թ Ի Ւ Ն

ԱՅՍՈՒՀԵՏԵՐ ծագք եւ ծայրք ուսմանց եւ գիտութեանց առցեն զմեզ, զսորեցունց կարողութեանցն առեմ եւ զզօրութեանց որ բովանդակեալ ունին զգիտութիւնս զսեպհականս անձին մարդոյ, այնո՞ որ է յօդումն ի հոգւոյ եւ ի մարմնոյ։ Ասիս կորպէ զնայեցածս մեր մտախորհն փիզիսովայութիւն ընկղմեալ ի խորհուրդս իւր առեալ զոդի մարդոյ ի բռին իւրում կոտորէ զանյօդն եւ զանբաժին ի յօդս եւ ի խաղալիս, որպէս հերձու բժիշկ զանդամն մարդկեղէն մարմնոյ, եւ եւս երանելի քան զնա, զի յետ զգիտութիւնն

առնլոյ զօդէ միւսանգամ, եւ կարկատին տեսիլք եւ
կարողութիւնք եւ զօրութիւնք մտաց եւ կամաց: Ա
սմին ինքն ոգի մարդոյն արուեստագէտ, եւ արուե-
ստանոց եւ նիւթ ճարտարութեան, եւ գործիք ա-
րուեստին անդստին ի նմանէ, եւ միով բանիւ իսկ ան-
կարօտ արուեստագէտ: Ա, ա մանաւանդ գիտութիւն
վերին քան զամենայն գիտութիւնս եւ նոցունց դա-
տաւոր իրաւընափր որ տայ վճիռ ի հրապարակս ընու-
թեան վասն օրինաց եւ սկզբանց ուստի կազմեալ կայ
մարմնեղէնն եւ բանաւորն աշխարհ: Որ ինչ այր եր-
կրագիր յարտաքին աշխարհիս է, նոյն է եւ այր փիղի-
սոփոս ի փոքրն աշխարհի որ է ինքն մարդ: Եւ զոր
օրինակ ժողով եւ բովանդակութիւն տեղեկութեանց
այնոցիկ՝ որ իսկզբանէ ընակելոյ մարդկան ի գնդին
երկրի ընդ ժամանակս ժամանակս այսր անդր չոգան
տարագէմ աշխարհաղիտել զդիրս գաւառացն եւ ծո-
վուց եւ զբարս մարդկան եւ զովորութիւնս եւ զկար-
գը քաղաքայինս, յօրինեալ կազմեն զերկրագիտու-
թեանն ուսումն, նոյնպէս եւ գումարութիւն ազգի
ազգի տեղեկութեանց մտացեաց ի մարդկանէ որ ընդ
ժամանակս ժամանակս յածեալ շրջեցան ընդ խորշս եւ
ընդ անկիւնս բանաւոր աշխարհին եւ գիտեցին զօրէնս
եւ զովորութիւնս եւ զտերութիւնս նորա, այն բովան-
դակեալ կազմէ զփիղիսոփայութեանն գիտութիւն, եւ
դոյն իսկ սահման է նորա, եթէ իբրեւ զպատմագիր
կամիցիմք նմին սահման յօրինել: Ապէլ վայելուչ է
ըստ փիղիսոփայութեան զփիղիսոփայութեան սահման
ընծայեցուցանել: Յորժամ իմանայցեմք զերաց ինչ
թէ է եւ թէ այսպիսի ինչ է, ճանաչեմք եւեթ զերմն:
Ապա թէ զմտաւ ածիցեմք թէ ընդէր իցէ մանաւանդ
քան չեցէ, կամ թէ այսպիսի ինչ իցէ եւ ոչ
այնպիսի՝ փիղիսոփայեմք իմն զերացն: Ապա փիղի-
սոփայութիւն է գիտութիւն որ ընծայեցուցանէ զզօդ
պատճառաւորաց ընդ վերագոյն պատճառաւացն: Կա-
տարած փիղիսոփայութեան՝ ճշմարտութեանն ծա-

նոթութիւն է եւ ըստ ծանօթութեանն վարք, զորոց գայ զհետ երանութիւն մարդոյ : Խակ յանդիմանաւ կաց նորա՝ ամենայն ինչ համօրէն որչափ մարդկեղէն մոռք մարթիցի ճանաշել : Այլ ոչ եթէ այնպիսի ինչի գէպ իցէ աստատին իմանալ որպէս թէ արդեամբք իսկ ի կատարեալ ծանօթութիւն պատճառացն ամենայնի հասու փիղիսոփայութիւնն լինիցի, զի այնպիսի փիղիսոփոս Աստուած եւեթ է, ասէ Կարդեսիս . այլ զմիջին իմն պայմանէ յայտ առնի, զորմէ գիպողագոյնս Վականատիս ասաց թէ Ամանք այնպէս համարեցան եթէ զամենայն ինչ մարթի գիտել, եւ չեղեն նոքա իմաստունք . եւ այլք դարձեալ կարծեցին թէ բնաւ իսկ ամենեւին չմարթի ինչ գիտել, եւ ոչ նոքին եղեն իմաստունք : Երկզքին եւս կողմանք չկացին ի չափուն : Եւ արդ յորում վայրի իմաստութիւնն իցէ : Եւ նմին իսկ զի մի զամենայն գիտել համարիցիս, որ Աստուածոյն է, եւ մի զընաւ չգիտել, որ անասնոյ է :

Եւ քանզի ամենայն ինչ համօրէն՝ յանդիմանակաց փիղիսոփայութեան է, եւ զի ամենայն ինչն երիս ազգոյ յինքեան բովանդակեալ ունի, զաշխարհ եւ զմարդ եւ զԱստուած, ապա հարկ է բուն փիղիսոփայութեանն յերից մասանց յօդեալ բովանդակել, յորոց առաջին անուանեալ կոչի Աշխարհախօսութիւն, եւ երկրորդն՝ Մարդկախօսութիւն կամոգեխօսութիւն, եւ երրորդն՝ Աստուածիխօսութիւն, եւ երեքին համօրէն Մետափիւսկեան փիղիսոփայութիւն :

Եւ ի համեմատեալ բանաւորն ծանօթութենէ երեցունց իրացն՝ յորոց մարդն իբրեւ ի միջին իմն վայրի կայ աշխարհի եւ Աստուածութեանն ասեմ, վարել ընդ երկոցունցն իբրեւ դրացի՝ աղատութեամբ, բիսէ առանձինն իմն ազգ գործական ծանօթութեանց : Օի ծանուցեալ ի մետափիւսկեան փիղիսոփայութեանն զվերջին վախճան անձին, պիտոյ լինին այնուհետեւ եւ օրէնք իբրեւ ճանապարհ

Հասանելոյ ի վախճան անդր, զգիտնարար գումարութիւն այսոց օրինաց զոր ի բնութեան գտանեմք, առնուանեալ կոչեմք Բարոյից փիղիսոփիայութիւն։ Եւ ասոտ ոչ եթէ այսպիսի ինչ պարտ իցէ իմանալ որպէս թէ ինքեամբ միայն բաւական իցէ ճշմարտիւ հասուցանել ի վախճան անդր Բարոյիցն փիղիսոփիայութիւն, զի կայ մնայ այն կրօնիցն ի վերուստ յայտնելոց։

Եթէ ոչ ինչ վասն խօսուն փիղիսոփիայութեանն եւ խութեանցն ձառին յիշեմք, յայն սակա է զի ընդ առաջինն իրբեւ ընդ գործի համօրէն փիղիսոփիայութեան եւ ընդ մասն մի քաղեալ ի մարդկախօսութեան ձառէ՝ հայիմք, եւ ընդ մեւսն իրբեւ ընդ մուտ եւ ընդ դուռն եւ պատրաստութիւն երեցունց մասանց Սետափիւսկեան փիղիսոփիայութեանն, եւ ոչ ընդ ճշդիւ ինչ մասն փիղիսոփիայութեան։

ՊԼՏՄՐՈՒԹԻՒՆ. Ամնուին եւ ժամանակակից իմն մարդկեզէն մտաց են փիղիսոփիայութեանն ծնունդ եւ խանձարութք։ Օք շառաւիլ իմն էր այն, որ ի հարկէ բուսանի յարմատոյն որ ի մարդկութեանն տնկեալ է, եւ շմարթէր ժամանակս բաղումս ի մարդիկ չերեւել, գոնեայ թէ ըստ թերակատար կերպարանացն։ Այլ եթէ ոչ ինչ կարեւոր առ փիղիսոփիայութեանն էւութիւն կարծիցի յամրագնաց յառաջադիմութիւն եւ քննութիւն սեպհականն, այլ յայտնական գիտութիւն իրաց իրաց իւրեանց բնածինն պատճառք, ի դեպ այսպէս է ասել թէ առաջինն ի մարդկանէ նախ ոչ իւրն ջանիւք՝ այլ յաստուածեղէն շնորհացն ունէր զիփիղիսոփիայութեանն հնարագիտութիւն։ Վանզի պատշաճ էր թէ ամենախնամն Աստուած զպյն՝ զոր ի տիս հասակի արութեան եւ հայր ամենայն ծննդոց մարդկան հաստատեաց, այնչափ ինչ գիտութեամբք զմիտան հանդերձէր, որշափ ինչ պիտոյ եւ կարեւոր էր ոչ միայն ի խրատ եւ ի հրահանգս որդւոյն, այլ եւ յառաջնորդութիւն անձին իւրոյ։ Եւ այս անտի մանաւանդ հաստատուն

գործիցի, յորժամ առաջնոց ժամանակացն իրաց միտ եղեալ նոյեսցուք, եւ զիղիսովփայական հրամանան ընդ աստուածիոսութեան հրամանաց խառնեալ ուեսանիցեմք, եւ իբրեւ ընդ միմեանս աղևեալ . որով յայանի իսկ երեւիցի թէ ոչ ի ընութեանն քննութենէ, այլ յաւանդութենէ եղեւ սկիզբն : Յիշատակարանք եւ պատութիւնք յայտ արարեալ ցուցանեն թէ յարեւելս սկիզբն փիղիսովփայութեանն եղեւ, որպէս եւ ամենայն իմաստունք միաբանեալ են ասել : Յորոց միջի Քաղդեացիքն՝ զորս հին քան զամենայն իմաստունս Կիկերոն անուանէ, եւ Եգիպտացիք եւ Պարսիկք եւ Հնդիկք որոց վարդապետութիւն խառնեալ ընդ առասպելացն ի փիղիսովփայութենէ եւ ի կրօնից մի մասն երեւեցուցանէր : Վնուանիք եւ երեւելիք ի փիղիսովփայիդ նոցա, Զբաղաշտ ի Քաղդեացւոցն, Տրիսմեգիսոս յԵգիպտացւոց, մեւս եւս Զարաւրշտ ի Պարսից, Բուդդաս ի մէջ Հնդկացն . յորս մարթէ յարել եւ զԼոնփուկիսս սինէացի եւ զՄանքոնիատոն փիւնիկեցի եւ զԶամողսիս սկիւթացի : Աէ ի դէպ եւ զԵրբայեցւոցն ազգ առանց յիշատակի թաղուլ, որ զգուշութեամբ աւանդապահ հայրենի աւանդութեանցն էր եւ վարժեալ գրովք սրբովք, որովք անցոյց զանցոյց իմաստութեամբ զՀամօրէն աղզօք : Ա իշխոցէ զըկել ի փիղիսովփայութեանն անուանէ զՄովսէս եւ զԴաւիթմ եւ զՍովոմոն :

Չու արար փիղիսովփայութիւն ի կողմանց արեւելից եւ եկն յաշխարհն Յունաց, եւ գտեալ երկիր յուռթի բուսոյց բերս ցանկալիս ամենայն ժամանակաց : Յետ բազում անցից՝ յԱթենացւոց քաղաքին արկ զաթոռ իւր փիղիսովփայութիւն, որոյ նահատակիք անուանիք եւ երեւելիք են ճարտարապետք փիղիսովփայից Սոկրատէս, Արիստիպոս, Պլոտոն, Արիստոտելէս, Թէսիրաստոս, Զենոն, Եպիկրոս . եւ այնպէս այն քաղաք որ կայան էր ընտրութեան եւ ճաշակաց, գիտութեանց եւ արուեստից, եւ մոյր

Քաղաքավարաց եւ արանց պատերազմողաց եւ մատենագրաց եւ արուեստագիտաց, եւ միջավայր խորհրդականութեան եւ քաջութեան եւ զօրութեան Յունաց, եւ լուսաւոր՝ ամենայն Եւրոպացւոց աշխարհին, առաւելագոյն հովանի փիղիսովիայութեանն լինէր:

Եշ Պղաստոն ի սոկրատեան դպրոցէ ընթանալ իբրեւ զհոկայ ընդ դաշտս փիղիսովիայութեանն: Այցետ աշակերտելոյ փիղիսովիայից աշխարհին իւրոյ, երկիցս կամ երիցս ճանապարհ արար ի Սիկիղիա եւ յիստաղիա, զի լինիցի խելամուտ գաղտնեաց պիւթադրական փիղիսովիայութեանն, ընտանեբար երթեալ ընդ Ազքիտայ տարանտացւոյ, ընդ Տիմեայ ղոկրացւոյ եւ ընդ Փիղողաւեայ. անց գնաց յերկիրն Եպիպտացւոց շահել զփիղիսովիայական ծանօթութիւնսն որովք քուրմքն պարծէին, եւ ի Հնդիկս եւս խաղայր եթէ Ասիացւոցն պատերազմունք զՃանապարհն չխնոյին: Եմդ այնպէս մեծաւ փութով եւ անցագ յօժարութեամբ դիտութեան եւ ստէպ ընթերցուածովք մատենից փիղիսովիայիցն եւ պատմագրացն եւ պւետաց եւ ի խօսակից լինելոյ ընդ արանց անոււանեաց ժամանակացն այնոցիկ՝ զո՞ր դանձս ճշմարիտ եւ ցանկալի իմաստութեանն ոչ մթերեւաց: Չառ յանձն փակել նդել զգեղեցիկ գեղեցիկ մթերսն առ ի չմատակարարելոյ խնդրողացն առատութեամբ: Եշ նա դպրոց յԱկադեմիա. միանդամայն դռոյթ տուեալ ընթացաւ ամբոխ անհնարին բազմութեան յամենայն տիոց յաղեցաց եւ ի կարդէ. զարմանք եւ ոքանչանք թուէին այն չափ յաճախութիւն դանձուց իմաստութեան եւ բարձրութիւն եւ բազում անգամ խորհրդական մթարութիւն վարդապետութեանն, ճշմարտութիւն եւ հաստատութիւն եւ մեծութիւն եւ բազմաշահ օգուտ, բազում եւ դիպօղ վճիռք զոր ցանեալ սփուէր ի մէջ ճառից իւրոց: Օխարդ իբրեւ դոյզն ինչ իմն մարմթէր ոք լսել զոգւոցն անմահութեան ճառս, զչատու-

յժմանց եւ զպատժոյն պատուհասից որ յետ մարմնոցն անջատելոյ մնայցեն . որպիսի ինչ ունինդրայն չաղղեցուցանէին մեծայաղթ եւ ազնուական տեսիլք՝ զոր զԱստուծոյ ընծայեցուցանէր եւ զնորին դործոց, եւ զպատուիրանաց արդարութեան եւ իրաւանց, եւ զայն ընտիր ընտիր եւ հնչական բանիւք, եւ քաղցրութեամբ եւ կշռեալ յարդարմամբ ասացուածոյն, արու սաստկութեամբ եւ ազնուական շքեղութեամբ ճարտարխօսութեանն : Ապա զի՞նչ այն զարմանք իցեն թէ արք մեծամեծք Եւրոպացւոց եւ Ասիացւոց աշխարհին կախեալ կային զՃարտարաբան շրթամնց նորա, եւ պուետք տեսանէին յանձինո նորա զԱպողօն որ ի մէջ գափնեացն Ակադեմիայ նուագէր, եւ ճարտարախօսքն զէերմէս խօսօղ, եւ քաղաքավայլարք զԱրամազդ օրէնսդիր, եւ փիղիսոփայք զԱպատունոս գտիչ երկնաւոր գաղտնեաց : Խշանք եւ թագաւորք, Գիտն եւ Գիտնիսոս, եւ ճարտարախօսք երեւելիք Խպերիդէս եւ Խսոկրատէս եւ Գեմոսթենէս եւ ամենայն աւագ որեար ժամանակին, եւ փիղիսոփայք ի գլուխին Ապեւսիպատ եւ Քսենոկրատէս եւ Արիստոտեղէս պատիւ մեծ եւ շահ զունինդրութիւն ճառից նորա համարէին :

Իբրեւ վարժեաց եւ կրթեաց Արիստոտեղէս զախարհակալ աշակերտ իւր, դարձաւ այսրէն յարգունեացն Մակեդոնացւոց ունել միահեծան զպետութիւն փիղիսոփայական աշխարհին : Իբրեւ ետեսթէ նորին աշակերտակից Քսենոկրատէս առեալ է զաթուն Պղատոնեաց եւ գունդ գունդ աշակերտացքակ առեալ զնովաւ, արկ նախանձ եւ կշռեալ զզօրութիւն իւր, եղ դպրոց առանձինն : Խը իսկ Արիստոտեղէայ ոգի զարմանալի, միտք քաջատեսիկք, արդարք, կորովիք, եւ հանճար խորին եւ նուրբ, ուշ յիշատակի հաւատարիմ, եւ ճաշակ սուր եւ յապահով, եւ ծարաւ իմաստութեան անյագ, անհանգիստ քննութիւն եւ անվաստակ ջան . մինչեւ համարձա-

կիցի ոք ասել թէ մի միայն ճշմարիտ փիղիսովոս հնոցն իցէ, մինչեւ եւ յետնոց իսկ աստուած իմն փիղիսովայութեան համարել : Այսպէս թուէր թէ ընտրեաց բնութիւնն զԱրիստոտեղէս իւր բերան եւ թարգման, եւ կամեցաւ աւանդապահ ամենայն ծանօթութեանց զնա առնել : Իձէպէտ եւ ամենայն իսկ դիտութիւնք նոր եւ լուսաւորագոյն կերպարանս առին ի ձեռանէն նորա, այլ առաւելագոյն փիղիսովայութիւն եկն ել նովաւ ի պատշաճ մեծութիւն եւ ի շուք : Չունէր տակաւին փիղիսովայութիւն շքեղ եւ երեւելի ինչ միշտակարան արժանի ըստ իւրում մեծաշուք աղնուականութեանն : Խնքն Պղատոն ճառս ինչ աստ եւ անդ վայրավատինս էր թողեալ յայլ եւ այլ խօսս իւրում, զի չիշխեաց ժաել եւ ողջ ինչ բովանդակութիւն փիղիսովայութեան երեւեցուցանել : Վիայն Արիստոտեղէս համարձակէր ընծայեցուցանել պատկեր ինչ կատարեալ ըստ համօրէն եւ մասնաւոր կերպարանաց բնութեան, եւ կացուցանել մարմին ամբողջ համօրէն ամենայն փիղիսովայութեան :

Յետ Աղեքսանդրի մեռանելոյ իրբեւ տակաւ անկանէր եւ ի խաւար դառնայր լուսաւորութիւն Աթենացւոց քաղաքին, յորժամ շգտին անդէն փիղիսովայքն թատր ըստ պատշաճի պարծանացն իւրեանց, թողին Եթին զիւրաքանչիւր դպրոցս գնալ յուլիւտ յուկամ, եւ առաւել Աղեքսանդրիա՝ որ ընդ իմաստուն առաջնորդութեամբ Պաղոմեանցն ծաղիւալ պայծառանայր եւ էր նախանձընդգէմ ամենայն ուռամանց Աթենացւոյն, յինքն ձգեալ կորզէր զիմաստնագոյնս Յունաց աշխարհին : Խնմին ժամանակի երթայր եւ յաճախէր մեծութիւն Հռոմայ, եւ պայծառութիւն քաղաքին՝ որ զշեոյ աշխարհաց էր, կոչէր զազդս աղջս իմաստոց եւ ճարտարաց եւ արուեստագիտաց, հրաւիրէր եւ զփիղիսովայս եւ ածէր զնոս ի հաւան թողուկ զաթոռս Աթենացւոց քաղա-

քին եւ մոտանել ընդ հովանուով Հռոմայեցւոցն զօրացելոց : Ասյլ փիղխոսփայք Հռոմայեցւոցն եւ Աղեքանագրացւոց ոչ այնպիսիք ոքք փիղխոսփայք էին՝ որպիսիք անուանի զԱթէնս գործեցին : Հռոմայեցիք որ վասն ազգաց եւ ազանց տիրելոց տեսանեին զարեւիւրեանց, չետուն երբեք զանձինս ի պարապումն տեսականն զիտութեանց եւ ի հանդարտ եւ ի մեզ ուսումն փիղխոսփայութեան : Պարապել պարապէին ոմանք, այլ միայն իբրեւ ի կարեւոր ինչ ի զօրութիւն ճարտարիսոսութեան իւրեանց, եւ իբրեւ ապաստան՝ յոր իմաստունք եւ հանդարտք ի քաղաքացեաց ի ժամանակս խռովութեան քաղաքին ապաստանեին : Տուղղիս միայն է զոր կարիցեն Հռոմայեցիք գնել համեմատ փիղխոսփայիցն Յունաց անուանեաց քան զամենեսին : Աչ ինչ նոր յանձնէ ձեւեաց Տուղղիս ի փիղխոսփայութեան, այլ մերթ զԱկադեմեանցն առնու եւ մերթ զՊերիպատետիկեանց եւ մերթ զԱսոյիկեանց, այլ այնչափ զօրութեամբ եւ արժանաւորութեամբ զնոցունց խօսի՝ որչափ ինքեանք իսկ որ այնց աղանդոց ճարտարապետք եղեն, չեին ձեռնշաս : Որչափ չամբարտաւանեին արդեւք Ստոյիկեանքն եթէ յանկարծ զՊարագոքսն իւրեանց այնպիս առատութեամբ պատճառաց եւ գեղեցկութեամբ եւ աղնուականութեամբ եւ կորովութեամբ ճարտարիսութեան տեսանեին ի դիրսն Ափեկրոնի : Որպիսի՛ ոք երեւելի չիցէ նա որ յաւուրս ինչ սակաւս պարապոյ ի ծովեզերս Պատիողայ գըէր զգիրս Ակադեմականացն, եւ յայլ եւս սակաւ աւուրս ի գեղջն Տուսկուզանոն զՏուսկուզականան, եւ ի մենութեանն յԱրպին զօրինացն բաղմապատիկ դիրս : Յն՛ տարեալ հասուցաներ արգեւք զչափ թանձրութեան փիղխոսփայական զրոյն սյրն, եթէ բարբարոսիկ զօրութիւն Ենտոնինեայ յանկարծակի զկեանան չկարձէր ի ժամանակի զեւ սկիզբն առներ նուիրել զաւուրս իւր փիղխոսփայութեան :

Խոկ Արարացիքն յետ զաղեքսանդրիական մատենագարանն այրելոյ հանդերձ մեծաւ դպրութեանցն վնասու, իբրեւ թէ ստրջացան իմն վաղվաղակի եւ ըստ իւրեանց կարի ջանացին զվեասն ուսումնասիրութեամբ հատուցանել եւ զԱրիստոտեղէս ընարեցին իւրեանց առաջնորդ: Մագիստրոս ինոցունց իսկ տեղեկացեալ, այսպէս պատմէ. “Սահմ ոմն որդի Շապհոյ քաղդէ-ացի եւ Ահարոն քահանայ, սոքա թարզմանիչք եւ յոյժ տեղեակք յունական լեզուին եւ Արարացւոց թարզմանեցին նախ զբժշկականն ։ եւ իբրեւ ոչ եղեն հասու Ասկղեպիայ եւ Հիպոկրատեայ բառիցն, հարկ եղեւ նոցա զքերականութիւն նախ թարզմանել եւ զճարտասանութիւն, եւ զինի այնորիկ զիմաստասիրութիւն. եւ ապա մի ըստ միոջէ,,,: Այսպէս փիղիսոփոմն ստագիրացի հնչէր խեցբեկ բարրառով ի հրապարակս Արարացւոցն: Արծաննեցան նոռքա ի սաստիկ եւ յանհնարին նրբութիւնս. յաճախեցին փիղիսոփայք նոցա մեկնութիւնս ի վերայ զրոցն Արիստոտեղէսյ, եւ գարձեալ մեկնութիւնս վասն նոցին մեկնութեանցն:

Օ այնու ժամանակաւ քանզի լոյս գիտութեանց խաւարեալ էր յարեւմուտս, զարմանալի թուեցան նշոյլքն որ ի մէջ Արարացւոցն վայլէին, եւ այնպէս նրբութիւն նոցա անց ի սոսա, եւ թարզմանեցաւ Արիստոտեղէս յԱրարացւոց բարբառոյ ի Հռոմայեցւոց լեզու հանգերձ ամբաւ մեկնութեամբք Արարացւոցն Աւիկենեայ, Աւերոյայ եւ այլոց բազմաց:

Իբրեւ դարք ի վերայ անցին եւ առաւ քաղաքն կոստանդինական, փիղիսոփայք Յունաց ելն եկին փախստեայ յաշխարհն խտաղայւոց, եւ վասն զի զայլւեւայլ աղանդոյ փիղիսոփայից զչետ երթային, եղծանել սկսան այնուհետեւ շահք մենավաճառութեանն Արիստոտեղէսյ: ՅԵտ բազում դժուութեանց եւ վիճանց որ ի մէջ փիղիսոփայիցն եղեն, եւ յարելոյ մերթի Պղատոն եւ մերթ ի պարմենիդէս եւ մերթ ի Գե-

մոկրատէս եւ յընդունայն ելանելց, ապա յանձանց միտս ապաստան եղեն, եւ կամեին անձամբք յանձանց կշռել զընաւ եւ յօրինել փիղխոփայութիւն։ Մեծ եւ գովութեան արժանի էր գործն, այլ դժուարին եւ կարի դժուարին վասն արանց ժամանակին այնուրիկ։ Օք զբնչ ինչ մարթ էր ակն ունել ի նոցանէ փիղխոփայութիւն, որ մարդք անհանգիստք էին եւ չերկայնամիտք որ չկացեալ յերկարագոյնս հարցանել զբանաւորութիւն մասց իւրեանց՝ թողուին զանձինս աղօտ աղօտ լապտերաց եռանդունս ցնորից իւրեանց երթալ յո եւ տանիցի, մինչեւ եկին երեւեցան ճշմարիա նորսգիչք փիղխոփայութեանն, Գաղղիղէսո, Բաւկոն, Կարդեսիոս, Գասենդոս, Պայբնիտիոս։ Զառնու յանձն տեղիս յերկարագոյնս զիւրաքանչիւր քայլսն զոր յայնմ ժամանակէ հետէ մինչեւ ցմեր աւուրս առ փիղխոփայութիւն, մի ըստ միոջէ ի համար արկեալ թուել, որպէս եւ ոչ զնորագոյնսն, զյառաջադիմութիւն մալորութեանն որ ի կանտիոսէ հետէ ի Գերմանացւոց եւ ի Գաղղացւոց աշխարհին ստացաւ բազմաբոխ աշակերտս, զորոց ի գեւզ է բարբառել զԱռաքելոյն թէ Ալնդունայնացան ի խորհուրդս իւրեանցու։

Ինձ թուի թէ եւ անդէն իսկ ի ցուցանելն թէ զբնչ փիղխոփայութիւն իցէ եւ որ նորին բաժանումն զգովութիւնն միանգամայն ի մէջ ածաք։ Օք թէ միտ ոք միայն գնիցէ մասանցն զոր յօրինեալ եղաք, ոչ եթէ տանջանք եւ քերանք մատաց գիտութիւնս թուիցի որպէս չղիտնոցն սովորութիւնէ կարծելոյ, այլ գարման անհրաժեշտ լուռ զմեծ կարօտութիւն ազնուագոյն մասին մարդկութեան։ Զէ նա ժողովեալ ի ցնորից ցայդութեան, այլ լուսաւորութիւն կարեւոր խորհրդոց։ Զէ ինչ նա զեղիսանք ծնեալք ի մտաց արանց հանձարեղաց որ սփռեցան կալան զաշխարհ, եւ ճոխութեամբ նոցա եւ օրինակաւ տնկեալ հաստատեցան. այլ է դուստր

օրինաւոր մարդկեղեն խորհրդոցն։ Չէ նա Պղատանի կամ Արխատուակեղեայ, այլ մարդկեղեն մտաց ինքնին զվասպին, եւ արկեալ է հիմն նորա ի բնութեանն որ ամենեցուն մեզ հասարակաց է։ Ոչ միայն ի կարգութազմականաց գիտութեանց բազմեալ, այլ եւ ինքն զառաջին բարձն ունի յետ նուիրական Աստուածական խօսութեանն։

Օմտաւ ածցուք զմանուկ յառաջ քան զիսուուն փիղիսովայութիւն մինչդեռ զբանասիրութեան հրահանդօք իցէ, որպիսի միտս ունիցի։ Արշագի յողդողդ իցեն գատաստանք նորա, քանիօն սակաւ եւ անզօր իցէ խորհուրդ նորա։ Ոչ զամենայն խեւ բամտութեամբ իմանայ, այլ է իսկ բազում ինչ զոր հաւատայ։ Ճոխութիւն վարդապետին փոխանակ հանդիսի է ի միտս նորա, իբրեւ այն թէ ոչ իւրավ այլ այլոցն մտոք իմանայ։ Տժէ միայն կամեցի հաւանել, սակաւ ինչ բան առն ճարտարախօսի ածէ զնա ի հաւան, զի սակաւիկ ինչ ծաղիկք ճառիցն զմտացն սրութիւն շլացուցանեն։ Այսպէս եւ ուամիկ իբրեւ զալիս այսր անդր յածեալ կոծի ի խօսելեացն բանից իբրեւ ի հողմոց բռնութենէ եւ քան զձորձս դիւրագոյն զկարծիսն փոփոխէ. եւ համառօտ իսկ ասել ցնորիւք վարի եւ ոչ մտոք։ Եթէ այնպէս թողու ոք զմանկտի համակ ցնորիւք խորհել, տկարանացին միաք նոցա եւ իբրեւ ժանդահար իմն շինիցին այնուհետեւ պատեհ ընտիր ընտիր հրահանդաց։ Ապա զիարդ կարիցեմք ցնորհակալ փիղեսովայութեան ըստ իւրում արժանաւորութեանն լինել, որ զայն ամենայն ծուխ մածեալ ի մտաց փարատիցէ, եւ ուսուցանիցէ բարւոք՝ զոր ետես կամ լոււաւ կամ զգաց, իմանալ, եւ ուղղորդ զնոցունց խորհել համեմատութեամբ, եւ ի նոցունց միաբանութենէ խելամուտ բազում իսկը լինել, եւ այնպէս մեծացուցանել եւ ածեցուցանել զբանաւորութիւնն, երբեմն եւ զմանկտին ափովք՝ աւագագոյն

խորհրդով եւ բանիւք քան զբաղմամեայ ծերն առնել : Առվաւ միաք գրդոին խնդրել զպատճառս ամենայնի եւ բնաւի որ ձանապարհ իսկ իմաստնանալց է, եթէ ի բնէ սակաւ ինչ ունիցի ոք զօրութիւն գտանելոյ զպատճառս, որ բազում անդամ առ ի չգոյէ հրահանգաց անհետ լինիցի, սա աճեցուցանէ վարժիւք, զի առ սակաւ սակաւ յօրինէ ի նմա իրեւ ընտելական սովորութիւն զսաստիկն մտադիւրութիւն եւ զստէպ մտածութիւն առ ի հանելոյ զամենայն միւր ի բուն սկզբունան, եւ կրթեալ զկորովութիւն իւր քակելով զյօդեալ յառաջադրութիւնն ի պարզոն, եւ զարձեալ զպարզականն ի յօդեալն ամփոփելով : Այսպէս զօրանան եւ կազդուրին եւ տարածանին միաք եւ ուսանին հայել եւ պշուու ուշի ուշով ի ճշմարտութիւն անդր, եւ անձամբ յանձնէ խնդրել համար զիւրոց պատճառացն, վիճել ընդ անձին իւրում վասն գիւտի ճշմարտութեան, եւ համեմատեալ զծանօթականն ընդ անձանօթին, եւ զսա նովին ձանաշել :

Հայսմ ամենայնէ ինընին իսկ յայտնի եւ գուշակաւոր է թէ որշափ ընդարձակագոյն իցէ պիտանութիւն խօսունն փիղիսովիայութեան ոչ միայն ի գիտութիւնս վասն որոց օգտակար եւ շահաւոր է եւ առ գիւրաւ ուսանելոյ եւ առ հաստատուն ի միտոն պահելոյ եւ ազնուագոյնս այլոց հաղորդելոյ, այլ եւ ի հասարակաց եւս կեանս . քանզի օգնականութեամբ նորա գիւրաւ նշմարեմք թէ զինչ իրք զորոց իրաց զհետ գայցեն, եւ որ միջնորդք որոց վախճանաց գիւղողագոյն իցեն, եւ զինչ իցէ որ արդել նոցին կարիցէ լինել : Ա ասն այնորիկ յիրաւի ուրեմն ասաց զիսօսուն փիղիսովիայութենէ Կիկերոն, թէ “Ե գիտութիւն որ ընդ ամենայն բաժինս իմաստութեան սփոեալ հոսէ, որ զիրսն օրոշէ, զազգմն բաժանէ, զյաջորդոն յարէ եւ բովանդակեալ ամփոփէ,, : Ասաց եւ յաւուրս մեր այր ոմն զաղղիացի անուանի գիտութեամբ՝ այս-

պէս թէ սԱրուեստ խօսունն փիղխօփայութեան՝
արուեստ է զինուց գործելը, որ տայ մտաց հատու
եւ ճիշդ եւ ճշգրիտ լինել եւ զգեցուցանէ զօրու-
թիւն։ Եւ զնովիմբք ածեալ յաւելու թէ սՅարու-
դպրոցէ աստի յայտմանէ կազմեցան հարքն մեր, վասն
այնորիկ պարտ եւ պատշաճ է, ասէ, ժամանակի ինչ
զմանկարին ընդ այն հրահանգս հանել։

Օն առեալ ի մեւս եւս մասն փիղխօփայու-
թեան եկեսցուք։ Ի՞ազում ինչ գիտէ մարդ բաց
յանձնէ իւրմէ. ճանաչէ զծանուցեալն, եւ զծանու-
ցիչն ոչ։ Հանկացեալ իմանսց զօրէնս եւ զիարդս
վարչութեան Անդզիացւոց, Գաղիացւոց եւ Գերմա-
նացւոց թագաւորութեան եւ աշխարհին, եւ այնոր
կայ իսկ առանձինն մատեան եւ ուսումն. եւ զիւրոյ
զիօսուն եւ զբանաւոր աշխարհի զօրութիւնս եւ կա-
րողութիւնս եւ զօրէնս չգիտէ. որոց յօրինուածն եւ
կարգն յորժամ խորհիցի ոք զնոցանէ, առաւել
սքանչելարար ի բանաւոր աշխարհին զարարին ցու-
ցանիցէ քան յերեւելումն, որպէս եւ վայել իսկ էր ա-
մենիմաստ մտացն քան զնիւթեղինացն կարգսն մեծա-
տունս եւ գեղեցիկս զմաւարսն յօրինել։ Օինչ այն
քաղաքք իցեն որ զճանապարհորդսն սիրացուցեալ
զարմացուցանիցեն, զի՞նչ այն շքեղ թատրն իցէ որ
զաշս եւ զաելիս միանգամայն կախարդիցէ. զի՞նչ այն
հաստաբեստ նաւն իցէ որ տէրութեամբ եւ իշխանու-
թեամբ ի վերայ համատարած ծովուն զըերս գաւա-
ռաց յայլ դաւառ տանիցի. ոչ այս ամենայն ծնունդ
եւ ձեռակերտ է աներեւոյթ եւ բանաւոր աշխարհին։

Ամէլ ոչ եթէ ի նկատել եւ ի զարմանալ եւեթ
է այն գիտութիւն։ Ամք դաստիարակք եւ ուսու-
ցիչք մանկաւոյ թուի ինձ թէ կարօտ իմն են նովին։
Օի բազում անգամ, որպէս յայտ ի փորձոյ իրացն
է, առ անտեղեակ բնութեան մտաց լինելը, վաստա-
կաբեկ զմանկարին վարդապետքն առնեն ընդ դժուա-
րին եւ ընդ զառիվեր ճանապարհս յածեցուցեալ,

որով խանգար մատաղ զօրութեանցն լինի, եւ երբեմն զրկեն ծնօղք եւ ուսուցիչք ի պատշաճ ուսմանց եւ վարժից զմատաղական հասակն՝ չհամարեալ զզօրութիւնս մատայն բաւական. այս իսկ է որ զքաջ ուսուցիչսն յանտեղեկաց զատանէ, որ եւ ոչ զպայման դիւրութեամբ աւանդելոյ աշակերտելոցն զվարդապետութիւնն՝ զիտեն: «Ես եւ առանձինն իսկ իւրաքանչիւր ոք որ կամիցի ուսանել ուսումն, չկարիցէ ընտրել բազում անգամ, առ անտեղեկութեան, թէ զի՞նչ օգուտ իցէ նմա կամ զի՞նչ խափան, կամ թէ որ զօրութիւն ոգւոյ թերի գտանիցի. եւ այնպէս խառն ի խուռն վաստակէ եւ ջանայ ոչ ուղիղ երթեալ ընդ հակառակս ուղղորդ բնութեանն: Աւ զի նա որ զկարգ եւ զհամեմատութիւն եւ զյառաջակացս զօրութեանցն դիտիցէ, բատ իւրաքանչիւր աղգի ուսմանցն զանցնիւր զօրութիւնս ոգւոցն հաստատագոյնս ջանայցէ գործել: Եթէ մտադիւրութեանն զօրութեամբ տկար իցէ, ի մտադիւրութիւն զմիտսն կրթիցէ ուսեալ ի նմին զդարմանսն. եթէ ցնորք մտացն յաճախագոյն քան զւափն իցեն, զաւելորդն հնարիցի ի բաց պարզել, եւ այնպէս ճարտար բժիշկ մտաց լինիցի:

Խջուք յայլ եւս մասունս մանաւանդ թէ ի բովանդակ իսկ փիղխոփայութիւնն միւսանդամ: Աւ զիտութիւն իցէ որում չիցէ կարեւոր կամ յոր ոչ սփուիցէ զոստ իւր փիղխոփայութիւն: **Գիտութիւն առանց փիղխոփայական խորհրդոց ոչ եթէ զիտութիւն ինչ է, այլ ժողով իմն ծանօթութեանց որ քակլք յիրերաց իցեն եւ անջատեալք ի միմեանց:** **Պատմագիրն առանց փիղխոփայութեան առեալ զերկոսին աչս իւր զժամանակագրութիւն եւ զերկրազրութիւն առանց լուսոյ մտանիցէ ի բաղմախուռն բազմութիւն դիպաց ի բազմաց պատմելոց յորոց բազումք ընդ միմեանս կամ ամենեւին կամ մասամբ իւրից կութիցին. եւ որ լոյսն իցէ, եթէ ոչ դատու-**

ղականն զիսութիւն՝ զոր փիղխօսփայութիւն եւեթծնամնիցի։ Այսպիսի ինչ եւ զերաւագիտէն եւ զուսողէ եւ մանաւանդ զաստուածախօսէ իմանալի է։

Ամէլ է է ինչ ուսումն որում կրկնապատիկ եւս ոչ շահաւոր միայն այլ եւ կարեւոր է փիղխօսփայութիւն . ուստի առնուցու զնիւթիւն իւր այր ճարտարախօսա առ ի զլսելիսն ի հաւանութիւն ածելոյ։ Խո եհաս ի գլուխ ճարտարախօսութեանն ճարտարապետ ակագեմական փիղխօսփայիցն Ափերոն, այն՝ որ ամս բազումն ի Դիոդոսայ եւ ի Պոսիդոնիոսի աշակերտութիւնն ծախէր, եւ տուն նորա հանապազորդ վանք էին Փիղանեայ առն փիղխօսփայի։ Խո կամ ուստի իցէ նմա այն առնի ճարտարախօսութիւնն . ոչ յայնմ ամենայնէ զոր ի փիղխօսփայութենէ առնու յանօթ, զճշդիւն սրոշել, զչափովն բաժանել եւ զերկառածիքն վարել եւ ի հասարակաց անդը զմասնաւորն պատշաճութեամբ ածեալ յարել, եւ այլ եւս ինչ նոյնպիսի։ “Պոստովան լինիմ, ասէ, եթէ ես՝ եթէ հռետոր իցեմ, նա թէ զինչ ոք եւ իցեմ, ոչ ի հռետորացն ինչ դպրոցաց, այլ յակագեմական ժողովոյն եմ որ ինչ եմն։ Քանզի ասպարէզ իմն են այնոքիկ բազում եւ ազգի ազգի ճառից . . . ։ Քանզի ամենայն առատութիւն եւ խուռն եւ անտառախիտ թանձրութիւն բանից ի նոցանէ եկին եմուտ առ մեզ”։

“Չէ եւ չիք իսկ հնար զինչ եւ պէտ գիրս ազնուագոյն յօրինել, թէ զրկեալ ոք ի փիղխօսփայութեանն օգնականութենէ իցէ։ Օ՞ս ոչ զարմացուցանիցն գեղեցիկ եւ ճշգրիտ պայմանք գիտութեանցն մատենից . զինչ է որ զատանէ զնոյնպիսիսն ի բազմամբու բազմութենէ խառնազանձ գրոց, թէ ոչ կարգ եւ յօրինուած եւ պայման խօսելոյ ըստ փիղխօսփայութեանն օրինաց որ են օրէնք խորհելոյ։ Օք որչափ գեղեցիկս ոք եւ յօրինուածով խորհեցի, դոյնչափ վայելուչ եւ պատշաճութեամբ այլում յայտ առնիցէ։ Խցեն իմն որ բուռն հարեալ սկիզբն

առնիցեն մատենագրելոյ, մինչ չեւ ուսեալ ի փիղի-
սովայութենէ թէ գոնէ զի՞նչ պայմանն իցէ եւ քա-
նի, որ ըուծանելովն իցէ եւ որ յօդելով։ Արդմեն
այնպիսիքն տուն կամ տաճար առանց տեղեակ ճար-
տարապետութեանն լինելոյ։ Արդարեւ ի մասանց իմն
ի չյօդելոց եւ ի չլօդելոց եւ ի կոտորոց առ միմեա-
նըս գալոյ բովանդակեալ են մատեանքն զոր պարտ
եւ պատշաճ էր ամենեւին միապաղաղ իմն եւ ձու-
լածոյ ի մասցն քուրայէ հանել։

Իսպ յայսմ ամենայնէ եւ այլ իմն ազգու օդ-
տութեանց ընծայեցուցանէ մեզ փիղիսովայութիւն,
զբարոյիցն գիտութիւն։ Չմարթի զփիղիսովայու-
թիւն զատանել ի մասնէ աստի յայսմանէ, զի ոչ
վասն նկատելոյ եւեթ է մարդ այլ եւ վասն զոր-
ծելոյ։ Եւ ոչ արժանի իսկ նուիրական փիղիսովայու-
թեանն են փիղիսովայք հիւսիսային կողման Գեր-
մանացւոց աշխարհին որ յառեալ կան համակ ի
նկատել զմուացն տեսիլ, որք եւ նոքիմքք ցնորեալ
եւ ի մէջ համապայծառ լուսոյ Աստուածգիտու-
թեանն, կորուսին զլսոտուած, որք իբրեւ զսարդս
հիւծին անկանել ցնորիւք զբարակաման առէջս զոր
եւ ճանջիւն բաւական է խարխալել։ Այս մասն
փիղիսովայութեան ի չափու իւրում վարդապետ լի-
նիցի մարդոյ։ Օ, ի թէպէտ եւ ճանաչէ յառաջնոց
մասանց անտի զվախճան իւր, եւ թէ ի հոգւոյ եւ
ի մարմնոյ զօդեալ է, եւ թէ ընդ յօժարութեամբ
զզայնոց եւ բանաւորութեան կայ եւ ունի ին-
քնիշխան ազատութիւն որով ձեռնհաս է զհետ եր-
թալ զսորա կամ զնորա, այլ յայսմ մասնէ ու-
սանիցի զբնաւորութիւն մարդկեզէն զործոց, ուս-
տի ընտրել թէ որ զործ իւր զրիցի եւ որ ոչ, որ
չար եւ որ բարի իցէ, եւ որ աշտիճան լաւու-
թեան կամ յոռութեան, կամ բնաւ ուստի յոռի
կամ բարի իրքն լինիցին։ Կարձեալ ի նմին կայ
գտանել թէ զի՞նչ պարտոյք հաստատեալ կայցեն

ի բնութեանն օրինաց ի վերայ մարդոյ առ Աստուած ըստ ներքնոցն եւ ըստ արտաքնոցն, առ ընկերոս ըստ արդարութեան եւ ըստ սիրոյ. Հանգերձ սոքիմբք եւ զպարտոյս պահելիս զիւրաքանչիւր վիճակաց զառն եւ զինոջ, զհօր եւ զորդւոյ եւ ըզտեառն եւ զծառայի: Օյայս ամենայն գիտութիւն աւանդեալ փիղիսոփայութեանն մարդոյ՝ թողու զնա եւ զգործականն գիտութիւն առնել գործ եւ արդիւս, եւ ոչ եթէ տեսանել եւ սքանչանալ եւեթ ընդ գիտութիւն իբրեւ արուեստագէտ՝ որ կուան ոսկի առեալ բախիցէ զսալ գատարկ ի նիւթոյ եւ զարմանայցէ:

Ե. Գ Լ Ո Ւ Խ

Բ Ժ Շ Կ Ե Կ Ա Ն Ճ Ա Ր Տ Տ Ր Ո Ւ Թ Ի Ւ Ն

ՕՍԿԻՉՔՆ կենաց պահպանել, եւ զնա ի հաստատութիւն, իբրեւ գեգեւիցէ, անել, աստուածական իմն զբժշկական ճարտարութեան արժանիս կացուցանեն, զի նոքիմբք ձեռնտու լինի ի պահել կանգուն զմարդկեղէն ազգ յիւրաքանչիւր անհատ եւ անբաժին նորա: Անչափ գովութեան եւ յարդանաց եւ խնամոյ լինիցի ճարտարութիւնս այս, ցորշափ գտցին ախտք եւ ցաւք ի վերայ երկրի. եւ այնչափ մեծարանաց եւ երախտեաց արժանի համարիցի, որչափ հիւանդութիւն, տկարութիւն եւ որինչ միանդամ վիշտք իցեն որ ընդ կենաց մարդոյ գոռայցեն, աղէտք եւ վիշտ վտանգի համարելոց են: Եմէջ ամենայն չարեաց ընդ որովք մարդկեղէն բնութիւն անկեալ է, չիք հիքագոյն եւ որ աւելագոյն յարդահատութիւն յորդորիցէ, որպէս ցաւոց եւ խօթութեան վիշտք, որ այնչափ առաւել արգահա-

տելցի են, որչափ յանդգաստոս եւ յանպատրաստոս դան, եւ ընդ սկզբան կենաց, որ քան զամենայն ինչ շնչաւոր բնութեան պատուականագոյն է, ողորին։ Օքր օրինակ տեսանել հիւանդոս դունաստ եւ հեքս, ախտաժետս կապեալ կծկեալ բազմաժամանակեայ ախտիցն տսուամբք, միանգամայն իսկ խեղս, վերաւորս եւ զամենայն իսկ զիսօթս եւ զվարակեալս ախտիւք, առաջին է որ ի գութ եւ ի կարելիցն լենել ած զմարդիկ, նոյնպէս անշուշտ առաջին իցէ, որ զմիսս եւ զհանճար մարդոյ զարթոյց, եւ ետ ժրանալ եւ պնդել զմէջս՝ զհանգամանս դարմանոց ախտիցն եւ փոփոգանս ցաւոցն գտանել։ Ապա արագարեւ առաջին մսիթար եւ խնամածու վշտաց մարդոյն է բժշկութեան ճարտարութիւն, որ ոչ միայն յառաջնմէ վայրկենէ անտի ընդ նմա եղեւ, այլ եւ ցհուսկ վերջին ժամ ընդ նմա շրջեցի։

Արչափ գթոյ, քանիօն խնամոց չեցէ՝ բժշկական ճարտարութեան զանձն առ սէր մարդկութեան այնչափ աշխատութեան եւ վշտաց տալ, այնչափ խելամութիւնո ի համօրէն բնութեանն տեղեկութեանց առեալ բովանդակել, այնպէս հաւաստեալ ի փորձ եւ ի հանդէս մտանել, եւ անեղը իմն աարածութիւն ուսմանն կացուցանել։ Բայց առ ի միտ առնուլ խնամով զանբաւ արժանիս բժշկական ճարտարութեան, հարկ է քննել եւ ճանաչել թէ որպիսի ինչ ուսումն իցէ, եւ մանաւանդ զնորին աղնուական պատմութիւն զիտել։

Բժշկութեան ուսումն է, որ զհանգամանս տեսլեան կենաց, եւ զոր ինչ նայն յանհատ եւ յանբաժին ումեք ընծայեցուցանիցէ, ուսուցանէ։ Այւ է ճարտարութիւն իմն զիւրաքանչիւր ոք անհատ ի կատարեալ հաստատութեան կենաց, որ առողջութիւնն իսկ է, պահելոյ, կամ զնա միւսանգամ յայն ածելցյ։ Համրկ է զկրկին թերս բժշկական ճարտարութեան ճանաչել, այս ինքն է թէ եւ խելամութիւն իցէ

Եւ արուեստ միանդամայն, եւ վասն այնորիկ իսկ միմեանց ձեռնտու լինելով եւ իրերաց օդնելով կան եւ տեւեն, բայց եւ ոչ մին յերկոցունց ի վերայ ընկերին բռնացեալ տիրել ձեռնհաս է։ Այսուիկ եւեթ մարթ է ասել թէ ճարտարութիւն արուեստին ի խելամտութենէ անտի գիտութեանն կախիցի, զի հանապաղ միտք եւ հանճարգիտութիւն քան զզործս արդեանց արուեստգիտութեան նախամեծար են, եւ որ գործիցէն ինչ գործ, խելամտութիւն ինչ տեղեկութեան յառաջագոյն ունել պարտի։

Ուկապէտ եւ զբժշկութեան յորջորջանս ի վերայ իւրաքանչիւր մեկնակ վարդապետութեան նորա դնիցէ ոք, սակայն եւ այնպէս պարտ եւ պատշաճ է բժշկական ճարտարութեան զիւրաքանչիւր ուրոյն ուրոյն բարունակս յանձին իւրում բովանդակել։ Ա ասն այնորիկ իսկ առողջութիւն, հիւանդութիւն եւ բժըշկութիւն յանդիմանակացք նորա են. բայց չէ մարթ եւ ոչ զմին ի նոցունց անդստին յինքենէ իմանալ, եւ ոչ ի միմեանց բղխեն, ոյլ ի միասին կան, եւ վասն այնորիկ պարտ է թէ ի բարձրագոյն եւ ի համօրէն ինչ իմեքէ յառաջ մասուցեալ խաղացեն, եւ այն տեսիլ կենաց իսկ է։ Իբրեւ ի տեսիլ այսր որ զամենայն սեպհականութիւնս սկզբան գիտութեան ունի, հասանիցեմք, յայնժամ հարկ ի վերայ դնի, վասն բովանդակ նմին հասանելոյ, զամենայն կողմանս յո՛ եւ ձգեալ հասանիցէ, հետամուտ լեալ քննել, որով մեծաձիգ մեծատարած դաշտ բժշկական ճարտարութեան կարի իմն ձգեալ ընդարձակիի։

Այսպէս խելամտութիւն եւ արուեստ բժշկական ճարտարութեան անդստին յերկուց հաղարաց ամաց հետէ խնամէր եւ տածէր, որ յետուստ ուրեմն այնչափ ընդարձակեցաւ, մինչեւ հարկ լինել ի պէս պէս մասունս կամ բարունակս զնա բաժանել։ Խելամտութիւնք՝ զորս կանխաւ գիտել արժան է բժը-

կական ճարտարութեան, են փիղխսովայութիւն, փիւսկեան դիտութիւն, քիմիական ուսումն, Ուսումն բուսոց, Ուսումն կենդանեաց, Ուսումն քրէական նիւթոց, Ուսումն մարդոյ՝ որ զառանձինն ինչ իրս եւ զայլակերպութիւնսն որ ի մէջ մարդոյ եւ այլոց անասնոց են, ուսուցանէ. Քնական պատմութիւն մարդոյ եւ իւրաքանչիւր ազգաց եւ կերպարանաց նորա, Ուսումն հերձոյ զմարմինս, Բարոյախօսութիւն, որ զգործս արդեանց կենաց՝ որ ի կազմածի մարմնոց շնչառաց եւ մանաւանդ մարդոյ ցորչափ տեւենն ի կեանս ընծայեցուցանին, պատմէ, եւ զայնը ամենայնի զնկարագիր յօրինէ, եւ այլ եւս ուսմունք:

«Քանդի որպէս ասացաւ, պահել զառողջութիւն, զհիւանդութիւնս ճանաչել եւ դեղ դարմանոց մատուցանել՝ Են պարտոյք եւ սպասաւորութիւն բժշկական ճարտարութեան, վասն այնորիկ եւ բուն ուսումն բժշկական ճարտարութեան յերիս ուսմունս ամփոփեալ բովանդակին, Ուսումն առողջութեան, Ուսումն նշանաց (հիւանդութեան) եւ Ուսումն բժշկելոյ կամ դարմանելոյ: Առաջին ուսմանն չէ կարի իմն խնամարկեալ բժշկաց, եւ այն չէ ինչ ի մեաս կենաց. զգաստութեամբն եւ կարգօք կեալ աղնուագոյնս պահիցեն զառողջութիւն, քան բաղում մատեանք եւ պատուելք բժշկաց: Ոչ ողջք կարօւ են բժշկաց, այլ հիւանդք, վասն հիւանդութեան ընթանամք առ բժիշկս, եւ ապաւինիմք ի նոցա ճարտարութիւն վասն բժշկութիւն ստանալոյ: Իսայց առ ի դարմանել զհիւանդութիւնս, նախ զնշանս հիւանդութեանն հաւասարեաւ ճանաչել պիտոյ է, եւ վասն այնորիկ պարտ է զնշանացն ուսմանէ աւելագոյն ինսամ ունել: Իսթիշկք, ասէ Տուղղիսս, իրեւ զպատճառս հիւանդութեանն գտանիցեն, համարին թէ եւ զհանգամանս դարմանոցն գտին: Իսայց չէ այնպէս. ինդիրք որ չեն տակաւին յայտնեալ եւ լուծեալ, բաւական յայտ առնիցեն թէ չեւ եւս նկը. ՈՒՍՄԾ.

զկատարեալ գիտութիւն այնց հիւանդութեանց ստացեալ եմք։ Ապա պարտ եւ պատշաճ է ոչ միայն զնշանակս եւ զդրումն իւրաքանչիւր ախտից հաւառ ստեաւ իմանալ, այլ եւ զդարմանելոյն հանգամանս գտանել, եթէ վասն հայթայթանաց գեղոց, եւ եթէ առ ի ճանաչել թէ զիարդ կամ օրով օրինակաւ զդարմանսն մատուցանել եւ զհիւանդութիւնն ինամել պարտ իցե։

Եթէ ընդ պէսպէս գունակս ախտից կամ ընդ պէսպէս կէտ եւ կատարած բժշկական դարմանոց նայիցիմք, մարթ է յայլ եւ այլ ազգս զբժշկական ճարտարութիւն բաժանել, բժշկութիւն մարդկան, բժշկութիւն անամոց, բժշկութիւն վիրաց, բժշկութիւն աչաց, բժշկութիւն ախտից ծննդականաց հանգերձ դայեկաց սպասաւորութեամբ, այլովքն հանգերձ։

ՊԵՏՄՈՒԹԻՒՆ. Յայտ իսկ է բժշկութեանն կանխութիւն, այլ չէ ինչ յայտ այն թէ ով կամ որ ազգ այնմ սկիզբն արարեալ իցե։ Եթէ առնուցումք յանձն զԱրմէացւոց պատմութիւնս, զառաջին յիշառտակս բժշկութեան՝ Հոյանդեայ թագաւորի նոցա արժան է հաշուել, որոյ ժամանակ մօտ ուրեմն ի ժամանակս ջրհեղեղի է։ Օյգիպտացւոց, զՔաղդեացւոց եւ զայլոց եւս ազգաց մօտաւորաց թէպէտ եւ այնպէս իմն ասի եթէ բազում փոյթ զբժշկութենէ ունեին, սակայն ի պատմութիւնս նոցին զնշմարանս եւեթ այնր տեսանեմք։ Վովսէս զծնուցիչս միայն Եղիպտացւոց յիշառտակէ։ Այլ եւ ի պատմութեան իսկ Յակոբայ յորժամ Ռաքեղայ ծնունդն պատմիցի, առնին յիշառտակք ծնուցչաց, յորմէ յայտ է եթէ պաշտօնս այս՝ որ այժմ մասն ինչ ի մասանց բժշկական ճարտարութեան է, օդնականութիւն եւ փորձ լոկ էր յայնժամ, որ յամենայն աղդաց միջի գտաներ։ Եղիպտացւոցն բժշկական ճարտարութիւն զիազարդութիւն եւեթ էր, այս ինքն զդիս

պատելոյ հանգամանք, եթէ արժան իցէ ճարտարութիւն զայն անուանել, որով ի հարկէ իսկ ունեին սակաւ ինչ տեղեկութիւն զմարմինս հատանելոյ, հերձեալ ստէպ զդիս. այլ այս գիւտ իմն էր պահելոյ զմարմինս առանց ապականութեան, եւ ոչ քննութիւն ինչ առ ի ճանաչել զկազմած մարդկան եւ խելամուտ լինել պատճառաց հիւանդութեան նոցա: Խոկ զբարեղացւոց ասի բան եթէ արտաքս զհիւանդան թողուին, զի տեսեալ զնոսա անցորդաց, յայտ արասցեն՝ եթէ գիտիցեն դարմանս ինչ բժշկութիւն նոցա:

Այսափ ինչ է ծանօթութիւն բժշկութեանց ազգացն առաջնոց: Խոկ յիշատակքն այնոքիկ որք զԱբրապեայ, զԱպեայ, զԱսիդայ, զՓոխեայ, զՈվրոսէ, եւ զԱպողոնեայ եւ զՀերմեայ եւ զՀերակլեայ եւ զայլոց եւս դիւցազանց պատմցին, առասպելք իմն պաճուճազարդք են, եւ ոչ գիտութիւն ճշմարիտ բժշկութեան: Ազէ առ Յոյնս եկեսցուք՝ որք ոչ սկիզբն ինչ եղեն, այլ հանապազորդեալ կարի իմն պայծառացուցին զայս ճարտարութիւն: Ապաքէն կարի անուանի եւ նշանաւոր է ի Յունաց միջի Մեզամպոս՝ որ եղերորոս արմատով եւ ջերմաջուր բաղանեօք բժշկեաց զդստերս Պրետոսի արքային Արգոսի. եւ Քերովի զորմէ կարծի իմն եթէ զվերս բժշկելոյ հանգամանս գտեալ իցէ. եւ Որփէոս՝ զորմէ ասեն եթէ գիրս զբժշկութենէ գրեալ իցէ, եւ այլ եւս բազումք: Այլ թողեալ ի բաց զսոսա տեսցուք զմեծանունն Ասկղեպիոս իբրեւ զառաջին ճարտարապետ սորին ճարտարութեան: Տուղղիոս եւ Գաղենոս բազում դարմանոց գտակ զնա դնեն, ոչ միայն ի բժշկութիւն վիրաց, այլ եւ այլ եւս բազում ախտից: Կարի նշանաւոր է Ասկղեպիոս ի նախնեացն պատմութեան վասն սորին ճարտարութեան, եւ ոչ միայն որդիք նորա Մակաւոն եւ Պոդազիրիոս անուանիք եւ հոյակապք էին ի ժամանակս Տրոյական պատերազմին,

այլ եւ զարմ նորա ողջոյն տուն բժշկութեան համարէր, եւ ի նորա անուն Ասկղեպիական յորջորջէր։ Այս Ասկղեպիս ի կարգէ դից յիշատակի։ Իսայց սակայն թէպէտ եւ կարի հռչակական եւ նշանաւոր իցեն Ասկղեպեայ ժամանակք, այլ տեսանեմք իսկ եթէ բժշկութիւն այնց ժամանակաց բուժումն միայն վիրաց էր, զի եւ ժամանակն եւս զայն եւեթ պահանջէր։ Քանզի չեւ եւս տակաւին ի բարեկեցութիւն եւ ի շուայտութիւնս հատեալ էին մարդիկ, նմին իրի սոսկ կերակրովք եւ անպանց կենօք շատանային, որովք եւ բազում ախտից եւ անուն եւս անծանօթ էր նոցա։ սմին հակառակ քանզի յոլով մարտք մղէին յայնժամ, որ առ ի նոցանէ գիւցազանց իմն գործք հաշուեին, վիրաւորս միայն տեսանէին, եւ յայն սակս իսկ զնոսա եւեթ դարմանելոյ փոյթ յանձին ունէին։

Օ ջանիցն, զորս Յոյնք զբժշկական ճարտարութենէ ունէին, վկայեն դպրոցքն Հռոդացւոց եւ գնեղայ եւ կով կղզւոյ, յորոց միջի նշանաւոր քան զամենեսեան էր դպրոցն Առվայ՝ ուստի ել Հիպոկրատ։ Եին եւ այլ եւս դպրոցք որք Խտաղականն եւ Կիւրենական եւ Զմիւնական կոչէին, եւ այլ եւս բազումք։ Այլ քանզի ամենայն ճարտարութիւն բժշկութեանն, որպէս ասացաքն, փորձ եւեթ էր, փիղեատփայքն որ զամենայն ինչ նկատութեամբ առնուին ի միտ, զբժշկութիւն եւս ի մասունս փիղեստփայտութեան խառնեցին, եւ ելին երեւեցան այնուհետեւ բազում բժիշկք միանգամայն եւ փիղեստփայք որպէս Պիւթագորասն եւ Եմբեդոկլ եւ Եպիկարմոս, Երակղիդն եւ Գիմնկրատ եւ Անաքսակոսաս։ Ասկղեպիականքն ուսուցանէին բուժել զախտս գեղովք եւ պայմանօք փորձելովք, եւ ճշգրտիւ յայտ առնէին զամենայն նշանսն ախտին։ իսկ փիղեստփայք զընութիւն հիւանդութեան քննէին եւ ինդրէին սկիզբն հասարակաց, կանոնս հասարակաց կարգէին,

եւ փոյթ ի մէջ առեալ ջանային հաստատել այնապիսի ինչ բժշկութիւն՝ որ ի խորհուրդս միայն եւ ի տեսլեան մտաց հաստատեալ իցէ, զփորձոյ ամենեւին անփոյթ արարեալ։ Յօրմէ յայտնագոյն երեւի եթէ յերկոցունց եւս կողմանց թերակատար էր բժշկական ճարտարութիւն. առաջինքն փորձոյ իրացն եւեթմիա դնեին, իսկ յետինքն զնկատութեանց միայն փոյթ յանձին ունեին՝ թողեալ ի բաց ամենեւին զփորձոն։

Ի՞նդ այս ժամանակս ել եկաց ի միջի Հիպոկրատ, Հերակղեայ որդի, ութուասներորդ յԱսկղեպեայ, ծագեալ ի Պադաղիրեայ յորդւոյ Ասկղեպեայ։ Այս իւրովին սուր հանճարով եւ մեղմական բարուքն եւ անչափ փութովին, լեալ որդի բժշկի եւ անդստին ի մատաղական տիոցն զարդացեալ ի բժշկաց միջի, այնաշափ յօժարութիւն վասն այսր ճարտարութեան ստացաւ անձին, զի ամենայն փոյթ եւ ջան նորա այս եւեթէր, ի նոր իմն կերպարանս ածել զբժշկութիւն եւ ի նորոգ կատարումն տարեալ հասուցանել, եւ եթէ ի գեպ իցէ ասել, յատառւածական իմն կարգս համբառնալ զայն։ Զշատացեալ հրահանգօքն զոր ի կովական դպրոցէն առեալ էր, ի գնեդական դպրոց եւս գնայր, մտանէր յաշակերտութիւն Պրոդիկեայ, եւ որպէս ասենն ոմանք Երակղեայ եւս եւ թեմոկրատայ եւ այլոց փիղեափայից աշակերտէր. եւ զփիղիսոփայական ճարտարութիւնն ողջոյն քաջ ուսանէր։ Օ ամենայն հնարս հնարէր եւ չժողովը ինչ զոր շառնիցէ վասն կատարեալ զիւր զիտութիւնն գործելոյ. ընդ բազում աշխարհս շրջէր, ոչ միայն ընդ գիտունս եւ ընդ գիտագէտս խօսէր եւ հարցանէր զնոսա, այլ եւ ցռամիկս եւս եւ ցգռեհիկ մարդիկ բազում ինչ հարցանէր եւ տեղեկանպյր ի նոցանէ։ Ասի բան եթէ եւ ընդ զօրս եւս լեալ իցէ նորա։ Ամենայն զործ եւ զբաղումն նորա բժշկութիւն էր, եւ այսպէս եղեւ բժիշկ ճարտարապետ եւ օրինակ

բժշկաց, պատգամ եւ աստուած բժշկութեան : Աստենազրութիւնք նորա ոչ միայն տեսողական սկզբամբք եւ հասարակաց օրինոք, այլ եւ անհամար փորձովք նորա լի են : Օքժշկութիւնս իւր, եւ զորս ընդ նորա դարմանովքն մեռեալ իցեն նա եւ զսխալանսն եւս յայտնագոյն պատմէ եւ ջանայ մեծաւ փութով, զի ի հրահանգս եւ ի զգուշութիւն յեանոցն լինիցի : Եւ այսպէս մատեանք նորա եւ վարդապետութիւնք ոչ ի նորա ժամանակս միայն, այլ եւ յետ նորա եւ յամենայն ժամանակի եւ յամենայն դարս ընդունելիք եղեն եւ զարմանալիք : Եորա առաջնորդութեամբ եւեթ յառաջադէմ լեալ պայծառացաւ բժշկական ճարտարութիւն, եւ թէ պէտ գոլ գոյին ի գործս նորա թերակատարութիւնք ինչ, սակայն եթէ պարտ ինչ իցէ ասել, թերակատարութիւնք եւս նորա՝ նորա սկզբամբքն ուղղեցան : Միանգամայն իսկ ասել, չիք ինչ դիտութիւն որոյ այնպիսի ճարտարապետ անմահ լեալ իցէ յառաջին ժամանակս որպէս բժշկութեան : Պղատոնի եւ Արիստոտեղեայ փիղիոփայութիւն խափանեալ իսկ է : Ճգունք Արքիմիդայ եւ Ապողոնեայ զերկրաշափութենէ խաղալիկք իմն են առ այժմու ճարտարութեանց համեմատութեամբ, այլ Հիպոկրատ յայնչափ ժամանակաց հետէ տակաւին կենդանի է, եւ լիցի իսկ կենդանի ի բժշկական ճարտարութեան :

Հիպոկրատ ոչ մատենազրութեամբք եւեթ այլ եւ իւրով աշակերտօքն զիւր գիտութիւնն ընդ բնաւ սփոեալ տարածեաց : Որդիք նորա թեսաղ եւ թրակոն, եւ Պողիբոս նորին փեսայ եւ թռռունք նոցա, որոց բազմագոյնք ընդ ճարտարութեան եւ զանուն եւս Հիպոկրատայ առեալ ժառանգեալ էին, կարի իմն պայծառացուցին զանուն եւ զճարտարութիւն Հիպոկրատայ : Աստստին յայտ է եթէ յետինք ժամանակաւ դիւրեաւ մարթիցին առաւելագոյն պայծառացուցանել զբժշկութիւն, առաջնոր-

գեալք այսպիսի վարդապետօք։ Անուանի եւ նշանաւոր յոյժ է եւ Երասուրատոս որ զանիառն գեղս, զժուժիալութիւն ի կերակրոց, զիրթութիւնս, զարժումն, առաւելքան զբազում մաղձադեղս եւ այլ եւս դեղս քրայականս եւ տնկականս նախամեծար առներ։ Եւ Երոփիթղոս՝ որոյ կարդք եւ պայմանք ամենեւին հակառակք առաջնոյն էին։ Այլ Երոփիթղոս կարի պայծառացոյց եւ զպէտս շարժման երակաց, որ յառաջագոյն քան զնա դպրոցն ինչ եւ չնչին իրք հաշուեին, մինչեւ մարթիսկ է գտակ այսմ զնա համարել, որով կարի քաջանուն ի բժշկութեան եղեւ։

Յետ այսորիկ ելին երեւեցան աղանդք Եմպիրիկեանցն (empirisme) եւ Հրամանադրաց (dogmatisme), եւ մեւս եւս՝ որ Պայմանապահաց (méthodisme) անուանի, որք մաքառելով ընդ միմեանս հակառակութեամբ եւ նախանձու քան ճշմարտութեամբ, զեղծանեին իմն իշխանութեամբ բժշկութեան, մանաւանդ ի Հռոմայեցոյն պետութեան, եւ բազում անագորունութեամբ եւ մօգական հնարինք բազում վեասս դժնդակս գործեին, որք ամենեւին իսկ հակառակ բժշկական ճարտարութեան են, քանզի յաճախագոյնս անհնարին եւ դառն տառնջանօք յարեւէ արկանեին զիւանդան, քան եթէ բժշկեալ յառողջութիւն ածեին։ Ինդ այս ժամանակս ել եկաց երկրորդ Ասկղեպիդէս, որ իւրովին քաղցր եւ խնամու բժշկութեամբ յինքն յանկոցց զմիտս ամենեցուն, եւ կարի անուանի եւ հոյակապ եղեւ, մանաւանդ ի Հռոմոց քաղաքի, մինչեւ, որպէս Պլինիոս ասէ, համարեցան թէ յերկնից առաքեալ իցէ։

Կարի իսկ յիրաւի մարթ եւ հնար է յետ Հիպոկրատայ զԳաղենոս երկրորդ հայր բժշկութեան անուանել։ Այն այս այր ի Մարկոսի Աւրեղեայ ժամանակսն էր, որ յետ զդպրութիւն, զփիզիսուփայութիւն եւ զճարտարախօսութիւն եւ զայլ եւս ազգի ազգի գիտութիւնս ուսեալ ի գլուխ հանելց,

ի գերգամնն յիւրում հայրենի աշխարհին զբժշկական ճարտարութենէ բուռն հարկանէր . վարդապետք եւ ուսուցիչք նորա էին բժիշկքն անուանիք իւրոյ ժամանակին , այսինքն Սատիրոս եւ Ստրատոնիկոս եւ Եսկրիոն . յետոյ Պեղոփա եւ Ազպինոս պղատոնական վարդապետութեան աշակերտ ի Զմլւռնացւոց քաղաքի , յետ սոցա Կոտմիսիանոս ի Կորընթոս . Հուսկ յետոյ յԱղեքսանդրացւոց քաղաքի եւս ուսաւ զբժշկական ճարտարութիւն , ուր կարի ծաղկեալ եւ պայծառացեալ էր այն յայնմ ժամանակի : « Խշանաւոր եւ քաջանուն յոյժ եղեւ ընդ ամենայն աշխարհ , մանաւանդ ի Հռոմայեցւոց քաղաքի , որ բնակութիւն եւ ապաւէն էր յայնժամ իմաստնոց համօրէն ազգացն : Արի յառաջագէմ եղեւ ի բժբշկութեանն , իսկ մեծամեծ գիւրութեանցն եւ ազգի ազգի քննութեանց նորա չիք թիւ եւ համար : Օ վարդապետութիւնս Հիպոկրատայ՝ որք զրեթէ խափանեալ էին յայնժամ եւ ի խոր մոռացօնս անկեալ , դարձեալ անդրէն պայծառացոյց , եւ այնպէս գեղեցիկս մեկնեաց եւ յայտ արար զգիրս նորա , զի աւելագոյն պատիւս եւ փառս յաձախեցին Հիպոկրատայ՝ Գաղենեայ մեկնութիւնքն քան թէ բնամատեանք նորա :

Օ ամենայն սխալանս Եմովիրիկեանցն եւ Պայմանապահաց , նա եւ զբժշկացն՝ որ յառաջ քան զնա էին , ուղղեաց , եւ ինքն յանձնէ բազում գիւտս եւ հնարագէտ տեղեկութիւնս յաւել : Յայնչափ պայծառութիւն զմարմինս հերձլոյ ուսումն տարեալ հասոյց , որչափ ոչ Երոսարատոս եւ ոչ Երովիդոս , եւ ոչ իսկ այլ ոք ի բժշկացն՝ որ յառաջ քան զնա կացին , ածեալ ինչ էին զմտաւ : Օ բնական պատմութենէ եւս բազում փոյթ յանձին ունէր , եւ յայն սակս ընդ Ղեմնոս եւ ընդ աշխարհն Ասորեաց եւ ընդ այլ եւս կողմանս զնացեալ շրջեցաւ , վասն զտունկս եւ զքրայական նիւթոս քննելոյ . եւ անուա-

նի եղեւ քան զամենեսին՝ որ յառաջ քան զի՞նքն էին, մանաւանդ ի ծանօթութիւնս անասնոց եւ քրայական նիւթոց, իսկ ի տնկոցն տեղեկութեան եթէ ոչ առաւել քան զԴիոսկորիտն իցէ, սակայն հաւասար եւ զուգական նմին գտանի: Բազում մատեանս զրեաց զբժշկութենէ ախտից, զնշանաց հիւանդութեան, եւ զցաւան կանխաւ ճանաչելոյ, զվարժից բժշկացն, եւ զհանգամանաց հերձլոյ զմարմինս, վասն դարմանոց վիրացն, եւ վասն այլ եւս բազմագոյն իրաց: Միանգամայն իսկ ասացից, երկրորդ Հիպոկրատ եկաց, եւ զորս նայն ոկտեալ եւեթէ էր, սա յառաջադէմ դործեալ պայծառացոց: Յայնշափ մեծամեծ դործոց միջի, դոյզն եւ փոքր մարժէ համարել զժերութիւնս ինչ նորա, որպէս զերկայնբանութիւն նորա յիրս ինչ, եւ զպերիպատեալիկեան նորը քննութիւնս:

Հումայեցիք չեղեն անուանի եւ նշանաւոր ի սմին ճարտարութեան, Ա. Կեղասս կոռնեղիոս միայն ութ գիրս զբժշկութենէ զրեաց. բայց ասի իմն եթէ չէր նա բժիշկ, այլ զնախնեաց մատենագրութիւնս բովանդակեաց, այնպիսի իմն վայելլութեամբ եւ ճարտարախօսութեամբ, մինչեւ Հիպոկրատ Պատինացւոց եւ Կիկերոն բժշկաց արժանի եղեւ անուանել: Բազումք ի նորոց արժանի ընթեռնլոյ համարին զմատեանս նորա:

Յետ Գաղենեայ ջնջեցաւ կորեաւ պայծառութիւն բժշկութեան. մինչ ի բազում դարս հազիւ ուրեմն ճարտարազ ինչ արժանիք յիշատակելոյ կացին, որպէս Արիբասն եւ Արէտ, եւ Աղեքսանդր Տրաղիանոս ի ժամանակս Յուստինիանեայ, եւ Արետէոս: Յետ մատենագրացս այսոցիկ ամենեւին իսկ կորեաւ պայծառութիւն բժշկական ճարտարութեան ի Յունաց միջի, նմին իրի իսկ պարտ եւ պատշաճ է մեզ յայլ ազգս ինդրել զհանապազորդութիւն կամ զմիւսանգամ պայծառութիւն նորին: Օյնի Յունաց զԵրաբացիսն

դտանեմք յառաջագէմս ի բժշկութեան, որք զբնաւ մատեանս ճարտարացն Յունաց յիւրեանց լեզու թարգմանեցին, եւ պայծառացուցին յոյժ, մանաւանդ զվերացն բժշկութիւն, որոյ առաջին վարդապետ մարթէ է կոչել զնոսա: Մի ի բազում գիւտից նոցա է Ծաղիկն անուանեալ ախտ եւ զնայն դարմանելց հանդամանք, եւ այլ եւս բազում ախտք, եւ աւելագոյն ախտք մանկանց. նա եւ բազում գարմանս եւ գեղս գտին վասն պէսպէս եւ ազգիազգի հիւանդութեանց՝ որոց հինքն ժամանակաւ անտեղեակք էին. նոքա ուսուցին զհնդիկ ընկոյզ եւ զդազպէն եւ զսնդիկ ի կիր արկանել ի գեղս: Օռւգական Արաբացւոց համարին եւ Հրեայք, որք անուանիք ի բժշկութեան եղեն. ի միջին դարս բժիշկք բազում ինքնակալաց եւ թագաւորաց եւ քահանայապետաց եւ իշխանաց՝ Հրեայք էին:

Յեւրոպացւոց միջի ի միջին դարս ընդ այլ եւս բազում գիտութեանց եւ բժշկութեանն անուն ի խոր մոռացումն անկեալ էր: Ի Եֆերորդ դարու սկսան ոմանք ուսանել զայս ճարտարութիւն, եւ զմատեանս հնագոյն բժշկաց, որպէս զշիպոկրատայ եւ զդազենեայ եւ զայլ եւս ճարտարաց թարգմանեցին ի Հռոմայցւոց բարբառ, ոչ ի յունարէն բուն մատենից, այլ ի թարգմանութեանց Արաբացւոց, բայց այնպիսի անհարթ եւ անսովորական ոձով եւ նորագիւտ բանիւք, զի զմիաս մատենագրացն ամենեւին իսկ մթացուցին, սմին իրի ամենայն ովք խորշէր եւ գարշէր եւ տաղտուկ համարէր յայնպիսի մատեանս դեղերելով՝ ուսանել զբժշկական ճարտարութիւն եւ յառաջագէմ ի նմին լինել: Ամէլ ոմանք յեկեղեցական մարդկանէ իրբեւ տեսին եթէ ամենեւին լքեալ թողեալ է այսպիսի ինչ կարեւոր ճարտարութիւն, ջանացին նկրտեցան եւ բազում փոյժ յանձին կաշեալ ուսան զայն, եւ ընդ անուան, յոլովագոյն եւս շահս օգտութեան առնեին, մինչեւ իսկիզբն

վեշտասաներորդ դարուն յորժամ ծաղկեալ պայծառանային ընդ ամենայն համօրէն ուսմանց եւ բարբառք Յունաց եւ Ղատինացւոց, ընդ այլ եւս մատեանս Յունաց՝ առաջին բժշկացն գիրքն եւս թարգմանեցան, յորոց ոմանքը այնպիսի ընտիրք էին ոճ ովն եւ ճարտարութեամբ, մինչեւ յօժարեցուցեալ հաւանեցուցին զբազումն զբժշկական ճարտարութենէ բուռն հարկանել, եւ այնչափ անշափ եւ բազմապատիկ օգնականութեամբք ի սակաւ ժամանակի կարի յառաջադէմ սկսան լինել Գաղթացիքն եւ Գերմանացիք եւ Անդղիացիք, Սպանիացիք եւ Խոազացիք։ Եւ քանզի ընդ այն ժամանակս ի գտանել Ամերիկեայ եւ ի մղել բազում մարտից, բազում նորոգ ախտք եւ հիւանդութիւնք ծագեալ էին եւ սփոեալ տարածանէին ընդ ամենայն կողմանս Եւսրոպացւոց աշխարհին, որպէս Անդղիական քիրանն եւ մեւս եւս Աստղիկեան անուանեալ ախտ, եւ այլ եւս բիւրապատիկ ախտք եւ հիւանդութիւնք, սափացան բժշկեցն առաւել եւս մտադիր լինել, քանզի չգտաննէին ինչ յիշատակս զայսցանէ ի հինսն, եւ քննեալ տեղեկացեալ ի վերայ հասանել բնութեան նոցա, եւ զդարմանս նոցին եւ բազում տեղեկութիւնս զնոցանէ յանձանց իմացեալ ցուցանել։

Առվին օրինակաւ արծարծեալ նորոգեցաւ ողի բժշկութեան, յերկուս յետին դարս մինչեւ ի մեր ժամանակս, կարի իմն յառաջադէմ եղեն գիտութիւնք. պայծառացացան փիւսկեան տեղեկութիւնք, եւ քիմիական եւ համարողութեան գիտութիւնք, եւ բնական պատմութիւն. պայծառացաւ եւ ուսումն հերձլոյ զմարմինս, եւ ընդ սոսա ամենեսին յառաջադէմ լեալ պայծառացաւ յոյժ բժշկական ճարտարութիւն։ Հիանային զարմանային ընդ ճարտարութիւն Հիպոկրատայ եւ Գաղենեայ, բայց սակայն ոչ խառնիխուռն եւ առանց ինչ ընտրութեան երթային զնոցա կնի, այլ եւ իշխեցին եւս զնոցա սխա-

լանոյ յայտ արարեալ ցուցանել։ Ոչ միայն ընդ բնաւ կողմանս արեւելից եւ արեւմտից աշխարհին շրջեալ եւ ի Հնդիկս եւ ի Համօրէն աշխարհն Ամերիկեցւոց գեղերեալ, ազգի ազգի նորագիւտ խոսովք եւ արմատովք յորդեալ յաճախեցին զնիւթ բժշկութեան, այլ եւ չշատացեալ գիտութեամբն Յունաց եւ Արաբացւոց եւ զոր ինքեանք առանձինն ունեին, դեմ եղեալ զնացին յԱսիա, յԱփրիկէ եւ յաշխարհն Ամերիկեցւոց եւ տեղեկացան բժշկութեանց խուժդուժ ազգացն անդիտաց . յԱմերիկեցւոց անտի ուսուն զկարեւոր պէտո քինայ ի դարման բժշկութեան տենդոյ, յԵղերացւոց զպատուաստծաղիկն ախտի, եւ յԵղիպատացւոց փորձս ինչ զվերան դարմանելոյ, եւ այսպէս կարի իմն ծաղկեալ պայծառացաւ բժշկական ճարտարութիւն Եւրոպացւոց, որչափ չեր լեալ ուրեք երբեք յառաջագոյն։ Քորժամ զշրջան արեան եւս դտին, նոր իմն կերպարանս եւ կատարումն մեծ առ բժշկութիւն։ Այնպէս իմն Հաշուէին յառաջագոյն եթէ արիւնն ի փայծաղն կազմիցի, այլ սոքա ծանուցեալ հասին ի վերայ եթէ սիրան է որ զայտ յօրինեալ կազմիցէ մեծասքանչ իմն օրինակաւ, որով ուզզեցան բազում սխալնեք, եկն յայտ ճշմարիս պատճառք բազում ախտից, եւ այնուհետեւ դիւրաւ իմն մարթ էր դարմանել զայնու։ Քայանի եւ ծանօթ է եւ Սպաշանազանեայ, եւ Պամանտայ, բժշկի Ամերիկեցւոց, զՀանդամանս Հալելոյ կերակրոց ի ստամոքսն եւ զպայման յօրինելոյ խախացոցն իմանալ :

Կարեթէ ամենայն համօրէն ազգք անուանիք Եւրոպացւոց աշխարհին, Գալիպացիքն եւ Անդղիացիք, Խաղացիք, Սպանիացիք եւ Պուլիստանացիք կարի նշանաւորք ի բժշկութեան եղեն, եւ բազում ճարտարապետ բժիշկք զարմանալիք կացին ի միջի նոցա։ Իսպայց սակայն թէպէտ եւ երեւելի յոյժ իցեն բժիշկք ազգացն այսոցիկ, կարի փոքր եւ նուա-

զագոյն դտանին առ Գերմանացւոց բժշկացն համեմատութեամբ որք անցին զանցին քան զամենեսեան ի սմին ճարտարութեան, եւ զգահերէց գլխաւորութիւն կալեալ ըմբռնեցին։ Ի՞այերահաւէ ոչ միայն գեր ի վերոյ քան զամենեսեան եղեւ, եւ կարի իսկ յիրաւի հայր նորոյ բժշկութեան եւ նոր Հիպոկրատ յորջորջելոյ արժանի եղեւ, այլ եւ դպրոց նորանմանեցաւ Տրովական երիւարին, ուստի բազում իշխանիք բժշկութեան ելին։ Այնչափ յաճախեալ յաւելաւ ճարտարութիւն եւ յառաջադիմութիւն Գերմանացւոց ի բժշկութեան մինչեւ ցայսօր, զի որպէս ասէ Անդրէս, ոչ միայն յորդեալ աճեցուցին զպատիւ բժշկութեան, այլ եւ ուսուցիչք նոցա, վարդապետք համօրէն Եւրոպացւոց աշխարհին համարին։

Կարեւոր պէտք եւ օդուտ բժշկական ճարտարութեան այնպէս յայտնի են, զի չէ իսկ հարկ իրատել եւ թելադիր լինել թէ ոք զայնու ուսմամբ դպրոցէ։ Օքր օրինակ որ առողջն իցէ սննդեամբք, նոյնպէս որ հիւանդն է՝ դարմանովք կարօտ է։ Եւ ոչ միայն ազգի մարդկան են սորին պէտք, այլ եւ իրագանչիւր ուրուք ի մարդկանէ եւ ի շնչաւորաց, զի չիք իսկ ուրիշք կենդանի, որ չիցէ ընդ պատահարօք հիւանդութեան։ Ի՞այց ոչ եթէ այդպէս բարերարութեամբն եւ երախտեօք եւեթ առնի պատուական եւ շահաւէտք բժշկութեան ուսումն, այլ եւ այլ եւս բազում ուսմանց ձեռնտու եւ պատճառք յառաջադիմութեան է։ Ի՞ովանդակ բնական պատմութիւն, ուսումն կենդանեաց, բուսոց եւ քրէական նիւթոց, քիմիական ուսումն, ուսումն հերձլոյ զմարմինս եւ այլ եւս բազում ուսմանք ուստի մարթիցեն այնպէս վառթով եւ հաւաստեաւ խնամել, եթէ կէտ եւ կատարած բժշկական ճարտարութեան շկայր առաջի։

Դարձեալ որչափ կատարումն ոչ շնորհիցէ իսելամտութեան մարդոյ ուսումնս այս։ Օքր օրինակ երեւոյթ առողջ բնութեան ստիպեն զհանճար միր-

գոյ միտ դնել կերպարանաց նորանշան եւ ծածուկ իրացն երեւելոց, եւ զբարսյախօսութեան ուսումն յօրինեալ կազմեն, որով լինիմք տեղեակ եւ խելամաւտ անցից եւ դիպաց կենդանութեան բնութեան մերոյ, նոյնգունակ եւ երեւմունք հիւանդն բնութեան չուսումն ազգաց հիւանդութեան, զուսումն նշանաց եւ զպատճառաց հիւանդութեան, զուսումն դարմանելոյ, եւ զնոյն ինքն զբժշկական ճարտարութիւն կացուցանեն. որոց ընդարձակութիւն այնչափ առաւել է, որչափ բիւրազգի եւ բազմապատիկ են պատահարք հիւանդութեան քանառողջութեան, եւ գժուարագոյն եւ անհաստատագոյն են երեւոյթք նորա քան զորայն: Խոկ պէտք սորա այնպէս առաւել է քան զնորայն, որպէս մեծ է կարեւորութիւն դարման տանելոյ խախտման եւ քայլքայման անդամոց, քան զհանգաման նոցա դիտել մինչ դեռ ամփոփն եւ պնդակազմ իցեն:

Ի՞այց արդիւնք օդտի բժշկական ճարտարութեան ոչ ի ճարտարութեան անդ է, այլ ի վարել վարելեացն: Օքնչ օգուտ իցէ թէ կարեւոր եւ պիտանի եւ շահաւետ իցէ, եւ այլ եւսբեր բարութիւնս ունիցի ուսումն, եթէ արդասիք ուսմանն որ է գործական ճարտարութիւն սորին ուսման, ի ձեռն ճարտար եւ փորձ բժշկաց յարդիւնս գործոց չգայցեն: Արդարեւ պարտ է խոստավան լինել թէ որչափ պիտանի է արուեստն եւ որչափ կարեւոր խելամտութիւն, գոյնչափ եւ գործք արգեանցն վեսասկար եւ վտանգաք մարդին լինել: Խըկումը մասամբքն նկատութեամբ եւ արդեամբք (գիտութեամբ եւ արուեստի) իբրեւ թեւովք հաստատւն կայ բժշկական ճարտարութիւն: Ապա առն բժշկի, որ զարդիւնս արուեստին ըմբռանել ցանկանայցէ, ոչ միայն զամենայն խելամտութիւնս զորոց վերագոյն ասացաք թէ կարեւոր են, ունել պարտ է, եւ զհանգամանս գիտութեանն եւ արուեստին միանդամայն ստանալ, այլ եւ զնկա-

տութիւն յարգեանց, կամ զգիտութիւն յարուեստէ անտի անջատել երբեք չէ արժան։ Գիտութիւն՝ տեղեկութիւն եւ ուսումն, իսկ արուեստ դշանապաշրդ փորձ արգեանցն պահանջէ։ Արշավ բազում են բժիշկը, նոյնչափ սակաւ են գիտունք եւ փորձք։ Եւ քանզի այս իմն հասարակաց չարիք են բժշկաց, կամ ի նկատութիւն ուսմանն կարի ապաւինել, եւ կամ առանց կատարեալ խելամտութեան փորձիւկամել լինել ճարտար եւ վարդապետ, վասն այնորիկ գրեթէ բազում անգամ ճարտարութիւն ուսմանն հանդերձ իմն է, որ ընդ կերպարանօք երախտեաց յետին վեսակարութիւն թագուցանէ, եւ անուամբ օգտակար ուսման անհնարին վեսա։ Արդարեւ ստանալ ստանայցէ ոք զգիտութիւնն, լինիցի խելամուտ հանգամանաց ուսմանն, այլ փորձ ժամանակաւ յօրինի. բայց ուր խելամտութիւն՝ որ կանխաւն պահանջի, բովանդակ գտանիցի, զգուշութիւն եւ մտադիւրութիւն ոչ միայն զպակասութիւն փորձոյն լնուցուն, այլ եւ գիւրին առնիցեն նմին հասանել. ապա խելամտութիւն, զգուշութիւն, եւ փորձ որ ի նոցունց ծնանիցի, են յօրինիշ արգեանց գործօն եւ շահաւետ բժշկութեան։ Խոսդ ստանայցէ այր բժիշկ զենքամտութիւն ընդ արուեստին, թող միաբանեսցէ զարդիւնս ընդ նկատութեան, զայնպիսին չդանդաղեմ, չլինիր գժկամակ հայր եւ երախտագործ մարդկութեան անուանել։

Բայց որպիսում մեղադրութեան, քանիօն բարանաց չիցեն արժանի, զի մի ասասցուք թէ անօրէնութեան իսկ եւ անագորյն յանդզնութեան պարտապանք, որ ամենեւին իսկ առանց գիտութեան բժշկութեան զբժշկի թեկն ածել եւ զբժշկելոյ բուռն հարկանել իշխցեն։ Եթէ չար է յանդզնութիւն, շարագոյն եւս իցէ յորժամ յայն ինչ ոք յանդզնիցի, որ քան զբնաւ գործ՝ զգուշութեան եւ ինամոյէ, եւ քան զամենայն արգասիս սրբութեան եւ մեծա-

բանաց : Զիք յոռութիւն եւ ոչ ծանականք այնպէս ամօթոյ եւ թշնամնաց, որպէս շահու եւ առանձինն ինչ օգտի պատճառս առնել զայն ինչ, որ մանաւանդ գլխոյ է եւ հասարակաց բարերարութեան :

Օ. Գ. Լ. Ո. Խ. Խ.

Ի Ր Ա Խ Ա Գ Ի Տ Ա Խ Թ Ի Ւ Ն

Եթէ բարոյիցն փիղխոփայութիւն իցէ առաջնորդ եւ ուղղել բարոյից միոյ միոյ իւրաքանչիւր ի մարդկանէ, իրաւագիտութիւն վարէ եւ ուղղէ զաղդս եւ զաղինս : Հորժամ տակաւ կազմէր ընկերութիւն մարդկան, ի գէպ էր թէ առ ժամանակ մի միայն կանոնք վարուց եւ գնացից նոցա այն օրէնք էին զոր բնութիւնն ի սիրոս զրոյմեաց եւ զոր լցոն՝ որ ի մեզ է առանց վարդապետաց տայ ճանաչել : Այլ վաղվաղակի այլ եւ այլ իմն շահք բազմաց եւ զօրութիւնք եւ բոնութիւնք ախտից եւ ըստ իւրաքանչիւր կամաց իմն մեկնութիւնք եւ պատշաճութիւն բնածին օրինացն, հարկ առնելին այնուհետեւ առանձինն իմն գործել միաբանութիւն եւ գնել օրէնս օրէնս մեկնեալս ճշդիւ եւ յայտնութեամբ եւ սփռեալս հրապարակաւ : Արդ եթէ զընականն օրէնս եւ զայն որ յետոյն եղեալ իցեն, կամ զառանձինն եւ զհասարակացն միանդամայն առնուցումք, մարթեմք պյոսփիսի ինչ որոշումն իրաւագիտութեանն ընծայեցուցանել թէ է Տեղեկութիւն ամենայնի որ իրաւ կամ անիրաւ է :

Յուստինիանոս յաւելու ի սահման անդք եւ զայս Ծանօթութիւն աստուածեղէն եւ մարդկեղէն իրաց . որով յայտ իմն կամի առնել թէ կատարեալն գիտութիւն իրաւանց ոչ լոկ ի ճանաչել անդ զկա-

նոհոն եւ զուլորութիւնս կայ, այլ պահանջի իմն առ հասարակն ծանօթութիւն ամենայն իրաց սրբոց եւ չորբոց, յորս կանոնք արդարութեանն եւ ուղղութեան մարթեն մերձենալ: Ա ասն այնորիկ իրաւագիտութիւնն ի հարկէ իսկ բովանդակէ զտեղեկութիւն ամենայնի որ ի կրօնան հայի, քանզի առաջին պարտք արդարութեան այն է, լինել նեցուկ եւ հաստատութիւն կրօնից, եւ համարձակ առնել զպաշտօն նորա, եւ ընդդէմ դառնալ ամենայնի որ ի թշնամանս ինչ նորա կամ պաշտօնէից նորա իցէ: Խառնի ի սղն տեղեկութիւն ինչ այլոց եւս ամենայն դիտութեանց եւ արուեստից, վաճառականութեան եւ նաւարկութեան եւ այլոց. քանզի չիք իսկ արուեստ որ ոչ ընդ քաղաքային վարչութեամբ իցէ եւ ընդ կանոնօք արդարութեան եւ իրաւանց: Հանդերձ սոքիմքը պիտոյ է եւ տեղեակ լինել խրաքանչիւր վիճակաց, ընչից եւ արարոց եւ դաշանց, գործոց եւ դատաստանաց: Պահանջնջէ գարձեալ նոյն զաեզեկութիւն երկրագրութեան եւ ժամանակագրութեան եւ պատմութեան: «Քանզի չմարթի ոք լաւ եւ բարւոք իմանալ զիրաւունս ազգաց եւ զքաղաքաց կարգու առանց զընտրութիւն գաւառացն եւ զժամանակաց զիտելոյ, առանց զքարա իւրաքանչիւր ազգացն եւ զփոփոխմունս որ ի վարչութիւնն նոցա եղեն, ճանաչելոյ. եւ չմարթի բարւոք զամենայն հանգամանս եւ զմիտոս իրիք իրիք օրինաց առնուլ ի միտ՝ թէ ոչ եւ զպատճառս օրինացն դնելոյ ոք դիտիցէ եւ հմտութ փոփոխութեանց որ ի նմին եղեն, իցէ:

«Այսմ ամենայնէ յայտ է թէ երկուս յանդիմանակացս ունի իրաւագիտութիւն, առաջին՝ տեղեկութիւն իրաւանց, եւ մեւս եւս՝ պատշաճեցուցանել զիրաւունս կամ զկանոնս իրաւանցն դիպաց դիպաց:

Կանոնք յորոց բուն իսկ իրաւագիտութիւն կազմեալ կայ՝ յերից ազքերաց բիեն, ի բնական իրաւանց, յիրաւանց ազգաց եւ ի քաղաքային իրաւանց:

Խրաւագիտութիւն որ ի բնական իրաւանցն բխեալ ելանէ հին քան զամենայն իրաւագիտութիւն է, եւ միաձեւ եւ միւսկերպ առ ամենայն ազգս եւ ազինսւ Ազգացն իրաւունք դարձեալ յօրինեն զիրաւագիտութիւն որ առ հասարակ իմն ամենայն ազգաց է, այլ ոչ միշտ նոյն էր : Այլ մեծ քան զամենայն մասունս իրաւագիտութեանն, քաղաքային իրաւունք են . նա գողեալ ունի զմասնաւորն իրաւունս իւրաքանչիւր ժողովրդեան եւ զհասարակացն եւ զառանձինն, եւ զառ հասարակ օրէնս ազգի միոջ, որպէս զհրամանս զհրովարտակս եւ զյայտարարութիւնս, եւ զօրէնսն մասնաւորս, որպէս հրովարտակս ինչ կամ յայտարարութիւնս ինչ կամ զսովորութիւնս գաւառաց եւ զայլ եւս վայրաց սովորութիւնս եւ զըարս եւ զաղատութիւնս եւ զյօրինուածութիւն որ յիւրաքանչիւր ատեանս կան եւ զսովորութիւնս որ ոչ ընդ գրով կան, եւ զոր ինչ մեկնիչք գրեալ են վասն զօրէնսն եւ զսովորութիւնս մեկնելոյ: Ի՞պէս այս ամենայն քաղաքային իրաւանց հիմն՝ նախ ի բնական իրաւունսն կայ եւ երկրորդ յազգացն իրաւունս :

Այլ եթէ օրէնք իւրաքանչիւր գաւառաց հասաւատուն եւ անշարժք էին, ոչ այնպէս անբաւ եւ անեզը էր իրաւագիտութիւն . այլ չիք ազգ եւ ոչ գաւառ որոյ օրէնք եւ սովորութիւնք չիցեն ընդ բաղմապատիկ փոփոխմամբք անկեալ, եւ որ առաւելքան զնոյն աշխատեցուցիչ է, անյայտ իմն են իրաւագիտութեանն կանոնք ի վերայ բազում ինդրոց, կամ վասն այնպէս ինչ երեւելոյ թէ կո.իւ ինչ եւ հակառակութիւն ի բանս իրաւագիտութեանն կայցէ, կամ վասն ազգի ազգի մատենագրացն, կամ վասն այլ եւ այլն դատաստանաց որ յայլ եւ յայլ ատեանս լինիցին եւ բազում անգամ եւ ի նմին իսկ ատենի:

Պարթի աստստին դիւրաւ առնուլ ի միտ թէ որպէս դժուարին մանաւանդ թէ անհնարին իսկ իցէ ունել զկատարեալն դիտութիւն իրաւագիտութեան,

զոր եւ յայտ արարեալ ցուցանեն խոնարհագոյն եւ
միջին եւ վերին աստիճանք դատաստանաց յԵւրո-
պացւոցն տէրութիւնս։ Ակայյն այս չէ բաւական
արդել լինել եւ զմամն մի նորա քաջ ուսանելոյ։ Ու-
նին չափ ինչ եւ պայման միտք մարդկեղէնք, մի ոք
չկարէ զամենայն մասունս յաղթ եւ ընդարձակ գի-
տութեանն բովանդակել։ եւ լաւ է զմամն մի ինչ
նորա որպիսի ինչ զյանցանացն դատաստանաց իրաւու-
նըս ազնուագոյն դիտել, քան քաղել ինչ ինչ յա-
մենայն ի մասանցն։ Անաւանդ զի մի մի մասն ի-
րաւանց բաւական է զամենայն իսկ զկեանս առն իրաւ-
ագիտի գրաւել։

ՊԱՏՄՈՒԹՅՈՒՆ. Ի՞նածին իրաւունք որ էր իսկրգ-
բանէ ընդ մարդոյն, ի բազմանալ մարդկան եւ յա-
ճել, ծնաւ զերաւագիտութիւն ազգաց եւ քաղա-
քաց։ Իսպրութիւն Մովսիսեան օրինացն զոր յԱս-
տուծոց ազգեցութենէ գրեաց Մովսէս, է անդրանիկ
ի մատեանս իրաւանց։ Մինովս զկրետացւոց, Վե-
կուրգոս զՂակեդէմնացւոց, Դրակոն եւ Սողոն զԱ-
թենացւոց բարս օրինօք իւրեանց ածին ի զգօնու-
թիւն, յորս զառաւել ազնուականութեանն պատիւ
Սողոն ունի։ Ու դոյզն զգուշութիւն էր Յունացն
վասն օրէնսդրութեանցն պահպանութեան զի կամ
ի տախտակս պղնձիս կամ ի քարինս կամ յայլ եւս
նիւթու քանդակէին։ Ասէ Պղատոն թէ Մինովսեայն
ի տախտակս պղնձիս գրոշմեալ էր եւ Տուղոս ոմն
անուն ամ ըստ ամէ երիցս անդամ շրջեցուցանէր
զկրետացւոց կղզւով։

Իսկ ի Հռոմայեցւոց միջի յետ թագաւորացն
բառնալոյ եւ կալոյ բդեշխիցն, յորժամ առ ի չգոյէ
օրինաց ինչ որոշելոց հանապազ իմն գժտութիւն էր
ի մէջ բդեշխիցն եւ ժողովրդեանն, զի բազում ան-
գամ ըստ հաճոյս իմն եւ ըստ կարծեաց զօրէնսն ի-
մանային, ինդրէր օրէնս հասաւատունս ժողովուրդն։
Ապա ուրեմն տեսեալ բդեշխիցն զհարկ իրացն եւ

թէ յիրաւի է զոր խնդրենն, առաքեցաւ հրեշտակութիւն յաշխարհն Յունաց, եւ արբն երեքին որ երթեալ էին հրեշտակութեամբ ժողովեցին զօրէնսն մանաւանդ զՍոլոնի եւ զայլոց օրէնսդրաց եւ ուսան զոռվորութիւնս եւ զկարգս եւ զիրաւունս քաղաքացն Յունաց, եւ եկեալ յաշխարհն իւրեանց յօրինեցին օրէնս ի տասն տախտակս պղնձիս, յոր յետոյ երկու եւս տախտակք յաւելան, զորոց Տուղիսոս՝ քան զամնայն մատենագարանս փիղխսովայիցն հասաւատագոյնք եւ հաւատարմագոյնք են ինձ ասէ: Օսոյնս մեկնեին եւ ի նոցունց վերայ վիճեկն իրաւագէտք Հոռմայեցւոցն որ ի պատրկաց անտի էին, եւ զի համառօտ իմն էին բանք օրինացն, իբրեւ անհնարին լուծումնն լինէր, իրաւագէտք կամ անդէն ի հրապարակի կամ մօտ ի մեհեանն Ապոլոնեայ հակառակեալ վիճեկն, եւ բանք այնր որ յաղթէր օրէնք լինէին, եւ այնպէս իրաւագէտքն՝ եւ իրաւագէտք էին և մեկնիչք օրինաց եւ օրէնսդիրք:

Տակաւ ի դարս դարս ծաղկեաց իրաւագիտութիւն եւ բազմացան մատեանք իրաւագիտութեան եւ իրաւագէտք, այլ յետ դարուց ինչ նուազել սկսաւ ըստ օրինակի այլոց եւս զիտութեանց: Այնչ դեռ լուեալ կային իրաւագէտք, անցին ինքնակալք ի մէջ եւ հանին օրէնս ինչ նորս որովք փոփոխեցան կերպարանք հնոյ իրաւագիտութեանն. քանզի կրօնք քրիստոնէութեանն յայն ստիպեաց զնոսա: **Վ** ասն այնորիկ ոչ միայն կոստանդիանոս եւ նորին որդիք, այլ եւ վաղենախնիանոս եւ Գրատիանոս եւ Թէկողոս սիոս մեծ եւ նորին որդիք մի ըստ միոջէ յաւելին օրէնս: **Ա**յլ նոյն թէկողոսիոս իբրեւ ետես թէ վասն անհնարին յաճախութեան օրինաց ոչ ոք եւ ոչ մեծամեծ վարձուք եւ հատուցմամբք յանձն առնուղ զուսումն օրինացն, ժողովեցաց արս ուժ հմաւաս իրաւանց եւ զործ ի ձեռն ետ նոցա ամփոփել բովանդակ զօրէնսն ի կոստանդիանոսէ մինչեւ յթէկողոսիոս, զի

դիւրին ուստանելեացն լինիցին, եւ անուանեալ կոչեցաւ մատեան թէոդոսեան :

Այլ իբրեւ ոչ բազում ժամանակք ի վերայ անցին եւ ի մլտ առին թէ այն ոչ ամենայն դիպաց բաւական է, եւ զի յետ այնը ինքն թէոդոսիոս եւ այլ ամենայն ինքնակալք որ զհետ նորա կացին նորոգ օրէնս յաւելին, հարկ եղեւ այլ մատեան եւ այլ նորոգութիւն ամենայն մարմնոյ օրէնսդրութեանն առնել : Չեռն ի գործ արկ Յուստինիանոս ինքնակալ յանհուն համատարած ծովէ օրինաց, ի հրովարտակաց, ի պատասխանւոց ինքնակալաց, ի վճռոց, ի պատասխանւոց եւ ի գրոց իրաւագիտաց հանել զպատշաճն եւ ի բնաւէ կազմել զմարմին հռոմայական օրէնսդրութեանն : Առջեաց նա յամենայն կողմանց տէրութեան իւրոյ զքաջս յիրաւագիտաց եւ յարքունուստ տայր զուոճիկ նոցա, որք էին արք տասն որոց գլուխ Տրիբոնիանոս : Առքա եկին յօրինեցին մատեան մի, յաւելին ի նոյն եւ զնորին իսկ զՅուստինիանեայ օրէնսն, եւ կոչեցաւ անուն մատենին Յուստինիանեան :

Այլ յաղթ եւ մեծ եւս քան զնոյն եղեւ մատեան անուանեալ Պանդեկտացն (pandectes), որ են բազանդակիչք ամենայնի, յօրում ոչ միայն այն մատեանք եւ օրէնք այլ եւ յոյժ իսկ հին օրէնք եւ սահմանադրութիւնք եւ վճիռք առենից եւ պատասխանիք հնոց իրաւագիտաց եւ վարդապետութիւնք ամբաւ մատենից նոցա մթերեալ կան ի նմին, ոչ խառն ի խուռն այլ կշռեալ եւ քննեալ : Իրաւագէտք որ ի դպյն գործ վաստակեցին, էին եւթնեւտասն, որոց գլուխ գարձեալ Տրիբոնիանոս :

Այս եղեւ Յուստինիանեայ ի նմին ժամանակի առ ուստանելեացն դիւրութեան տալ յօրինել համառօտ եւ յայտնի հրահանդս քաղաքային իրաւանց, եւ ի ձեռն Տրիբոնիանոսի, թէովիիղոսի եւ Դորսդէոսի յօրինեցան շոբք գպրութիւնք որ այժմ կոչին Հրա-

Հանգք (institutes) : Այս ամենայն կատարեցաւ ի զլուխ չորից ամաց : Ապա իբրեւ քննութեամբ անցին ընդ Յուստինիանեան մատեանն եւ յաւելաւ եւ նորոգեցաւ ինչ ինչ, այն կոչեցաւ վերստին ընթերցուածոյ, (repetitae lectionis) : Իաց յայտմ ամենայնէ եղ նոր եւս օրէնս Յուստինիանոս, որը յետոյ ի մի վայր գումարեցան եւ կոչեցաւ մատեանն նորոց (novellae) : Այս նորը եւ Հրահանգք եւ Մատեանք եւ Պանդեկտը յօրինեալ կազմեն զմեծ մարմին հռոմայական օրէնսդրութեանն, զոր եթող մեզ Յուստինիանոս : Այս եւ այժմ հիմն է ամենայն քաղաքային օրինաց . յամենայն իսկ ի տէրութիւնս նախ զսա տանուանել եւ ապա զիւրեանցն առանձինն :

Այն օրէնք մատուցանէին յուսումն ի դպրոցամիջին ժամանակացն, ի Կոստանդինուպողիս, ի Հռոմ, ի Ռաւենա, ի Բողոնիս : Եկին մոին ճշդագոյնք ի Աքողաստիկեանց եւ լցին անհնարին գատարկ նրբութեամբ զիրաւագիտութիւնն, այլ ասէ Ղայբնիտիոս զնոցանէ թէ ՚՚Ի տղմի անդ այնպիսի դրոց մարթենմիաք իմաստունք ոսկի գտանել,,:

Այլ իրաւագիտութեան որպէս այլոց եւս բազմաց ի գիտութեանց դար ոսկի, է դար վեշտասաներորդ : Իազում իմն են իրաւագիտացն անուանք շորոց չէ մարթ դիւրաւ զառաւելութիւն արժանաւորութեանն ի միմեանց ընտրել : Այս տող անուանց ձգեալ յերկարի մինչեւ ցմեր ամս, եւ նորոք պարծին եւ հաստատեալ կան տէրութիւնք :

Ամենայն ոք ի բնութեան եւ ի քաղաքային կարգի գործէ ըստ գիտութեան իրիք իրիք իրաւանց, սակայն ոչ վասն առաջնոյն բարոյից փիղիսովս է եւ ոչ վասն երկրորդին իրաւագէտ քաղաքային իրաւանց : Քանզի ի բազում իրս թերի է գիտութիւն նորա եւ սիսալէ բազում անդամ, եւ զի չգիտէ զշամեմատութիւնս ճշմարտութեանց ընդ սկզբանցն, չկարէ դտանել թէ յորում վայրի սկսաւ խոտորել ի բարութե-

նէ . այս վասն այնր է զոր ըստ բնութեան լուսոյն գործեմք : Խոկ ի քաղաքային կարդի թէպէտ եւ բազումք դիտեն զիրաւունս ինչ արուեստի կամ զվեճակի իւրեանց ի գործոց միայն դիպելոց , այլ վասն ոչ դիտութեամբն գիտելոյ՝ ի բազում ինչ իրս գթեն , յարտաքոյ սովորութեան իրս միջամուխ չկարեն լինել , ի յոլովագունաց իրեւ յանիրաւէ իմեքէ ի բաց զանձինս մերժեն . թէպէտ զանիրաւն բազում անգամ առանց երկուանաց իրաւունս հաշուին , յորմէ եւ դատաստանք եւս բազմաժամանակեանք բազում անգամ տուին սկիզբն եւ բազմապատիկ վնասու երկոցունց կողմանց ելին ի գլուխ :

Օչյոյ չարեաց առաջս մարթի երկուք օրինակօք առնուլ իրաւագիտութիւն , մի յորժամ անձամբ ոք զուսումն իրաւագիտութեանն գոնէ զիւրոյ արուեստին կամ զվեճակի ուսանիցի , եւ մեւս՝ յորժամ ոմանք վասն ամենեցուն ուսանիցին : Օչյոր զհետ գայ թէ իրաւագիտութիւն օգտակար ամենեցուն է , այլ ոչ ի հարկէ կարեւոր . իսկ իրաւագէտք ոչ միայն օգուտ ամենեցուն են , այլ եւ ի հարկէ իսկ կարեւոր բոլորեցունց : Ոչ մեծ այն վայելութիւն իրաւագիտացն իցէ եւ հանդէս նոցին կարեւորն լինելոյ , զոր զիւրոյ ժամանակէն Աթիկերոն ասիցէ , տեսանել թէ խնդրին նոքա ի տունս իւրեանց , եւ ի հրապարակի ամենեքին բակ առեալ կան զնոքօք , եւ հարցանի նոցա խորհուրդ իրեւ նուրիրական պատգամաց եւ մեծարանօք կախեալ կան զձայնէ բարբառոյ նոցա :

Հովանի եւ նեցուկ աթոռոց թաղաւորաց եւ ինքնակալաց է իրաւագիտութիւն : Յառաջ քան զպարիսպս օրէնք պիտոյ են քաղաքի , եւ օրէնք առանց իրաւագիտաց համբ են . վասն այնորիկ յիրաւէ կոչեցէ Տուղզիս զիրաւագէան՝ Խօսուն օրէնս : Օրէնք առանց իրաւագիտի ամօթ մեծ է աշխարհի . զոր օրինակ եթէ ոչ օրէնք եւ ոչ իրաւագէտք գու-

ցեն, յայնժամ եւ ոչ քաղաքային ազգ իցէ աղջն: Առէսովոսիոս առաւել քան վասն թագի դիմոյ իւրոյ զիրաւագիտութեանն ուսմանէ հոգ ի մտի ունէր, եւ վարձուք յուսումնն յորդորէր: Օ ինչ յայտ անհնարին փոյթ եւ յօժարութիւն Յուստիանիանեայ առնիցէ, որոյ ապարանք վանք էին գնդաց իրաւագիտացն: Այսօր խորհրդականք եւ դատաւորք եւ խօսելիք առաւել պաշտպանեն տէրութեանց եւ քաղաքաց գիտութեամբ իրաւագիտութեան իւրեանց, քան ապաք նոցա՝ զինու: Եթէ մեծ իմն ստացուած իցէ ումեք զի արդար եւ իրաւանց սիրող քարոզիցի, նոյնպէս եւ տէրութեան գանձ մեծ այս է մեծարոյ կարծիք իրաւագիտութեան եւ արդարութեան դատաստանաց դատաւորաց իւրոց: Առաւել մեծարոյ կարծիք արդարութեան ծերակուտին հնազանդեաց զբազումն յաղգաց ազգաց ընդ տէրութեամբ Հռոմայեցւոց քան արութիւն քաջութեան Կեսարեայ:

Ապա պարտ եւ պատշաճ է իրաւագէտո՞ ոչ աշակերտս դիպաց, այլ գրոց եւ ուսուցչաց աշակերտեալս պատրաստել վասն զբազմականս ատենիցն զրաւելոյ: Եթէ զարդարն ոք կամիցի գատել՝ այնչափ կանխագոյն քան զամենայն ուսումն զիրաւագիտութեանն ուսմանէ պատշաճ է բուռն հարկանել ի քաղաքական կարգս, որչափ յառաջ քան զայլոցն՝ սորին հարկ ի վերայ հասեալ ստիպէ: Ատեան առանց իրաւագիտութեան, արսւեստանոց անիրաւութեան եւ զրկութեան է: Եւ եթէ ի ամին թէրի գտանիցի ազգ, քան զամենայն չար եւ դժնդակ թշնամանս յանձն ձգիցէ եւ առ ի մարդկանէ եւ առ յԱստուծոյ: Օ ի զոր օրինակ միոյ անհատ մարդոյ պարծանք այս են, սրբութիւն մտայն խղճի, նոյնպէս եւ միոյ ազգի ճշմարիան պարծանք այն են, ատեան արդար:

乙·9·1·0·1·0

ՆՈՏՏՐԱԿԱՆ ԳՐԱԾՈԹՏԵՆ

Աւետել ցայս վայր առաջի ցուցաբ զմարդ որ զբնու-
թիւն եւ զնմանիս իւր եւ զանձն գլխովին գիտէր եւ
ուստանէր վասն կատարեալ զանձն գործելցյ: Առև
մտաւորն եւ հոգեւորն էութիւն այնպէս կազմեալ ի
բնէ է, զի զողջոյն կատարումն ի զօդելոյ անտի ընդ
Աստուծոյ ունի, իսկ կազն զօդիչ եւ հանգոյց գե-
ղեցիկ՝ կրօնք են: Ա ասն այնորիկ իսկ եւ հիմն եւ
սկսուած եւ սկիզբն, զօրութիւն, կենդրոն եւ լուսն
ծշմարիտ կենաց է այն կապ եւ աղերս մարդկութեան
բնդ աստուածութեան:

Առուիրակիան գիտութեամնն անունը բովանդակեալ
ունի զհամօրէն աստուածիօսութիւն եւ զամենայն
խոկ ուսմունս որ կից ի նոյն իցեն։ **Ե**ւ զի այնպէս
սերտիւ կից եւ խառն ընդ աստուածիօսութեան են,
զի գրեթէ այնր մասունք կազմիչք եւ յօրինիչք են
կամ թէ իբրեւ ատաղձք ընդունել զկերպարանս
շինուածոյ, յիրաւի եւ յարժանի միանդամայն զամե-
նայն ի միում վայրի յեռեալ ընդ աստուածիօսու-
թեան ի դէպ է ընծայեցուցաննել։

כ. עירוני וווערטער

Աստուածխօսութիւն (théologie) է Խեղամուտ
տեղեկութիւն քրիստոնէական կրօնից : **Տեղեակ** է եւ
ռամբին խառնաղանձ կրօնիցն, եւ եթէ հարցանիցէ
ոք ինչ ցնա, բաւական է տալ ըստ իւրումն շափոյ
պատասխանի, այլ զգոյութենէ ճշմարտութեանցն
տայ պատասխանի եւ ոչ զպատճառացն կամ զհանգա-
մանաց : Արօնք երկուս ինչս ամփոփեալ ունին, զԱռ-
տուծոյ տեղեկութիւն եւ զնորին պաշտօն . այլ տե-
ղեկութիւն եւ պաշտօն աստ զյայտնեալն ասեմ
ՆԿԲ. ԱԽՄՊ :

եւ ոչ զբնականսն, զի վերջինքս իբրեւ սահմանակողմի փիղխոփայութեան են. ապա ըստ նմին երկուս մեծամեծ ազգո ճշմարտութեանց ունի աստուածխօսութիւն, զտեսականաց եւ զգործականաց: **Օառաջնոյն** դիտնաբարն գումարութիւն կոչեմք Հրամանական աստուածխօսութիւն (dogmatique) եւ զյետնոյն՝ Բարոյական (moral): **Երևանդամայն** իսկ զերկոսին առվորութիւն կալաւ կոչել Աստուածխօսութիւն:

Եմլ կայ իմն սերտիւ զօդ եւ կապ հրամանականն աստուածխօսութեան ընդ բարոյականին, եւ չմարթի երկոյցունց սահմանս ճշդիւ որոշել, որպէս զի մի որ տեսականն է բազում ինչ ամփոփեալ ունիցի որ գործոց կենաց մարդկան ի դեպ իցէ, քանզի ոչ եթէ զամուլ ինչ եւ զանպտուղ հաւատոցն ճառիցէ, զոր օրինակ եւ բարոյիցն մասն բազում ինչ ի տեսականացն, քանզի եւ անդ հարկ է ի սկզբանց ըստ դիտութեանցն պայմանի զկենաց եւ զգործոց կանոնս ի մէջ բերել:

Հրամանականն աստուածխօսութիւն յերկուս բաժինս զատանել մարթի. ի վարդապետութիւն որ զԱստուածոյ է եւ ի վարդապետութիւն զԱրարածոյ: **Վարդապետութիւն** որ զԱստուածոյ է, կամ զԱստուածոյ է յինքեան որպէս զէութենէ նորա եւ զգոյութենէ, կամ զներքին հանգամանաց աստուածութեանն, զերեքանձնական հանգամանացն ասեմ: Իսկ վարդապետութեան որ զարարածոյ է չորք մեծամեծ մասունք են: **Առաջինն գողեալ ունի զվարդապետութիւն** արարչութեան հրեշտակաց եւ աշխարհի եւ մարդկան: **Երկրորդն՝ զվարդապետութիւն** մեղացն որ զարարածն յԱստուածոյ ի բաց գարձոյց: **Երրորդն՝ զվարդապետութիւն** աստուածեղէն պահպանողութեանն եւ տեսչութեանն եւ առհասարակ եւ առանձինն վասն մեղացն: Իսկ չորրորդն՝ զվարդապետութիւն կենարար փրկութեանն ի մեղաց եւ ի յետոն

գառնալոյ , եւ չդառնալոյ այսրէն առ Աստուածոցին եւ իրաց :

Բարոյական աստուածիսութեանն նիւթք
Դվասաւորք են բնութիւն մարդկեղէն դործոց եւ վախ-
ճան մարդոյն , առաքինութիւնք աստուածիսուականք
եւ բարոյականք , պարտոյք մարդոյ որ երեքպատիկ
իմն են , առ Աստուած եւ առ անձն եւ առ ընկերն ,
եւ այլ եւս դարձեալ առանձինն պարտոյք ըստ իւ-
րաքանչիւր վիճակաց :

ՊԵՏՐՈՒԹԻՒՆ . Քանզի սովորութիւն իմն է
Համօրէն իսկ պատմութեան ի ժամանակս իմն իրեւ
ի հանդիստ բաժանել , զի իբրեւ իջաւանք յերկայնա-
ձիգ ճանապարհին լինիցին ուշոյ յիշատակի մուայն ,
երեք ժամանակք պատմութեան աստուածիսու-
թեանն որոշին . առաջին ի սկզբանէ մինչեւ յԱքո-
ղաստիկեանսն , երկրորդ ի Աքողաստիկեանց մինչեւ
յփիղիսոփիայութեանն նորոգութիւն , երրորդ ի փի-
ղիսոփիայութեանն նորոգութիւնէ մինչեւ յմեր աւուրս :
Չառնու տեղիս յերկարագոյնս ձգել զպատմու-
թիւնս , այլ համառօտիւք զնկարագիրս իւրաքանչիւր
ժամանակացն յօրինեսցուք : **Յառաջնումն՝ ինքն**
Քրիստոս առաջնորդն հաւատոց մերոց կացոյց դպրոց
վարդապետութեան իւրոյ եւ ստացաւ աշակերտս ,
որոց եւ ասաց թէ Պոչէք զիս վարդապետ եւ բար-
ւոք առնէք զի եմ իսկո : **Եշտ առաքեալք բազում**
անդամ մատուցեալ խնդիրս աստուածիսութեան
յվարդապետն հարցանէին , եւ նա խելամնտեցուցանէր
զնոսա խօսելով ընդ նոսա բարձրագոյնս քան առ
ռամիլին : **Եշտ անտի կարգեալ վարդապետութեանն**
մի ըստ միոջէ ի յաջորդս առաքելոցն , անդէն ի
սկզբան եկեղեցւոյ երկու դպրոցք երեւելիք երեւին ,
Աղեքսանդրացւոց եւ Անտիոքացւոց : **Օսկիղըն Ա-**
ղեքսանդրացւոց դպրոցին ի Մարկոս աւետարանիչ
հանէ Յերոնիմոս , բայց յառաջ քան զՊանտենոս ոչ
զոք յիշատակէ պատմութիւն եկեղեցւոյ ի դվասառ-

բաց դպրոցին։ Օգանստենսոյ յաջորդեաց Աղեմեա աշղեքսանդրացի, զնա Որիգենէս։ Առքա եւ զփիզիստիայութիւն մատուցին ի սպասաւորութիւն աստուածիսոսութեան։ Օքը ցուցցէ հոյակապ Աղեմայ ստրոմատացն մատենագրութիւն։ “Այս ստրոմատք, ասէ, զքրիստոնէական ճշմարտութիւնն խառնեսցեն ընդ փիզիսոփայութեան վարդապետութեանցն, կամ թէ մանաւանդ պատիցին զնովաւ եւ թագուցանիցեն, որպէս փոճոկ զպողոյն մարմին ծածկիցէ։” Օնոյն եւ Որիգենէս արար զչետ երթեալ մանաւանդ պղատոնիկեան փիզիսոփայութեանն։ Օպյոր դպրոցի հրահանգս յանձն ասին Ամժանասիս, Քասիզիս մեծ, Գրիգոր Նիւտացի, Գրիգոր Նազիանզացի, Եւսեբիսս Կեսարացի, յարեւմուտս Հիղարիս, Ամբրոսիս։ ՀՅայս դպրոց առաքեաց զչարս մեր զաշակերտս երկրորդ դասուն իւրոյ երանելին Մաշտոց ուսանել անդէն զաստուածիսութիւն որ խառն ընդ փիզիսոփայութեան էր։ Խակ Անտիռքացւոց դպրոցն ի Ղուկիանեայ երիցուէ առ սկիզբն պայծառանալոյ, այն որ անհնարին հմուտ էր գրոց որբաց։ Այն դպրոց չարկանէր զփիզիսոփայութիւն, որպէս թուի, ի կիր. այլ հանգերձ աւանդութեամբ եւ դիրք սուրբք աղքեւր էին նոցա ուսափի յատակսութեամբ զկարդ վարդապետութեան հանէին։ ՀՅայնմ դպրոցի թեքեցան Եւսեբիսս Եմեսացի, Աիւրեղ Երուսաղեմացի, Յակով Մծբնացի, Եփրեմ, Յովհան Ոսկեբերան, Թէոդորոս Կիւրացի։

ՀԵՐԿՐՈՐԴՈՒՅՆ Ժամանակի՝ Երեւելիք Անսեղմոս, Պետրոս Ղոմբարդոս, սա նախ զամենացն ճառս աստուածիսութեանն ի մի բավանդակութիւն ամփոփեալ ընծայեցզց որ անուանեալ կոչի ՎՃԱՐՈց։ Ակարազիր ժամանակին կրկնն իմն էր, մի Աքողաստիկեանց (scolastique) եւ մեւս Խորհրդականաց (mystique)։ Աէսք միտին վարեին եւ կէոք միւսովին, եւ ոմանկը երկոքումբք եւս խառն, որպէս Հուգոն

Ախետորեան եւ այլք: Ամէ զամենեքումըք անցոյց զանցոյց Ա. Թռովմաս Ակուինացի որ գրեաց զմատեանն որ անուանեալ կոչեցի թովանդակութիւն: Ա ան Աքովաստիկեանցն եւ Թռովմայի Ակուինացւոյ ի գէպ է զբանս առն միոյ որ յաւուրս մեր է եւ երեւելի համբաւաւ իւրով, զիսւսինեայ գաղիացւոյ ասեմ, ի մէջ բերել, որոյ անկասկած է վիայութիւնն բազմաց եւ մեզ յիրիդ յայդմիկ. “Ամենեւին իսկ հեռի եւ մեկուսի եմ, ասէ, ի զԱքովաստիկեանսն արհամարհելոյ, այլ օրինակ առեալ ի Վայբնիտեայ մեծարոց եւս համարիմ զնոսա, զի ասէր նա թէ ոսկի զտանեմ ի նոսա...: Ասկաւք են որ առաւելագոյն մեծարանաց արժանի իցեն քան զ՞րեշտակն դպրոցաց Թռովմաս Ակուինացի որոյ հոյակապ գիրք բովանդակութեանցն սքանչելիք մարդկեղէն մոտաց են,,:

Հերկարեաք արդեւք զճառս եթէ ճշդիւ եւ զերրորդ ժամանակիս զյառաջադիմութիւն եւ զմատենագիրս մի ըստ միոջէ ի մէջ մատուցանեաք, զբեղարմինեայ, զՊետաւեայ եւ զայլոց զորոց զանուանսն չտանի տեղիս: Խսկ ի մեր աւուրս երեւելիք Ստեփանոս Վիստիոս, Ղիբերման եւ Պեռոնէ, Ստափ, Կղէ, եւ յաւուրս յայսոսիկ Ստաւտենմայէք:

Վանզի բովանդակ աստուածխոսութեանն ճրշմարտութիւնք կամ ի զրոց սրբոց բխեն կամ յաւանդութենէ կամ յեկեղեցւոյ սահմանադրութեանց, ապա յիրաւի ուրեմն է ճառել զՄեկնողականէ, զմատենից Հարցն սրբոց, եւ զեկեղեցականն իրաւանց:

Բ. ՄԵԿՆԱԳԱԿԱՆ

Ա արդապետութիւն որ զմեկնելոյ է, անուանեալ կոչի Մեկնողական (exégétique). որ եթէ վարդապետութիւն զօրինաց մեկնելոյն իցէ, Թարդմանղական (herméneutique) է, իսկ եթէ արդեամբք իսկ մեկնելն իցէ, Մեկնումն (exégèse) կոչեմք:

Առեկնողականն, որ է իսկ գիտութիւն օրինաց մեկնելոյ, հիմն իմն է մեկնականն աստուածխօսութեան: Ի ձեռն մեկնութեանն յայտնին եւ կացուցանին առաջի միտք՝ զոր ի սկզբանէ նուիրական մատենագիր գրոցն կամեցաւ յայտ առնել բանիւք իւրովք, եւ հարկ է թէ մի միտքն իցեն: Աւստի եւ որ մեկնէն ընդ այնմ որ գրեաց յուղղորդ իմն համեմատութեան է. որ գրեացն կամեցաւ բանիւք ինչ իւիք մարմնաւոր զիսորհուրդ իւր կացուցանել, եւ մեկնիշն ջանայ իմն ի բանիցն զբուն զառաջին միտան ստանալ: Աս կամի արտաքս քաղել զոր նա ի ներքս մժերեաց:

Անոք բանից նուիրական գրոց մարթի թէ բաղմազդի իմն իցէ, ուստի եւ մեկնութեանն ոչ մի գունակ է: Վանդի մատենագիրն նուիրական ի ժամանակի իւրում եւ ի ժողովրդեան անդ իւրում եւ վասն իւրոյ եւս ժամանակին եւ ժողովրդեան գրեաց, յորժամ զայս մեկնիցէ մեկնութիւնն՝ պատմական (historique) է: Եւ քանզի ըստ նոր գիտութեանն զոր եքեր մեզ քրիստոս, հարկ էր միանգամայն եւ նոր իմկ կենաց եւ վարուց յայտնել, եւ ճշմարտութիւն վարդապետութեանն մեծաւ մասամբ ի համեմատութենէ կենաց ամենեցունցն եւ իւրաքանչիւր ուրուք ի մեջ դայ, որպէս եւ ինքն իսկ որ հիմն կրօնիցն արկ՝ զվարսն ի կրօնս անդ իրբեւ քար փորձելոյ զներըին ճշմարտութիւն վարդապետութեանն, կացոյց, անդէն ի նոցունց բխէ բարոյիցն մեկնութիւն: Եւ զի գարձեալ մատենագիրն լեզուաւ զիւր խորհուրդսն յանդիման կացուցեալ է, բխէ անդէն մեկնութիւն լեզուի (linguistique) կամ դպրութեան: Եւ զի ի գիրս այլասացութիւնք եւ օրինակք տպոց բաղում են յոյժ, յայն սակս եւ մասն մի մեկնութեանն այլասացիկ իմն (allégorique) է:

ՊԱՏՄՈՒԹՅՈՒՆ. Առեկնութիւն ընդ գրոց սրբոց ձնաւ: Իրբեւ տուան օրէնք ի ձեռն Մովսեսի եւ

բրայեցւոցն եւ մեկնութեան հարկ ստիպեաց : Ի՞այց
ապա յետոյ միայն առանձինն այնը ուսման վարդա-
պետք կացին ի միջի նոցա , որպիսիք ոքք դպիրքն
էին , զորոց ասաց եւ կենարարն թէ “Յամթոռն Մով-
սեսի նստան դպիրքն” . եւ յորժամ խնդիր ինչ մտաց
գրոցն լինէր , նոքա մեկնիչք լինէին որպէս յայտ ի
չերովդի իրացն է : “Եա եւ ոչ կենարարն արգել
զնոսա այլ մանաւանդ պատուէր տայր թէ “Քննե-
ցէք զգիրսո” : Եւ ինքնին եւս մեկնէր իւրոց աշա-
կերտացն զգիրս . եւ յետ այնորիկ նոքին իսկ առա-
քեալք զնոյն դործեցին , որպէս Պետրոս անդէն իսկ
յառաջնում ժողովի որ վասն Մատաթեայ ընտրու-
թեանն էր : Պաւլոս ընդ պարզեւոն Հոգւոյն որբոյ
եւ զմարդմանութիւն լեզուաց համարի , զոր եւ այլ-
որ մարդարէութիւն ըստ հաւատոց կոչէ : Այլ մին-
չեւ յՏիքոնիոս գոնատեան յԱփրիկեցւոց աշխար-
հին որ նախ եւթն կանոնս մեկնութեան աւանդեաց ,
չունէր ինչ զկերպարանս արուեստի : Ապա Աւգոս-
տինոս ի չորեսին դպրութիւնսն որ զքրիստոնէական
վարդապետութենէ են , աւանդեաց այլ եւս բազում
ինչ վասն սոցին իրաց . ապա Ագրիանոս ոմն անուն
եւ Եպերիոս զուգդոնացի ի Գաղիս , եւ Կասիո-
դորոս : Աակայն քան զամենայն իսկ գիրս կանոնաց
առաւել ուսուցիչք են Որիգենեայ մեկնութիւնք .
որ եւ բազում օրինակս գրոց որբոց ամփոփեաց ,
զերեքօրինակսն , զվեցօրինակսն եւ զութօրինակսն .
ոչինչ ընդհատ ի նմանէ եւ Ոսկեբերան էր : Ունի
եւ ի սմին յաճախագոյն պարծանս մերազգեայ ժո-
ղովուրդն անդսաին ի չորրորդ դարէ : Ի միջնումն
ժամանակի գրեթէ միայն ի հարյուն որբոց մեկնութե-
նէ ամփոփեալ յօրինէին մատեանք մեկնութեանցն :
Յորոց երեւելիք են անուանեալ Շզմայք , եւ Լե-
զուք եւ որք Յետայնոցիկ կոչեցին : Անդստին ի Ժ-
գարէ սկիզբն առ եւ ուսումն լեզուաց՝ յորս նախ
զրեցան աստուածաշունչ գիրք , կամ յորս նախ

թարգմանեցան, մտանել ի դպրոցս Եւրոպէացւոցն առ օգնականութիւն մեկնութեան զրոց սրբոց : Առև ի Զժ դարու ի յառնել գժտութեանց Ղութերանուացն, առ ի յաղթահարելց զնոսա յաճախեաց եւ զարգացաւ այն ուսումն, մի ըստ միոջէ մատեանք վարդապետութեան եւ կանոնաց մեկնութեան եւ տեղեկութեան Եբրայեցւոցն հնութեան իրաց զմիմեանս յաջորդէին, եւ նոյն ցայսօր աճեաց եւ պայծառացաւ :

Գ. ՏԵՂԵԿՈՒԹՅՈՒՆ ՀԱՐՑՆ ԳՐՈՑ

Այս ուսումն զոր յոյն լեզու պարօլոցիար կոչչէ, է Հին եկեղեցական դպրութիւն : Ի արք իսկ էին արեւելից՝ հարս զամենայն իսկ զհամօրէն ուսուցիչոն կոչել, եւ որդիս՝ զաշակերտոն, յայտ արարեալ խանդաղատանոք զվերստին մտացն ծննդենէ : Վատանեմք եւ առ Յոյնս նոյնպիսի ինչ սովորութիւն լեալ, զի եւ Աղեքսանդրոս զիւր վարդապետ զԱրիստոտեղէս հայր կոչէ : Այս հին սովորութիւն եւ յառաջնոմէ իսկ էր յեկեղեցւոջ Քրիստոսի : Եւ թէպէտ եւ զամենայն իսկ ուսուցիչս հոգեւորս մանաւանդ զեպիսկոպոսունս մինչեւ անդր իսկ ի միջին ժամանակս անուանեալ կարգային հարս, այլ հարս ճշդիւ զայն ուսուցիչս եկեղեցւոյ հաւատացեալքն կոչէին՝ որ յառաջին ժամանակոն կեցեալ էին, եւ աստուածպաշտութեամբ եւ քրիստոնէութեանն սիրով առաւելեալ էին եւ բանիւ եւ գրով հովանի քրիստոնէութեանն լեալ : Ի այց ոչ եթէ խառն ի խուռն զամենայն իսկ զեկեղեցւոյ գրագիրս յայն անուն մեծարէին, այլ որ երեւելիք չորեքումք առաւելութեամբքս էին, առաւելագոյն դպրութեամբ, առաւել սրբութեամբ, ընդունելութեամբ եկեղեցւոյ եւ հնութեամբ : Ապա թէ միով ինչ իւիք պակաս ի չորեցունց իցեն, զնոսա եկեղեցական մատենագիրս կոչեմք . սրպիսիք ոք Պապիաս եւ Աղեմէս

աղեքսանդրացի, Որիգենէս, Տերտուղիանոս, Եւսեբիոս Կեսարացի, Ռուփինոս Ակուբիղեացի եւ այլք: Կմին հակառակ որ առաւելագոյն իմն վարդապետութեամբ քան զայլ եւս հարսն եղեն՝ առանձինն անուն կոչեցաւ նոցա Վարդապետ եկեղեցւոյ, որպիսիք Ամենասախոս, Բասիղիոս մեծ, Գրիգոր Նաղանզացի հանդերձ այլովքն:

Ճամանակ հարցն ի սկզբանէ քրիստոնէութեանն ձգեալ հասանէ ցերեքտասաներորդ դար. բերրի քան զամենայն դարսն չորրորդ դար քրիստոնէութեանն է, յորում եւ ի մերոց հարց անտի Յակովը Մծբնացի եւ Գրիգոր Լուսաւորիչ Հայոց աշխարհիս պայծառացան:

ՊԱՏՄՈՒԹԻՒՆ. Արդարեւ արժանի իսկ մեծաց շնորհակալութեանց այնոքիկ ի հնոց մատենագրաց են, որք իսկզբանէ իսկ փոյթ յանձին կալեալ հոգի մտի եղեալ զյետնոցն վայելլութենէ զյիշատակ եւ ղնիւթ զրոց որ ի ժամանակս առաջինս ի մերոց առաջնորդաց մատենագրեցան, զայն հարին ի մատենի: «Կախ սկիզբն Եւսեբիոս Կեսարացի արար յեկեղեցական պատմութեանն զրուատեզք զմատենազրաց եկեղեցւոյ որ յառաջ քան զնա էին յիշատակել եւ քննութեամբ եւս զնոցունց զրոց ճառել: Այլ որ զառաջինն իրեւ բուն իսկ առանձինն քրիստոնէութեան գպրութեան պատմութիւն մատենազրեաց՝ Յերօնիմոս է: Այս ի մատենին որոյ անուն կոչի Զարանց երեւելեաց, գումարեաց հարեւր երեսուն եւ հինգ զրագիրս մինչեւ ցշորեքտասաներորդ ամն Կայսեր Թէոդոսիոսի մեծի: Ա երջին ի հարց անտի ի մատենի անդ է Ռուկեբերան, զորոյ Համարի մի ըստ միոջէ զգիրսն, քանզի չեւ էին սփռեալ: Զայս ջան յանձն առ, որպէս ինքն յայտ յիւրում յառաջաբանին առնէ, առ ի զկեղսեայ եւ զՊորփիւրի եւ զայլոց եւս զնոյնպիսեաց բերանս կարկերց, զի առէին իմն որպէս թէ մարդիկ տգեաք միայն

Եւ առանց դպրութեան ընկալան զքրիստոնէութեան կրօնս։ Օյս մատեան հան ի յոյն լեզու Սովորունիոս։ Օյն պատմութիւն յառաջ մատոյց գեննատիոս ոմն անուն երեց մասիղացի, եւ ի նոյն անուն յոր եւ Յերոնիմոս, զգիրսն կոչեաց հասուցեալ մինչեւ ցկատարած դարուն հինգերորդի։ Օյն մատոյց յառաջ Խոխորոս Սեւիղղա Հիւսպաղացի մինչեւ ցամին 610։ Ապա Խղճփոնսոս Տողեղացի յաւել ինչ ինչ ի նոյն։ Խը ի մէջ Յունաց ի ժամանակին յայնմիկ (886) Փոտիսս հազարամատեան զրովի յորում բազում մատենագրաց միշատակիք յմեզ պահեցան։ Խսկ յարեւմուտոս յետ արանցն զորոց յառաջադոյն ասացաք եղեւ դադարումն։ Ոնորիսս երեց Աւիտինացի եւ Սիրերերտոս Կամբրացի սակաւ ինչ տեղեկութիւնս միայն նշանակեալ թողին։ Անտի անդր դարձեալ դադարումն մինչեւ ցհնգետառաներորդ դար, յորում Յովհան Տրիտոնեհայմ եղ գիրս Զեկեղեցական մատենագրաց. ապա ազնուագոյն եւս քան զնս Աւրերտոս Միրէոս մինչեւ ցիկս վեշտասաներորդ դարուն։ Այս ամենեցուն մատեանք՝ զորոց մինչեւ յայս վայր ասացաւ, ամիսովեալ կան ի գիրսն որոյ անուն կոչի Տուն դանձի եկեղեցական դրոց զոր ժողովեաց Ազրերտոս Փաբրիկոս։ Ապա ուրեմն երեւեցաւ Ռոր, Բեղղարմինոս, եւ յետոյ այլ եւս մատենագիրք նորոց ժամանակաց, եւ ի մեր աւուրս Միքայել Պերմանիդերեան եւ Մեղեր։

Դ. ԿԱՆՈՒՆԱԿԱՆ ԻՐԱԿՈՒՅՆՔ

Օյոր օրինակ զքաղաքական իրաւագիտութիւն մարթի օրէնս իմն բարոյից ազգաց համարել, այսպէս եւ զկանոնական իրաւունսն մարթի օրէնս բարոյից եկեղեցւոյ համարել։ Ապա իրաւունք կանոնականք ոչ ինչ այլ ինչ են բայց բովանդակութիւն օրինաց եւ կանոնաց զոր առաքեալք եւ հարք եւ

ժողովք հաստատեալ կացուցին վասն ուղիղ առաջնորդելոյ եկեղեցւոյ։ **Ճ**անաշել զկանոնս զայսօսիկ, եւ խելամնւտ լինել մտացն զօրութեան, եւ ստանալ զիմացութիւնն, եւ լաւ եւ բարւոք պատշաճեցուցանել՝ յօրինեալ կազմեն զկանոնական իրաւանցն գիտութիւն եւ զեկեղեցական իրաւագիտութիւն։

Ենդստին ի բանիցն ասացելոց դոյ զայս ինչ առնուլ ի միտ թէ զայս ամենայն իրաւանց իբրեւ զդրականաց եւեթ ճառէ դիտութիւնս, զաստուածեղէն իրաւունսն՝ աստուածխօսութեան թողեալ, եւ զբնականն՝ բարոյիցն փիղիսոփայութեան, եւ զքարզայինն՝ քաղաքական իրաւագիտութեանն։ **Ե**ւ զի այս գրականն իրաւունք եկեղեցւոյ կամ զըովանդակ իսկ եկեղեցւոյ է, եւ կամ զմասանց եկեղեցւոյ որպէս զՅունաց եւ զՎատինաց եւ զՀայոց եւ զայրոց, անդէն համօրէն յերկուս բաժանին եկեղեցականն իրաւունք, յօրոց առաջնն՝ հասարակաց անուանեալ կոչի, եւ երկրորդն՝ մասնաւոր։

Եւ գարձեալ զի կանոնք եկեղեցւոյ վասն բարոյից եկեղեցւոյ են, եւ եկեղեցւոյ բարոյք զպէսպէս իրօք գան, ապա ըստ պէտպէս գունակաց իրացն ի գէպ ուրեմն է եւ կանոնացն ազգի ազգի բաժանումն առնուլ։ **Օ**յ այլ է եկեղեցական իշխանութեանն իրաւունք եւ այլ բարերարութեան, այլ իրաւունք են մլրտութեան եւ այլ ձեռնադրութեան եւ այլ գարձեալ ամուսնութեանն։ եւ որ այլ եւս ըստ նիւթոցն բաժանմունք են։

ՊԼԱՏՈՆԻԹԻՒՆ. (**Օ**րինացն կամ կանոնացն տեսմիլ ի մօտոյ զդատաւորութիւն ի մէջ բերէ, եւ քան զդատաւորութիւն կանիւէ իրաւագիտութեանն յիշատակ, ապա ժամանակակից է միշտ օրէնսդրութեանն եւ իրաւագիտութեանն պատմութիւն։ **Վ**Ճ անագան ուրեմն սկիզբն եղեւ մատենադրութեան կանոնական իրաւանց, թէպէտ եւ անուանին ինչ

ինչ կանոնք որպէս առաքելոցն անուանեալ կանոնք, այլ ի մէջ քննչացն դժութիւն իմն է զնոցունց։ Ի Յունաց անտի երեւելիք յառաջին ժամանական՝ Թէոդորոս Պրոգրոմոս, Յովհաննէս Զօնարաս ի սկզբան երկոտասաներորդ դարու, որոյ մեծարոյ իմն կարծիք են առաջի իմաստնոց վասն իրաւանցն մեկնութեան եւ յետ նորա երեւելի թէոդորոս Քաղաքամոն, իսկ ի Հռոմայեցւոց՝ Ռոբանոս Մաւրոս, Հինկանարոս ռեմենացի, Անտոնիոս վերկեղացի որ զձեռնադրութենէ գրեաց։ ՀՅԵտայսորիկ երեւեցաւ Գրատիանոս, այն որ զիրաւունս հան ընդ իւր յաթոռ վարդապետութեան, սա զամենայն իսկ իրաւունս միանդամայն բովանդակեալ ամփոփեալ ճառեաց, եւ մարթի զսոյն նշանաւոր ինչ ժամանակ եւ նորոգութիւն եկեղեցական իրաւագիտութեան համարել։ Ասլ ապա ի հնգետասաներորդում դարու եհաս իրաւագիտութիւն ի ճշմարիան յառաջադիմութիւն եւ եղեն երեւելիք Դեկեղիոս, Կաւառոս, Կամպեղիոս վասն իշխանութեան ժողովոց, Ասեմանի որ զարեւելեան իրաց խօսեցաւ, Գերքերտոս, Վայթ, եւ Զաքարիա, որոց երկրորդն ընդդէմ Ռիքերեանցն խօսի, եւ երրորդն վիճի ընդդէմ Փերքրոնեայ։

Եթէ չգոյր ի միջի այս աստուածխօսութեանն գիտութիւն յայտնեալ ի բարերար ընութեանն առարջէ, տակաւին հազիւ հազ թէ ի ծագս սահմանաց մետափիւսկեան փիզիսոփայութեան հասեալ գեղերէին միտք մարդկեղէնք, եթէ արդարեւ մարթէին առանց մոլորութեան ի ծագ անդր հասանել, սաստիացեալ ի վերայ հրամանն արարջին թէ մինչեւ ցայս վայր եկեսցես եւ անդրէն ի քեզ փշուցին ալիք քո։ Ապա յառաջադիմութիւն իմն է մարդկեղէն իմացութեան աստուածխօսականն զիտութիւն եւ առաւելութիւն դիտութեան առաջնորդութեան մարդկեղէն կամաց, միով մասամբ իւ-

րով տեղեկութեան խորհրդոյ եւ միւսովին լաւութեան գործոց մարդոյ վերին դատաւոր, ուստի չիք ի մեծ եւս ատեան գիտութեան եւ իրաւագիտութեան բողոք կարդալ: Եւ ոչ եթէ ամուլ ինչ եւ անպառուղ յառաջադիմութիւնս է, զի ուր այլ եւս ամենայն մարդկեղենն գիտութիւնք ձեռն ի ձեռն տուեալ միմեանց իբրեւ զգունդս պարաւորացն օշ պնականք իբրերաց են, սակայն ամենայն ինչ ի բնութեան դադարէ, ոս միայն ուղղորդ զիւր արդասաւորութիւն ի վերայ կրօնիցն որ ի վեր իսկ քան զբնութիւնն է, աղդեցուցանէ, եւ է նա յետ աստուածեղեն զօրութեանն պատուար պատեալ զկրօնիք, եւ սովաւ ծնանին, մնանին, պաշտպանութիւն գտանեն կրօնք:

Օսոցունց զհետ դայ թէ որչափ օգուտ եւ հարկ կրօնիցն իցէ, ըստ նմին համեմատութեան եւ աստուածխօսութեանն շահք եւ պէտք: Ո՞չ զիտիցէ թէ սմին պարտի ամենայն Եւրոպէ զյօն գիտիցէ թիւն իւր, ոչ զբարոյիցն միայն այլ եւ բինուածութիւն իւր, ոչ զբարոյիցն միայն այլ եւ զբարոյիցն: Յորժամ ողջ մարդն իցէ, շառնութարւոք ի միտ զպատիւ բժշկական ճարտարութեանն կամ զբժշկացն պէտս, եւ գուցէ թէ արհամարհիցին եւս երբեմն բժշկացն նրբութիւնք: Ես պա հայեսցուք ուրեմն ընդ ժամանական որ տղէտ էին ի շահաւետ գիտութենէ աստի, եւ նոքին լինիցին յայտնական հանդէս յարդեանց իսկ իրացն գիտելոց: Յորժամ փիղիսովիայութեանն հրամանաց զըսելիս մատուցեալ յոզդողդ վարդապետութեանն գանդաւաշէին աղդք հեթանոսութեանն, ոչ զգաստասէրն Սոկրատէս զզդաստական կարգոն, ոչ աստուածապատումն Պղատոն զաստուածածառնոթ գիտութիւնն, եւ ոչ Զենոն յետ այնչափ վաստակոցն զառաքինութեանն տեսիլ եւ զազնուականութիւն սեռն եւ անխօսոն եւ անսպակ կալան, այլ ամենայն աղանդք փիղիսովիայութեանն

միանդամայն աստի անտի երթեալ անկան ի գող
սկեպտիկեան մոլորութեանն, եւ եկուլ այն ծով զա-
մենայն: Երանի թէ եւ ի մերցն ժամանակի իրաց
չդոյր հանդէս առ ի հաստատութիւն այնը որ առա-
ջին կայ: Ո՞ր այն խորխորատ մոլորութեան է, յոր
ոչ գայթակղեալ արկին զանձինս փիղխօսփիայք Ղու-
թերանոսաց կողմանն զրկեալք յայսր զիտութեանն
լուսոյ: Փիքտէ, Աքեղինդ, Հեղեղ յորդութեամբ
մոլորութեանն զամենաստուածութեան ուսումն արա-
րին մոլորութիւն դարուն մերոյ: Որոց վարդապե-
տութեամբ անհետ լինի ի միջոյ ամենայն համօրէն
փիղխօսփիայութիւն, եղծանի լաւի եւ չարի, ճշմար-
տութեան եւ ստութեան ընտրութիւն, աղատու-
թիւն ի բռնութիւն դառնայ, օրէնք բարերարք
շղթայք միայն լինին մարդկան եւ ոչ աղկք որ սի-
րով պնդեն զազատութիւն, յորոց իբրեւ յաղբերաց
եղծագործն ապականութիւն իբրեւ հեղեղ ընթա-
նայ ապականել զհիւսիսակողմն Գերմանացւոց աշ-
խարհին:

Այլ համօրէն աստուածխօսականն զիտութիւն
անցեալ կայ ի միջի մարդկութեան՝ լինել դատաւոր
աստուածուսոյց ի մէջ իշխանութեան եկեղեցւոյ եւ
թագաւորութեանց, ի մէջ ատենակալդատաւորաց եւ
պարտաւորաց, ի մէջ տեառն եւ ծառայի, ի մէջ հօր
եւ որդւոց, ի մէջ առն եւ կնոջ: **Համօրէն մարդ-**
կեղեն ընկերութեան յօրինէ զօդ եւ կապ, զիւրա-
քանչիւր անցնիւր պատշաճն ցուցանէ, ուսուցանէ,
թելադրէ:

Այլ ոչ եթէ վասն զի զամենայն աշտիճանօք
շրջե, վասն այնորիկ ամենեցուն հարկ իցէ ի գոյն
պարապել. զի զոր օրինակ վասն զի իմացութիւն
պիտոյ է ի բարւոք առաջնորդութեան մարդոյ ոչ
ամենայն անդամք իմանան, այլ մի միտք են որ ի-
մանան վասն իւրաքանչիւր անդամոցն, նոյնպէս շատ
եւ բաւական է եթէ ի բազմապատիկն մարդ, զըն-

կերութենէ ասեմ, իցեն ոմանք որ երեւեցուցանիցեն զիմացութիւն հանձարոյ : Ոչ ումեք այնպէս ի դէպ եւ վայելուչ է այն գիտութիւն որպէս պաշտօնէի աստուածութեան որ ունին զպաշտօնն հաշտութեան, որ հազարապետք են խորհրդոցն Աստուծոյ, եւ տաճար պատղամաց աստուածեղէն ճշմարտութեանն : Օքերանոյ նորա կախեալ կայ ժողովուրդն Աստուծոյ, բանն որ եւ ի շրթանց նորա վճիռ է ի միտս հաւատացելոցն, վարդապետութիւնք նորա վաղվաղակի արդիւնք լինին ի ռամկէ անտի, եւ է նա նոցա խորան վկայութեան ի վարանս տարակուսանաց նոցա : «Ամին իրի իսկ ոչ միայն օգուտ այլ եւ հարկ իսկ բռնադատիչ է այնպիսեացն ամենեւին վարժս ի վարդապետութիւն եւ հմուտս գիտութեանն քրիստոսի լինել, մանաւանդ իսկ զի հրամացին յաստուածեղէն օրինաց թէ շրթունք իւրեանց զգուշացին գիտութեան : Օչյս գիտութիւն պահանջեն ամենայն իսկ նկարագիրք քահանայի : Այս իսկ են նկարագիրք նորա . հաւանեցուցանել, ուսուցիչ, մսիթար, բժիշկ, հովիւ, հայր, գատաւոր լինել : Առանց գիտութեան չգայ մոլորեալն ի հաւան . այլ ճարտարախօս թէ առանց ճարտար գիտութեան իրացն վիճի, բազում անգամ պնդագոյն եւ հաստատուն ի կարծիս զհակառակորդն առնէ : Առանց սորա չկարէ բժիշկ հոգեւոր լինել յորժամ ոչ զախտիցն ընարութիւն գիտիցէ եւ ոչ զիւրագանչիւր գեղոցն պիտանութիւն . ուր զի ի տգէտ բժշկութեանն՝ վնասն անվրէալ իմն է իսկ օգուտն ընդ պատահարաւ, քանզի երկակողմանի է վնասակարութիւնն, զի եւ այն որ բժշկէն, այնու զի տգիտութեամբն բժշկէ, ընդ յանցանօք է : Եշ վասն հովուութեանն գարձեալ նոյն պիտոյ է . առանց գիտութեան ընտրին արօտք պարարտք ի վնասակարաց, եւ չմարթի արգելու զեսաշնն ի թունաւորն ճարակաց, զւարաչար մատենիցն ասեմ, որ ապակա-

նեն զբարս քաղցունս, եւ զգոյշ լինել յապականիչ ժանեաց ոչխարահանդերձ գայլոց։ Դատաւոր առանց գիտութեան դատաստանաց եւ իրաւագիտութեան չմարթի լինել. զի դատաւորի պաշտօն յանձն է նմա եւ ոչ օրէնսդրի, եւ չեն կամք եւ միտք նորա մատեան իրաւանց։ Հայր է եւ միսիթար եւուսուցիչ, պահանջնջէ ի նմանէ Առաքեալ զգիտութիւն զրոց սրբոց առ ի նիւթ վարդապետութեան իւրոյ։

ԵԿԵՂԵՑԱԿԱՆ ՊԵՏՄՈՒԹԻՒՆ

Եկեղեցական պատմութիւն է Պատմութիւն կրօնիցն Քրիստոսի։ Օք եթէ զվարդապետութիւն կրօնիցն զոգեալ բովանդակէ աստուածխօսութիւնն, զտեսականսն՝ Հրամանականն եւ զգործականսն՝ բարոյական աստուածխօսութիւնն, զերկոսին միանդամայն արդեամբք ի դործ մատուցեալ վիպասանութեամբ ցուցանէ եկեղեցականն պատմութիւն։ Աննարարն մեր՝ որ միջավայր եւ կենդրոն համօրէն պատմութեան է, այսօր պատմութեան ոչ միայն կենդրոն այլ եւ սկիզբն, եւ ոչ միայն սկիզբն, այլ եւ համօրէն իսկ պատմութիւն Քրիստոսի է այն որ յայտնէ զանձն ի համօրէն մարդկութեան։ Օք ի նմին տակաւ յայտնի ոգին Քրիստոսի ի մէջ զերդաստանաց եւ ազգաց եւ տէրութեանց յարուեստի եւ ի գիտութեան՝ առ ի փոխելոյ զայն ամենայն ի փառաւորութիւն Աստուծոյ։ Դան զի յորժամ դարձաւ նա առ Հայր իւր վասն կատարեալ եւ մշանջենաւոր գործելոյ զորբութիւն եւ զերանութիւն մարդկեղենն ազգի, աւանդեաց հոգեւորն ընկերութեան, եկեղեցւոյ ասեմ, զի երեւեսցի ի նմա հանապազորդ կենդանի, զերեսին օրինակս գործոց իւրոց զՄարդարէութեան (վարդապետութեան) եւ զՔահանայութեան եւ զթագաւորութեան, եւ երեւեցաւ սքանչելի կարդ եւ բաժանումն եկեղեցւոյ, Աւսուցիչ եւ Աւանող, Հրամանատու եւ Հնազանգեալ, Քահանայ եւ Ժողովրդական։

Ապա սպաս եւ պաշտօն եկեղեցական պատմութեան այն է՝ աղխել զգեպս եւ ցուցանել զկարդանպակաս յաջորդութեան անփոփոխական վարդապետութեան եկեղեցւոյ, եւ զաստուածեղէն սկիզբն եւ զանցս նուիրական պետութեանն (hiérarchie), եւ զտարածանել եւ զնուազել եկեղեցւոյ ի ժամանակո ժամանակո եւ ի տեղիս տեղիս :

ՊԱՏՄՈՒԹԻՒՆ. Ի սկզբանէ եկեղեցւոյ պատմութեան զրագիրը կամ ի Յունաց են կամ ի Հռոմոց : Եկտպատմութեանց կենացն Քրիստոսի որ առաջնորդն եղեւ եկեղեցւոյ, որը ի չորեսին աւետարանոն կան, եւ քարոզութեան աւետարանին ի ձեռն առաքելոցն զոր Ղուկաս պատմեաց ի գործս առաքելոցն նկարեալ ի խանձարուրս զեկեղեցի, Հեգեսիպպոս որ ի թլիատութենէ անտի քրիստոնեայ էր, գրեաց նաև յիշատակարանս զերացն որ յեկեղեցւոջ եղեն, որ եկաց ըստ Եւսեբեայ առ Ադրիանու (117 — 138) եւ ըստ Յերոնիմեայ առ Մարկեաւ Աւրեղեաւ (161 — 180) : Խայց քանզի ոչ ինչ կատարեալ էր գործն, յիրաւի ի դէպ է զԵւսեբիոս Հայր եկեղեցական պատմութեան համարել : Այս յետ զրելոյ յառաջադոյն զքրոնիկոն կանոնան, մատենագրեաց զեկեղեցական պատմութիւնն ի տասն դպրութիւնս մինչեւ ցամեն 324 : Առ ի յօրինելոյ զայն մատեան հրաման առեալ նորա ի մեծէն կոստանդիանոսէ եմուտ նա ի դիւան թագաւորութեանն ուստի զամենայն փութով յօժարութեամբ եւ հաւատարիմ մտօք ամփոփեաց, վասն այնորիկ մթերք իմն ծանօթութեանց կան ի մատենին որովք ի վերայ հասանեմք ամենայն բարուց եւ վարուց եկեղեցւոյ. այս ինչ միայն ըստգտանաց երեւի ի նմին զի առանց կարեւորն քննութեան մատենագրեաց : Ի կէս հինգերորդ դարու զԵւսեբեայ մատենագրութիւն յառաջ մատոյց (306 — 439) Սոկրատէս զոր ի կատարած կոյս է գարու թարգմանեաց ի հայ լեզու Փիլոն Տիրակացի . յառաջ մատոյց

(323 — 423) եւ Հերմիաս Սովոմենոս : Խթէ համեմատիցին սոքա երկոքին ընդ միմեանս, յայտ առնիթէ առանց հաղորդութեան միմեանց զպատմութիւննորին ժամանակի գրեցին : Ապա Թէոդորետոս կիւրացի (322 — 425) որ բազմօք անցոյց զառաջնովքն Պարեաց եւ Փիղոսատորդիոս գամրացի եւնոմիանոս՝ պատմութիւն եկեղեցւոյ (300 — 425) իբրեւ ի պատասխանատուութիւն արիանոսաց աղանդոյ, զորոյ զհատակոտորս միայն ունիմք ի Փոտիսսի մատենաշդարանին : Խթէոդորոս ընթերցիչ իսկզբան վեցերորդ դարու արար քաղուածոյս ի Սոկրատայ եւ ի Թէոդորետեայ յերկուս դպրութիւնս, մատոյց յառաջ եւ զՍոկրատայ պատմութիւն (435 — 518), յայնմ գրոց յորս յառաջն մատոյց հատակոտորք եւեթ կան առ Կիւկեփորայ Կազզիստեան՝ որ եկաց մատենագիր ի չորեքտասաներորդ դարու : Խւազրիոս ի կէս վեցերորդ դարու յառաջ մատոյց զՍոկրատայ եւ զԹէոդորետայ պատմութիւնն (431 — 594) : Ապա յաջորդեն զնոսա ի վեցերորդ դարուն մատենագիրք որ ի Կոստանդինուպոլիս երեւեցան . զորոց յետ սակաւ ինչ միոյ : Խսկ ի Հոռոմոց չերեւեցաւ ոք ի ժամանակին յայնմիկ մատենագիր եկեղեցւոյ պատմութեան որ յանձնէ քննեալ գրիցէ ինչ, այլ ամենեքին թարգմանիչք եւ քաղիչք էին Յունացն որպէս Որուփինոս երեց ակուիզէացի որ զԵւսելիոս փոխեաց ի հոռոմ լեզու, իբրեւ ի չորեքհարիւրորդ ամի, եւ զտասն դպրութիւնն յինն դպրութիւնս ամփոփեաց . եւ յառաջ մատուցեալ զզործն յաւել եւ զպատմութիւն արիանոսացն յերկուս դպրութիւնս մինչեւ ց395 : Խսկ ժամանակակից նորա Սուղպիկիոս Սեւերոս երեց գաղղիացի, որ քրիստոնեայ Սաղուստիոս անուն ժառանգեաց, գրեաց զպատմութիւն ի սկզբանէ աշխարհի մինչեւ ց400 ամ Տեառն, յորում կայ բաղում ինչ եւ զեկեղեցւոյ իրաց : Պաւզոս Որոսիոս սպանիացի յաղդէ որ նեղեալ ի հինէ եկն առ Աւ-

գոստինոս եւ Յերոնիմոս, Հրամանաւ Աւգոստինեայ զրեաց պատմութիւն ի սկզբանէ աշխարհի մինչեւ ցամն Տեառն 416, յորում յայտ կամի առնել թէ զհարուածոն որ հասին ի վերայ Հոռոմոց ի հինիցն արշաւանաց, չէ պարտ ընդունելութեան քրիստոնէութեանն զրել: Մարկոս Աւրեղիոս Կաստիոդորոս Հանդերձ Եպիփանեաւ ոմամբ արար քաղուածոյս ի Հոռոմոց լեզու ի Սոկրատայ, ի Սոզոմենեայ եւ ի Թէոդորետայ (Historia tripartita), եւ յառաջ եւս մատոյց զՍոկրատայ պատմութիւնն մինչեւ ցամն 518, որ ի միջնումն ժամանակի եղեւ այլոցն աղբեկը հին Եկեղեցւոյ պատմութեան: Դիոնիսիոս Եքսիգուոս Հոռոմ յազգէ հայր վանաց ի վեցերորդ դարու կացոյց զթիւ ամացն Քրիստոսի փոխանակ այլոց թուոց ամաց:

Այլ եւ հարքն մեր գեղեցիկ հոգ խնամոյ վասն յետնոցս կալան, զի առաւել քան զայլոց դպրութեանց մատենագիրս յաճախեալ են իսկզբանէ ի մերում ազգի Եկեղեցական դրագիրք, քանզի եւ որք զքաղաքային իրաց Հայաստան աշխարհին զրեցին խառնեցին եւ զեկեղեցական անցան: Անդրանիկ ամենայն Եկեղեցական մատենից մերոց Ագաթանգեղեայն է, որ զերկըորդ կատարեալ դարձ աշխարհին մերոյ նկարէ: Խբրեւ յառաջ իմն մատուցանէ զպատմութիւն նորա Փաւստոս Բուզանդացի, զոր չդանդաղեցին առաջինք ի թարգմանչաց մերոց փոխել ի հայ լեզու, թէպէտ եւ գտանի ինչ ինչ ի նմա առասպելական պատմութիւն, զոր մարթ է մանաւանդ ուղղել ի բուն մերազգեայ մատենագրէ, զՄովսիսէ Խորենացւոյ ասեմ, որ եւ մատոյցն յառաջ զպատմութիւն նորա եւ զոր յիրաւի ոք Հայոց Եւսեբիոս կոչեցէ, որ որպէս զքաղաքային նոյնապէս եւ զեկեղեցական հնութիւնս ազգին ի փոշւոյ դիւանացն հան երեւեցոյց աշխարհին մերում, եւ ցայսօր զարմացուցեալ սիրացուցանէ զմատենագէտո Եւրոպացւոցն: Առեալ տանի յառաջ զպատմութիւն նո-

րա Եղիշէ վարդապետ Վարդանանցն պատերազմու, զոր չզանգիստէ ոք արդեւք ըստ պարծանաց պատմագրութեանն հանել ի ճակատ ընդ կատիղինական եւ ընդ Յուգուրթական պատերազմին Սաղուստեայ: Վեծութիւն փառաց նորա արկ զստուեր իւր ի վերայ Ղաղարայ, թէպէտ եւ ոչ սա ետ տեղի ոսոխին իւրում հաւատարմութեամբ պատմութեան, այլ յաճախութեամբն պատմութեան զանցոյց զնովաւ: “Եա յառաջ իսկ քան զբաղումն ի նոցանէ մանաւանդ թէ նոցին թերեւս օրինակ մատենագրութեան եղեւ Կորիւն, որ զգործօն վարս վարդապետին յորդագոյն զրշաւն հար ի մատենի, եւ յառաջ իսկ քան զնա Զենոբ մասնաւոր իմն պատմութեամբ Տարօնայ: Օ Զենոբայ պատմութիւն մատոյց յառաջագէմ Յովհան Մամիկոնեան յեւթներորդում դարուն: Օ այնու ժամանակաւ երեւէր Շիրակունի ժամանակական կանոնօքն յորս կայ բազում ինչ եկեղեցական: Ի տասներորդում դարու Արծրունի մատենագրէր: Անդէն իսկզբան մետասաներորդն դարու երեւէլի լինէր Ստեփանոս վարդապետ Տարօնացի, որոյ անուն յորջորջանաց Ասողիկ կոչէր: Ապա երեւէր յորդագոյն քան զառաջինսն Յովհան կաթողիկոս, որոյ կայ եւ ուրոյն կարգ կաթողիկոսացն մինչեւ ցիւր աւուրս: Օ նա փոխանակէ Արիստակէս Լաստիվերտացի: Յերկոտասաներորդումն Մատթէոս Ուռհայեցի, Սամուէլ երէց: Յերեքտասաներորդումն Կիրակոս, Վարդան, Միհիթար այրիշվանեցի, Հեթում զիրաց Թաթարացն, ապա Ուռպակեանքն, եւ Մեծորեցի ի հնդետասաներորդ դարու:

Յետ մատենագրացն զոր կանխագոյն յիշատակեցաք բազում ժամանակս դրեթէ չերեւէր ոք որ յանձնէ մատենագրէր ինչ պատմութիւն ոչ ի Յունաց եւ ոչ ի Հռուսոնց միջի: Յարեւմուտս յետ նեղութեան հինիցն արշաւանաց ընդ դարս ինչ դրեթէ լուցին գիտութիւնք . բայց աղբեւըք եկեղեցւոյ պատ-

մութեան փութմով զգուշութեամբ ի վանորայս Բե-
նեղիկտեանցն պահէին : Խսկ որ յետ այսորիկ յաղգաց
աղգաց որոց հոռոմմ եւ գերմանացի ուսումն էր, գրե-
ցան եկեղեցական պատմութեան մատենագրութիւնք,
այնու իսկ իբրեւ նկարագրաւ ընտրութեան ի Յունաց
եւ ի Հոռոմոց մատենագրութեանց զատանին, զի չու-
նին ինչ փոյթ ի մահ համօրէն պատմութիւն ինչ եկե-
ղեցւոյ մատենագրել, այլ զիւրեանց գաւառին միայն
եւ զդրացի աշխարհաց պատմութիւն բաւական հա-
մարին, եւ մեծ մասն նոցա զեկեղեցական պատմու-
թիւն խառն ընդ քաղաքային պատմութեան ունին,
որոյ պատճառք այն են զի ի միջին ժամանակի անդ
գիրկրնդխառն էին եկեղեցի եւ տէրութիւնք : ‘Խախ
ի նոցանէ գրեաց Գրիգոր եպիսկոպոս Տորոնացւոց
քաղաքի, այլ առաւել զԳաղղիացւոց աշխարհէն
յաճախեաց խօսել : Ինդա աբեղայ անդղիացի որ
գրեաց ժամանակական կանոնս վասն վեցեցունց դա-
րուց, եւ մեւս եկեղեցական պատմութիւն Անդղիա-
ցւոց աշխարհին մինչեւ ց731: Խւ այլ եւս անբաւ
մատենագրութիւնք ժամանակականք խտաղացւոց,
Գաղղիացւոց եւ Գերմանացւոց աշխարհին, յորս
խառնեալ են պատմութիւնք եկեղեցւոյ :

Խսկ ի մէջ Յունացն որպէս յետ բաժանելոյ
նոցա յարեւմտից ոչինչ երեւելի մատենագրութիւնք
երեւեցան, նոյնպէս դուն ուրեք եւ անօսր էին ե-
կեղեցական մատեանք, եւ զի իրք եկեղեցականք
գամ քան զգամ նոււաճէին ընդ քաղաքային իշ-
խանութեամբ տէրութեանն, վասն այնորիկ եւ զե-
կեղեցւոյ պատմութիւն ընդ քաղաքային պատմու-
թեանն խառնէին : Խւ զայս արարին մանաւանդ
պատմագիրքն որ ի վեցերսրդ դարէ հետէ ի Կո-
ստանդինուպողիս մատենագրեցին զորս եւ Բիւզան-
դացիս անուանեալ կոչեն : Խ ի նոցա միջի երեւելի
Նիկեփորոս Կաղղիստոս ըստ հաւանութեան կար-
ծեաց երէց . սա ի չորեքտասաներորդ դարու գրեաց

Եկեղեցական պատմութիւն ի քառան եւ երիս գպըռութիւնս, յորոց ութեւտասն միայն մնացին եւ հասանեն մինչեւ ցամն 610:

Ի վեշտասաներորդում դարու յետ զութերի հերեսիութեանն, յայնցանէ որ զհետն գնացին նորա կամեցեալ պատմական ինչ հաստատութիւն ցուցանել զութերեայ գործոյն, Մատութիառմն Փղակիոս Վիւրիկեցի որ քարոզէր ի Մագդեբուրգ՝ հանդերձ այլ եւս չիմաստնովք աղանդոյն գրեցին պատմութիւն ինչ եկեղեցւոյ բաժանեալ ըստ իւրաքանչիւր դարու ուստի եւ Հարիւրեանքն (Centuriatores) անուանեցան: Բնդգէմ ել Հարիւրեանցն Աեսար Բարոնիոս որ յիրաւի եւ յարժանի եկեղեցւոյ պատմութեան անուանեցաւ հայր Երկրորդ. յառաջ մատոյց զմատեանն մինչեւ ցամն 1564 Աբրահամ պողոնիացի ի Կրակաւ, եւ Սպոնդանոս եպիսկոպոս Պամիկրո քաղաքի որ հասոյց մինչեւ ցամն 1640: Յետ այսորիկ երեւելի լինէր Անտոն Պագիոս: Յետ այսոց մատենագրութեանց մեծաւ փութով եւ յօժարութեամբ պարապել սկսան Գաղիացիք մատենագրել պատմութիւնս եկեղեցւոյ: Վանաւանդի Մաւրինեանցն եւ յազօթանացացն վանականաց եւ ի Յիսուսւեանց. անմահ յիշատակաց արժանի եղեն Ռիքեր, Դուպեն, Նատաղիս Ազեքսանդրոս, Փղեւրի որ հասոյց մինչեւ ցամն 1414, զնա յառաջ մատոյց Փաբէր, ապա Երեւելի լինէր Տիղղեմնստ, Բերկաստեղ. եւ ի մեր աւուրս Բղանկ, Յագէր, Ռորբաքէր եւ այլք: Խոկ յիտաղացւոց աշխարհին երեւեցան, Պաղպաւիկինի, Նորիս, Մամաքի, Սեղուագգիոյ, Պեղղեկկիա որ զեկեղեցւոյ հնութեանց ճառեաց, Ասեմանի Մանսի՝ ընծայեցոց զկատարեալ պատմութիւն ժողովոց, եւ յաւուրս յայսոսիկ Պաղմա, Դեղսիգնորի: Խոկ ի Գերմանացւոց կողմանս երեւելիք յաւուրս մեր Ռիտտէր որ է այժմ ուսուցիչ ի Բրեսլաւ քաղաքի, Աղայն, Ռուտտենստոկ, Բերթէս, Աղջող:

Յորժամ զարժանաւորութենէ դիտութեան իրիք զմտաւ ածիցէ ոք, երկու ինչ առաջի ընծայանայ, մի՛ թէ զի՞նչ ինքն դիտութիւնն իցէ եւ երկորդ՝ զի՞նչ մստակարարիցէ։ Առաջինքն զպատիւն ցուցանիցեն, եւ յետինքն զօգուան եւ զպէտսն ի կեանս կամ յայլ եւս դիտութիւնս։ Որպիսի ինչ պատմութիւն ունիցի եկեղեցականն պատմութիւն, թէ ոչ զպատմութիւն եկեղեցւոյ Աստուծոյ։ Չիք տէրութիւն եւ յօրինուած քաղաքային գեղեցիկ, զարմանալի, կարեւոր, մեծ, հին, տեւական քան զեկեղեցի զերկրաւորն քաղաք Աստուծոյ։ Եթէ ձեռք տեսչութեանն Աստուծոյ գործեն զգործ խնամակալութեան տիեզերաց, աջ ձեռն նորա զբաղեալ է ի գործ եկեղեցւոյ։ ապա չիք ինչ մասն տիեզերական պատմութեան սքանչելագոյն քան զեկեղեցական պատմութիւն։ Ոչ իշխանութիւնք եւ թագաւորութիւնք եւ տէրութիւնք խոնարհին առաջի կամաց եկեղեցւոյ, դուստր Ծուրայ երկիր պատանէ նմա, եւ հպարտ զագալթունք առնին կոխան սովից նորա։ Այն որ զսանձս ամենայն թագաւորութեանց ունի ի բոխն իւրում՝ ետ նմա սահման զամենայն իսկ զհամօրէն աշխարհ։ Այսմ տէրութեան եւ թշնամիք նորա թիկունք եւ նիզակակից են, քանզի հաղորդեալ իմն է նա աստուածեղէն բնութեանն . սերմն քաղաքացեաց է արիւն քաղաքացեաց իւրոց։ Եթէ զօգուտ պատմութեանս ածցուք զմտաւ, զամենայն իսկ համօրէն պատմութեան զշահս ամփոփեալ ունի։ Գեղեցիկ իսկ Դիոդոր զպատմութիւն օգնական յառաջահայեաց տեսութեան, քահանայ ճշմարտութեան եւ մայր վիլիսովիայութեան անուանեաց, որպէս եւ կամիզզոս առ Ղիւեայ ասէր. «Եթէ այս յիշատակարանք վարուց եւ կենաց չածին զքեզ ի խրատ, ոչ մի ինչ յիշատակարան խրատեսցէ զքեզ,,. այս ամենայն գեղեցիկ եւ կատարեալ վճարիցի ի ձեռն եկեղեցական պատմութեան։

Կատ եւ զայս իմն առանձինն շահս քան զայլ պատմութիւնն ունի զի յարդեանց անոփ տայ զկատարեալ ծանօթո թէ յԱստուծոյ է քրիստոնէութիւն եւ յԱստուծոյ է եկեղեցի. եւ բաղմամբոխ նահատակօք առաքինութեան յորս յետնեալ իմն գտանի արտաքինն պատմութիւն, յաստուածպաշտութիւն եւ ի լաւութիւն տանի: Օչսցունց եւ Եւսերիոս ճառեալ ասէ թէ “Այլոց պատմութեանց մատենագիրք զյազթութեանց եւեթ պատերազմի պատմիցեն, եւ թէ քանի նշան յազթութեան ի վերայ թշնամեացն կանգնեցաւ, եւ զերեւելի արութիւն քաջութեան զօրավարացն, եւ զպատերազմոզացն նահատակութիւն որք վասն որդւոց եւ աշխարհաց եւ արարոց արեամբ եւ ապաժուժաւ անհամար կոտորածոց զանձինս թագաւորութեան Աստուծոյ եթէ զպատերազմաց իմն պատմիցէ, խաղաղական պատերազմունս որ վասն ոգւոց խաղաղութեան լինիցին պատմէ, որպէս եւ նորին որ յայն ճակատու են, առաւել վասն ճշմարտութեան քան վասն հայրենի աշխարհին, մանաւանդ վասն կրօնից քան վասն ընտառնեաց իւրեանց եւ ազգականաց նահատակեցան, անեղծութեան արձան կանգնեցին, :

Աստուածախօսն որ յանձին իւրում բարձեալ երեւեցուցանէ յեկեղեցւոջ զիմացութիւն հանձարոյ. ուսմամբ եկեղեցւոյ պատմութեանն բաւական լինի տալ զհամար յօրինուածոց եկեղեցւոյ. եւ նովին ուսանիցի ի բազում կարգաց կենացն պատմելոց, ի ժամանակի իւրում առաջնորդել ոգւոցն, եւ դարձեալ նպաստ լինիցի նմա յուսումն աստուածխօսութեանն ճշմարտութեանց, զիրաւանցն ասեմ, եւ զմեկնութենէ, զհրամանական եւ զբարուցն վարդապետութենէ: “Եսյնպէս եւ արտաքին պատմութեանց մատենագիր եւ իրաւագէտն իրաւանց քաղաքի, դպրութեանցն պատմութեան պատմագիր եւ

փիղիսովոս առանց եկեղեցւոյ պատմութեան չմարթին կատարեալ լինել։ Արօտի արտաքին պատմութեանն մատենագիր, քանզի բազում ուրեք ընդ քաղաքային պատմութեանն խառնի գիրկընդխառն եկեղեցական պատմութիւն, եւ առանց այսր զայսմանէ չմարթի ճշդիւ ճառել, որ գէպ լինիցի մանաւանդ ի միջնում ժամանակին։ Խոկ իրաւագիտացն ցուցանէ պատմութիւնս թէ որպէս անհամար օրէնք եւ կանոնք ի քրիստոնէութենէ ելին եւ որպէս ամենայն կեանք եւ վարք ուղղութեան քաղաքայինք ի քրիստոնէական ողւոյն յարդարեցան։ Ուսուցանէ նա եւ փիղիսովիայիցն թէ որչափ յառաջադէմ եղեւ աստուածդիառութեամբ փիղիսովիայութիւն, եւ ծանօթական նմին առնիցէ զմեծամեծ փիղիսովիայս քրիստոնէութեանն զհարս եկեղեցւոյ առաջին ժամանակայն եւ զմեծամեծ Աքուղաստիկեանսն միջնոյ ժամանակին։

Ա ասն այնորիկ ոչ միայն բաւական է ածել ի հաւան այլ եւ զարմացուցաննել զմեզ երանելի վարդապետն Մաշտոց, որ արժանի ըստ իւրոց ազնուական եւ բարձրագոյն խորհրդոցն անդէն խոկզբանդպրութեան ազդիս մեծաւ փութով եւ յօժարութեամբ յանձն առնէր եւ հրամայէր աշակերտելոց առաջնոյ դասու իւրոյ զԵւսեբեան պատմութիւնն ի հայ լեզու փոփոխել, կըռեալ գեղեցիկ զպատիւ եւ զշահս իրացն ըստ բազում մասանյն ասացելոց։ Ապա թէ վասն երից դարուց եկեղեցւոյ այնպիսի հոգ ցուցանէր վարդապետս, զի՞նչ արդեւք եթէ ընդ մեզ զութեւտասն դար եւ զկէս դարու տեսանէր ի թիկունս իւր։

ՅԵՒԼՈՒՅ

ԱՐՈՒԵՍՏԳԻՏՈՒԹԻՒՆ ԵՒ ՎԵՃԱՌԱԿԱՆՈՒԹԻՒՆ

ՅԵՒԼՈՒՅ քան զբովանդակել զճառս նկարագրի ուսմանց, չէ պարտ առանց յիշատակելոյ թողուլ զերկոսին կարեւորագոյն ճարտարագիւն, որ թէ պէտ եւ չիցեն ուսումն եւ գիտութիւն, սակայն առ ի կատարեալ լինել եւ դալ ի կերպարանս՝ ուսումն եւ գիտութիւն պահանջեն: Օ արուեստգիտութեանէ եւ զվաճառականութենէ են բանքս: Կարեւոր հարկ եւ շահ օգտի սոցա ազգի մարդկան քան զոյս միջօրէի պայծառագոյն եւ լուսաւորագոյն է, վասն այնորիի աւելորդ իսկ համարիմք երկայն բանս տողել: Ամենայն պէտք մարդոյ, կերակուր եւ հանդերձ եւ բնակութիւն եւ կազմած այլովքն հանդերձ, ի ճարտարութենէ արուեստգիտութեան յարդարին. իսկ վաճառականութիւն իբրեւ միջնորդ իմն է, որ ի մօտոյ զպակասութիւն պիտոյիցն լնու եւ զկարիս կարօտութեանն բառնայ: * Նարագիտութիւն որ այնպէս կարեւորն է ի յառաջադիմութիւն արուեստի եւ ձեռագիտութեան, եւ զընութեան արդիւնս հանճարով եւ խելօք ազգի ազգի հնարիւք ի պէտս պէտս ի կիր արկանէ, եւ այնպէս ի լաւութիւն, ի գիւրութիւն եւ ի գեղեցկութիւն արգասեաց իւրաքանչիւր ճարտարութեան նպաստ լինի, յայտ է թէ բնական ուսմանց օգնականութեամբ կարօտ է, եւ մանաւանդ ի ժամանակի աստ յայսմիկ, յորում ուսողութիւն, մենքենական, քիմիական եւ փիւսկեան ուսումն, եւ բնական պատմութիւն սպասաւորք եւ արբանեակը են արուեստգիտութեան:

Վաճառականութիւն, քանզի տուրեւառիկ փոփոխումն է, եւ հաստատուն իմն եւ մենակերպ օրինոք գոնեայ ի մէջ ազգաց կրթելոց կատարի,

Հարկ է թէ պահանջիցէ զիսելամտութիւն օրինաց փոփոխմանն եւ իրաց փոփոխելեաց, զտեղեկութիւն բնութեան եւ ընտրութեան վաճառացն, զծանութութիւն բերոց եւ արդեանց իւրաքանչիւր աշխարհաց եւ գաւառաց ընդ որս տալն եւ առնուլ կամիցի: Եւ քանզի արուեստ եւս է վաճառականութիւն՝ ուստի շահ եւս շահել պարտ է, եւ ոչ լոկ տուրեւառ, պիտոյ է գիտել զհամար մտից եւ ելից ունել, ապա մասն ինչ ուսողութեան, երկրագրութիւն, պահանջի յառնէ վաճառականէ, եթէ օդտել եւ ոչ վեասել կամիցի: Յամենայն իսկ ազգս կանուխ ժամանակաց, որպէս առ Փիւնիկեցիս որ առաջին եւ նշանաւոր են վաճառականութեամբ, եւ յետոյ առ Յոյնս եւ առ կարքեղոնացիս, ի նոյցին գաղթականս, որպէս եւ առ Հայոյ որոց համբաւ ի վաճառականութեան յամենայն ժամանակս եւ համաշխարհական համարի, հաւանութեան է թէ գոյր ինչ կարգ եւ ուսումն առանձինն վաճառականաց, մանաւանդ ունելոյ զհամար կամ կրելոյ մատեան: Իսյց զվաճառականութիւն ի կերպարանս ճշմարիտ ուսման յարդարել լիներ մին ի մեծամեծ արժանեաց վեշտասաներորդ դարու, յորում ժամանակի էր տեսանել յամենայն կողմանց բղիսել եւ յորդել նոր նոր գիտութեանց, եւ բազմացուցանել զգերդառան համօրէն ուսմանց: Անչ Վաւրանն զզինուըրութեան արուեստ ի գիտնարար կերպարանս ընծայեցուցանէր, եւ Պարդիկս զնաւագնացութեան ճարտարութիւն ընդ օրինօք ուսման հնազանդէր, կացուցեալ ճշգրտութիւնս հաշուոց եւ համարոց ի յօրինուածնաւաց եւ ի վաստակս նաւալվարաց, յայնժամ եւ Սաւարի զվաճառականութիւն ընդ կանոնօք արուեստի արկանէր եւ յօրինէր այնպիսի իմն գիտութիւն, որ ցայժմ ոչ հաճոյ եւ ախորժական

եւեթ, այլ եւ օգտակար առնի ի դործ եւ ի ճարտարմութիւն վաճառականաց :

Այսչափ ինչ եւ վասն սոցին շատ համարեալ առ այժմ, յանդ հանցուք զերկրորդ զայս մասն, եւ հանդերձ նովին զրովանդակ իսկ զճառս նկարազրի ուսմանց : Այսուհետեւ դէտակն կալցուք յօժարութեամբ ընթեռնլեացն ընդունելութեան . յորոյ դարձ փոխարինի տացէ եւ ընկերութիւնն զձեռսն անխոնջ ի վաստակս, եւ ընդ սակաւ սերմանցն՝ որ սերմանեցանն ի ժիր ձեռաց խնամոտաց, տոհմականս արդեանց թերեւս հարիւրապատիկ ի նպաստ մատուցանիցէ, զի որ սերմանենն եւ որ հնձեն, զոյդ ուրախ լինիցին, մանաւանդ զի որ սերմանենն նորին են որ եւ հնձեն, մանկունք եւ ծնունդք հայաստան ազգին, յորոյ բարգաւաճանս եւ առ գութ՝ մեզ վշտանալ դիւրութիւն է եւ աշխատութիւն՝ հանդիստ : Աշ եթէ ջանիւ կամ մարթանօք մերովսանն արկցուք երբեք նախանձ յուշեղն եւ ի կորովի միտոս արամեան մանկուոյ, եւ ընդելուցանիցեմք զթեւսն ի թռիչս բարձրաբերձո իմաստութեան, օգուտ որ անտի լինիցի, նոցա գլխովին իցէ, պարծանք այնոցիկ՝ որ զբարեացապարտ բազուկսն՝ որոց չէ պարտ ամփոփել յօգուտ հայրենեաց, ինքնակամ կարկառուցուն . իսկ մեզ վարձք կամ փոխարէն հատուցումն կամ օճան բարեաց այն լինիցի, կալ եւ նայել մոռք բերկրելովք ընդ նոցա շահել եւ ընդ սոցա փառաւորել :

Գ Լ Ա Խ Խ Վ

ՊԱՏՐԱՍՏՈՒԹԻՒՆ

Ա. Գիր	1
Բ. Լեզու	9
Անպահական լեզու	22
ա. Պայման լեզուի թարգմանչաց եւ նոցին աշակերտաց առաջնորդ	25
բ. Պայման լեզուի երկրորդ աշակերտաց	30
գ. Պայման լեզուի յետ երկրորդ թարգմանչաց կամ ի հինգերորդ դարէ մինչեւ ցԳԺ. եւ անտի մինչեւ ցՂԺ. դար	41
դ. Պայման լեզուի զոր պարտ է մեզ ունել յարդի ժամանակս	45

ՄԱՍՆ ԱՌԱՋԻՆ

ԳԵՂԵՑԻԿ ԱՏՍՄ ԱՏՆՔ

Ա. ԳԼՈՒԽ. Դապրութիւն կամ քերականութիւն	49
Բ. ԳԼՈՒԽ. Բանաստեղծութիւն կամ վիզասանութիւն	67
Գ. ԳԼՈՒԽ. Ճարտարախօսութիւն	96
Դ. ԳԼՈՒԽ. Պատմութիւն	115
Տիեզերական պատմութիւն	134
Մասնաւոր պատմութիւն	138
Երրայական պատմութիւն	138
Տոհմային պատմութիւն	142
Հռոմայեցւոց պատմութիւն	147
Ժամանակախօսութիւն	153
Երկրագրութիւն	163

ՄԱՍՆ ԵՐԿՐՈՐԴ

ԳԵՑՈՒԹԻՒՆՔ

Ա. ԳԼՈՒԽ. Ուսողութիւն	196
Համարողութիւն	211
Նշանագրովք համարողութիւն	216
Երկրաշափութիւն	219
Բ. ԳԼՈՒԽ. Փիւսկեան գիտութիւն	228
Մենքենական ուսումն	254
Գիսիական ուսումն	264
Գ. ԳԼՈՒԽ. Բնական պատմութիւն	277
Դ. ԳԼՈՒԽ. Փիղխոփայութիւն	293
Ե. ԳԼՈՒԽ. Բժշկական ճարտարութիւն	310
Զ. ԳԼՈՒԽ. Իրաւագիտութիւն	328
Է. ԳԼՈՒԽ. Կուիրական ուսմունք	337
Ա. Աստուածխօսութիւն	337

Բ. Արեկնողական	341
Գ. Տեղեկութիւն հարցն գրոց	344
Դ. կանոնական իրաւունք	346
Եկեղեցական պատմութիւն	352

Յ Ե Ւ Ե Լ Ո Ւ Յ Ծ

Արուեստդիտութիւն, եւ վաճառականութիւն 362




Ա ՀՅԱՆ ՊԱՐԱ

ՊԵՏՐՈՎԻԱՆ ԱՆ ՀԱՅԱՍՏԱՆԻԱՆ ՔՐԵՇԵՐԱԿ ՄԱՆԻԾ

ԳԻՆ ԱՆՎԱՐԴՆ	ԳԻՆ ԱՆՎԱՐԴՆ
Գիլլուարտ. Բռվանդակութիւն բռվանդա-	
կութեան սրբոյն Խռմայի	10 —
Հաբերտ. Աստուածաբանութիւն	1 30
Վերականութիւն գաղղիերէն լեզուի .	1 15
Վ արժութիւն մանկանց	— 24
Պատմութիւն վարուց մեծին լուսան-	
դիանոսի	— 48
Ասորագրութիւն Վեննայի	1 20
Խռուաբանութիւն	— 30
Լոշումն ընծայութեան	2 —
Ելիարհագրութիւն Համառօտ	2 —
Վերականութիւն խոպերէն	1 —
Բառարանի հայէ ի տաճիկ	1 24
Բառարանի տաճկականէ ի հայ	2 36
Վ այելագրութիւն Կ հատուած	6 —
Վերականութիւն Հայերէն կրթութեամբ	1 6
Վերականութիւն Հայերէն, առանց կր-	
թութեան	— 50
Վերականութիւն Հայերէն, գրաբառ	
վարդապետութեամբ	— 50
Կրթութիւն գործնական	— 16
Տեսութիւն երկրագնտոց	— 36
Հրահանգք աստեղագիտական ի վերայ	
դիսաւոր աստեղաց	— 40
Բռուեատայ Խօսպ վասն տիեզերական	
պատմութեան	2 —
Բնական դիտութիւն	1 40
Բնական պատմութիւն Ա. Արան	1 —
Բ. Գ. Մասն	1 —
Վ. Կեպոսայ Վարք ջօրավարաց անուա-	
նեաց	— 48

	Գ. Բ. Ռ. Ա. Հ. Վ. Շ.	Գ. Բ. Ռ. Ա. Հ. Վ. Շ.
Դ. Ուակինեայ Երգք վասն կրօնից	1 —	
Ա. Ծենեդիկոսի Կանոնք	— 20	
Վ. սենոփոնաեայ Վիւրոսի Խրատ	— 48	
Նոր Քերականութիւն գաղիերէն . Ա. Հատոր . Քերականութիւն եւ զրագիւթութիւն	1 12	
Բ. Հատոր . Արթութիւն	1 —	
Գ. Հատոր . Արթութեանց որբագրուածը	— 20	
Ուսողութիւն . Ա. Տոմար . Համարողութիւն եւ Նշանագրովք համարողութիւն (ալճեպրայ)	2 —	
Շարտարախօսութիւն	— 40	
Ա. Տ. Վիկերոնեայ , վասն ծերութեան այելլագրութիւն տաճկերէն	4 —	
Ա. Կուրտեայ Ուուփայ Վասն գործոց եւ արութեանց Ռ. Ղեքսանդրի արքայի Ա. ակեդոնացւոց	—	
Հրահագք աստեղագիտական ի վերայ երկնագնդոյ	24	
Ակարագիր ուսմանց		



Ա. ՀԱՇԻՏ ԱՐԱՄԵԸՆ ԷՆԿԵՐՈՒԹԵԸՆ

Ի սկզբանէ հաստատութեան նորա յ1 Յունիուարի 1843
մինչեւ յ30 Յունիսի 1845:

Գլուխ գումար	Անուանք	Աւուլք յորում գրեցանն	Բաժին դրամ.	Գլուխ
	Աղնուական եւ Աղդասէր			Արձ.ք.
	Ընկերացն			Արձ.ք.
5	Արելեան Պարոն Գրիգոր . . .	10	Ապրիլ 1843	2 200
7	Ազարեան Պարոն Յովհաննէս .	1	Դեկտեմբ. 1843	3 300
21	Ալահվերտեան Արքահամմիրայ	11	Ապրիլ 1845	1 100
22	Ալահվերտեան Անտոն Պէտ . .	11	Ապրիլ 1845	1 100
3	Ապրօեան Պարոն Աբրահամ .	10	Ապրիլ 1843	2 200
4	Ապրօեան Պարոն Ստեփան . .	10	Ապրիլ 1843	4 400
20	Բավլօ Պարոն Մկրտիչ . . .	1	Յունիուար 1845	1 100
16	Եղիսարէթուազօլոյ յարդոյ Հա-	8	Յուլիս 1844	1 100
	սարակութիւն	10	Ապրիլ 1843	5 500
2	Եռևառութեան Պետրոս Ամիրայ .	4	Յունիս 1845	1 100
23	Զէմպէրէքնէան Պետրոս Աղա .	30	Սեպտեմբ. 1844	3 300
19	Լազարէվ Պարոն Խաչատրութնէր-	14	Դեկտեմբ. 1843	1 100
	դործ. խորհրդական եւ սենե-	4	Դեկտեմբ. 1843	2 200
	կապէտ Կայսէր Ռուսաց . . .	10	Դեկտեմբ. 1843	2 200
12	Կարապետեան Պարոն Յովհաննէս	11	Դեկտեմբ. 1843	1 100
8	Համսօն Պարոն Վիլէն	18	Ապրիլ 1844	1 100
9	Ճէվահիրճնէան Պարոն Գրիգոր	20	Դեկտեմբ. 1843	1 100
11	Մանասնէան Պարոն Բուղանդ .	4	Մարտ 1843	5 500
15	Մ. Ա.	31	Յուլիս 1844	1 100
13	Նիկողայոսէան Պարոն Ղազարոս	1	Դեկտեմբ. 1843	2 200
1	Ռաֆայէլ Ղարամէան Պարոն Ա-	11	Դեկտեմբ. 1843	1 100
	ղէքսանդր Ասպետ	27	Յուլիս 1844	2 200
18	Սամոշույլարու յարդոյ Հասա-			43 4300
	րակութիւն			
6	Սարգսէան Յակոբ Աղա . . .			
10	Սարգսէան Պարոն Ռուսով			
17	Տիւզէան Յակոբ Զելէպի . . .			

Ե Լ Ք

Վասն Դրոշմելոյ հայերէն, տաճկերէն, գաղղիե-

րէն եւ լատիներէն Յայտարարութեանց

Ալմագրութեան եւ գրոշմելոյ թողթոյ հաս-

տատութեան

Կնքոց Ընկերութեանս

Թղթաբերի եւ անցուցանելոյ զդրամնն .

Դրոշմելոյ Նկարագրի ուսմանց 16 թերթ,

500 օրինակ

Արձաժ Ֆիոր	
29	—
11	—
14	40
3	18
266	42 324 40
273	22
51	18 324 40

Մ Ա Ւ Տ Տ Ք

Ըահ 4 վերադոյն դրեալ 4300 դլիսոյ դրամոցն

մինչեւ յայսօր

Պակասի, զոր անցուցանեմք յԲ. հաշիւն

ՊԱՅՄԱՆՔ ԲՆԿԵՐՈՒԹԵԱՆ

Ա. Որ կամիցի մոտանելի համար անդամոց ընկերութեան, տայցէ մի անգամ եւեթի մշտնջենաւորս 100 փղորին Աւստրիացոց : Բայց առասամիտ կամաց տուողացն չիք չափ եւ սահման . որչափ եւ միտք ուրուք ախորժիցեն եւ եռանդն եւ գութ ընդ ազդին օգուտ, տացէ : Դարձեալ, որ կամիցի նուազագոյն քան զ100 փղորինն տալ վասն բարերարութեան միայն, ընդունիմք եւ զայն շնորհակալութեամբ : Եւ որ զինչ ուրուք տուեալ իցէ, զայնը թուղթ հաստատութեան ընկալցի իւրաքանչիւր ոք ի Միարանութենէս ի մշտնջենաւոր պարծանս տուողին եւ ամենայն ազգատոհմին իւրոյ :

Բ. Մի իւրաքանչիւր յանդամոց ընկերութեան, որոց 100 փղորին տուեալ իցէ, ունիցի իշխանութիւն առնուլ ի Միարանութենէս մի մի օրինակ յամենայն գրոց ընկերութեան : Իսկ որք առատութեամբ երկպատիկ կամ երեքպատիկ եւ կամ աւելի եւս տուեալ իցեն, նոքա ունիցին իշխանութիւն երկուս կամ երիս կամ աւելի ըստ իւրաքանչիւր չափոյ տրոցն առնուլ :

Գ. Մատեանք որ սորին ընկերութեան ծախուք դրումիցին, կարի թեթեւագնի վաճառեսոցին, զի ամենեցուն մարթ իցէ ստանալ . բայց զի մի ոք համարձակեսոցի ինքն սակաւ գնոց առնուլ, եւ այլոց որ չիցեն տեղեակ, ծանրագնի վաճառել, իւրաքանչիւր գրոց զինք անդէն ի վերայ գրոցն յայտ առնին թէ քանոյ իցեն :

Դ. Որ ինչ ի վաճառելոյ անտի գրոցն ժողովիցի, այն ի մուտս անդք դրամոցն յաւելցի :

Ե. Ամի ամի բարերարացն անուանք, եւ մուտք եւ ելք արոց նոցա ցուցցի ճշգրիտ հաշուով հանդերձ հաւատարմութեամբ եւ շնորհակալ մոռք :

Զ. Գիրք ընկերութեանս սյսորիկ ուսումնականք եւ բանասիրականք լինիցին ի հայ լեզու :

Ի Վիեննա ի Վանո Պատոպան Սուրբ Աստուածածնի է դլխաւոր տեղի, ուր մարթիցին մոտանել իթիւ անդամոց ընկերութեան, որք կամիցինն . նոյնպէս ի կոստանդինուպողիս, ի Զմիւռնիա, ի Թրիէստ, եւ այլ ուր ուրեք եւ գտանիցին ի մերմէ Միարանութենէ : Իսկ որ յայլ քաղաքս գտանիցին, կարօղ ևն սոցա յայտ առնել թղթովք զիւրեանց միտս, գրել ի համար ընկերութեան : Որ միանգամ տանն կամ յղեն առ նոսա զդինսն, առ անգամ մի առնուն ի նոցանէ ձեռնաւգիր հաստատութեան, մինչեւ ապա զբուն հաստատութեան նամակն ի Միարանութենէս ընկալեալ զառաջինն յեսս դարձուցեն :

